

四川大學古籍整理研究所編

儒藏

史部
第九十三冊

四川大學出版社

B222

30

(93)



儒藏



四川大學古籍整理研究所 編

儒藏·史部

儒林年譜

第四十三冊

四川大學出版社 二〇〇七年

國家「211工程」重點學科建設項目

國家「985工程」創新基地規劃項目

中國孔子基金會重大項目

目錄

校經叟自訂年譜	清·李富孫 自撰	一
雷塘庵主弟子記	清·張鑑等 編撰	五一
王伯申先生年譜	閔爾昌 編撰	五六七
顧千里先生年譜	趙詒琛 編撰	六一七
武進李先生年譜	清·蔣彤 編撰	八三九



儒藏

目錄

校經叟自訂年譜

清·李富孫 自撰

李文澤 校點

刁忠民 一審

蔣宗許 二審

清道光二十四年刻本

《校經叟自訂年譜》，清李富孫自撰。清道光二十四年嘉興李氏刻本。

李富孫（一七六四——一八四四），字既方，別字薌沚，號校經叟，清浙江嘉興人。嘗從學於王昶、阮元。嘉慶七年朝考，列二等，歸班銓選，不就職而辭歸，歷主金華麗正、永康從公、義烏繡川、金壇金沙、海昌安瀾、石門傳貽諸書院。於道光二十三年十一月病卒，年八十。嘗受聘纂修《嘉興府志》、《嵊縣志》，於七經異文多有考定，撰有《周易異義》三卷、《周易異文釋》六卷、《書經異文釋》二卷、《詩經異文釋》十五卷、《禮記異文釋》、《春秋三傳異文釋》、《漢魏六朝墓銘纂例》、《鶴徵後錄》等，手編文稿十卷。

此譜為李富孫自編，起自生年即乾隆二十九年，至道光二十三年十一月止，距其卒僅一月有餘。是譜敘其生平、著述頗簡要而賅備，其中記載道光年間英軍入侵吳中、飢民騷亂事，並可與史籍相映證。卷末附錄徐林衡、李同壽後跋，載年譜刊刻緣起。李同壽為譜主嗣子，稱其父卒後，懼事蹟湮沒，故先行將年譜付梓刊行於道光二十四年云。

校經安自訂年譜

乾隆二十九年甲申八月初九日辰時生。

曾伯祖花農公命名富孫，以是日平氏開張天和典於中市。

三十季乙酉二歲。

三十一季丙戌三歲。

三十二季丁亥四歲。

三十三季戊子五歲。

三十四季己丑六歲。

冬入塾，從湛園從叔於息游艸堂。時先君子客督糧道陳



公夢說幕中掌書記脩僅六十金不贍所用先母徐太孺人勤儉性成日坐紡車拮据料量余與伯兄超孫仲姊三人頗能耐苦衣不紵綺冬則故絮布被下惟草席一領鋪墊稻艸而已食亦稱是。

三十五季庚寅七歲。

偕伯兄讀書息游艸堂憶陳紅樵襄錢北山臨胡良思駿三老人時來艸堂與樸谿從祖閒語北山老人長髯足跛乘竹椅二人舁之。

三十六季辛卯八歲。

偕伯兄讀書息游艸堂。

三十七年壬辰九歲。

偕伯兄從假山李先生讀書寸碧山堂。是歲陳公夢說以
事望誤歸。先君子爲衢州太守王公士澣延入幕中。

三十八年癸巳十歲。

偕伯兄從張蘭皋表叔氏大德讀書寸碧山堂。時同塾者

朗山族祖、大鳴宗叔、海門宗兄、鄭芑章、丁誠之兩表兄。

三十九年甲午十一歲。

偕伯兄讀書寸碧山堂。時蛻菴先生年七十餘，倦游在家。

伯兄初應童試。

三十九年乙未十二歲。



儒藏

校經叟自訂年譜

偕伯兄讀書寸碧山堂。旭齋從叔亦來同塾。

四十一年丙申十三歲。

偕伯兄讀書寸碧山堂。時余讀周易。先母伯姊氏篝燈夜紡。余就燈火誦次日所欲授之書。

四十二年丁酉十四歲。

偕伯兄讀書寸碧山堂。三月。後官大學士謚文端學使王公杰科試嘉興。蘭皋表叔考取選拔。

四十三年戊戌十五歲。

蘭皋表叔入都。朝考。偕伯兄復從湛園從叔於張氏宏雅堂。宏雅老人極稱余兄弟二人肯潛心誦讀。時讀經畢。

讀先輩文、學作時藝、湛園從叔以文理清順爲喜。

四十四年己亥十六歲。

偕伯兄讀書宏雅堂。秋患痢沈絛兩載、廢書。夏伯兄入府庠。

四十五年庚子十七歲。

春患痢未愈。夏初、蔣槎客姨夫診用黃連、始瘳。時披閱四子書、掣究義理、仍自課誦作文藝。

四十六年辛丑十八歲。

從王秋坪表叔氏讀書於其家、旭齋從叔亦同塾。初應童試。



四十七年壬寅十九歲。

讀書王秋坪表叔家。正月敬堂從祖自楚北解組歸時往聆講藝。從祖命字旣方別字薌子。秋衢州王太守以事被累落職先君子爲常山宮明府履基延至幕中。

四十八年癸卯二十歲。

從祖招同慶百從弟讀書於願學齋朝夕聽講論時藝之外兼及經史古學。手授日知錄今日讀十葉言此書三通之精華也熟復之必有得於明體達用始知求經學誦文選學古今體詩并縱覽先徵士公所藏諸書偕伯兄慶百從弟丁誠之沈蘊真兩表兄同結文課請正於王碧山先

生焯。

四十九年甲辰二十一歲。

讀書願學齋。搗齋從叔亦來同塾。讀漢唐注疏。作十三經注疏會記。并參究宋元諸儒及本朝陸清獻湯文正張楊園先生之書。於省身克己稍有所得。十月。學使諸城寶公光鼎歲試入學。搗齋從叔入府庠。十二月。偕伯兄丁誠之表兄舉埋齒會。自後三年一舉。

五十年乙巳二十二歲。

讀書願學齋。從祖命伯兄慶百從弟同課詩賦。每月一課。每日作古今體詩一首。夏大旱荒。斗米五百餘錢。定聘同



儒藏

校經叟自訂年譜

里郡廩生王秋練公澄女。是歲與先君子同客黃巖穆明府林幕。

五十一年丙午二十三歲。

讀書願學齋。偕伯兄、慶百從弟、丁誠之表兄同課文。就正於里中沈雅夫先生芳潤。夏、慶百從弟入學。秋、從祖率余兄弟三人往虎林應省試。時隨從步游西湖。冬、後官大學士謚文正。前任學使大興朱公珪月課取列超等第三名。伯兄、慶百從弟皆列一等。

五十二年丁未二十四歲。

櫛坪宗叔延訂課其子汝梅於碧山堂。偕介石族祖旭



齋從叔伯兄慶百從弟結慎交文課請正於禾中金樊圃先生。學超。秋患傷寒病劇不能應歲試。伯兄考取一等三名補廩。是歲先君子客紹興孝太守。順阿幕。

五十三季戊申二十五歲。

館寸碧山堂。夏學使朱公科試取一等第六名。古學取二等。偕伯兄應選拔試。伯兄取第三名。備貢秋省試。伯兄薦而不售。冬娶王孺人。始製羔皮套織絨棉綢袍二件。

五十四季己酉二十六歲。

館寸碧山堂。秋省試同考官處州麗水縣韓公。某得卷呈薦主司諸城竇公。以詩內謄錄誤寫一字見黜。每晚放館。

至願學齋與伯兄慶百從弟課詩一首迺歸。冬補廩膳生。五十五季庚戌二十七歲。

館寸碧山堂。學使諸城寶公歲試取一等第二名。學師車

公向榮李公

承烈

舉報優行。古學取二等。是歲先君子客

臨海穆明府幕。九月生一女十餘日而殤。

五十六季辛亥二十八歲。

就館虎林何宅。以文藝請正於南塘別駕常州謝公。倬遂

執摯門下。每月課藝。仍請樊圃先生評閱。學使寶公科試

仍取一等第二名。杭州郡守明公。保考取入敷文書院

肄業。

五十七年壬子二十九歲。

館虎林肄業 敷文書院得交後官倉場侍郎莫公晉與

禾中後官縣令黃君灝往來甚密。學使竇公咨取考優謁

見盧學士抱經先生文弢以所著雜說就正稱爲可畏并

令門下臧君在東出見謂可相與攷質始製羔皮袍一件。

五十八年癸丑三十歲。

館虎林撫軍吉公慶甄別 敷文書院取入內課。學使李

公潢歲試取一等第九名。學師仍舉報優行。是歲伯兄亦

館虎林閔氏同肄業 敷文書院。

五十九年甲寅三十一歲。



館虎林以詩文請正於大興方明府維翰得與後同選拔

官江防同知陳受生鴻壽定交學使李公科試取列二等

八月生子又不育是冬從祖歿先君子客會稽邢明府澍

幕

六十季乙卯三十二歲

館虎林正月大母徐太孺人棄世享壽九十侯六月方謀
稱觴而遽罹大故先君子哀痛備至先君子因目眚不出
門伯兄復館萬善堂課東宿從叔秋領鄉薦先母患左脇
痛醫藥罔效冬間卽臥牀學使李公咨取考優以先母病
不赴輯李鼎祚易解賸義三卷成盧抱經學士作序後葉

入桐鄉顧氏讀畫齋叢書。

嘉慶元年丙辰三十三歲。

伯兄公車北行，應禮部試。余館萬善堂，課東宿從叔。今河南縣令聲玉族祖亦來從學。五月，先母徐太孺人棄養，憂居讀禮。秋，今官保節相學使儀徵阮公元歲試禾郡，詢朱竹垞太史暴書亭，久已傾廢，屬郡尊伊公湯安重建，并和太史百字令，索曹次岳畫竹垞圖一闕。余與里中諸君皆爲和呈，竝彙入竹垞小志。冬，與伯兄分爨，無泉刀粟米之儲，惟瘠田共二十三畝五分而已。

一季丁巳三十四歲。



儒藏

校經叟自訂年譜

禾中盛春山上舍

如柏

延課其子於禾城新居東宿從叔

偕往讀書謁見沈雙湖吏部

叔堦

錢裴山郎中

楷

馮孟亨

侍御

浩

鷺庭太史

集梧

諸公皆敘先世交誼纂輯康熙乙

未詞科鶴徵錄因從沈吏部及德清徐君

懋學

借閱書籍

廣爲揆采成十卷秋學使阮公按試禾郡錄呈一秩試畢

進見大加稱善與後官方伯繼昌公子定交晉謁郡尊伊

公遂執摯焉先君子家居時花疊石與繆丈廣期徐秋江

舅氏往來問語尙爲怡適暴書亭成余賦長排六十韻亦

槩入竹垞小志阮公偕郡尊伊公嘉秀兩邑侯親至暴書

亭以落之

三季戊午、三十五歲。

館禾中盛氏、錢裴山郎中令從弟、今廣文。希憲來從學。秋、

郡尊伊師招吳澹川明經。文溥泊余偕公子、今官少司寇

鍾昌至虎林、住吳山片石居公館、并代書記事。謁見後官

撫軍方伯謝公。啟昆後官少司寇觀察浙西秦公。疏謝公

索覽鶴徵錄、時阮公以鶴徵錄屬浦江戴學博。殷海仿詞

科掌錄增入詩文、爲康熙己未制科類編、秦公編爲己未

詞科錄。謝公見贈西魏書、勝朝殉節諸臣錄及自著詩稟。

八月、服除。

四季己未、三十六歲。



館禾中盛氏。秋後官戶部尙書說文清學使諸城劉公環之歲試取一等第九名。學師舉報優行。公考優。以經解古學並試。稱余卷條對詳明。試畢。傳闔郡知名之士十二人進見。余亦與焉。并言來歲選拔不出爾等中人。學生盛某入學。盛氏先世未有列膠庠者。

五季庚申三十七歲。

郡尊伊師纂修嘉興府志。開局於鴛湖書院。招與纂輯同事十二人。學使劉公科試取一等第二名。古學取第一名。經解取第二名。選拔取第一名。備貢取二名。慶百從弟在備取。與今官副憲平湖朱君爲弼今官粵東刺史桐鄉金



君錫鬯定交。七月，志局竣事，伊師復訂至署中，與海鹽吳侃叔明經東發總纂成書。與公子鍾昌定交。九月，鹽運判于君鵬圖延課其子。今官湖北州判普保於武林公館。撫軍阮公送入紫陽書院肄業，遂執摯門下。

六季辛酉，三十八歲。

館虎林，撫軍阮師送入敷文書院肄業。青浦王蘭泉少司寇昶主講席，與敬堂從祖鄉榜同季，謁見意甚殷勤，講學論文，備極勗厲。夏，鹽政延公豐纂修鹽法志，設局於西湖，訂與纂輯，辭任校勘。與湖州陳學博焯同寓湖上，漱石居。阮師又送入詒經精舍肄業。謁見錢唐梁學士山舟先

生同書并質問已未鴻詞諸公事跡亦未能盡悉。七月感冒患三陰瘧不能應闈試。慶百從弟以優貢成均。

七季壬戌三十九歲。

正月抱病偕伯兄慶百從弟北行抵京寓全浙會館。瘧病時發謝酬應不掃公卿之門。五月錢裴山郎中招寓邸舍。六月朝考入貢院覆取二等四名赴保和殿覆試列三等四名歸班銓選。裴山郎中暨諸城劉師欲挽留在京因病辭。七月偕今湖北縣令平湖韓君維鏞慶百從弟附漕艘回南。十月初抵家瘧病仍未能止。

八季癸亥四十歲。

春署郡尊李公

廣芸

札薦至寧波李平山太守

坦

閱府試

文卷幕中胡君篋軒

震

頗工詩出吟橐見眎遂與定交歸

至省謁見阮師仍送入詒經精舍閩中陳編修

壽祺

主敷

文講席以閩學使恩公

溥

需人襄閱文卷屬向阮師薦引

一人阮師卽以余薦先君子以道遠不許就辭四月偕介

石族祖往溧陽馮椒園表叔氏縣署閱試卷歸過吳門謁

見錢竹汀宮詹於紫陽講院以墓銘纂例就正從臾梓行

許作序言未果秋後官方伯浙西觀察袁公

秉直

札薦金

華嚴太守

榮

襄閱府試文卷同閱者後官廣東縣令石門

吳孝廉

文照

仁和吳廣文

鴻達

吳縣席孝廉

珍

遂面訂教



備藏

校經叟自訂年譜

讀一席。

九季甲子、四十一歲。

嚴太守延至金華郡署、課其子、今雲南縣令良表、今編修

江西建昌知府良訓、今江西候補縣丞良桓、阮師薦兼掌

麗正書院。嚴太守以吳縣吳枚菴翌鳳所選唐詩屬補小

序。

十季乙丑、四十二歲。

館金華兼主麗正書院。婺郡多溺女、雍正間郡守鄭公創設育嬰堂於城內、已久廢、堂內租穀若干、爲縣胥侵匿。三月、撫部阮師往溫州閱戰艦過婺、余謁見于行館、請飭府

整復嬰堂、可革溺女之風。會有校官沮其事、以爲難行。撫部師出示嚴禁、不得已捐發銀三百兩、屬府縣及紳士各勸輸銀、令每生女孩逾月送驗穿耳、給銀二兩、以冀挽回弊俗。後撫部清公安泰過婺、亦捐銀三百兩、令仿行之。皆未久卽止、究不若復設嬰堂之爲善也。秋、襄閱府試文卷、王蘭泉少司寇以湖海詩傳、青浦詩鈔、續詞綜寄屬校讐。十一季丙寅、四十三歲。

館金華兼主永康從公書院。後官編修劉孝廉嗣綰分課

嚴伯子良潤相得甚驩。纂乾隆丙辰詞科鶴徵後錄。秋、襄

閱府試文卷。冬、先室王孺人患痢病、以中鬱結心偏所致。



十二季丁卯、四十四歲。

館金華兼主從公書院。刻鶴徵錄成。秋、送學生良訓赴童試。至吳門、寓清微道院。

十三季戊辰、四十五歲。

伯兄入都會試。先君子季近八旬、侍養需人、余權伯兄館於芝香艸堂。夏、伯兄回南、余至金華襄閱府試文卷。省試後、仍赴嚴太守之訂。

十四季己巳、四十六歲。

館金華兼主義烏繡川書院。夏、繼蓮龕侍讀授浙江督糧道、至淮上作札相招、余不克赴。秋、署金衢嚴道、至蘭谿相

見道故舊、欸洽甚殷。襄閱府試文卷。阮師以事被議、補編修。

十五季庚午、四十七歲。

館金華。秋、嚴太守移調杭州、偕至郡署。刻鶴徵後錄成就質於梁山舟先生、爲訂正。應叔雅杭堇浦墓志轉御史之誤、并有所補。冬、送學生良訓應試、寓吳門。十二月、閩浙制府後謚勤襄方公維甸告養回籍、過浙署、撫篆向嚴太守索鶴徵前後錄、因謁見、許爲可傳。

十六季辛未、四十八歲。

館杭郡署。送學生良訓

至崑山應院試、因游玉峯半蘭園。



儒藏

校經叟自訂年譜

等處。時潘雲浦封翁奕基令孫今官內閣中書曾沂應試。前後同寓。日隨杖履游覽。秋辭歸。娶側室王氏。僦居王姊倩所。

十七年壬申。四十九歲。

春往金陵。道出溧陽。訪縣令陳曼生同年。時繼觀察調任江安。留署數日。孫淵如觀察星衍招飲。吳門顧澗蘋廣圻

常州呂節若某俱同席。謁桐城姚姬傳先生鼎於鍾山書

院。手贈惜抱軒文槁。并謁方勤襄公。意甚懇摯。札致浙江

方伯廣公玉面薦寧郡宋太守如林襄閱試卷。時阮師由

翰林轉少詹。爲國史館總纂。札令纂輯文苑傳。以誌傳



集序等聯綴成文、不自加一字褒貶。自朱檢討以下二百
 餘人、屬編成寄呈備采。復札致山陰縣令張君蔭庭備館
 穀。夏後官鹽政仁和令張公青選訂閱縣試卷。秋嚴太守
 薦至三衢、江山令德君豫太守那公英俱延襄閱試卷。途
 中雨雪、得詩數十首。

十八年癸酉五十歲。

館洞庭東山嚴少峯太守令弟擷雲徵君晉家課其子良
 起良喜面臨太湖、風俗儉樸、洵可卜居以棲志。注暴書亭
 詞、重雕周易賡義三卷。按輯國史館文苑傳事跡、陸續
 編成寄都門。

十九季甲戌五十一歲。

館洞庭東山。六月大旱，田禾不能徧種，斗米五百餘錢。九月，次女映玉生，側出。十月，遭先君子之喪，哀毀臥病二十餘日。阮師時出撫江西，特差標弁齎書招往，以在苦由中辭不就道。

二十季乙亥五十二歲。

館洞庭東山。少峯太守令子今山東候補場大使良峻亦來從學。八月假旋，颶風大作，幾覆舟溺於湖。

二十一季丙子五十三歲。

嚴氏遷居姑蘇。平江路李鄒齋師陞閩臬，陞見後過禾。



偕伯兄謁見於舟次。欲延余至閩課其公子。卓余以室人臥病在牀婉辭之。五月赴館。嚴少峯太守以事被議鐫級歸徙吳門。不復有出山之志。時與過從。十月王孺人卒。十一月卜葬先考妣於六蒲墩新阡。禾中查澹餘員外介車學師欲延課其令孫。祖錢余以嚴氏已訂定辭。

二十二季丁丑五十四歲。

館姑蘇。正月釋服。七月往金陵訪繼蓮龕方伯。時方勤襄公歿得見其公子。今江西知府孝廉。傳穆於藩署同飲留數日。因周覽瞻園之勝。

二十三季戊寅五十五歲。

館姑蘇與黃堯圃主事

丕烈

交藏宋槧秘鈔甚富精於

賞鑒同年烏程張秋水

鑑

館潘大司農

世恩

家時相往還

得交潘公子

會沂

二十四年己卯五十六歲

館姑蘇汪闓源觀察

士鐘

以顧澗蒼鈔衢州本晁公武讀

書志屬校脫去一百餘種因以文獻通考袁州本讀書志
及各鈔本訂譌補闕成足本汪氏卽槧行

二十五年庚辰五十七歲

館姑蘇託黃堯圃主事刻說文辨字正俗八卷今副憲沈

君

維鐫

書來述在楚北學使署刻因知記淑艾錄讀近思

錄。因作書答之。深慨今之學者未免汨溺於利欲。不知講求理學之非。

道光元年辛巳五十八歲。

館姑蘇。刻周易異文釋六卷。尙無子。娶側室沈氏。伯兄選會稽學諭。十二月赴任。堯衢姪隨往。時館張金門姪倩家。每歲暮到紹省視。

二年壬午五十九歲。

江蘇魏撫軍

元煜

薦主金壇金沙書院。通州刺史馮椒園

表叔氏來訂課讀。辭不赴。在家補輯梅里志。閏三月往金壇。與馮柳東吉士

登府

徐硯芬表弟

林衡

仿禾中舉行恤



儒藏

嫠會。

三季癸未六十歲。

主金沙書院。海昌馬古芸舍人

錦

延請課其子

鴻賓、鴻賓

於桐木邨。六月，側室王氏卒。夏秋連旬大雨，水泛漲溢堤岸，田禾俱被淹。至八月，水稍退，往吳門謁見今江蘇撫軍臬使林公。則徐，備悉籌辦水災甚善。刻梅里志。十二月舉一子，名瑞。

四季甲申六十一歲。

館桐木邨，仍主金沙書院。正月，瑞兒患驚風又殤。二月，赴桐木邨館。三月，送兩學生童試赴杭，余就教職驗看。咨

部銓選。

五季乙酉六十二歲。

館桐木邨。繼蓮龕方伯調任浙藩。六月赴杭往見。欸留甚殷。

六季丙戌六十三歲。

館桐木邨。三月繼方伯招至署中。住八甌精舍。論詩飲酒。話舊聯吟。頗爲歡洽。四月杭郡守張柳泉同季允垂延入貢院。襄閱府試文卷。刻暴書亭詞注。

七季丁亥六十四歲。

嵯邑李明府

式圃

延修嵯縣志。二月偕慶百從弟行過紹



儒藏

校經叟自訂年譜

郡留伯兄學署二日。至剡城，開局於城隍廟聽雪山房，與從弟發凡起例，日事纂輯，成三十餘門。時秀水葛君

星垣

任學諭同季裘學博

怡芬

亦在籍，朝夕相見。四月旋里，僦

屋徙居東木橋，湫隘囂塵，難以靜處。余題曰晏居室。閩浙制府後諡文靖孫公

爾準

陞辭過禾，偕馮柳東大令謁

見於斗門舟次，呈所著書五種。五月，張柳泉太守書來，仍訂閱府試文卷。張太守以事卸篆，成太守

世瑄

延閱試卷，

在家續輯嶠志。八月，患痢大劇，臥床三月餘，十二月始強

起。

八季戊子，六十五歲。

孫制府面託撫軍劉公彬士薦主海昌安瀾書院。二月至海昌。五月、堯衢姪病卒於會稽學署。接訃往紹慰視。秋、女映玉許字同里沈氏。詞注刻成。

九季己丑六十六歲。

主安瀾書院。二月、以從弟晚九子爲嗣。與余同庚生。名曰同壽。五月、孫制府纂修福建通志。馮柳東大令招至閩預修。余以道遠不克赴。制府因關訂詣文瀾閣閱四庫書。采輯閩事。復札致運使多公容安照辦繕錄。七月到杭。寓湖上謁經精舍。每日抽閱書籍。共計一萬餘冊。十月、汪小米舍人遠孫欲重雕宋咸淳臨安志。招至其家爲借吳



門汪氏宋槧本、硤川馬氏抱經堂鈔本、商榷讐校。十一月，鍾仰山少司寇赴閩審案，過禾，迎見殷殷，道故舊而別。十年庚寅，六十七歲。

主安瀾書院。正月，因伯兄去臘，疝病大發，到紹問視。七月，又赴文瀾閣閱四庫書，仍寓詒經精舍，復訪采閣書之外，纂輯閩事。九月，孫制府到浙巡閱，於督署謁見，備極慰勞，因面呈閱鈔各書。十一月，制府又寄王象之輿地紀勝鈔本二十四冊，屬校刻李氏易解校異二卷。

十一年辛卯，六十八歲。

主安瀾書院。校輿地紀勝，從硤川馬氏借琴川張氏鈔本。



互校皆有脫誤。校畢附跋語於後。至杭交許君脩司馬_延敬寄閱。九月大雨兼旬。禾稻被淹。歉收。米價翔涌。按制府來札。悉患病未愈。請假開缺。十一月。旭齋從叔卒。刻書經異文釋二卷。

十二季壬辰。六十九歲。

主安瀾書院。正月。孫制府卒於閩。二月杪。女兒患腹痛。胃滿。口吐白沫。實係氣血皆虧。爲醫藥所誤。破氣劫陰。元氣大損。沈縣二百三十日。臥床四十日。參苓罔效。竟成痼症。閏九月十八日。以疾弱夭亡。嗚呼痛哉。余止此一女。尙不能留。天平何酷。暮季遭此。痛恨莫解。肝腸慘裂。老淚欲枯。

矣。十一月，伯兄以季老告歸，悲喜交集。十二月，築生壙於紮綱兜，王孺人暨側室王氏女映玉並祔焉。夏亢旱，八月初大雨驟漲，斗米五百餘錢。外來飢民千餘人，暴橫乞食，邑侯宋公鎮到鎮而散。

十三季癸巳，七十歲。

在家精力漸衰，校梓文彙十卷，并補校禮記、春秋三傳異文、七經釋告成。三月，爲嗣子定聘同里庠生金君爾梅女。

夏，金澗從弟自枯蒼書來，述學使少宗伯陳公用先索閱。

漢魏六朝墓銘纂例一書，因錄別本到省送閱，并許製序。宗伯講明理學，一以朱子爲宗，託購張楊園先生年譜文。



集陸清獻三魚堂剩言等書、有陳請楊園先生從祀 廟
庶之意。八月七十生辰、依古不舉觴、并先君子七十八十
俱不許稱祝、戚儔槩謝絕、毋沿俗例。

十四年甲午、七十一歲。

主石門傳貽書院。正月既望到杭、以楊園先生年譜年表
傳略等種送陳宗伯、并託訪抄楊園先生未刻稿、令往見
都轉宋公沅、係已未出阮師之門、亦頗嗜清獻、楊園先生
諸書。校刻詩六卷、五月、馮柳東郡授假省、復請其刪定、九
月刻竣。八月、復至杭、以所抄楊園先生未刻稿送陳宗伯、
請其并年譜等合刻。

十五季乙未七十二歲。

主石門傳貽書院。伯兄爲硤川蔣君生沐延請評閱會課。刻尙書異文釋二卷。五月旱無梅雨車水種秧秋收亦歉。陳宗伯還京邸患瘡疾爲醫藥所誤而歿。楊園先生年譜等惜未授梓。

十六季丙申七十三歲。

居家年力益衰不能遠館核刻尙書異文釋一卷成又補刻詩餘一卷。蔣君生沐博覽羣書富於儲藏商刻別下齋叢書以卅所罕覩者屬伯兄與余參酌校訂。

十七季丁酉七十四歲。



在家。蔣君屬校勘叢書，重校春秋三傳異文釋十二卷，伯兄詩氏族攷，俱得附刻叢書。二月杪，伯兄自硤歸，口內左上腭忽生痔，累作痛，卽延內外科醫治，不能見效。蔣君亦延醫來視，所投參藥俱無效，日漸增劇，飲食少進。至十二月，旣望辭世，深爲傷痛，冷宦十一載，並無遺貲，惟舊時薄田四十畝，厪存。其生平行誼，具詳於蔣君所撰行狀中。十八年戊戌，七十五歲。

在家。蔣君仍屬校勘叢書，重校詩異文釋十五卷。蔣君捐貲續刻入七經中，并漢魏六朝墓銘例四卷，亦得付梓。十月，爲伯兄卜葬於石廟東北之新阡。余現居東木橋，房屋

典期已滿、沈蘭士姨甥議加我絕七百千文、實浮於原價、其項灣老屋已讓於姪婦擇繼居住矣。

十九年己亥、七十六歲。

在家修葺住屋。七月、爲嗣子行請期禮。九月、淫雨連旬、田稻生芽、米價增昂。

二十年庚子、七十七歲。

在家。二月、爲嗣子完娶。時和叔親家已於去夏病故。補刻詩異文釋九卷成。六月初、英咭喇夷船至舟山、內無備禦、遂登岸據定海、欲求和通商不成。十二月、壘土增築定海城、不去。

二十一季辛丑七十八歲。

在家。正月、嗣子附讀禾中。六月初、因有事不去、余因借沈氏敦復堂自課工夫整飭。二月、金瀾從弟患膈噎、卒於栢州學署、亦冷況蕭條。八月、生孫、以八字中缺木、命名承棟、字廷掄。二月初、定海紅夷船百餘隻皆棄去、竄至粵東香山港。秋、暎夷又據定海鎮海、遂退守曹娥江。九月初、寧郡失守。春、菽麥無收、斗米四百餘錢、雨水過多、每兼旬不霽。至仲冬朔夜大雪、四五日積五六尺、田禾多在雪下、實厯來所未有、又加冰凍、歉收減色。

二十二季壬寅七十九歲。



在家。四月晚九從弟患時症，失於表解，早服補劑，沈絛兩月餘，遂不起。歿後幾無以爲殮，嗣子附張丹芝甥烏鎮嚴氏讀書。七月，以丹甥患三陰瘧不去，梅雨過多，低田秧苗俱被淹。四月初，夷船又至乍浦，肆行劫掠，姦淫婦女，縱火焚燒，所調外省兵卒多潰散。至嘉興、平湖等處，亦被荼毒，居民皆驚惶，遷避它處。五月初，夷船又自乍駛至上海、松江沿海各處搶掠，又據守鎮江，蘇揚水路不通，有窺伺金陵之意。因就撫議和，鎮江夷船始開去。自此海疆靜謐，無烽煙之警矣。中丞劉公入奏，是歲嘉興丁漕減免十之二，海鹽十之三，平湖全免。七月初，鎮上西南路來坐飯者三



萬餘人暴橫特甚里中富室靡不爲患。幾至罷市。邑侯楊公裕深兩次來鎮。暨都司帶兵彈壓。每人均給米方散。并勸各殷戶捐輸。圩米里中六圩均各捐給。南上十七庄獨捐至四百八十石。徐茂才林衡曹茂才珠淵董其事。

二十三年癸卯八十歲。

在家精力益衰耗耳目聾瞶步履維艱不能出門遠行。八月生辰仍誓不稱觴戚郇槩謝絕如七十時。八月初旬忽患瘧疾大劇幾至不起。閱三月稍愈。編定校經廬文鈔十八卷。二月嘉邑丞奉檄分防駐劄里中。如有不法匪徒滋鬧事端飭令巡緝查拏皆得鞠訊究治以除莠安良俾咸

知懲儆畏懼、無敢犯禁作慝、不至目無法紀、庶幾姦軌斂迹、用以綏靖里閭焉。夏秋之間、少雨多風、年穀亦歉收。

先生自述年譜簡要而賅、壽享八袞。同邑張孝廉廷濟

約明歲甲辰爲重游泮宮之舉、詎意於上屆歲除晨起、無疾、僅欬足輕跌、旋扶床褥、神氣猶清。予俄聞趨視、亟商投以參劑、忽痰聲漸厲、不克下飲、遂於下午長逝。嗚呼悲哉。回憶其生平處已以約待人、以誠莫可殫述。若學植閎深、具詳於著述矣。哲似蒼雨欲泣爲行狀、因慙其先將年譜梓成已足備當代立言者採擇、傳諸不朽云。矧予以中表舅弟、復少承親炙、今則不可得矣。能

無泪枯老眼也耶。

道光二十四季孟春下浣、受業總表弟徐林衡謹跋。



儒藏

校經叟自訂年譜跋

右平譜一冊、乃先府君所手訂也、至癸卯冬仲而止。
謹按、府君自少處境之艱如此、卒能發憤砥志、以自
奮於學、其所成就又如此。生平雖未博一第、然既屢邀
諸鉅公之特賞矣。痛維操履之純、更有爲譜所未及
者、而卒不獲稍展其蘊蓄。晚境稍贍衣食、又以_{不孝庸}
懦無成、曾不克一伸養志之私、甚至禍延莫贖、此則終
天之恨、卽萬死無可追矣。顧如府君之一生學行、而
竟聽其湮沒無傳、則_{不孝}負罪滋大。今苦由昏迷、不及
次述行狀、謹先將此譜梓呈、以備
大人先生惠錫銘誄者採擇焉。

不孝孤哀子李同壽泣述。



儒藏

校經叟自訂年譜跋



雷塘庵主弟子記

清·張鑑等編撰

李文澤校點

刁忠民一審

蔣宗許二審

清咸豐間刻本

《雷塘庵主弟子記》八卷，清張鑑等編撰。清咸豐年間阮氏瑯嬛仙館刊本。

阮元（一七六四—一八四九），字伯元，號雲臺，亦曰芸臺，又號擘經老人，雷塘庵主，清江蘇儀徵人。乾隆五十一年江南科試中式，五十四年成進士，授翰林院編修。升少詹事，充日講起居注官。補詹事，外放山東學政，移浙江，授內閣學士。入朝爲禮部右侍郎，徙戶部左侍郎。嘉慶五年，出爲浙江巡撫，於杭州西湖創辦詒經精舍。嘉慶十二年署理戶部右侍郎，再巡撫浙江。十四年，以劉鳳誥科場案革職，降編修，在文穎館行走。補翰林院侍講，內閣學士兼禮部侍郎，轉工部，改漕運總督。十九年，爲江西巡撫，調河南，旋擢升湖廣總督、兩廣總督，在廣州建學海堂教授生員。道光六年，調任雲貴總督。十五年，充體仁閣大學士，管理兵部事務，爲都察院左都御史。十八年以年老致仕。二十九年十月卒於家，年八十六，賜諡文達。阮元早年入仕，任封疆大吏數十年，以經學名家，開學堂倡導儒學，又聚門人館客編著刊刻儒學典籍多種，撰有《考工記車製圖解》、《曾子注》、《四庫未收百種書提要》、《擘經室集》，纂輯《經籍纂詁》、《儒林傳》、《疇人傳》、《十三經注疏校勘記》，刊刻《十三經注疏》、《皇清經解》、《兩浙輶軒錄》、《江蘇詩徵》等多種典籍。

《雷塘庵主弟子記》又名《阮雲臺相國年譜》，由阮元門生及其諸子分纂編次。卷一、二爲烏程人張鑑編，紀事起譜主生，至嘉慶十一年止，卷中附有阮祐補考。卷三、四爲阮常生編，紀事起嘉慶十二年，至十八年止。阮常生原爲阮氏族子，乾隆五十八年過繼爲阮元嗣子，後以蔭爲戶部主事、直隸永平知府、清河道，道光十三年卒於任。卷五、六爲阮福編，紀事起嘉慶十九年，至道光九年止。阮福爲阮元子，嘉慶六年生，以蔭爲戶部郎中。卷七爲阮孔厚、阮祐分別編次，其中紀事自道光十年至十二年，由阮孔厚編；紀事自道光十三年至十八年十月阮元致仕歸家止，由阮祐編。阮孔厚，阮元季子，嘉慶十年生，一品蔭生。阮祐亦阮元子，嘉慶九年生，以蔭爲刑部郎中。此七卷先行編次，並刊刻於清嘉慶二十一年，卷七後附有阮元門人羅士琳跋語。卷八由前門人之弟子柳興恩續編，紀事起道光十八年十月，終於三十年。柳興恩，鎮江人，道光壬辰江南鄉試舉人。是卷除記載阮元事蹟外，還兼記阮元身後敕葬賜諡及諸子蔭仕等事。年譜紀事側重於治政，其中記載阮元在浙江剿滅海盜事、在兩廣與夷商交涉事、在雲南平息夷民騷亂事均詳盡，所涉之奏疏、章表、告諭、公札等多全文載錄，不加剪裁，故文字稍嫌繁瑣。

御製晉加太傅銜致仕大學士阮元祭文

朕惟宦轍幾徧天下。碧幢中良牧之懷。宰相須讀書人。綠野繫蓋臣之念。槍騎箕之頓逸。飾終旣

恩渥

先朝。推薦。年之惟馨。眷舊宜典。隆初服。彝章載攷。奠醑斯頌。爾晉加太傅銜致仕大學士阮元。學有本原。才能幹海。誕生南國。早陟西清。修寶笈於石渠。金聲玉潤。輯儒林於昭代。漢茂宋醇。蒙

高廟特達之知。升端闈以視學。荷

皇祖逾常之眷。擢浙撫以巡方。雖聖議偶私於僚誼。而加



恩特褒夫官聲。詞苑同翔。冬官游歷。漕河持節。綜括全籌。
江右移旌。立懲巨案。畀宮銜而兼領。加吉羽以彰纓。
由是調撫中州。旋躋總制。楚南北宣猷。一載粵東西。
統轄九年。籌海巡邊。治術胥歸經術。文通武達。名藩
端屬名儒。以庶務之優閒。材儲學海。進十函之簞詁。
籍度文淵。凡茲列鎮之勤勤。久沐

先皇之寵錫。逮事

皇考。圖任舊人。南漢之重寄。頻移東閣之參知。特簡晉接。
繼晨趨之鞋。式體桑榆。升華秉春試之衡。載培桃李。
三年使相。百揆奮庸。膺疆寄而榮戟。遍臨晉台。輔而



兵刑交統。加以體仁拜命、總憲兼權。表詞館以作師、直經筵而進講。雖深念引年之義、乞身至於再三。而重違止足之忱、慰諭申於數四。許恬養以延鶴算、全俸遞支。喜宴衍載、赴鹿鳴、三公聿晉。寵章錫嘏、方期衍慶於遐齡。殷禮酬庸、遽歎淪徂乎元老。身後之遺章、粹覽生前之吏議、胥蠲。易名而文達無慙、延賞而恩施勿替。極。

三朝之寵遇、爲一代之完人。朕茲大統初膺、老成丕念、諭疆臣以代醑、崇祀事而升香。於戲、文獻猶存、佇見德言之不朽。茲芬是享、空懷壽考之無遺。靈而有知、尙

其來格。



御製晉加太傅銜致仕大學士阮元碑文

朕惟勤宣中外、鈞衡資元老之勲。禮備初終、錫賚極哀榮之數。陳訐謨於九德、效輔弼於

三朝、篤裴長留、襄崇罔替。爾晉加太傅銜致仕大學士阮元、學裕儒宗、識優國器。紬書玉署、作賦則名冠詞曹。躋秩銅樓、乘軒則躬膺使節。教興黌序、徧齊魯越境以儲才。政佐文昌、厯春夏地官而敷治。撫循浙海、行臺再擁夫霓旌。翔步蓬山、史筆永留於金匱。學士仍紫微之職、考工兼泉府之司。南國均翰、總領夫牙樯鐵軸。西江撫輯、承

恩於翠羽宮銜。移鎮而河洛又安。督軍則湖湘總匯。揚旗
粵嶺。波澄海上之樓船。受鉞滇黔。風靜天南之鼓角。
遷禁垣而按轡。百揆分猷。拜綸閣以垂紳。六官兼領。
禮闈貢士。重輝藻鑑於春官。

御幄橫經。更育賢良於闔苑。及乎陳情辭老。致政言旋。猶
分廩餼之頒。更拜榮銜之

賜。雅歌式宴。觀光重列於嘉賓。祿精全霑。

晉秩特隆。以太傅。歷仕者五十載。冊府銘勲。退居者十二
年。儒林範德。庶遐齡之克享。何遺疏之遽陳。我

皇考悼惜殊深。



恩施特沛。政寬吏議。典舉儀曹。豆籩致奠。以馨香。紳黻加
榮於孫子。謚以文達。允稱佳名。朕眷厥休聲。述茲懿
美。於戲。緬昔年之翊贊。忠藎彌彰。流後葉之清芬。猗
猗永式。勒之貞石。鬱矣佳城。

雷塘庵主弟子記卷一

烏程弟子張鑑謹錄

言與行有以異乎。曰：無以異也。窮而在下，故其說長；達而在上，則其事行。吾師年甫強仕，已敷歷中外。雖立朝行政，來者方滋，而教學救荒，靖寇數大事，昭然在浙。鑑浙產，且侍坐甚久，麤能得其崖畧。因仿劉公是弟子記之名，取其歲月，都爲一冊。閱者毋徒以言行區以別諸，卽吾黨後有續者，以是爲權輿可也。

封贈在道光十八年後改。

先生名元，字伯元，號雲臺，行一。系出陳留尉氏。



南宋以後遷江西之潯江縣。元末以武功顯。明初徙豪傑實江南，乃居於淮安府。神宗時始祖巖自淮安山陽遷揚，爲遷揚州江都縣之始祖。居舊城，今阮千戶巷是也。崇禎末，又遷居於城北四十里之公道橋。按先生孳經室集四世祖淮安遷揚州。三世祖諱文廣，當明萬秊時官榆林衛正兵千戶。罷官歸居郡城。今舊城阮千戶巷是也。生四世祖諱秉謙，娶恭人。四世祖早卒。恭人守其節，上孝於翁，下慈於子。崇禎末黃得功駐儀徵，高傑引揚州城外兩鎮搆兵之後，城危民懼。恭人請於翁曰：「兵事如此，諸子皆幼，不可居，宜早避之。」乃懷白金五十兩，隨翁挈四子出北門四十里，止於北湖之公道橋，居焉。祐補案：聞家大人訓曰：「曾銑督榆林時，二世祖國有千戶官，非世襲，乃流官。銑江都人。」

祥字雪軒，贈明威將軍。三世祖文廣，字奉軒，官榆林衛正兵千戶。四世祖秉謙，字尊光，贈武德將軍。五世高祖樞良，字孚循。六世曾祖時衡，字宗尹，皆贈昭勇將軍，累贈榮祿大夫、光祿大夫、戶部左侍郎。祖玉堂，號琢庵，始占籍儀徵縣，復居郡城。康熙乙未科武進士，三等侍衛，賞戴花翎，歷湖南九谿營、河南衛輝營叅將，誥授昭勇將軍，議敘頭等軍功，贈資政大夫，累贈榮祿大夫、戶部左侍郎。按：昭勇將軍，事實詳刑部侍郎無錫秦公瀛九谿營阮將軍祠堂記，阮昭勇將軍神道碑銘及先生所撰行狀。父承信，字得中。



號湘圃、國子生、以先生貴 封儒林郎、翰林院

庶吉士、累 封資政大夫、內閣學士兼禮部侍

郎加一級、榮祿大夫、戶部左侍郎加一級、光祿

大夫、戶部左侍郎加三級。按封公事實詳刑部

大夫湘圃公神道碑山東督糧道陽湖孫先生

星衍所撰湘圃公暨妻林夫人合墓誌銘甘

泉焦孝廉阮湘圃先生別傳及先生所撰曾祖

雷塘阡表湘圃府君暨妣林太夫人行狀母周氏、祖母汪氏、江氏、母林氏、皆晉 贈一品

夫人。補案三代今皆累方昭勇將軍從大帥

之征苗也、有降苗數千百人、帥將戮之、將軍以

死請得生、是以先生之生、人皆以為厚德所致。

乾隆二十九年甲申正月二十日子時先生生於揚

州舊城府西門白玉巷爲祖昭勇將軍舊第南

宅時封公年三十一歲

舊第南宅今改建爲海岱庵

先生所

生月日與唐白少傅同

按焦孝廉嘉慶八年生日序畧云香山白公自

述云大和六年正月二十日生於鄭州新鄭縣

東郭宅公居杭時年逾五十矣今浙江撫部阮

公與白公同日生而先

白公十餘歲官於杭

三十年乙酉二歲

封公挈先生移居府門之西南

三十一年丙戌三歲

三十二年丁亥四歲



是歲雨水積潦、屋壁傾壞、家中書籍濕爛殆盡。

三十三年戊子、五歲。

封公再挈先生移居新城花園巷、林太夫人始教識字。

三十四年己丑、六歲。

始就外傳。按先生林太夫人行狀、先妣林太夫人系出閩之莆田。明天啟中、避倭遷江南鳳陽、復遷揚州甘泉縣西山陳家集。祖得公諱文連、積學有德、望於鄉里、不仕。父梅谿、公諱廷和、乾隆癸酉舉人、福建大田縣知縣。乾隆歲甲申、不孝元生。先妣自乳之、五歲教識字。六歲就外傳。不孝口吃、讀孟子、孟施舍守氣等章、期期不能上口。從塾歸、自憤泣、先妣治低几於簷前、教不孝曰、爾坐毋急遽、姑從我口、緩緩讀之。一夕得其理、迺背誦如流。嘗以外曾祖厯

選王維、孟浩然、高適、岑參四家詩付不孝讀之，
并教以四聲屬對之法。故不孝八九歲即能作
詩，非塾師教也。梅谿先生以先生貴，嘉慶三
年，覃恩，賜贈榮祿大夫、戶部左侍郎，加一級。
外祖母俞氏贈一品夫人。祐案：道光中，又賜
贈協辦大學士、雲貴總督。

三十五年庚寅，七歲。

三十六年辛卯，八歲。

三十七年壬辰，九歲。

從封公移居新城之彌陀寺巷，封公爲先生聘

於江氏，以江元翰先生第四女爲婦，卽先生祖

妣江太夫人孫姪也。

按先生已酉題名錄，妻江氏，陝西西寧府知府諱洪

公孫女，候選州同，恩加頂帶一級諱振箕公女。

是年從喬書酉先生



學。

按、孳經室集李喬二先生合傳論曰、吾年九歲從喬先生學、年十七從李先生學、兩先生

吾鄉特立獨行之儒、而吾皆師之、吾所幸也。

三十八年癸巳、十歲。

三十九年甲午、十一歲。

始學文。

按、孳經室集湘國府君行狀、教不孝讀書、訓誨諄切。府君熟於資治通鑑、於成

敗治亂、戰陣謀畧、輒縱橫辨論、隨方指授。期不

孝以有成。侍立傾聽、警心壹志、實從此始。嘗以

歐陽文忠縱囚論、蘇文忠代張方平諫用兵書

等篇、口講指畫、次第授。不孝日讀書、當為有用

之學、徒習時藝、無益也。又孫淵如先生墓誌銘、

年三十一、一生撫部公、擇師教讀、甚嚴、親授古文

詞、稱日讀書、當為有用之

學、徒鑽研時藝、無益也。

四十年乙未、十二歲。

四十一年丙申、十三歲。

復從封公移居花園巷。

四十二年丁酉、十四歲。

四十三年戊戌、十五歲。

始應童子試。

四十四年己亥、十六歲。

四十五年庚子、十七歲。

是年先生受業於李進士疇山先生

道南
卽寓

其家。

四十六年辛丑、十八歲。



六月二十四日、移居古家巷。八月初二日、太

夫人棄養。時封公遠客漢陽、太夫人摒擋家事

過勞、復冒暑移居、七月初致恙、按林太夫人行狀、七月先妣以

徙宅勞苦、猝中重暑、以至八月不起。封公聞耗

歸家。十二月、厝林太夫人於雷塘祖塋。按湘

君行狀、四十六年秋八月、先妣以疾終、府君自漢陽扁舟冒風波十日、達揚州、傷悼甚摯。又林

太夫人行狀、先妣生於雍正十三年二月初四日、得年僅四十有七、葬於揚州城北中雷塘祖

墓之側。乾隆五十五年、勅贈安人、嘉慶元年、晉贈夫人、嘉慶四年四月、晉贈一品夫人、九月

覃恩累贈

一品夫人。四十七年壬寅、十九歲。

在家持服、因屏去舊作詩詞時藝、始究心於經

學、得歛凌次仲上舍

廷堪

爲益友。

按凌上舍初交先生、卽撰

擬大鵬見希有鳥賦以見志。事詳校禮堂文集。

四十八年癸卯、二十歲。

遷居羅灣。

冬、服闋。十二月、封公爲先生娶婦以理家事。初

九日、江夫人來歸。

四十九年甲辰、二十一歲。

謝金圃侍郎

壩

督學江蘇、歲試取入儀徵縣學

弟四名。

五十年乙巳、二十二歲。



科試一等第一名、補廩膳生員。場中經解策問條對無遺、文亦冠場。侍郎驚賞曰、余前任在江蘇得汪中、此次得阮某矣。遂延訂明年至江陰館於學使者署中。

五十一年丙午、二十三歲。

正月、至江陰。二月、隨謝侍郎出試、鎮江金壇閱卷。三月、復還江陰。五月、回揚州、還至江陰。閏七月、至江寧閱錄遺卷。八月初二日、出就外寓。十六日終場、十七日阻風燕子磯、遂遊永濟寺、窮覽諸洞壑。十九日達揚州。九月

初九日揭曉中式第八名。時典試者爲大興禮部侍郎朱文正公珪副考官爲大庾編修戴公心亨。

房考官爲蕪湖同知烏程孫公梅是科朱

文正公命題爲過位二節用江慎修鄉黨圖考說得人爲極盛。十月二十日謝侍郎任滿北

上遂以公車同行。十一月十九日抵京師寓

前門內西城根因得見餘姚邵二雲高郵王懷

祖興化任子田三先生。

按擘經室集南江邵氏遺書序歲丙午元初入

京師時前輩講學者有高郵王懷祖興化任子

田暨邵二雲三先生元隨事請問捧手有所授

焉。又任子田侍御弁服釋例序元居江淮間鄉

里先進多治經之儒若興化顧進士文子九苞



李進士成裕、惇、劉廣文、端臨、台拱、任侍御、子田、大椿、王黃門、石臞、念孫、汪明經、容甫、中、皆耳目所及、或奉手有所受。

五十二年丁未、二十四歲。

會試下第、留館京師。夏、女荃生。所著考工

記、車制圖解成。

五十三年戊申、二十五歲。

以所著車制圖解付梓。按、擘經室集、考工記、車

解、元二十四歲、寓京師、時所撰、撰成、卽、栞之、其、問、重、較、軌、前、十、尺、後、軫、諸、義、實、可、辨、正、鄭、注、爲、江、慎、修、戴、東、原、諸、家、所、未、發、且、以、此、立、法、實、可、閉、門、而、造、駕、而、行、之、此、後、金、輔、之、程、易、田、兩、先、生、亦、言、車、制、書、出、元、後、其、於、任、木、稍、數、等、義、頗、與、鄙、說、不、同、其、說、亦、有、是、者、元、之、說、亦、姑、與、江

戴諸說並存之以待
後學者精益求精焉。

五十四年己酉二十六歲。

會試中式第二十八名。時大總裁爲 經筵講

官東閣大學士兼禮部尙書韓城王文端公 杰

署 經筵講官禮部右侍郎滿洲鐵公 保、文淵

閣直閣事工部右侍郎陽湖管公 幹珍、同考官

吏部文選司主事鳳臺關公 退年。四月、圓

明園覆試。

欽取一等第十名。殿試二甲第三名、

賜進士出身。

朝考

欽取第九名引

見改翰林院庶吉士。時掌院學士錫山嵇文恭公奏派先生習國書。以先生在江蘇吉士中年最少也。

後奉

旨以清書人數多。特改習漢書。

欽命大學士伯和公琿吏部尙書彭文勤公爲庶吉士大教習。旋充

萬壽盛典纂修官。國史館武英殿纂修官。冬十二月。散館期近。入宿庶常館讀書。



五十五年庚戌二十七歲。

萬壽覃恩封公得

勅封儒林郎翰林院庶吉士林太夫人

勅贈安人及先生二伯父

承義

勅贈儒林郎翰林院庶

吉士伯母江氏勅封孺人。

四月散館。

一目羅賦。

欽取一等第一名授職編修。遷寓外城揚州會館。秋

告假省親。掌院大學士阿文成公以大考將

近恐規避固不允。並曰。原知阮編修學問。不是
避考。但若准伊一人。則他人紛紛告假。我何以

應之。八月恭遇



純皇帝八旬萬壽節、恭進宗經徵壽說文冊、蒙
純皇帝親覽入選、特賞大緞一疋。

五十六年辛亥、二十八歲。

先是、庚戌年、因散館爲第一人、又進呈文冊、蒙
恩獎賞、將次大考、南書房需人、浮議以先生當列高
等、因告假以避之。及告假未果、先生遵王韓城
相國諭、避居內城、假館於諸城劉檢討佩循先
生鏗之家、同讀書、閉門投轄者數月。自變字體、
不令人識、至拆封、乃知擬弟二者卽是也。二
月初十日、圓明園大考翰詹、

欽命題爲擬張衡天象賦、擬劉向請封陳湯甘延壽疏、
并陳今日同不同賦得眼鏡詩。閱卷大臣見先
生賦博雅而不識賦中𡵚字之音、置三等、繼查
字典、始置一等、封卷進呈

御覽。次日奉

諭、第二名阮元比一名好、疏更好、是能作古文者。擬疏云、臣

向疏、鄧支單于兼弁外國、日益強大、殺辱漢使、
者在廷諸臣、未有爲陛下畫一策者。都護延壽、
副校尉湯、遠戍西域、特發符節、勒師旅、直逼康
居、破其重城、馘名王、斬閼支氏、請懸首藁街、夷
邸、以威遠服。是沈謀重慮、制勝萬里、師徒不勞、
兵矢未折、功莫偉焉。而議者徒以湯矯制、不論
其功、反欲文致之、是臣所未喻也。夫將在外、有
可以振國威、制敵命者、專之可也。今延壽、湯不



避死難爲國雪恥而竟無尺寸之封其何以勸
 帥兵絕域者昔李廣利之於大宛曠日持久靡
 敝師旅僅獲數馬功不敵罪孝武猶且侯之今
 邳支之功當十倍於大宛竟使致身之臣未得
 封爵且不免吏議臣竊惜之宜請釋其矯制之
 罪賞其克敵之功加以高爵惟陛下察之此劉
 向之疏意也臣伏見我皇上奮武開疆平
 定西域拓地二萬餘里凡漢唐以來羈縻未服
 之地盡入版圖開屯置驛中外一家豈如邳支
 呼韓叛服靡常殺辱漢使哉此不同一也我
 皇上自用武以來出力大臣無不加賞高爵
 或有微罪斷不使掩其大功下至末弁微勞亦
 無遺焉未有若延壽等之有功而不封者此其
 不同二也我皇上運籌九重聖謨指授機
 里之外領兵大臣莫不仰稟廟筭聖謨指授機
 宜有戰必克間有偶違睿慮所未及之處自出
 蕙豐功又孰能於此其不同者三也
 奇謀微幸立功者耶此其不同者三也
 案大人訓云所以改弟一者
 實因三不同最合聖意

親改擢爲一等第一名十三日奉

旨陞授詹事府少詹事旋奉

旨南書房行走修纂內府各書畫爲石渠寶笈十四

日謝

恩召見於勤政殿東暖閣

諭云要立品毋躁進次日

召見軍機大臣

諭阿文成公云阮元人明白老實象箇有福的不意

朕八旬外又得一人十五日奉

旨充日講起居注官十八日入城至南書房辦書五

月端午日、

賜黃繡扇囊三、高麗布手巾一、紬手帕二、繡紗宮扇一。

夏至前二日、

召見於乾清宮西暖閣、

問及書畫天文算法等事、並問汝父母年紀多少。先生

對、臣祇有嚴侍、今年五十八歲。

諭云、年紀甚小。是日自

御園回城、得羽扇香葛之

賜。封公挈江夫人及孫女荃至京。十月、封公回揚

州、奉



儒藏

雷塘庵主弟子記 卷一

旨補授詹事府詹事。又奉

旨補文淵閣直閣事。

文淵閣初四庫書初成置官朱文正公首直閣。皇十一子親刻石

印贈公。至是公以印付先生。

賜貂裘一件、舊五代史四套、

欽定蘭州紀畧一函。十一月奉

詔充石經校勘官。時先生分校得儀禮。

按、擘經室集儀禮石經校勘記

序乾隆五十六年冬十一月臣阮元奉

詔

充石經校勘官。臣元校得儀禮十七篇。臣謹案

儀禮漢石經僅有殘字、難校全經。自鄭康成作

注、參用古今文、後至隋末陸德明始作釋文、校

其同異。今釋文本又為唐宋人所亂。唐開成石

經所校未盡精審、且多朱梁補刻及明人補字

之譌。宋張淳校刻浙本、去取復據臆見。臣今總

漢石經殘字、陸德明釋文、唐石經、杜佑通典、朱



熹經傳通解李如圭集釋張淳識誤楊復圖款
繼公集說明監本欽定義疏武英殿注
疏本諸本以及內廷天祿琳瑯所收諸宋元
本曲阜孔氏宋本綜而核之經文字體擇善而
從錄成四卷
 用付經館而那祭酒文毅以爾雅石經彭大
 司空文勤以毛詩石經屬先生襄理亦多所商
 正。

五十七年壬子二十九歲。

正月、重華宮聯句、恭和 紫光閣詩、

賜端研一方、三清磁盃五器。冬十月、女荃因痘殤、江

夫人有疾。十一月二十二日、江夫人病卒。

十二月二十七日、

御賜福字。

五十八年癸丑三十歲。

正月茶宴賜

御筆親題杜瓊溪山雪景一軸及端研茶甌等件。三

月封公從揚州至京。五月二十八日封公自

京師赴湖北武昌。六月石渠寶笈告成先後

賜趙孟頫無量壽佛元人戲嬰圖宋人貨郎圖蔣廷錫

墨牡丹暉壽平畫冊董其昌尺牘冊共七件。二

十五日奉

旨放山東學政赴熱河。



召見於依清曠。七月十五日出京、二十三日、到濟南、
卽考濟南府屬。二十四日、江夫人匱由通州
回揚、入城治喪、封公命以族子常生爲子成服。
八月十二日、接到

御賜御製兵部奏凱旋兵丁至京、由驛各歸本地營伍
紀事墨刻、福康安等奏西藏善後事宜詩誌顛
末、得四十韵墨刻、其二卷。山東新進文武生
有陋規、悉裁之。九月二十四日、出試兗州、曲
阜、濟寧州、沂州。十一月上丁、主祭孔廟、按曲
阜舊例、四時祭凡學使者按臨時逢上丁、皆親

主祭、衍聖公陪祭。是時衍聖公憲培初薨、先生

徹棘、因代主祭。十二月回省、封公挈家屬已

前十三日至。封公命納妾劉氏。

五十九年甲寅、三十一歲。

正月二十一日、出試萊州。二十二日、於青州

途次奉到

欽賜御筆、續纂秘殿珠林、石渠寶笈、序墨刻。至登州、

登蓬萊閣。試青州、武定。四月二十四日、試

竣、二十六日回省。五月十二日、接奉

欽賜御筆、筆誤識過墨、刻謝摺、奉



批論云、覽文佳、非徒頌卽規。欽此。十五日、出試泰安、

登山頂、謁碧霞元君廟。二十九日回省。青

州廩膳生員段松苓長於金石之學、先生命其
訪碑於各嶽鎮、因於岱頂唐摩崖碑下以隸書
題名。青州沂鎮、濟南靈巖山亦因訪碑題名。

六月、試濟南府。十月初一日、出試沂州、登嶧

山。鄒縣謁孟廟、晚宿孟博士第中、遂至曹州、充

州、曲阜、濟寧州。十二月十二日回省、始修山

左金石志。

按、擘經室集山左金石志序、乾隆五

里、觀乾隆

十八年秋、奉命視學山左、首謁闕
欽頒周鼎及鼎幣戈尺諸古金。又
摩挲雨漢石刻、移亭長府門卒二石人于巽相

圃次登岱觀唐摩崖碑得從臣銜名及宋趙德甫諸題名次過濟寧學搨戟門諸碑及黃司馬易所得漢祠石象歸而始有勒成一書之志五十九年畢秋帙先生奉命巡撫山東先是先生撫陝西河南時曾修關中中州金石二志元欲以山左之志屬之先生先生曰吾老矣且政繁精力不及此願學使者爲之也元曰諾先生遂檢關中中州二志付元且爲商定條例暨搜訪諸事元於學署池上署積古齋列志乘圖籍案而求之得諸搨本千三百餘件較之關中中州多至三倍

六十年乙卯三十二歲。

正月二十一日出試東昌臨清。二月東昌途

次接奉

御賜御筆熱河考御識墨刻一卷。回省遊歷山勒銘



山石。三月初十日，出試青州、萊州、登州、武定四屬。四月杪，回省，刻儀禮石經，按勘記成。爲新城王文簡公書立墓道碑。八月，捐修高密鄭司農祠墓，成，擇其裔孫憲書，請於禮部，割爲奉祠生，給田廬，使耕且讀。八月二十四日，奉

旨調任浙江學政。九月初三日，封公挈眷由涉寧，先回揚州，路經曲阜。時畢秋帆先生巡撫山東，封公爲之媒，以秋帆先生女配衍聖公慶鎔。至是畢公復爲媒，爲先生聘衍聖公昭煥孫女，誥

封衍聖公

憲增

長女爲繼室。是日移寓小滄

浪亭。二十八日奉

旨陞授內閣學士兼禮部侍郎。十月初三日交印起

程。先是調任浙江謝

恩摺內乞假至揚州展墓得

旨允假。十五日到揚州二十日徧祭先塋展林太夫

人墓晚宿公道橋會族人分修家譜二十一日

早祭公道橋先塋晚宿陳家集二十四日渡

江十一月初一日至杭州初六日接印。

嘉慶元年丙辰三十三歲。



正月、徵刻淮海英靈集、撰小滄浪筆談。二月初七日、出試寧波、渡錢塘、過曹娥江、登天一閣觀書。三月、試紹興。因前進呈

授受禮成文冊、於初十日奉

諭旨、朕閱朱珪、阮元所進冊頁、措詞典雅、尙爲得體。著賞給蟒袍料一件、大荷包一對、小荷包二個、以示獎勵。將此諭令知之。欽此。試畢、登會稽、謁大禹陵、題名窆石。二十日回省、試杭州府。四月、孔上公送女至杭、先生親迎成禮。五月、刻山左金石志成、始修淮海英靈集。恭遇

覃恩加一級、詔授資政大夫。封公得

誥封資政大夫、內閣學士兼禮部侍郎、林太夫人晉

贈一品夫人。祖昭勇將軍暨祖妣汪淑人、江淑人、

贈亦如之。長子常生蒙

恩授六品蔭生。

詔舉孝廉方正、浙江舉者十二人、仁和邵志純、古庵翁

名濂、蓮叔、錢塘陳振鷺、禮門、海寧陳鱣、仲魚、楊

秉初、純一、嘉興莊鳳苞、韶九、李穀中、玉、海鹽張

燕昌、芑堂、鄞縣袁鈞、陶軒、慈谿鄭勳、簡香、定海

李熙、占申二、義烏樓錫裘、萃千。辭不就者四人、



錢塘何淇春渚、奚岡鐵生、朱彭青湖、鄞蔣學鏞。
七月十九日、出試嘉興。八月十三日、至湖
州。九月初三日、回省。二十二日、出試衢州、
金華、嚴州畢。十二月回省。
二年丁巳、三十四歲。

正月二十二日、始修經籍纂詁。先是歲試畢、先
生移檄杭嘉湖道、選兩浙經古之士分修經籍
纂詁。至是集諸生於崇文書院、分俸與之。是日
至者共二十餘人。修院內四賢祠。始纂疇
人傳。二月初四日、出試處州。侍封公至桐廬。

九里洲看梅花。四月、試台州。初十日、試寧波、再登天一閣、命范氏子弟編錄天一閣書目。月杪、渡江回省。夏六月、刻七經孟子考文成。閏六月、納妾謝氏。七月、出試紹興。八月、上巳、蘭亭修禊、同人賦詩。初七日、試畢回省。摹刻天一閣搨北宋石鼓文成、嵌置杭州府學明倫堂壁間。二十四日、出試湖州。九月十一日、試畢。

三年戊午、三十五歲。

正月、試杭州府。修淮海英靈集成。三月初、



出試處州。由處州至永嘉、游江中孤嶼、謁文丞相祠。試溫州畢。四月、試台州畢、由臨海至天台、游天台山、歸由紹興、回省。撰輶軒錄成、兩浙十一郡得詩三千餘家。六月、注釋曾子十篇成、敘錄曰、元謹案、百世學者皆取法孔子矣、然去孔子漸遠者、其言亦漸異。子思、孟子近孔子、而言不異、猶非親受業於孔子者也。然則七十子親受業於孔子、其言之無異於孔子而獨存者、惟曾子十篇乎。曾子修身慎行、忠實不欺、而大端本乎孝。孔子以曾子爲能通孝道、故

授之業、作孝經。今讀事父母以上四篇、實與孝經相表裏。患之小者、豪髮必謹、節之大者、生死不奪、窮極禮經之變、直通天律之本、莫非傳習聖業、與年並進、而非敢恃機悟也。竊謂從事孔子之學者、當自曾子始。又案先生弟梅叔先生瀛舟筆談曰、予兄早歲能文章、尤研經義、嘗手校十三經注疏。二十四歲撰車制圖解、辨正車耳反出軌前十尺等事、爲江永戴震所未及發。此外如封禪、明堂一貫、南江樂奏、皇父釋且諸篇、皆獨契往古、發前人所未發。至於十三經注



疏校勘記、經籍纂詁、疇人傳、金石志等書、篇帙浩繁、皆自起凡例、擇友人弟子分任之、而親加朱墨改訂甚多。自言入翰林後卽直內廷、編定書畫校勘石經、旋督學筦部、領封疆、無暇潛研。故入官以後編纂之書校多、而沈精覃思、獨發古誼之作甚少、不能似經生時之專力矣。然所作曾子十篇注釋、則時時自隨、凡三易稿。此中發明孔曾博學、難易、忠恕等事、與孝經、中庸相表裏。而訓一貫之貫爲行事、尤爲古人所未發。昔人以主靜良知標其學、目一貫之說亦爲

創論故所撰之書當以此五卷爲最精。又言、近
人考證經史小學之書則愈精、發明聖賢言行
之書甚少。否則專以攻駁程朱爲事、於顏曾純
篤之學、未之深究。茲注釋五卷、不敢存昔人門
戶之見、而實以濟近時流派之偏也。時論語孟
子論仁論性命古
訓三卷尙未撰八月二十二日、奉

旨補授兵部右侍郎。又奉

旨、禮部右侍郎員缺、著阮元調補。撰經籍纂詁一百

十六卷成。

按錢宮詹大昕序云、我國家崇尙
實學、儒教振興、一洗明季空疎之陋。

今少司農儀徵阮公以懿文碩學、受知
敷歷八座、累主文衡、首以經術爲多士倡、謂治



經必通訓詁而載籍極博未有會最成一編者。往歲徽州戴東原在書局實勘此議。大興朱竹君督學安徽有志未果。公在館閣日與陽湖孫淵如大興朱少白桐城馬魯陳相約分纂抄撮羣經未及半而中輟。乃於視學兩浙之暇手定凡例卽字而審其義依韵而類其字有本訓有轉訓次序布列若網在綱。擇浙士之秀者若干人分門編錄以教授歸安丁小雅董其事。又延武進臧在東專司校勘書成凡百有十六卷。公既任滿赴闕將刊梨棗嘉惠來學。以予粗習雅故貽書令序其緣起。福案是冬卽托臧公往廣東刻板次年架成印行。是以嘉慶五年以後爲學之人皆得此書之助益。

九月十二日任滿入都刻

昭勇將軍珠湖草堂詩集成。十月二十二日

御賜福字。二十六日奉封公至京。

召見仍在南書房行走。

四年己未、三十六歲。

正月初三日、

高宗純皇帝升遐。時先生在禮部、哀疾咯血、敬襄大禮。

上初親政。十九日、

命兼署兵部左侍郎、疊蒙

召見、命隨吏部尙書朱公

珪

在南書房恭掌

御製詩文藁本。三月初二日、奉

旨調補戶部左侍郎。

初四日、奉

旨充 經筵講官。

初六日、奉

旨充會試副總裁。時正總裁 經筵講官太子少保

南書房行走吏部尙書大興朱公珪副總裁都

察院左都御史長沙劉公權之經筵講官內

閣學士兼禮部侍郎滿洲文公口及先生揭曉、

得士史致儼等二百九人、多積學之士。按已未

都史致儼、西安余本敦、奉新趙敬襄、歙鮑桂星、
黃安張錦琦、甘泉徐寅亮、安仁歐陽厚均、桐鄉
蔡鑾揚武進劉企探、元和陳超曾、全椒吳鼐、大
興孫喬齡、合肥黃鳴傑、仁和錢枚、績溪胡秉虔、
滿洲覺羅桂芳、綏德馬丕基、固始祝孝憑、武進
張惠言、閩縣陳壽祺、高郵王引之、德清陳斌、建
德周悌江、浦陳謨、蕭山湯金釗、諸城苑鴻緒、江
夏容景春、博羅何南鍾、晉寧李燾、滿洲廉能、汾
陽曹汝淵、石碣崔永福、龍陽羅志謙、安平陳若
疇、漢軍壽星保、全州馬德表、高陽齊正、訓桐鄉



程同文、宜黃田應軒、大興趙玉、滿洲貴慶、南宮
張汝緒、德清許宗彥、新城孔昭銘、蕪湖韋運標、
孝感唐儼、巴陵方應綸、長安張述、燕江寧汪恩、
滿洲椿齡、滿洲佛保、大興俞恒澤、光州劉尹衡、
長洲彭蘊輝、長興張鱗、鄱陽李遠烈、桐城馬宗
璉、錢塘王家景、閩縣林東垣、石屏楊汝達、涿州
盧坤、與縣康紹鏞、錢塘莫南采、山陽吳準、南城
蔡夢麟、歙程祖洛、和平徐旭曾、長山李本榆、侯
官孫猷、祥符薛璧、秀水錢昌齡、後改名寶甫、上
元陳梅、寧海劉開泰、通州白鏐、漢軍象曾、金谿
朱嗣韓、婺源汪桂、江津蹇滋善、南寧楊本昌、晉
江蔡鳴捷、閩縣何恒鍵、鎮平林颺華、貴筑花杰、
湘潭尹澍、武昌陳中孚、龍泉高世書、歸安毛謨、
元和陳鍾麟、大荔淡士濤、忻州康黃中、大興俞
恒潤、天津沈士煜、棲霞郝懿行、臨清王顯文、固
始吳其彥、汾陽宋其沅、大荔王庭華、武進丁履
泰、秀水汪如淵、長沙李象鵠、樂陵賈聲槐、豐潤
孫鵬越、武寧張富業、宛平朱學遂、鄒平李景嵩、
大興董大偉、閩縣趙在田、惠來翁有儀、仁和萬
雲臨、榆吳鼎臣、商城程國仁、文登林鍾岱、大興



汪桂林、滿洲、廉善、海寧、趙子環、山陰、朱淶、新建
 葉立、筌、桐城、吳廣、校、雲、夢、楊、世、英、歷、城、毛、式、郇、
 蒙、古、明、安、大、興、林、天、培、太、平、賈、履、中、蓬、萊、楊、樹、
 基、天、津、牛、坤、商、城、黃、恩、宸、清、江、黃、郁、章、閩、縣、邱、
 音、越、歸、安、張、師、泌、大、興、王、廷、紹、會、休、張、之、屏、歷、
 城、姚、廷、訓、大、荔、浚、士、淳、新、城、楊、騰、達、高、陽、王、田、
 頤、瀘、州、王、儉、楚、雄、周、錫、章、南、海、吳、榮、光、新、昌、張、
 光、曙、大、興、沈、世、求、范、水、周、開、謨、武、鄉、李、端、洋、縣、
 字、友、竹、錢、塘、陸、言、龍、南、徐、名、級、陽、湖、趙、學、轍、望、
 江、倪、謨、晉、寧、何、鍾、泰、祥、符、張、運、煦、浦、江、戴、聰、武、
 寧、盧、浙、霑、化、蘇、北、登、密、雲、邵、自、錦、汾、陽、馮、大、中、
 隨、州、羅、世、村、新、會、何、朝、彥、安、平、黃、燮、長、樂、梁、運、
 昌、歸、安、姚、文、田、上、元、朱、桂、楨、新、城、涂、以、輔、秀、水、
 孟、晨、武、威、張、澍、密、縣、魏、士、俊、巴、陵、彭、昌、運、南、充、
 胡、大、成、嘉、應、宋、湘、滿、洲、柏、齡、阿、閩、縣、許、鉉、寶、應、
 劉、台、斗、蒙、古、味、爾、杭、阿、德、化、余、需、元、孝、威、蕭、鎮、
 平、定、黃、冀、堂、臨、桂、張、傳、霖、雄、縣、王、維、鉅、蘭、山、宋、
 漢、獨、山、楊、鳳、臺、龍、川、彭、鳳、儀、河、內、李、嘉、禾、陽、曲、
 唐、先、甲、長、安、呂、清、上、元、李、光、晉、山、陰、何、蘭、馥、南、
 昌、黃、維、烈、休、寧、葉、積、畝、黃、岡、蔡、文、蘭、萬、縣、賴、勳、楚、

雄劉陶、永明蔣雲官、海寧蘇璚、長汀湯志美、
州莊詠、蒲圻張兆安、簡州周維翰、商城黃任、寧
遠溫際清、嘉定陳詩庭、宿松石鼎、南昌彭良裔、
汾陽任伯寅、浪穹王藩、後改名崧、臨桂周璽、獨
山莫與儔、新興伍士超、侯官許亨超、平涼張紹學、
宛平賞錯等，共二百有九名。是科二
三場文策，大興朱公屬先生一人披閱，乃選出
長策一千三百餘卷，窮三日夜之力，再選出二
百卷，分爲三等，以觀頭場名士經生多從此出。
論者謂得士如鴻博科，洵空前絕後也。間有被
房考錮閉，終不薦出者。按朱文正公已未會試，
錄序云：多士奮發，操滌
英華茂實，左宜右有，三場充幅，長篇至一千
三百餘卷，多矣哉！而條達原本者，皆出其中。
闈中閱卷之暇，作衡文瑣言。四月初六日

恩詔加一級。

覃恩封公得

誥封榮祿大夫、戶部左侍郎加一級、林太夫人晉

贈一品夫人、祖昭勇將軍、祖妣汪淑人、江淑人、及曾高

祖、祖妣四代、

贈亦如之。疊蒙

旨監放八旗賞賚局錢、查勘

太廟工程、審辦控案等事。七月十三日、奉

旨仍兼署禮部左侍郎、襄辦

大禮。是秋、



賜蠟箋金箋等紙幅。九月望日、

高宗純皇帝梓宮至

裕陵、

大葬禮成、蒙

恩加隨帶二級。復奉

旨留住

裕陵四日、勘收

裕陵各處工程。奉

旨管理國子監算學。撰廣陵詩事成、賜

高宗純皇帝御用遺念紗袍呢褂手珠貂領各一事、荷

囊三箇。十月初三日，奉

旨署理浙江巡撫事務。先生叩首固辭，不

允，因不敢再辭。十二日，

賜琥珀朝珠一掛，貂皮十二張。十五日出京。二十

二日至山東德州，聞德平縣閹常留戍官破獄，距德州不遠。先生留駐德州兩日，與德州城守尉商備官兵，事集之後，知德平事定，具奏而後行。十一月十五日至任，恭奏接篆日期，奉

諭云：勿忘訓言，切防引誘，立定脚跟做去，庶可有成。處順境時，切毋肆志；若不順，亦莫灰心。知此道理，庶乎



可希古大臣之風矣。勉之。欽此。十一月十八日、奏

請復民壯演習鳥鎗舊制。按疏畧云、伏查各省州縣營汛兵散處各

汛分防、存城僅有兵數十名、所有倉庫城池及緝捕奸盜、全藉民壯等協同營兵守禦。每州縣額設民壯四五十名、不等。若仍照舊例、一律演習鳥鎗火器、爲軍中利器、原可以一抵十、較之弓刀矛倍爲得力。況兵丁民壯俱係於鄉民內招募承充、同係人役、本無二致。此等民壯若果操練精純、通省各州縣約有三四千名。遇有調用之處、皆知紀律而聽驅使、較之現募鄉勇、實爲有濟。而於沿海地方尤爲得力。部議、准沿海州縣添復鳥鎗、

其餘不准。十二月、刻經籍纂詁成。

五年庚申、三十七歲。

正月初七日、奉



上諭實授浙江巡撫。初八日赴台州，將往温州鑑案。

洋程日記及軍幕冊簿等件，先是嘉慶四年冬，盜船之在浙者，最大為安南夷艇，其次則鳳尾幫、水澳幫、箸黃幫，共數百船，盤踞浙洋，各行劫掠。十二月二十四日，定海李鎮軍長庚會閩中舟師，攻捕夷艇於溫之三盤洋，礮沈盜船一隻，斃盜無算。無如艇船高大，駕馭靈快，雖傷不退。至是，先生乃親赴台州，督捕夷閩各海盜，并奏請添設船礮。疏畧曰：艇匪船高礮大，舢邊圍裹牛皮網紗甚厚。兵船礮子重者不過斤許，匪船礮子重至十三四斤。三鎮兵丁合計不過三四千人，匪船二百餘隻，總計約萬人。

弱強衆寡之勢迥不相同。必當添設大船大礮加兵始能痛加剿除以絕其窺伺內地之路。至沿海一帶奸民偷漏米糧淡水火藥出洋濟匪尤應嚴密查拏。海洋近日商船亦少若艇匪外無所掠而內地米不偷漏必將近岸滋擾。是以沿海口岸尤應嚴防。臣當沿途查察遇有兵少之處卽將陸路守兵酌調嚴緊守禦不致疎懈。十五日自台州聞艇匪及鳳尾幫盜已於初五日竄回閩省乃自台州回省。過天台山大雪守凍剡溪三日。二十一日旋省。定海李鎮軍長庚窮追至閩粵交界始返。二十五日奉到

御賜

高宗純皇帝欽定蘭州紀畧明史本紀各一部廓爾喀

戰圖一冊。封公白揚至浙江。二月初四日。

奏請捐造船礮。摺畧曰臣於上年冬間到浙後訪聞剿捕艇匪事宜須用大船

大礮。又聞閩省有黃文海等投首艇船。可仿樣製造於剿捕似能得力。且閩省木料較爲便宜。

臣與督臣及鹽臣各官前後所捐共約銀五六萬兩。大船每隻工料約須三千餘兩。誠如

聖諭。照粵省米艇一百餘隻之數。成造十分之三。四亦

須三四十隻。方資配用。卽須十餘萬兩。加以添鑄大礮。增配兵丁水手口糧。歲修蓬索損具等

旨。在於浙省存貯。間欵內奏用。查艇匪見已南竄。但夏

秋之交。不能保其不來。趁此春時在閩趕緊造辦。庶幾有十一日後。奏籌捕土盜。摺畧曰臣查艇匪南

竄。閩鳳尾亦已隨去。蔡牽幫本在閩界。前經定

海鎮臣李長庚帶領舟師窮追入閩。臣恐鳳尾土盜折回。滋擾屬令黃巖鎮臣岳璽挑配兵船。由温州出海偵探賊蹤。乘此艇匪離浙之時。務



將土盜痛加剿除絕土盜之根株卽以翦艇匪之羽翼疏入旋奉

諭云聞卿在浙頗能整飭守正才優朕心深慰果能常守此志不因貴顯更易素心常憶寒窗燈下辛苦到此地位應顯親揚名爲國宣力成一代偉人不亦美歟勉守朕言毋懈欽此二十一日奏黃巖鎮總兵

岳璽率同副將胡振聲等在太平縣狗洞門截

拏箸黃幫土盜攻獲盜船十二隻生擒盜首江

文五一百七十六人箸黃幫自此剿滅

按摺畧云臣於

正月十五日在台州面見黃巖鎮臣岳璽因其時艇匪已經南竄仍恐尚有土盜折回本境滋擾之事屬令出洋四處搜捕該鎮於二月二十一日探聞台州太平縣狗洞門等處土盜駕船



遊奕伺劫。是日兵船仍護送商船過狗洞門之北。就紀青地方暫泊。三更時候出其不意疾馳回南。於五更率同胡振聲等馳至該處。一擁而進。卽開鎗炮攻擊。匪等抵死拒捕。經官兵奮勇殺死盜匪及落水淹斃者不計其數。匪等赴水登塗四散。逃竄。經官兵追趕擒獲者七十餘名。又埋伏弁兵兜獲山下逃竄者七十餘名。又松門汛弁及巡司差役兜獲盜匪三十餘名。計此次生擒盜匪一百七十六名。首級三顆。共獲盜船十二隻。并鎗刀旗礮火藥等件。見在委賢能之員馳赴台州會同該府研審。不使少有枉縱。以歸詳慎。二十九日奏獲

杭紹地方疊次窩劫盜犯陳阿三等二十一名。

按疏畧云。臣於上年十一月十五日到任。節據杭州府屬之海寧紹興府屬之山陰會稽等州縣稟報。十月二十四十一月初四初七等日。該州縣事主林九成等家被盜。夜劫多賊。臣查此半月之內。突報劫案數起。必有窩盜屯聚附近地方。宜及時嚴拏。以安閭閻。旋訪有窩盜陳阿

三、在紹興海寧南沙海邊、容匿多人、或係赦
回配犯、或係積慣鹽梟。陳阿三造意指使、肆出
窩劫、得贓俵分。臣卽先飭各營縣派撥兵役、在
於要路把守截拏。復密飭山陰縣知縣裘世麟
等親督兵役、直入南沙將窩首陳阿三、盜犯章
阿興、張大毛、貝阿福、楊老順、潘阿大、包阿三、熊
子望等拏獲、餘犯聞知潛逃。旋據海寧州知州
張玉田拏獲羅高風、陳開榮、錢匠阿周。署會稽
縣知縣胡培、上虞縣知縣詹錫齡、協同拏獲顧
大及船戶屠章友、水手徐阿七、仁和縣知縣戴
廷沐拏獲謝阿飛、宕頭阿二、何佳奇、蕭山縣知
縣李廷蘭、千總朱謙拏獲陳武康、華阿四。餘姚
縣知縣張修拏獲詐心得。又紹興府役拏獲孫
景明等、共二十一名。並於陳阿三屋內起出人
參原贓、其餘亦各起有。同日、獲錢塘江烏鴉
原贓、及賊具、鍬尺等件。

船盜韓球等。先是錢塘江有小船曰烏鴉船、舟
中僅數人、榜人卧船尾、以足踏槳。中流風起、雖



大艦有時覆沒、烏鴉船隨潮上下、踏浪如土。潮未至之先、江岸宋無一舟、潮過、轉瞬間已千百爲羣矣。亡命之人潛身其中、以操舟爲名、輒乘昏暮劫掠。沿江蕭山、諸暨、仁和、錢塘、富陽五邑之中、此境收捕則逃之他境、聚散無常、栖泊不定。猾吏蠹役、匿不爲言、大爲行旅之患。先生下車卽訪問利病、密飭富陽縣典史韓榮偵得虎爪山等處船戶姓名居址、隱匿之處、盡得其實。密札取蕭山老役二人至轅、假以赴南沙捕盜爲名、召至密室詰之曰、爾等烏鴉盜船、爲害商

民我已盡知、今取爾命矣。二役叩頭出汗曰、非不知盜、以一縣之力不能制、數縣之力又不齊也。先生曰、我以兵百人濟之、能乎。二役曰、如此可矣。遂親授二役密函曰、爾至教場、可與帶兵之官俱去。時已預選水師撫標弁兵、期日落時會於教場。二役至、招之行、行至錢塘江心、開拆密函、乃非南沙事、實捕烏鴉船地境姓名也。官兵乃返棹西指、夜四鼓至盜窟、圍屋鳴鎗、獲其渠魁韓球等、分別首從、置之於法。方兵役縛盜至轅時、先生曰、發按察司衙門可也。蓋前此省



中文武無一知其事者、密速故也。此後江程清晏、旅行水宿之人、靡不歌頌其事。當捕烏鴉船渡江之日、卽南沙獲盜之時也。南沙盜案旣奏、奉

上諭、阮元奏拏獲杭紹地方窩盜陳阿三等、審明定擬一摺。阮元到浙未久、甫經實授巡撫、於積年窩盜要犯卽能留心查察、飭屬嚴拏到案、具見緝捕認真。各省地方官吏遇有多年盤踞盜匪、往往畏難苟安、不肯卽時督拏、任其擾累閭閻、最爲惡習。卽如直隸省張標一案、經朕訪聞、密諭直隸督撫迅速查拏、而伊

等總存心畏事、遲遲不辦、以致釀成長新店肆劫之案。今浙省疊次窩劫盜犯、若阮元亦復遷延遲緩、並不及早查拏、亦必致容奸遺患。阮元辦理此案、任事實心、克副委任。又提督蒼保、黃巖鎮總兵岳璽、在洋搜捕土盜、擒獲一百七十餘名、見俱解省審辦。看來浙省吏治大有起色、均堪嘉獎。阮元、蒼保、岳璽俱著交部議敘。欽此。後部議加一級。又接軍機大臣字、

寄奉

上諭、阮元奏拏獲杭紹地方疊次窩劫盜犯、審明定擬一摺。已批交行在刑部、速議具奏矣。阮元到浙未久、



甫經實授巡撫、卽能拏獲窩盜要犯、不致積匪漏網。所辦尙好。上年直隸省張標一案、若能似此早行辦理、亦何致有長新店肆劫之事乎。又據另片奏、黃巖鎮總兵岳璽先後擒獲土盜一百七十餘名、見在研訊確供、分別辦理。并據蒼保奏稱、拏獲匪艘盜犯多名、業經知會阮元、提省審辦。看來浙省吏治大有起色。覽奏嘉慰、已另降諭旨、將阮元、蒼保、岳璽交部議敘矣。至阮元所奏疊次窩劫之陳阿三一犯、係起意糾約多人、主使竊劫之犯、得贓代爲窩變、並墊銀給作盤費、核其情罪、與大名張標相似。此等盜犯經刑

部核議亦斷無監候之理。該撫既經拏獲審訊明確，卽應恭請王命正法，何必拘泥請旨，俾要犯尙稽顙戮耶。將此諭令知之。欽此。是日又奏籌辦倉庫事。

宜。摺畧曰：竊查浙省各屬倉庫原虧有四百數十萬之多，節經前撫於漕羨採買項下設法彌補二百八十餘萬，今總計虧缺尙有一百數十餘萬。臣蒙

高厚天

恩畀以封疆重任，於熟籌彌補之法，固不敢督

責太迫，致州縣婪索滋擾閭閻，更不敢查辦遷延，致由國帑久懸，復滋影射。伏思浙省從前虧缺之由，或因因上上司平時收受陋規，奢華靡費，屬員有所挾持，得遂其侵肥之計，或因臺灣兵差供應以及幫辦海塘并一切因公不能開銷之項，一時無措，卽以公項支用，及至奏銷緊要，則皆挪新掩舊，以顧考成。交代之時，或因虧短之員，已逾數任，勢難追繳，或因佐雜貪署縣事，簡缺已結調繁，情願出結擔承，不敢揭報，祇圖將



來彌補。故於詳報交代清楚之外，公然寫立議單，同監盤各員畫押，用印羅列，原虧續虧，已補未補，准墊准抵，認賠補認，賠各款互相授受。或陞任之員議定認賠，其實又挪新任庫項彌補，原任缺處挹彼注此，究屬同一虧缺。凡此弊端，不可枚舉。尙賴其有所立之議單，卽實在倉庫虧缺之年，分數日真正憑據也。惟是清查彌補，其法有三，而皆不能兼善。一則徑行奏明，將前任各官按數嚴叅勒追，但虧空旣在十餘年之前，其中降革問罪，人亡產絕者，實屬不少，恐可以咨追完繳者，十不得二三。而以後之彌補勢難切責於後任之員，轉致帑項無著。一則因新任已經出結，責令彌補歸款，又恐見當清釐漕務，禁派採買之時，且緝匪兵勇口糧等事，向係捐廉辦給，恐彌補不能多而且速。一則因其有挪新掩舊之弊，定以本年爲斷，以本年征銀勒清，本年之款，使舊款無從掩飾，則上年征解不及分數之處，一經奏銷，之後通省官員革職者，十居八九。於吏治帑項，似仍有碍。以上三款，臣夙夜思惟，不敢少涉冒昧，似年清年款一條，尙可

收實效而少流弊。俟弔齊單州、查明實在虧缺之項、究係若干、其中某任虧缺若干、彌補若干、分別有著無著。總期於國帑日有起色、於民生不致擾累、以仰副

皇上足國愛民之至意。

四月初三日奉

諭云、特示卿知、川省近日連得大捷、生擒賊首十餘名、勦滅及招撫者幾及萬衆。甘省湖北亦俱有捷報。唯陝西奔竄之賊頗衆、見已移兵會剿、大約夏秋前茲事可藏。知卿挂念、特諭卿知。欽此。十八日奉

諭云、朕觀卿之摺奏、皆係自繕、若此則不勝其勞、恐有妨公事。俟後密奏之摺、應自行繕寫、尋常例奏、應令人代寫、稍省精神。特諭。欽此。大計舉劾薦賢能官、



得杭嘉湖道秦瀛等一十一人。重修會稽大

禹陵廟成、作碑紀事。訂定香亭筆談成。立

緝匪章程七則。按浙政錄存一沿海口岸村莊

各船宜查奸弊也。一沿海營縣宜嚴拏偷漏米

鐵也。一沿海營縣宜嚴拏偷漏火藥也。一各口

商船如當艇匪來時毋許貪利獨行也。一沿海

營汛宜嚴拏通盜消贓奸民也。一沿海村畝壯

丁宜團練策應也。案平陽北關鄉勇張玉珍

團練千人先生獎用之最得力。丙寅年平陽副

將徐錕陞閩福寧鎮總兵蔡逆在霞浦上岸官

兵失利錕屬玉珍以五百人過隣境大敗之得

保霞浦。祐補案玉珍子葉

卽領鄉勇者今官上總兵。五月初十日起

寧波會提鎮商辦本料添設礮位督緝土盜并

照會沿海州縣編查保甲嚴立規條十二則。

十八日、聞夷艇等大小七十號竄入浙江、至北
關、洋三盤等處遊奕、分咨三鎮舟師暨閩安署
協事遊擊陳名魁、帶領舟師會剿。由寧波赴

台州、奏請以定海鎮李長庚總統三鎮舟師、以

專號令。

按摺畧曰、浙江水師三鎮、分洋剿捕、遇有大幫賊匪、必須會剿。但軍情密速、海

面遼濶、攻守進退未便少有歧悞。仰懇

皇上天恩、諭令李長庚一人總其號令、庶幾機宜畫一、

賞罰可

行。案焦孝廉循記云、先是先生以賊情下詢

諸官弁及士庶人。定海孝廉方正李弼占以厚

集兵勢力杜盜源請。定海教諭王鳴珂以防禦

六事、攻擊三事、預籌四事請、言皆可用。鄞縣令



郭文鈇請合江閩舟師。黃巖令孫鳳鳴請先滅土盜。台州府教授沈焯請厲武舉以寓約束。黃巖縣教職李其瀾、湯棧請禁商船漁船。定海令宋如林請查偷漏。紹興府經歷黃敬修請造巨船巨礮。先生因於杭州、寧波、溫州設冶局、鑄鍛大礮四百餘門。奏令沿海州縣民壯兼習鳥鎗、不增餉而增兵千百。嚴號令、警弛廢、厲廉隅、肅賞罰、檄沿海村岸十丁立一甲、十甲立一總甲、一村立一總保、一山一畧立一畧長、給以費、使之互糾通賊者、獲之有賞。檄漁戶小船塗以白、

編其姓名年貌屬之埠頭旂長。晨出者暮必返，不返者有稽。遠赴者鳴於長。船之偶者分正脚，私駕者毀其船。檄汛口凡船出互稽之，人日持米升五合，驗以印票。私漏者執之，執私漏者賞以私漏之物。檄海濱台者遷入城，私造鐵器出城者有誅。檄兵船漏硝磺以濟賊者斬。檄商船毋獨行，賊來則禁出海，不遵令者有罰。私充標客以誤商者誅。檄營汛察奸民，有緣商被劫而爲保釋者，有以酒米易賊貨爲之消贓者，百姓執之者有賞。子弟爲盜，父兄詭爲陷賊者，吏稽



之。檄村畧壯丁團練相守。立耆老紳士之賢者爲村長。有警鳴金相召。有不應者梏其頸。檄府縣營汛實力同心。賢能者敬之擢之。弛者縱胥吏擾民者疾如仇。遣教職佐雜官數十人分巡海口。微服步行。率鄉勇線民以爲禦捕。雕木印令其事無鉅細。直達行轅無少隱。以故千里海澨皆如目睹。而營縣亦互相糾不敢少諱。於是定海縣教諭王鳴珂率鄉勇守黃巖。定海令宋如林稽空船出口。空出者給以照。平陽令楊鏞肅清漁戶爲團練鄉勇二千七百人。鎮海合

魏右曾力行保甲、造鐵鎗千杆、民踴躍從者六百、衣上書勇字。黃巖令孫鳳鳴令士民自派壯丁、備木棍竹笊鋤耜石塊、識以旗、旗上書丁名、丁立其下。王鳴珂實統之、沿海之旗連續如雲、金聲一警、農兵畢集、故賊不敢近窺村落。太平令趙擢彤于海岸壘石爲垣、外周以塹、兵勇內伏。寧海令陳鵬南于健跳螺師山設劈山礮以擊賊船之入口者。象山令徐元梅於石浦泥灣設立礮房。而鎮海之小港、大碶頭、慈谿之後山、北、定海之西道頭、臨海之海門、金沙灘、太平之



狗洞門、石板殿、鸞殼畧、金清港、石塘、樂清之歧頭、蒲頭、洛西地畧，皆奸民偷漏之地。令旣行，巡樂清縣教官王應虞訪奸民龔大等通於盜，誅之。先生又用計訪鄞之姚家浦爲土盜之藪，擒其魁姚富衡，其保長首出姚阿三等十六人，又溫台各巡員獲通盜張周貴等數十人。又有浙盜潛登岸，僞充鄉勇，刺聽官虛實者，詰獲立斬之。樂清張阿三素附鳳尾賊，登岸，其兄集族人縊殺之。沿海村民演戲，自約禁偷漏。閩浙賊窮，感斷糧，故附夷艇窺平陽北關，遂泊黃沙宮。至

是先生至台州、會提督蒼公保、黃巖岳鎮軍璽

爲會剿計。時夷艇三十餘船踞三盤、閩賊與浙

賊隙、浙水澳六七十船南泊玉環外洋、鳳尾六

七十船及土盜小船散泊大陳、石塘、鸞鼓等處。

先生謀因其隙而間之、葉萬根薦漁山鄭天選、

札玉環同知招之、使與水寨言蔡牽六七十船

往來無定。二十四日、艇賊自三盤入深門、岳

鎮軍飭兵船漁船分泊以俟駕。二十九日、先

生乃具疏請調粵閩舟師會剿、得

旨允行。畧曰、粵閩浙三省皆有洋匪、而艇匪爲尤甚、日多一日、年衆一年、若不急爲勦滅、漸致釀成巨



數侵擾岸民。前明東南倭寇，人民財賦爲之傷耗，甚可鑑也。見在三鎮兵船，不過百號，而粵閩盜船皆萃於浙。臣愚以爲分而禦之，不若合而擒之，之爲得也。請

皇上飭令兩廣督臣選派勇幹鎮臣帶兵艇二十號，乘南風來浙會剿。使外夷匪徒知內地兵力之厚，策應之靈，不敢妄生窺伺。實於三省均爲有益。六月，駐台州。初九

日，李鎮軍長庚統師出洋。十一日，抵普陀韭山。先生遺書促之。十四日，至銅瓦門。十五日，駐師石浦。時溫州胡鎮軍振聲亦移師楚門，水澳盜船以間故持兩端，退泊玉環，與鳳尾鬪，互有傷。夷艇及鳳尾進據龍王堂，抵松門之下，環於松門之山，將爲撲岸計，且劫糧以避風潮也。時松

門守兵五百、鄉勇二百、叅將李成隆、同知時敏據松門禦之。提督蒼公保謀火攻、先生令紹協中軍造火箭千五百枚、札温州府脩水帶給涉水兵、調撫標兵二百貼防。時閩安協舟師亦終未至。二十一日、先生會提督蒼公及定海李鎮軍、黃巖岳鎮軍於台州拔士館之四照樓、屏侍從於梯下、謀所以破賊者。謀既定、李鎮軍乘小船與岳鎮軍同赴海門。先生卽札胡鎮軍自楚門出、與兩鎮會於金清。是日戊亥間大風且雨。二十二日子丑、風東轉甚、遣使探兩鎮所



在道沒于水。二十四日、有弁鳧水至、言是夕風雨狂烈、獨注龍王堂、雨中有火、蒸人、賊艇與海山相撞多破。於是檄水路各陸兵赴海山搜捕、而李鎮軍船在海門爲風水所舉、挂於木而止、李岳兩鎮兵船亦損破大半。惟胡鎮軍師船在黃華關、風未之及。是時賊奔竄海山、水師船不可駕。叅將李成隆婦方產、風雨破其屋、驚死、不顧、率陸營兵由松門涉石塘、勦賊、賊乘餘舟悉就擒。有賊數百爭乘破艇、旋沒於海、登岸攘食者、魯長督鄉勇獲其渠。叅將蔡德耀有五舟、

托買米他泛立斥之。太平武生林羽林率鄉勇及烏鎗兵二十人乘烏鳩杉船出海搜捕。值鳳尾遺船相拒甚急。李鎮軍以未損八船乘之。賊震而逸。先後生獲八百餘賊。淹斃者約四五千。人獄不足禁。棧郡廳以兵守之。首從以下各如律。其爲難民被擄及脅從者皆釋之。李成隆率兵涉水取賊礮。得油布包安南敕文總兵銅印各四。敕稱善艚大統兵進祿侯倫貴利。二十五日黃巖令孫鳳鳴定海縣教諭王鳴珂獲三人。一詭爲瘖者。其一長髮者。訊之卽貴利。是役



也。李成隆率外委林鳳飛、陳際會登山追擊。守備陳世勲把總崔榮華、鄭殿魁、秦得勝於松門龍王堂小焚陳、獲賊三百餘人。武生林羽林、畧長朱大錢、義民徐國恩、鄉勇劉向榮等獲賊百餘人。巡員鄧必玉、杜兆熊、易元曜及提標兵武生林兆鰲、獲各有差。獲得竹笠紅布包、夷冠服。鄉民於水中得紫銅礮重二千四百斤、二千八百斤者五六門、洋鐵大礮重四千斤者一門、餘鐵礮三十餘門。又船桅大者長八丈、夾長丈餘、以鐵梨、紫榆、青栗等木爲之。柁木櫓長三丈餘。

番木椹二丈餘、棕筴長三十餘丈。夷匪及鳳尾

二幫自此剿滅。二十六日上其事於朝。

天子諭以誠感神佑、勅建天后宮龍王廟於松門。按孫

淵如先生松門天后宮龍王廟碑、國朝康熙十九年封護國庇民妙靈昭應宏化普濟天妃。

明年復以舟師南征大捷、有反風之應、改封昭靈顯應仁慈天后。嘉慶四年、今

為護國庇民妙靈昭應宏化普濟福佑羣生誠感咸孚顯神贊順垂慈篤祐天后、蓋額后之靖

海氛也。浙江台州府松門山天后宮龍王堂在焉。五年太歲庚申、為今撫部阮公蒞任之明年

察海盜之鴟張日久、將大創之。六月廿二日、合師、海風大作、一夕漂沒盜船數百、殲戮沈溺無

算、海疆之民鼓譟相慶曰、撫部之力。撫部曰、此天子之德。天子曰、翳神之功。乃

俞撫臣所請、發藏香、又奉葺神廟、以答神庥。



上諭、此次盜匪棄艇登岸、時外委林鳳飛、陳際會首先
追擊、奮勇可嘉。林鳳飛、陳際會俱著拔補把總、以示
獎勵。其備弁兵丁鄉勇、因捕盜傷死及落水淹斃者、
均著照陣亡例議卹。欽此。是日、復奏停止粵閩舟
師、不必來浙會剿。七月初六日、接金華、處州
紹興三府三十縣申報、大水漂沒田廬人口無
算、一面飛章入

告、隨即督率藩司照例撫卹。疏上、奉

旨、著照所請。金華、永康、武義、麗水、縉雲、諸暨、遂昌、松陽
八縣、其成災十分者、極貧賑給四個月、次貧與九分

灾極貧者給賑三個月。九分灾次貧與八分灾極貧者給賑兩個月。七八分灾次貧與六分灾極貧者給賑一個月。每大口月給米一斗五升、小口減半。欽此。其餘復請分別蠲緩者不等。平陽縣楊鏞復

報閩賊蔡牽於六月二十六日入浙洋、被陸路兵勇堵禦、水澳賊附之南遁。先生因以續獲盜犯及擊退餘匪聞於朝。二十一日、復審辦

夷匪安南偽總兵倫貴利、而以其事入奏、傑於

杭。

按摺畧云、倫貴利卽王貴利、廣東澄海縣人。於乾隆五十九年投入安南匪艇、跟隨該國

寶王侯與農耐戰有功、封爲善贍隊統兵、貴利侯、給與割付一紙。因該國避稱王字、改姓爲倫。



娶妻蓄髮。第三年。又給割付一紙。加封爲善。船
 隊大統兵進。祿侯。今年該國王派伊同善。船三
 和侯總兵耀善。船後支大統兵總兵金善。船後
 支統兵總兵南率領艇船二十八隻。并各帶印
 信。砲械。駕駛。巡海。私至浙江。行劫。旋泊太平縣
 龍王堂洋面。不意陡起大風。打破船隻。該犯躍
 抱板漂流。潛匿山島。恐髮長被人盤詰。自用佩
 刀割去半截。正欲遠逃。卽被拏獲。所領該國割
 付隨船沈沒。已被撈獲等情。其餘三
 總兵皆溺斃。銅印敕書全皆撈獲。

天子命軍機大臣字寄兩廣總督。照會安南國王責之。

冬十二月。安南王阮光纘呈覆。其畧曰。小番

世荷

天朝恩庇。曠格逾涯。無能酬報。思以慎守疆圉。永作屏
 翰。祇因本國極南沿海農耐地方有渠賊阮種。

竊據其地、嘯集齊桅盜夥、爲海程之患。本國海防正緊、間亦收撫艙客、以離賊黨、且助洋面帆柁之役。如倫貴利者、前年依附作活、本國聽其住泊、同商伴隨在巡防。詎知該犯暗藏頑狡、私瞞小番、敢爾潛約匪船、赴內洋肆行搶劫。又敢捏造印剗、轉相誑誘、尤爲情罪重大。甘犯天憲、爲法律所不容。該犯棲居本國海外、馴習既久、悔不能先燭其奸、此實鈐束稍疎所至。仰蒙

聖慈普鑒、洞悉肫誠、訓誨有加、天日垂照。恭譯

聖諭、真感激於五衷、更悚惶而無似。當遵奉訓、冀綏靖



封守。嗣令本國所委巡海人員一一嚴加警飭，密施鈐勒，斷不容結同匪夥，越境作非。務祈桂海永清，以上副

聖天子懷柔之至德，是所自勉也等語。先是，元年秋，閩中獲艇賊安南總兵范光喜，供詞述安南事，言阮光平既代黎氏，光平死，傳子光纘，稱新阮。黎氏之甥阮種，卽阮福映，奔暹羅，暹羅妻以女弟，助之克復農耐，曰舊阮，歲爲新阮患。新阮之柄臣陳寶玉招集粵艇，肆掠於洋，而安南總兵黃文海與賊五存七隙，以二艇投誠於閩。倫貴利

者、廣東人、投附安南寶玉侯、與農耐戰勝、封侯。嘉慶初歲爲浙患。先生之獲安南盜也、隔別親鞠之、得其隱情。咸稱阮光纘幼昏、陳寶玉專國、農耐舊阮阮福映漸強、新阮因分國內善艚爲二隊、一以禦舊阮、一以入閩浙劫掠以充軍實。阮光纘實使之。并鞠知安南虛實、衆口如一。先生以安南之事、自兩廣總督孫士毅喪師之後、阮光平入覲歸卒、今光纘繼立昏弱、農耐漸強。若不斬倫貴利等而用爲嚮道、授機農耐、約滅光纘、大兵分兩路、一水師由海道、一陸師出廣



西、則光纘必滅。然此時川陝教匪未平、廣東洋匪亦多、兵力難分、事機難一。若奏明光纘知情、則不能不興師問罪、是以咨刑部正摺內敘貴利等四總兵私瞞國王入浙爲盜、而以其隱情另摺密奏。奉

批、與朕意合。又奉

命、磔貴利等於杭。又

命以安南敕印擲還光纘、光纘具呈粵總督吉慶、認失約束之罪。此後光纘因入浙之艇艚無片帆返者、維餘本國善艚一隊、又乏軍實、連年窘弱、遂

爲舊阮阮福映所吞滅卽今請

封之越南國也。二十二日自寧波回省。蔡牽復附水

澳至平陽登岸潛掘番薯署協副將徐錕試用
縣丞方觀海率鄉勇林深設伏殺其紅衣一人
奪獲盜船三隻賊匪投出三十一人餘船南遁。
按是時水澳強蔡牽尙弱。祐謹補案平安南
夷盜及土盜之事載於

御製詩二集庚午春勝聯句詩內。今恭錄於後。

揮戈箬艇酋空穴

注浙洋土盜鳳尾水澳箬黃各幫在蔡牽之前最爲猖獗

撫臣阮元派令總兵岳璽等督兵四處搜捕探知箬黃幫匪在太平縣屬之狗門洞等處遊奕



肆劫。因飭舟師出其不意。於夜半迅駛抵彼。直前攻擊。鎗礮齊施。轟斃無數。率獲盜船十二隻。生擒盜首江文五等一百七十餘名。若黃幫自此勦滅。

洗甲松門燕集檣。

注。始洋匪之滋擾浙省者。安

洋乃私入浙境之松門。勾結水澳鳳尾各幫。屯聚伺劫。阮元駐師守捕。先散布間諜。令其互相猜忌。水澳一幫。旋即駛退。因籌兵進勦。適颶風驟起。賊船百數十號。俱簸蕩擊撞。覆溺無算。官兵乘勢奮擊。賊棄船登山。悉就擒戮。餘匪漂出外洋。經阮元飛檄各鎮。向遼遠島嶼。遍行搜捕。盡滅艇匪。及鳳尾二幫。由是安南夷不復爲患。而土盜亦日漸零星矣。

八月入閩監臨。

二十六日。各鎮營獲盜船九

隻。生擒黃阿詩等三十五人。

九月十四日。黃

巖岳鎮軍

璽

温州胡鎮軍

振聲

會勦水澳幫盜

船五十餘隻於東日洋至北鹿礮沈大船一隻盜首轎夫頭林阿孫等淹斃奪獲盜船二隻生擒蔡奔等三十二人賊衆大潰水澳幫自此掃滅。是日樂清營縣又獲登岸盜陳籠等十人。

十五日定海都司常遇恩於大七洋礮沈土盜船二隻擒盜莊普等十一人。又次弟拏獲濟匪者十餘人。二十六日外委陳文元鄉勇夏道懷獲生盜楊阿土等十九人奪獲盜船二隻銅鐵礮六門刀鎗旗械無算。又續獲盜窩陳阿三餘黨徐青山等。延原任江西同知山陰徐



璧堂

聯奎

司案牘

續集卷二有傳

十一月十九日、定海鎮

千總蔡榮恩擒獲盜犯李出等二十人、凡言獲

盜若干人、難民審釋過半。二十九日、復奏清

查倉庫彌補情形。

摺畧曰、伏查前項積欠一百

內、其人有已離本任而尚任浙省、及現官他省、

或終養告病、降調在籍、尚有官可補者、居十之

三、亦已分別咨追。惟參革問罪及業已身故者、

居十之七。臣與藩司酌商、惟有著落現任各官

次第彌補一法。現任各官、臣自到任以來、宣布

聖諭、崇儉黜奢、各州縣尚能痛改前非、屏除浮費、又自

督撫司道衙門久無絲豪取給州縣、各州縣每

年節省已多、其所節省、卽屬贏餘。今令將贏餘

之項、按任按月解交藩庫、以補本縣之虧。本縣

補畢、劃補同府之縣、同府之縣補畢、劃補通省

最苦之縣。但須在十年以外、守此不變、始能清

楚。非不知爲期太遠、庫項不免久懸、然立限若

皇上如天之仁、寬其日期、得以日增月益、逐漸全完。

過緊迫、則他弊又生。統乞
後嘉慶末、帥中丞仙舟時奏全完。

奉

上諭、所辦是。彌補之法、宜緩不宜急、於官有益、於民無損、日計不足、月計有餘。若繩以官法、現任者罹禍、取用者反置身事外、情理亦不得其平、又不能彌補足額。閩省卽明驗也。特諭。欽此。立阮氏宗祠於公道

橋舊里。十二月初四日、親赴金華等處辦災

民賑務。初、先生恐賑法一行、官吏里長無不貪緣爲奸、戶口之數、銀穀之數、無從稽覈。因於一縣幾都、一都幾村、每村幾戶幾口、先立一榜、上



寫應賑幾月、每月賑足米若干、足銀若干。此村極貧者某某、次貧者某某、大口某某、小口某某、凡數百人爲一榜。蓋愚民不能入城向胥吏查詢、若一經榜示於本村本莊、則婦豎皆知、自無損蝕增冒之弊。廉吏旣可以推誠布公、見諒於百姓、貪官亦不能病民侵帑、受制於羣胥。卽先後查賑者、亦但須挾冊抽對甚易。至是先生親策輕騎過之、就鄉村及遠僻山谷、以冊核榜、以榜查民、保甲門牌悉與賑冊戶口符合、核畢乃去。所過之處、耆老各攜男婦迎迓、歡聲載道。

十六日回省、上其事於朝。又處州災輕而

米貴、處州米不足、率仰給於温州、而溫之米商

每以灘高水急、憚至處境。先生以銀二萬兩委

同知李君

賡芸

買商米於溫、運至處、減其值糶、

以糶錢輓轡買運、期萬金減折、至盡而止、乃閱

至六千、而米價已大平、民情遂安。十九日、定

海鎮守備羅江魁生擒盜匪丁郭等十九人。

立育嬰堂章程。先是、堂務由杭州同知經理、胥

吏緣以爲利、先生會同鹽政延公

豐

率屬增設

經費歲四千兩、議定條目、得三十六則、改歸紳

士經理。

再節次提鎮將弁獲盜者、皆自備衣料、一兩銀
鏤、三五錢重銀牌、每有勝獲、則以分賞而不輕
加保荐、無一人奏翎頂者、故獲盜皆真、而訊盜
又皆親慎、既無貪功妄拏之弊、亦無草率枉罪
之虞。每定一案、輒在白公祠靜坐累日、細閱案
牘、其工夫大於親審。

甘泉受業羅士琳校



校記

①網：當作「網」，蓋形近而誤。

②由畧：當作「山畧」。

③善膳：據上下文所述，當作「善膳」。

④甘犯：當作「干犯」。

雷塘庵主弟子記卷二

烏程弟子張鑑謹錄

嘉慶六年辛酉三十八歲。

正月久晴，浙人望澤甚殷。十二日，定海令趙擢彤獲盜林新俊等十五人於旂頭洋。十六日，頒到

御賜福字并

諭云：親書福字賜卿，願兩浙上民同霑厚福。欽此。

是夜春雷應節，雨澤霑被，士民交慶。十七日，試省垣三書院生童，因以雷乃發聲爲題，擬作一首，敬書



儒藏

玉旨宣示諸生。

是日、温州胡鎮軍

振聲

於披山洋礮

沈侯齊添幫船一隻、生擒李水等十二人。立

詒經精舍、舍有第一樓、在西湖

行宮之東、闕帝廟照膽臺之西。先是、先生督學時、曾集諸生輯經籍纂詒一書、至此遂以其地立精舍、選兩浙諸生學古者讀書其中、題曰詒經精舍。奉祀許叔重、鄭康成兩先生、并延青浦王述庵司寇、陽湖孫淵如觀察先後主講席其中。每月捐清俸爲膏火、月率一課、祇課經解史策、古今體詩、不用八比文、八韻詩、親擇其中詩文之尤



者以爲集刻之。孫觀察星衍有誥經精舍題名碑記曰揚州阮雲臺先生以閣部督學兩浙試士兼用經古學識拔高才生令其分撰經籍纂詁一書以觀唐以前經詁之會通及由少司農巡撫茲土遂於西湖之陽立詁經精舍祠祀漢儒許叔重鄭康成廩給諸生於上舍延王少司寇昶及星衍爲之主講佐撫部授學於經舍焉。其課士月一番三人者迭爲命題評文之主間以十三經三史疑義旁及小學天部地理算法詞章各聽搜討書傳條對以觀其識不用扁試糊名之法。暇日聚徒講議服物典章辨難同異以附古人之教學藏修息游之旨。簡其藝之佳者刊爲詁經精舍文集。旣行于世。不十年間上舍之士多致位通顯。入翰林進樞密出則建節而試士其餘登甲科舉成均牧民有善政及撰述成一家者不可勝數。東南人材之盛莫與爲比。今作題名記書上舍生因及撫部識拔之士并纂述經詁之友與焉。杭州汪家禧陳鴻壽陳文述湯錫蕃王之友與焉。杭州汪家觀旭童人傑諸嘉樂及文耀仁范景福朱王方

同元、金廷棟、陸堯春、趙春沂、趙垣、王述曾、宋咸
熙、吳成勳、李方湛、錢塘、陳嵩慶、吳文健、嚴杰、蔣
炯、吳克勤、周雲熾、周誥、吳引年、馮廷華、潘學敏、
姜遂登、姜寧、海寧、查揆、鍾大源、朱軾之、倪綬、嘉
興府、謝江、謝淮、金衍緒、胡金題、嘉興、丁子復、李
富孫、李遇孫、嘉善、沈爾振、海鹽、吳東發、崔應榴、
王純、石門、吳曾貫、方廷珮、平湖、朱爲弼、湖府、邵
保初、周中孚、烏程、張鑑、胡縉、沈宸、周聯奎、施國
祈、孫曾美、歸安、丁授經、丁傳經、楊鳳苞、楊知新、
邵保和、姚樟、嚴元照、德清、徐養原、徐養灝、武康、
徐熊飛、鄞縣、張慧、紹興、陶定山、紀珩、山陰、何蘭
汀、童璜、會稽、顧廷綸、何起瀛、王衍梅、周師濂、蕭
山、汪繼培、王端履、徐鯤、傅學灝、台府、周治平、臨
海、洪頤煊、洪震煊、金鶚、沈河斗、黃巖、施彬、開化
張立本、以上諸經精舍講學之士九十一人。仁
和、趙志純、葉之純、黃超、聞人經、翁名濂、陳甫、龔
凝、祚、章迎照、李章典、湯禮詳、許乃濟、許乃賡、趙
魏、湯燧、方懋朝、錢塘、屠倬、林成棟、梁祖恩、陳鍾
豫、陳文湛、杭府、方懋嗣、海寧、陳鱣、楊秉初、沈毓
蓀、查一飛、王升、陳傳經、俞寶華、嘉興、李穀、戴



光曾、張廷濟、楊蟠、秀水吳文溥、桐鄉金以報、海鹽張燕昌、烏程溫純、凌鳴階、長興孫東暘、安吉郎遂鋒、孝豐施應心、山陰吳傑、王文潮、王樹實、鄞縣童槐、柯孝達、袁鈞、奉化孫事倫、慈谿鄭勲、定海李吳占、會稽車雲龍、胡開益、邵駉、劉九華、言九經、餘姚吳大本、東陽盧炳濤、徐大西、義烏童珖起、永康潘國詔、浦江張汝房、西安鄭灝、遂安毛鳳五、青田端木國瑚、以上薦舉孝廉方正及古學識拔之士六十三人。

時定海鎮署遊擊黃飛鵬在

閩監造戰艇二十五隻成。廿三日，定海鎮遊

擊許松年雪夜入馬磧洋，奪獲盜船一隻，生擒

楊烏等十九人。撰兩浙防護錄成。先生以浙

省防護古昔帝王名臣先賢陵寢祠墓舊冊，糾

繆罣漏甚多。因正譌補闕，造冊咨部，覆准通計

八冊。仁和等七十二州縣並奉

諭旨、勤加防護修葺、毋許被人侵占作踐。如有後裔、並令加意修整。於每年九月初旬造冊加結送驗、至此乃勒成書。二月初五日、頒到御賜御製邪教說墨刻。三月初六日、頒到御賜

高宗純皇帝聖製文三集詩文餘集。十一日、恭謝福字摺回、奉

諭云、勉力宣猷兩浙、莫移初志、須守定讀書人本色、做去、自然造福無量、錫厥庶民矣。勉之。欽此。四月初



一日、戒金華府溺女。先是、金華一府民間有產女者、多不舉、溺之於水、相沿以爲風俗。先生知其事、首倡捐清俸若干兩、俾編戶有生女者、許父母攜報郡學、教授官注冊、給喜銀一兩、以爲乳哺之資。仍令一月後按籍稽查、如違、以父母故殺子孫律論。母不敢遽溺其女、至一月後顧養情深、不忍殺矣。至今行之、全活甚衆。黃巖

鎮遊擊許松年於礁潭洋截獲盜船一隻、生擒

王山等十人。

十二日、往寧波。

按摺畧曰、查浙洋夏初漁市正

當旺期、土盜每易伺劫而閩匪蔡牽、侯齊添等盜船倏去倏來、亦意在伺劫漁市。此係沿海近

年生計若不爲之保護不特人船貨物被劫堪
憐並恐貧民流入盜黨土盜復盛臣於十二日
馳赴鎮海等處查察
督捕以期漁市平安
長庚

接護新艇回浙因親詣鎮海招寶山查驗。

新造水師大戰艦共三十號每號編以霆字每
一船配兵八十名每十船添兵八百名以分配
三鎮其每船應用礮位卽將上年所獲夷艇銅
鐵大礮配用此外復酌配以杭寧溫三局所鑄
紅衣洗笨礮七十八門大劈山礮三百四十門
并鳥鎗刀矛藥彈弓箭等物統計大船工料其
用銀八萬兩有奇大礮工料共用銀二萬二千

六百兩有奇。事定奏

聞。

撰經籍纂詁補遺成。五月初六日、小貓幫土

盜張阿愷九十人至玉環太平黃巖投誠、繳出
大小船七隻、鎗礮刀矛四百餘件。由寧波回

省。初九日、夫人生子凱。六月初七日、黃巖

岳鎮軍璽獲狗洞門土盜陶阿毛等十人。十

四日、溫州胡鎮軍振聲追捕網幫盜於東日洋、

獲船三隻、生擒丁阿林等四十八人、礮械九十

餘件。補網幫自此掃滅。十五日、黃巖鎮遊擊

藍嘉瑛於注山洋截獲盜船一隻、生擒陳贊等



儒藏

三十七人。十六日、奏減蕭山寧盛盈三圍牧地二萬四千一百五十五畝零、每畝減錢一百文、四千五百四十五畝零、每畝減錢二百文。其課銀其上、中兩則者、俱改爲下則、請於牧租錢二萬二千二百五十餘串內、歲減錢三千三百二十四串零。竈課銀三千六百九十餘兩內、歲減銀一千九十九兩零。而別籌款生息、以足滿營之用。先是、蕭山經徵牧地之租、租額太重、竈課亦重、其沙地木棉少有風潮之損、民卽自火其茅篷而遁、相率爲南沙之盜、租課追呼無著。



且於例蕭山經徵牧租不足額者卽干降革處分嚴於地丁故前令皆虧缺地方正賦以足牧租。前浙藩汪公志伊不准挪移故牧租不給爲駐防將軍所劾降爲臬司職此故也。自此番減租生息調劑滿營其用亦給民不逃而租銀歲反得以如額。蕭山縣令亦絕挪移之弊不致虧空正賦矣。七月初三日李鎮軍長庚追勦蔡牽幫盜於旂頭洋獲船一隻生擒陳法等二十二人。初四日定海鎮署叅將許松年復追至東霍山獲船一隻生擒李灰師等二十一人。署

遊擊胡于鉉追至盡山、礮沈船二隻、生擒陳火燒等十二人。初八日、侯齊添盜船遇颶、玉環同知姚鳴庭於四嶼洋擒盜劉會等十八人。永嘉縣丞林錦燦於霓輿洋擒盜林萬等十六人。十四日、十五日、風雨大至、晝夜不止、蕭山、錢塘、餘杭、仁和、山陰、富陽、臨海、仙居、桐廬、分水等縣因山水并注、田地場竈多被淹沒、奏請將應徵本年地漕等銀米暨牧租竈課按分蠲免、其蠲剩及舊欠照例緩徵、并奏該地方官爲倡率、公捐賑銀二萬七千兩、并民捐銀兩、旋奉



諭旨、所有成災五分之諸暨、蕭山、錢塘、餘杭、山陰五縣及坐落蕭山、仁和二縣成災八九十分不等之錢清場牧地、應徵本年地漕等項銀米、牧租、竈課、俱著加恩、按分蠲免。其蠲剩及舊欠銀米租課、照例緩徵。又富陽、臨海、仙居、桐廬、分水五縣、並曹娥一場、及海寧州被水沙地、雖勘不成災、而秋禾未獲豐稔、亦著加恩、將新舊應徵銀米、竈課、公租、緩至來歲秋收後、分年帶徵。俾閭閻生計、不致竭蹶、以示朕軫念窮黎至意。欽此。封公捐銀三千兩助賑。定海塘工程自後、不得派地方官幫辦之例。按例、海塘之工向

遇大汛坍塌損太多之年，則派各大縣幫辦，每縣若千丈。各縣不諳工程，仍出銀托塘工廳營承辦，而貼費甚重，幕吏緣以爲利。又柴塘之柴向採於富陽以上，若遇工多，亦派大縣採買，縣官不諳柴價船價，亦多賠累。又交柴至塘，塘官以意稱收輕重之。此二事皆浙省虧空之一大端也。先生以柴石工料一切細爲核算，去其浮費，於例貼之銀可敷支用，因全責成於一道二廳及守備千總等。歷年有大工，皆永除州縣幫辦之例。今州縣不知昔年州縣有此大累矣。八



月、監臨科場、倍貢院考舍石板一萬號成。先生以貢院號舍卑狹、三場九日之中、多遇陰雨、號中雨水泥濘、士子坐卧甚以爲苦。因命候補運副李春暘督率工役、凡號舍一律補砌石板。凡石板輒沙木料及溝厠等事皆備、共籌銀四千六百六十餘兩。十六日、定海黃巖二鎮會勦蔡牽於三盤洋、獲船二隻、生擒沈秋等十五人。二十一日、定海試用縣丞張世輔於衢港洋獲船一隻、生擒蔡發等十四人。屬湖南臬司秦公瀛修九谿營阮將軍祠堂成。按秦公祠堂記曰、祠在九

谿衛城有地一區向以其人給守祠者。嘉慶二年守備馬建功九谿衛巡檢朱鳳藻曾重修。

十月蔡牽與其妻誘殺侯齊添於台州之石塘洋遂併其衆。初七日溫州胡鎮軍振聲追

擊至南麂礮沈盜船三隻生擒林照等四十四人。立棚民保甲法。浙江各山邑舊有外省游

民搭棚開墾種植苞蘆靛青番薯諸物以致流

民日聚棚廠滿山相望。山頂沙石乘雨而下淤

塞澮溝爭端滋起大爲禾稼之害。且戶口龐雜

莫可究詰。往往因有山紳士居民貪其租利容

匿不發。至是爲嚴立規條。

一、現在棚民免其驅逐、編造保甲清冊並



繪山溪全圖。一清查後不許外省棚民再行重入。一自嘉慶七年以後仍有以山地出租棚民者究治。一租山地已滿年限者著陸續贖回。一每年底各該縣出具棚民有減無增印結。一禁種苞蘆。一租山地未滿年限者量為贖回。改種靛青、番薯、茶葉等物。

十二月朔

入天竺山祈雪，即日得雪。出山過詒經精舍，訪

顧千里。廣圻、臧在東茂才、鏞堂作詩。是日驛

遞得雪奏章奉

諭云：卿在浙宣力治民，公正勤慎，允宜仰叨大士默佑，降此瑞雪，兆豐也。欽此。初四日，奏請暫緩漕幫扣

項，以紓丁力而濟運務。得

旨允行。二十七日

御賜福字到浙、并奉到鹿肉、麕肉、野雞之

賜。是日側室謝氏生子、即名曰福。

七年壬戌、三十九歲。

正月、撰浙江圖考成。二月十一日、提督李公

長庚

率兵船於潭頭洋生擒盜匪張如茂等十

四人。

按疏畧曰、新任提臣李長庚現仍親督水師出洋捕盜、臣致書與之往返商酌、在於

浙江三鎮中挑出大小兵船三十號、配足兵丁礮械口糧、由提臣帶領往來三鎮洋面督率應

策、剿捕

蔡牽。二十一日、頒到

御賜御製味餘書室全集。刻詒經精舍文集。是月

納妾唐氏。三月初五日、提督李公長庚會同



閩省舟師於東滬洋礮沈盜船二隻、生擒徐葉等七十人。飭城守教官同給孤貧口糧、永以爲例。

大計、舉劾薦賢能官、得溫處道李鑾宣、朱理等十
一人。刻王復齋鐘鼎款識成。五月二十五

日、署樂清縣知縣葉萬楷於東白洋獲賣油幫
盜船一隻、生擒邱江淳等十三人。六月初四

日、定海黃鎮軍

象新

於東霍洋獲船二隻、及邱

運等四十人、訊係難民、釋之。七月、置西漢定
陶鼎於焦山、同人賡之以詩。是月、夫人生女

安。八月、修杭州孔子廟成。自三月迄於是月告竣。凡修大成殿、戟門、神位、尊經閣、露臺、兩廡、聽事、文昌祠、閣、櫺星門、明倫堂、齋房、碑廊、文、明樓及兩學官署、罔或不治。改造諸賢儒栗主、遵太學次序。鄉賢名宦祠位改正毋紊。凡用銀八千五百兩有奇。內捐俸千一百餘兩。廟成。先生復延歙縣孝廉方正程君瑤、田案禮圖鑄、鐫鐘、制度輕重皆遵古法。又琢石磬、造諸禮樂之器。并延曲阜禮樂教習王文哲等教授。佾生、分歌部、吹部、琴瑟部、左右舞部。上丁禮成。作碑以



紀其事。初四日、定海黃鎮軍象新於普陀洋

礮沈盜船一隻、獲船一隻、生擒獺窟舵等八十

五人。十七日、至海寧閱海塘、遂自海鹽平湖

閱鹽平汛石塘。二十日至乍浦、由彩旗門觀

海、至秦駐山巡視。乍浦城周廣九里三分、奏請

四面添設卡房八座、增派滿營兵丁分住防守

瞭望、以重保障。并請於南城面海門外里許彩

旗門西山嘴添設大礮二門、每門一千八百餘

斤、安置臺上、大劈山礮八門、交滿營存貯。得

旨允行。又於西山嘴、天后宮二處添設聯珠號礮。若彩

旗門外有盜卽舉號礮城內頃刻卽聞。二十
八日賣油幫土盜楊課等一百十五人赴玉環
廳投誠繳出鐵礮六十二門鎗械一百六十餘
器。是月米價貴。九月十九日因浙省夏秋
雨水不齊秋成歉薄奏請將西安龍游東陽浦
江建德淳安桐廬金華蘭谿義烏永康武義湯
溪江山常山開化遂安壽昌縉雲宣平諸暨嵊
縣富陽二十三縣及近西安之衢州所杭嚴衛
近桐廬縣之屯田所高阜地畝本年應徵地丁
漕糧等款銀米及舊欠銀米一律緩至來秋穫

後、分年帶徵、以紓民力。如有佃種農民艱於東作、米糧價貴、艱於口食者、量借籽本、或發倉平糶奉。

旨允行。十月初八日、奏減價平糶西安、龍游、江山、開

化四縣、每石減至五錢六錢七錢不等。十一

月、與鹽政延公豐會奏南沙收鹽章程。摺畧曰

請發帑收買南沙私鹽一摺、戶部覆奏、應如所奏妥協辦理、仍令酌議章程。臣等伏思、化私煎以爲官、竈安貧民、以裕國帑、目前之利弊、所宜熟籌、創始之章程、尤宜詳慎。臣等剴切曉諭、派員履勘、現在私煎草蓼、願交鹽者、准其入冊、不願者、聽其拆毀、另圖生業。計編入冊草蓼共六百二十餘戶、莫不感頌。按南沙界在仁和海

皇仁。



雷塘庵主弟子記

卷二

寧山陰蕭山數州縣間貧民蓬居煎滷以爲私販。已搜已前間歲或以兵搜毀兵至而私梟逃逸蓬竈盡撤兵去復集集乃益貧。且至四出爲盜如劇盜闖陳三等皆是。至是爲之整頓南沙二百里民安物阜無逃亡盜賊矣。因仿照帑鹽定例爲收鹽章程十二條。 撰集

皇清碑版錄。 十二月立普濟堂於武林門每歲冬

賑貧民粥凡四十日以爲例日食粥者數千人。

按湘圍府君行狀武林門普濟堂不孝所勸建嚴冬賑粥府君親視頒粥歸而喜曰吾見老稚人可以卒歲卽小
人亦有聊賴矣。

八年癸亥、四十歲。

正月二十日、四十生辰、避客於海塘、用白傳四十歲白髮韻賦詩。立海寧安瀾書院。海寧舊無書院、至是偕都人士經始之、落成、名曰安瀾、而親爲之試。進

大功、戡定川楚陝頌冊。二十一日、以玉環廳未有

專學、且是廳孤懸海外、士子航海負笈、涉歷風濤、多有不便、兼以應試人衆、取進額少、亦不足以示鼓勵。因會同學政文公甯請創學宮、添設進學額數、文生八員、武生四員、廩膳生八員、增



廣生八員。三年一貢，以勵人材。奉

旨允行。

是月蔡牽被浙師迫，僞降於閩。福建興泉永

道某某處已而颺去，遂復振。二月二十六日，

封公七十壽辰。先期學友門生以詩文介壽者

甚衆，先生將行稱觴之禮。既而奉封公命不許

受文武各屬官一縑一燭，乃可稱觴。先生敬諾，

因稱觴五日。刻朱文正公知足齋集。按：肇經室集知

足齋詩集後序。元奉命巡撫浙江，師嘗以詩

寄示，爰請於師得授全集，將棐之於板。師復命

元逕訂之。元乃與及門陳編修壽祺等共商刪

存以癸亥年以前編爲二十卷，既刻成，得呈

題詩四律。

御覽賜

先生先後所刊海內學問之士著述，



如錢辛楣宮詹三統術衍地球圖說謝東墅侍郎食物百詠張皋聞編修虞氏易儀禮圖汪容甫明經述學錢漑亭廣文述古錄劉端臨先生遺書凌仲子先生禮經釋例焦里堂先生雕菰樓集鍾菽崖明經考古錄孔龔軒翰林儀鄭堂集胡西琴先生詩集張解元貴吏部詩集僧誦茗蔗查集李四香筭書不下數十家。閏二月初四日提督李公長庚率黃巖鎮兵勦蔡牽於三盤洋礮沈盜船一隻獲船一隻生擒李阿升等五十九人。初七日奏立杭嘉湖寧紹台衢

溫八府昭忠祠、并請以歷年勦捕洋匪傷溺之官兵共二百九十餘人入祀。奉

旨、自應如此辦理。欽此。初十日、北新關正稅盈餘、一年期滿、於

欽定盈餘外餘銀六萬五百兩有奇、儘徵儘解。先是、南北兩關稅銀於

欽定盈餘徵每不足、先生專以寬卹商以嚴馭僕、數年商貨阜通、每年多至三、四、五、六萬兩不等、盡皆奏解。又寧波海關歲有解撫署銀四千兩、先生飭解布政司庫、爲貼補歲修兵船例外之用。

頒到

御賜鑲玉如意一柄。二十七日、頒到

御賜御筆平定三省紀畧墨刻。三月初六日、黃巖張

鎮軍成追黃葵幫於披山洋、獲盜船三隻、生擒

郭媽等七十七人。四月、由靈隱至弢光觀海。

十九日、奏減價平糶新城、金華、東陽、義烏、湯

溪、浦江、西安、常山、江山、開化十縣、每石減至四

錢、五錢、八錢、九錢不等。五月十二日、台州興

風、玉環廳縣搜獲登岸盜匪陳小烏等八十六

人。奏覆部議南沙章程五條。按疏畧曰、接准部文、除議准七



條遵照辦理外所飭查四條、駁查一條、謹據實聲明。一帑本、一配運、一帑息、一滙耗、一引日。

六月初二日、定海鎮署遊擊周國泰於漁山

徐公洋攻沈黃葵盜船一隻、獲船三隻、生擒吳

幅受等三十七人。立普濟堂章程十餘條、籌

款付杭城紳士經理。按浙政錄存普濟堂章程、

薑湯。一、施貧民瘡癰、傷寒、瘡癰、時瘟、大藥膏丹。一、每年十二月立端、一月、一、設恤、發會、月給

錢文。一、設收瘡局、掩埋枯骨。一、修金沙港三

施捨棺木、棉衣。一、設錢、江義渡。一、祠成。按、學經室、集三祠、記、西湖、孤山、六一、泉之

師大興、朱公、曾倡修之、刻碑、書名。今屋與主、又

且朽壞、不可收拾。且地狹、甚、亦不能、廊之也。金
沙港、有大閣、數楹、甚宏、做元、遂有、改遷
之舉、因舊祀之、無定、遂以、已意、定之。二十

五日、八

觀灤京。七月、自新泰至泰安、日午乘山輿登岱、夜宿

孔子廟、曉觀日出、夜宿新城、出古北口、夜宿關外老虎峯下三間房。八月初七日、

召見於行在、

上親獲鹿於山莊、得賜割鮮。萬樹園

賜宴、時蒙古王公及回部、越南貢使皆列坐、叅贊侯德

公楞泰時奏凱回、亦預宴。中秋日、又

恩賜曲宴。凡錫宴三次、

召對八次、兼



儒藏

賜白玉如意一柄、緞江綢春綢各一端、荷包四、小刀一、及鹿肉荔枝之屬。熱河面奏撥籌海塘經費。先是西塘柴埽工程自老鹽倉至江海神廟僅長六千七百八十丈、歲修費原足敷用。迨後范公塘沙塗日漸刷薄、近今十餘年來、陸續接築埽工、加長二千三百二十丈、工遞增而修費未增。一遇伏秋潮盛之年、卽形掣肘。請於嘉慶五年所停西湖景工歲修經費商捐銀二十萬兩及積存商息銀六萬兩、一併交商生息、每年內撥銀一萬六千兩、以爲西塘埽工不敷之需。卽

日內閣奉

諭云、著照該撫所請。欽此。

陛辭入關、過青石梁、入古北口出都。是月、子凱殤於杭。九月十七日至揚州、夜宿林太夫人墓下。孔夫人贖白瓦巷舊宅、以爲海岱庵。初舊宅生先生、後卽出賃他族、至是孔夫人贖回、捨爲庵、以祀碧霞元君、天后、觀音像主及林太夫人栗主。二十六日至杭州、奏接篆日期。奉批諭云、勉力辦公、慎終如始、不可忘儒生本色。經濟必從典謨中推求、無不可辦之事。欽此。復奏、臣歸見臣



父敬述

皇上垂問老景、俯鑒下情、體卹矜憐、無微不至。臣父恭

聆之下、伏地叩頭、感泣不止。旋復喜溢眉宇、近

日精神頓覺增健、并屬臣諸凡倍加罷勉、不可

上負

天恩。奉

諭云、欣慰忠孝一件事、須誠求之。欽此。十一月、奏辦

八月間黃巖温州二鎮所獲盜犯邱音等五十

二人、及試用訓導葉機所獲謝阿交等三十人、

並請葉機實授訓導。初七日夜、温州胡鎮軍

振聲 襲蔡牽盜船於南麂洋。初八日夜，參將

李景曾、縣丞王正悅、礮沈盜船三隻，生擒周江

等九十六人，將獲蔡牽坐船四更月黑復遁去。

是日往寧波。按疏畧曰：查蔡牽已於十月初

浙洋漁市難保，今冬不來，仍應預籌截捕。其餘零星土盜，并應亟為剿除。又沿海保甲及軍工船廠亦應查勘。臣擬即輕裝減從，前赴寧波等府次第查勘。督率辦理。夜泊甬江。

二十三日，由寧波回省。十二月初五日，提

督李公長庚率溫州、福寧兩鎮兵擊蔡牽於南

北麂洋，礮沈盜船一隻，獲船二隻，生擒李壁魚

等八十七人。是日復奏海運事宜。按摺畧曰：海運一事



原非必不可行，但非萬不得已而後用之。

九年甲子，四十一歲。

正月初五日。

御賜剿捕狎苗等戰圖二十八幅。黃巖張鎮軍成追

捕黃葵幫船於茶盤洋，獲盜船四隻，礮沈二隻。

生擒李正詳等八十一人。修海塘志成。按此志後

同知楊鏐二月初五日，黃巖張鎮軍成剿捕

黃葵幫船於三蒜洋，獲船二隻，礮沈一隻，生擒

柯來升等四十三人。二十六日，封公生辰，同

人稱觴賦詩。三月初七日，接邸抄

京察大典奉

諭旨、浙江巡撫阮元有守有爲、清儉持躬、著交部議敘。
欽此。初八日、往溫州。初十日、提督李公長庚於

閩省浮鷹洋獲盜船二隻、生擒王孔等三十九
人。十三日、教諭葉機率領鄉勇拏獲黃葵盜
船二隻、生擒趙金等二十五人。玉環廳營兵
勇協獲黃葵盜船一隻、生擒陳顯燦等二十六
人。二十六日、至台州。四月、撰經郭先生手
定體例分纂。濬杭州清波門、流福溝。先是、溝
數十年未加濬、治運司河三橋址數里高淤滿



營河亦淺阻。每遇大雨水、城內汎濫、司府縣署刺舟而入、居民多卧水中、府縣獄以桔槔出水、獄多瘕囚。下河、中河之水反致淺濁。先生於是首捐廉俸、得銀四千八百兩有奇、開廣學士港十五丈六尺。自學士港流福溝至三橋址、掘土四千七百九十四方。自三橋址北至滿城南、過藩司東行宮前、太平溝、金箔橋、通江橋、過軍橋、慶豐關等處、掘土四千六百五十一方。至是溝成、居民賴之。五月十三日、陰雨連綿。十八日至二十四日、雨勢甚大。二十八日至六月初二

日兼以雷雨、山水大至、杭嘉湖三郡低窪田畝多被淹浸、秧田無論已插未插、俱積水二三尺、糧價驟貴、居民大恐。因由驛奏

聞。

初三日、

御賜明史本紀一函。

是日與閩省督撫會奏、請以李

長庚爲總統、一提兩鎮、不分閩浙、嚴拏蔡牽。

按摺

旨專派

畧曰、臣等再四熟商、請

遣、不提督總統、再派兩省總兵各一員、聽提督調

李長庚爲總統、帶浙省兵船二十隻、浙江溫州

鎮總兵胡振聲、福建海壇鎮總兵孫大剛爲左

右兩翼、各配二十隻、共船六十隻、其未經飭調

者、仍各領兵船在本汛巡緝。如

初五日、溫州

遇提督追賊至境、一體策應。



雷塘庵

鎮總兵胡公振聲獨以二十餘船攻蔡牽於閩

省竿塘洋。先是五月二十六日、胡公因閩省兵

船不送木料入浙、遂帶所部兵船二十八隻赴

閩、適蔡牽在臺灣鹿耳門、戕官破寨、搶掠商船、

總督檄留胡公堵禦。至是衆寡不敵、而閩總兵

孫大剛救援不前。公獨麾軍殺賊、遂與同船弁

兵八十餘人同時被害、失去總兵官印。先生因

請將救援不力之護遊擊高麒瑞革職、在沿海

柳號三月、以爲不身先主帥者懲。按摺畧曰、前

建鹿耳門搶奪木寨、戕害官兵之後、總督臣王德與臣阮元會奏、派李長庚爲總統、自本年八



月為始不分閩浙畛域專勦蔡牽勒限半年務期必獲等因臣李長庚前准督臣臣咨會蔡牽竄至鹿耳門滋擾即經奏明馳赴定海整備舟師出洋防勦間臣等復准王德札稱溫州鎮臣胡振聲派赴閩竿塘會勦蔡牽六月初五日該鎮胡振聲暨同船官兵俱被蔡牽戕害并失鎮印等因臣等聞知不勝駭異憤恨臣阮元即將溫州鎮被害失落鎮印緣由飭知沿海文武以防詐偽附叅高麒瑞摺畧曰臣查高麒瑞護理遊擊帶領各船隨總兵胡振聲緝匪即屬本標前鋒乃當胡振聲奮勇首先進攻致陷賊隊之時該護遊擊救援無及覩然而歸實屬罪無可追請

旨將高麒瑞革職在沿海御號三個月以為不身先主帥者示懲

十九日以諸暨水灾捐賑倡捐銀三千兩奉

旨阮元著加一級欽此二十二日預籌接濟請

旨借款、委員赴川楚買米、運浙減糶。

按疏畧曰、浙省杭嘉湖三府今春麥

收減少、又值雨水過大、低田受淹、現在米價騰貴、恐此後未能平減、常平倉穀雖陸續開糶、冬春慮難接濟。查浙省向有買運川楚米糧減糶之案、應請在藩庫地丁項下借動銀十萬兩、南北新關庫項下借動銀十萬兩、糧道庫項下借動銀五萬兩、浙省捐監項下借動銀五萬兩、共三十萬兩。賁赴川楚、儘數買米、可得十餘萬石。俟將來糶出銀兩、仍行歸款。

是月、

劉氏生子祐、以所居受祐堂乃

聖祖仁皇帝御書扁、卽以命名也。

七月、西湖新建白

文公祠成。先是蘇祠建後、先生以唐白少傅有

惠政於杭、不應無專祠、因於蘇祠之東闢地建

祠以奉栗主。至是落成。十二日、籌爲接濟貧

民口食。

按摺畧曰臣等竊思年前直隸水災大吏稟承

睿謨廣設粥廠活人衆多。查浙省被旱亦有捐設粥廠舊案貧民甚爲受益。臣卽倡捐銀一萬兩。鹽政常顯捐銀三千兩。藩司清安泰捐銀五千兩。運司張映機捐銀四千兩。其餘司道以下量力捐助。又准鹽政咨稱四所鹽商吳康成等請公捐銀十六萬兩以爲分廠接濟之用。臣隨於附省被水之所擇寬大寺院三所搭蓋篷廠責該地方官暨誠實紳衿共司其事。於七月初一日開廠煮粥。旋又俯如官紳衆議改給粥米。每日大口四合小口二合聽其携回煮食尤爲稱便。目下每日就食已有三萬餘人。民情皆屬妥協安靜。現飭嘉興湖州兩屬一體仿照酌辦。或者煮粥或散米各從其地之宜與民之奉便。俟晚稻收成再爲酌量停撤。

旨。今據該撫及該鹽政率同司道以下各官分別捐銀煮賑給米急公可嘉。著卽照所請妥爲辦理。欽此。



八月初六日、入閩監臨。十七日、奏減價平糶

仁和、錢塘、海寧、嘉興、秀水、嘉善、石門、桐鄉、烏程、

歸安十州縣、每石減銀四錢、五錢、六錢、三四分

不等。二十一日、提督李公長庚率四鎮兵船

攻蔡牽於定海北洋、獲船一隻、礮沈一隻、礮幾

及蔡牽、生擒黃奎等五十二人。朱潰船被勦多

傷、遂與蔡匪分散、遁回閩廣、賊勢益孤。自溫州

胡鎮軍在閩陣亡後、兩省兵氣大餒、蔡匪復竄

浙洋八十餘船、復與粵盜朱潰相合來浙、其勢

甚熾。先生與李提軍商謀、且勿輕擊、俟各鎮兵



船修調齊集乃於秋半合擊。蔡逆及粵賊皆大敗分散。朱濱先南遁。蔡逆亦遁閩。其勢始衰。官兵大振。是日奏請以被水州縣就額田十分計算。如烏程、德清之四分有餘。歸安、長興之三分有餘。仁和、海寧、石門、桐鄉、武康之二分有餘。錢塘秀水之一分有餘。嘉興之一分。及嘉善、平湖、海鹽、嘉湖衛之不及一分者。分別蠲緩。奉

旨。著加恩將該十五州縣一衛被水田地之應徵地丁漕項、漕截屯餉錢糧、南漕等項銀米。按照成災分數。分別蠲緩。並將舊欠銀米一律緩徵。以紓民力。欽此。

二十六日頒到

御賜御製詩初集。撰積古齋鐘鼎彝器款識十卷。至

是刻成。九月家廟成。作揚州阮氏家廟碑。

作嘉禾圖跋。

按。學經室集嘉禾圖跋云。嘉慶九

浙西三郡皆被災。禾之已種者爛於水。民厄且懼。六月水退。民補栽苗者十之九。秋甚燥。晴雨相間。禾大熟。有一莖三四穗至九穗者。老農詫以爲異。士之知古者曰。卽吾郡所謂嘉禾也。相慶以爲。帝之德所感召焉。方水之橫行也。魚游于民。竈舟越阡陌。帆而行。余具狀馳驛入告。帝憫甚。命發倉穀數十萬。賤其值糶於民。或以穀或以錢米。賑貧者三十餘萬口。蠲免地丁漕米數十萬石。勿徵於民。邑之富者各出錢穀恤其村民。少安。而游食之徒復乘其災。鳩眾橫於鄉里。余飭文武官擒其渠散其黨。民乃益安。迨九月。禾大熟。有一莖九穗者。此



之德足以召祥和、故其轉也爲甚速。若大吏者
 方省愆之不暇、敢貪天和爲已功乎。且田之終
 不能補種、并禾而無之者、尙比比也。寒、冬、雨、雪
 就食粥者尙萬人也。余披圖感悚、知此爲天之
 恩、帝之德而已。今 皇帝尙德政、不言
 嘉祥、未敢以此聞於朝、亦未敢爲詩歌以侈之。
 謹識其事。

十一月、請緩漕幫扣項、以紓丁力。

先生治浙漕六年、未嘗重歛於民、於倉庫無虧
 賠、於弁丁無苦累、未嘗叅一官、亦未嘗革及生
 監、生監亦無一人入京妄控者、而運皆安速。

頒到

御賜御製見蝗歎墨刻。

請烏程等五縣借給籽種。

十二月、輯海運考二卷成。先是河決、運道梗塞、

言官請行海運奉

旨議奏。

摺畧曰海運非必不可行之事然非必不得已而後用之因籌辦海運由乍浦達天津章程以備必不得已之用。

十年乙丑四十二歲。

正月十二日頒到

御賜福字并麕鹿之屬出郊恭迓入署以曲筵舞銓奉

封公家宴。

有和夫人畫歲朝圖獻堂上詩。

命海塘兵剪柳三

千餘枝徧插西湖并令海防道以後每歲添插

千株永爲公案。

屬元和何元錫修兩浙金石

志至是成。

此稿後在粵刪刻之。

三月十一日黃葵盜船



十隻盜五百餘人赴溫州玉環投誠繳出礮械
放回難民。因奏明奉

旨分別安插。黃葵幫自此散滅。 四月十一日署溫州

李鎮軍 景曾 大幫兵船在閩甲子洋獲盜船三

隻礮沈二隻生擒盜犯四名礮械七十餘件。

十六日定海令殷起瀛於北鄉于礮海口盤獲

江蘇沙船一隻盜匪王得等十人。 平望驛江

浙接壤與兩江總督鐵公 保 會商洋務回舟看

嘉興湖州兩郡蠶麥。 刻

熙朝雅頌集成并奉

敕恭撰跋語。

按。等經室集奉

皇上御極之九年、山東巡撫臣鐵

保采輯八旗詩進呈蒙

皇上錫名熙朝雅

頌集、製序以加其首、誠

聖代之大文、藝林

之盛事也。隨經鐵保奏請、命臣刊刻恭撰跋語

於後、奉旨俞允。臣不勝欣躍、榮幸之至。

二十二日、昌石

都司沈添華於外旦門洋

獲盜船四隻、獲盜陳阿三等二十七人、礮械十

餘件。二十八日、葉機在秀山洋拏獲江蘇沙

船二隻、并盜徐七佐等十五名、及其礮械贓物。

五月初五日、奏請仁和、錢塘、海寧、餘杭、臨安、

嘉興、秀水、海鹽、石門、桐鄉、烏程、歸安、長興、德清、

武康十五州縣三四月間陰雨連綿、凝寒積潦、



麥豆皆被淋淹，蠶絲更形歉薄。乞照上年謹循
欽定工賑紀事，分設粥廠，購米煮賑。應在藩庫捐監
款內支銀十萬兩，分飭設廠，委員會同該府縣，
督率本地誠謹紳士煮放奉。

諭云，該撫惟當督率所屬認真辦理，務令實惠在民，無
使一夫失所。欽此。又請以杭州、嘉興、湖州三府所
屬十五州縣之新糧并舊欠地耗，緩至秋成後
分別徵收，以紓民力。并請辦本年額絲八千五
百斤，准予減半，其添派絲絲五百斤，緩至來年
皆奉。

旨俞允。二十二日、署黃巖黃鎮軍飛鵬與遊擊黃象

新、都司謝恩詔夾攻邱獺幫盜船於三盤洋、獲

船一隻、及許潭等二十六人、礮械三十餘件。王

環廳兵役獲擱淺盜船一隻、生擒土山土盜張

宴等四人。奏請預防粵匪竄入浙洋、籌畫防

堵截拏。按摺畧曰、臣接准閩浙督臣王德知會

十餘隻、於四月初旬竄至廈門一帶。蔡牽復往

臺灣。現在與提督李長庚商酌、厚集兵力、先將

艇匪剿捕等因。臣因思時值南風盛發、恐其追

襲北來、不可不預爲之備。應咨定海鎮羅江太

護黃巖鎮黃飛鵬帶領兵船、前至南路洋面、預

防剿捕。其沿海各營汛口岸、照舊例於存營兵

內抽撥精兵預備前往各海口。二十六日、奉

貼防。臣當親往台溫督飭防堵。

諭云、所辦甚是。蔡逆若來、併力擒拏、不可疎縱。欽此。先是二十二日、奉

上諭、常顯奏杭嘉湖三府雨水成災、該商吳康成等公捐銀二十萬兩以備賑濟一摺。常顯所奏並未與該撫會銜、究竟浙西各屬疊被偏災、小民如何拮据、現在辦理賑濟、實須經費若干、仍著阮元通盤核計。如所畱捐監銀兩已足敷用、則商捐一項竟可不必。倘經費實尙不敷、或須酌收十萬兩、或竟須二十萬兩之處、卽著據實奏聞、降旨賞收、再將該商等賞給議敘。欽此。因於六月初七日由驛復奏。疏畧曰、臣查浙西地狹民稠、生



齒日繁、外似富饒、內多貧乏。今年春夏雨水過多、蠶麥收成歉薄、機戶等民亦皆失業。又兼麥稀、米貴、各城鄉閒民老弱及漁戶乞丐乏食之人較上年更多。各屬所產晚稻、今夏逢閏、距隔遙遠、是以臣與司道府縣再三履勘、除動上年煮賑捐項餘銀一萬四千七百餘兩之外、及請於藩庫捐監款內動支銀十萬兩備用。計十五州縣、每州縣分設一二三廠不等、每廠每日約計萬口、內外每大口給米粥四合、小口二合。是所留捐監銀兩本未敷一月之賑。今更得商捐銀二十萬兩、自較上年用項爲多、須設廠三十餘處。是多銀一二十萬兩、卽貧民多受十日浩蕩之恩。臣等通盤核計、實屬必須相應仰懇

聖恩俯如常顯所奏、全行賞收、俾得賑恤日期多爲寬展。於是檄三府州縣其

散籌分男女兩廠、擇佛寺立大蘆篷、無雨淋日炙之苦。道路出入次第、皆以木柵柳礮爲號、令

紀律、日賑數萬人、無擁塞之虞。有疾者給以藥、老病癯疾者別有廠、婦女有廁。篷終數十日、無一人死於廠者。粥濃厚、皆遵令以立箸不倒、裹巾不滲爲度。司事者與飢民同食之、無一盜餽餉者。民情歡悅、故雖飢饉頻仍、而不能爲害。是日、遵

旨、保奏總兵錢夢虎可勝水師提督之任、羅江太次之。
旋奉

旨、錢夢虎放廣東提督、福建提督李長庚仍調浙江提督、其廣東提督許文謨調補福建提督、其浙江提督



孫廷璧另用。修西湖

行殿奉安

聖祖仁皇帝

高宗純皇帝龍牌。十六日奏接運

恩賜米十五萬石來浙、於被水地方一律平糶。

御賜御製勤政殿記墨刻一卷。閏六月十五日封公

以疾溘逝於浙江官署、年七十有二。按擘經室集湘圃府

君行狀、九年秋患足疾、十年府君念家廟既成、必欲親奉栗主入廟、兼以夏初往、可避杭州徵濕、且就吳下名醫、乃挈孫輩及家屬奉廟主自杭登舟、道出姑蘇、就屋暫居、醫疾本意實在奉廟主至揚州也。夏至後服藥無大效、不孝請府君勿往揚州、歸杭州。府君妻然淚下、日吾竟不

能奉主入廟耶。大暑時天氣暢晴、服參朮復少
差、醫者猶謂脈甚健、可待秋涼歸杭州。繼復腿
腹浮腫、夜眠不安。府君始決計歸杭州矣。不孝
遣長子常生代奉栗主、由蘇歸揚、入廟。不孝赴
嘉興查災賑、迎於平望、拜見舟中、悲喜交集。府
君神明不衰、歷問海洋盜船、浙西賑濟、川米平
糶諸事、皆盡委曲、猶以不克親奉廟主歸揚州
爲憾。迨抵署、以病人氣虛、參桂不能見功、又忽
腹瀉、不可止、閏六月十五日、不能食飲、氣由驛
息漸微、以酉時遽爾棄養。春秋七十有二。

奏

聞、卽於十五日交代巡撫暨南北關開防。七月初二

日、奉檄登舟候

旨。初三日、由四百里驛奉

上諭、阮元見丁父憂、所遺浙江巡撫員缺、著清安泰調



補。欽此。是日起程回里，入城治喪，浙民老幼自塘棲至石門，送者數萬人。是月，夫人生子禕，後改名孔厚。十二月初六日，先生葬封公於揚州府城北雷塘祖塋之側，與林太夫人同兆。山東督糧道孫公星衍爲之銘。時先生居墓廬。隋文選樓成。擘經室集揚州隋文選樓記，嘉立阮氏家廟，廟在文選樓、文選巷之間，廟西餘地。先大夫諭構西塾，以爲子姓齋宿飲饌之所。元因請爲樓五楹，題曰隋文選樓。樓之上奉曹憲及魏謨、李善、公孫羅、魏景倩、李邕、許淹七栗主。樓之下爲西塾，經營方始，先大夫慟捐館舍。元於十年冬敬構之。越旣祥，書此以示子孫，俾知先大夫存古蹟、祀鄉賢、展廟祀之盛心也。

十一年丙寅四十三歲。

先生居憂嬰濕疾、兼有瘡癰。以墓廬在雷塘、故曰雷塘庵主。四月重修。

皇清碑版錄。初、先生仿朱子宋名臣言行錄、李幼武續錄及杜大珪名臣碑傳琬玉錄之例、閱文集百餘家及碑本、成

皇清碑版錄若干卷。因文集未備、閱至是復付丹徒

王秀才豫補輯之。六月、刻阮昭勇將軍琢庵

公暨光祿大夫湘圃公昭穆神道碑成。按此即太常寺

卿無錫秦揚州太守伊公秉綬屬重刻北宋



石鼓十石、置揚州府學。

按伊公揚州府學重刻石鼓跋云岐陽石鼓文

惟寧波天一閣所藏北宋拓較今本完好之字爲多。阮中丞芸臺先生視學浙江時曾刻置杭州府學。今重摹十石置之揚州府。

捐修揚州

學。大儒好古嘉惠藝林洵盛事也。

萬松尹公等渡。

冬十月、置儀徵縣江中蘆洲

一區以爲祀產、曰禮祀洲、初封公以先生敷歷

中外、省節廉俸、欲捐置祭產。至是、先生仰承先

志、置蘆洲一區、以歲入之息爲祭祀睦族公車

等事之用。其條例仿蘇州范文正公舊事、訂十

六條、以餘者爲文選樓諸子讀書等事之用。

纂刊十三經校勘記二百四十三卷成。先是、先



生弱冠時以汲古閣本十三經注疏多譌謬曾以釋文、唐石經等書手自校改。督學以後始以宋十行本爲主，參以開成石經及元明舊刻。葉林宗影宋抄本、陸氏釋文等書屬友人門弟子分編而自下鉛黃，定其同異。得易十卷、書二十二卷、詩十卷、禮記七十一卷、儀禮十八卷、周禮二卷、左傳四十二卷、公羊十二卷、穀梁十三卷、爾雅五卷、論語十一卷、孝經四卷、孟子十五卷。至是桯板始成。先生嘗曰：此我

大清朝之經典釋文也。二十日、

天子以福建巡撫緊要、

賜旨來揚州、命馳赴新任。先生以濕疾纏綿、若遽膺封

圻、恐精神不能周到、辭俟病愈、八都謝

恩。兩江制軍鐵宮保代奏、得

恩旨、俞允開缺、另簡放。

十二年丁卯、四十四歲。

正月、編瀛舟書記成。

按、肇經室集瀛舟書記序、十二年、息影於雷塘、墓廬

偶檢年來辦兵事之書記稿本、流連緬閱、其間調度兵船、獎飭鎮將、製造船礮、籌畫糧餉、諸舊事、一一如在目前。且其間有可憂者、可喜者、可憤者、可哭者、有與提督蒼公保、李公長庚商籌者、亦一一如在目前。回憶當時、每發一函、出一令、皆再三謀慮而爲之。有自起草、有幕友起草。



者有幕友起草而自爲改訂者筆墨之助如繩如蠅以之覆額殊爲可惜因破十數日之工刪其繁存其要授書人錄爲六卷存之家塾俾將來覽者知我苦心而已

修雷塘

隋煬帝陵屬揚州太守汀州伊君

秉綬

書碑刊

立之。二月濬府學泮池二井成。四月以西

山陳家集舊宅一區劃中宅改建天后宮以

西序奉林太夫人栗主以西宅歸林氏屬建外

祖父母及諸舅氏宗祠追林太夫人志也。建

明李公

植

清白流芳石扁坊成。六月得元大

德重修宋雷塘龍王廟碑於雷塘因遷碑於墓

廬中並祀龍王於廬中以僧守之。獲西漢

厲王胥冢二石于甘泉山。告之伊太守。移嵌明
倫堂壁。又獲宋三公石于二廊廟。嵌準提庵壁。
七月。重修宋死節統制魏將軍俊王將軍方
旌忠廟成。廟在三元巷東。是月。恭注
御製味餘書室隨筆二卷。至九月成。跋在集中。

甘泉受業羅士琳校

校記

①「護」下，後文小注有「理」字，作「護理」。

②緣由：當作「緣由」。

③琬玉：當作「琬琰」。見宋杜大珪《名臣碑傳琬琰集》。



儒藏

雷塘庵主弟子記 卷二

雷塘庵主弟子記卷三

男常生續編

嘉慶十二年丁卯、四十四歲。

十月初六日、大人服闋八都。二十七日、詣宮門謝恩。

召見、旋奉

上諭、阮元見在服闋來京、著署理戶部右侍郎。欽此。

又奉進恭注

御製味餘書室隨筆二冊、及

四庫未收經史子集雜書六十種。蒙

賜獎覽、旋

賜紙墨筆硯朝珠荷包蟒袍。又蒙

俞內廷諸臣之請將

味餘書室隨筆並注刊刻頒行。是月命常生娶于

寶應劉氏。

乃丹徒教諭劉公台拱之女。

十一月十五日河

南勒休知府熊之書病瘋赴京控告河南各款

奉

旨馳赴河南審辦。二十九日內閣奉

上諭兵部右侍郎員缺著阮元補授。欽此。謝

恩摺上時已有再撫浙江之

旨奉



儒藏

批云、授卿舊任、益勉新猷、察吏安民、練兵弭盜、實力實心、不可稍忽、勉之。欽此。十二月初九日、將到河南查辦大概情形、先爲具奏。二十二日、將全案審畢、分別定擬具奏。奉

上諭、阮元等奏審擬已革勒休知府熊之書具摺參奏豫省大小官員演習翻禽、侵欺舞弊等款一案、逐加查究、全屬虛誣。惟彰德府知府黃鳴岐前在祥符縣任內捐陞知府時虧欠銀一千二百餘兩、事後始將解項劃補、實屬虧欠在前、捐陞在後、難保無挪移情弊。黃鳴岐著卽撤回開缺、仍交部嚴加議處。馬慧裕



於奏留黃鳴岐、未將該員虧項查出、亦難辭咎、著交部議處。又前此籌買協濟直隸米石案內預計津貼銀九萬兩、經署藩司陳鍾琛議詳、於通省州縣攤捐辦理。及協濟事竣、除津貼外、尙多餘銀五萬兩、旣未能核實預支、又不及早分還、久貯司庫、遂議生息充公、實有不合。陳鍾琛亦著交部議處。又溫承惠堂弟捐陞州同、溫承祚妻舅試用縣丞彭驥前在豫省赴工效力、時係在溫承惠未到河工總局以前。及衡工合龍、奏准改撥河工、遇缺卽補、亦非溫承惠所保。但溫承惠於例應迴避之員、未經據實聲明、究屬非是。

溫承惠著交部照例議處。至熊之書由知州擢陞知府、且係原任巡撫熊學鵬之子、乃因患病勒休、瘋狂愈甚、輒敢違例遞摺、呈奏羅列多人、並以演習翻禽邪說誣及河南通省官吏、其獲罪甚重、律以反坐、實所應得。阮元等請將該革員解回原籍鎖禁、殊屬疎縱。阮元、廣興均著交部議處。熊之書著交阮元派委文武妥員解赴吉林、交與秀林鎖錮收禁、不拘年限、如果瘋病就痊、再行據實奏明、候旨辦理。餘著照所議完結。欽此。按翻禽內涉及成親王、上謂其誣及親王、是以加重。是日、河

南奉

上諭、河南巡撫員缺、著清安泰調補。其浙江巡撫員缺、著阮元補授。阮元現在河南查辦事件、先著暫署河南巡撫、俟清安泰到豫交代、再赴浙江巡撫之任。欽此。

十三年戊辰、四十五歲。

二月十一日、奏赴嵩嶽祈澤。二十六七八等

日、得雪得雨、復大雷雨、二麥頓茂、大田亦可耕

種、徹壇祀謝。三月初三日、巡撫清公安泰馳

抵河南。大人交印起程、由歸德、宿州、臨淮、關

鳳陽、滁州、六合、儀徵行走、過揚州、留二日祭



廟墓登舟入浙。二十八日行抵杭州接印。

具摺謝

恩奉

批遙想浙民歡迎載道之誠實深欣慰。一切辦公以勤

爲本勉之。欽此。四月蔡牽盜船從安南夷洋回棹

向北。初大人自嘉慶四年冬迄九年夏撫浙

剿滅投首散除安南鳳尾水澳箬黃黃葵等幫

盜船三百餘隻計盜萬餘。自丁憂去任之日惟

餘土盜張阿弟等十餘船而已。此後蔡牽猖獗

於閩且渡臺灣僞稱王攻掠城野。十二年冬蔡



逆爲浙江提督李公長庚所追擊、甚窮蹙、遁入
 粵洋、直至安南夷洋。李提督並船攻擊、猝爲盜
 礮所殞。閩提督張見陞不戰而退、蔡逆遂遁。十
 三年夏、大人復撫浙、此時正值蔡逆從安南
 回棹、得粵盜資助、聚四五十船矣。五月初一
 日、竅嘴幫張阿治卽張阿弟盜船在北鹿。九年夏張
 阿治有船十餘隻、至是名爲竅嘴幫、在閩冒稱鳳尾幫
 共船三十餘隻、兼小肥餅在內成大幫矣。十一日、
 大人因去浙三年、土盜復盛、劫害商民、奏赴寧
 波督剿、兼防漁汛、于是兵船之威復振。定海鎮

兵船在鼠浪湖獲盜董清秀等二十一名。候補知縣葉機在岱山獲盜十一名。定海鎮總兵何定江在佛肚山洋獲張阿治幫一船、生擒陳丁等五十六名、斬取首級三顆。黃巖鎮總兵童鎮陞在沙錢洋、狗洞門擊沈張阿治幫一船、拏獲一船、生擒林桂等二十六名、斬取首級五顆。黃巖鎮遊擊劉成隆等獲土盜二船、生擒王宗榮等二十三名、婦女一口。象山知縣孫泉雯等獲盜王阿倉等十一名。定海鎮何定江在羊山洋獲盜一船、生擒陳雄等二十四名。委員何廷模



在韭山洋獲盜一船、生擒桑四等二十四名、斬取首級五顆。各盜船難民釋放、礮械收毀、次第審辦。閏五月初九日、回省。按摺畧云、張阿治除拏獲外、竅嘴幫尚有三十船、小差十餘船、烏蛋即郭談八九船、共四五十船云云。常生按、浙省海洋自十二年後、土盜張阿治等頗爲滋擾、殺害商民。大人復莅浙、即申明米糧火藥、口岸接濟之令、添配船礮、加募義勇、剋期出洋。一月之內、擒獲多船、自此土盜之勢大衰。張阿治等向南分竄、不久投首矣。六月初六日、奏、浙西雨水過多、糧價日昂、發倉平糶。十七

日、閩浙總督阿林保咨蔡逆自夷洋回閩、是日至泉州洋。七月初七日、蔡牽四十餘船與朱瀆五十餘船合幫勾結、由閩入浙、由三蒜過、北至定海洋。十二日、

賜到味餘書室隨筆并注刊本一函、緣大人敬注之書、卽蒙

諭發刊也。二十日、赴寧波府防剿蔡朱二逆、並查各海口添兵禁絕偷漏各事宜。時藩司慶格尙在江蘇、未到浙任、奏請以學政吏部侍郎劉鳳誥代辦鄉試監臨事。摺畧云、據定海文武稟報、盜船分合不常有、烏底艇船及



夷式大洋船在內。又據寧紹道稟探查南來匪船、蔡牽及朱瀆俱在船內、在東北外洋、分幫遊奕。

二十七日、浙江副將項統會同閩師由閩

回浙、在韭山洋追遇朱瀆、攻之、獲船一隻、生擒

七名、朱瀆卽竄回閩。

按、瀆以後不復來浙、被閩總兵許松年礮斃、其弟渥

代領其衆。

爲前提督壯烈伯李忠毅公立昭忠祠

於寧波、並祀遭風漂沒之前定海鎮總兵羅江

泰於後堂、哭祭之。水陸五軍莫不感慟。八月

初三日、蔡逆三十餘船在霍山洋、浙師探明、由

普陀往捕、牽瞭見兵船、不拒而逃。初四日、追及

於黑水深洋、大加攻擊、火攻焚及牽船、又燒燬

一船賊傷斃落海甚衆，皆黑不及撈獲，率乘夜

黑南遁。十二日，溫州北關報竄回，閩提督何定

江窮追入閩。摺畧云：初四日酉刻，在黑水深洋，

礮拒敵，何定江督率各兵船專注搖旗擂鼓之

大賊船用礮攻擊，並用火攻，焚及船艏。當被撲

息，各賊船環集援救，又被火攻，船燒燬一船。賊

人傷斃落海甚多。旋因昏黑，不及撈獲賊船，卽

乘夜飛遁云云。奉

上諭：蔡逆竄至浙洋未久，刻又竄回閩洋，可見浙省杜

絕接濟尙嚴，該逆無可希冀。欽此。十九日，大人

自寧波回省，奏報海塘安瀾，東西漸長漲沙。

按五年至十四年海塘屢有險工，皆因修防堅



實工料無虛。是以田廬安堵。漲沙漸北。官弁兵役不敢冒銷。州縣不致工累。每年但動生息歲修銀十餘萬兩。迄未動及正帑。近年南岸培復尖沙。是以北漲。詳見致李坦書中。十月查杭嘉湖紹等屬被水成災五六分。及不成災收成歉薄田畝。懇

恩照例蠲緩錢糧漕米牧租地課。以紓民力。撥省倉耗米一萬石。賑給湖州貧民奉

旨允行。是月溫州鎮總兵李景曾、黃巖鎮總兵童鎮陞等先後拏獲盜船五隻、擊沈二隻、生擒王起

發丁阿歪等一百五十餘名。張阿治勢甚窮蹙。

十一月，大人訪得張阿治之母弟皆在福

建惠安縣，密致總督阿林保，繫其母弟。至是張

阿治屢被浙江剿蹙，乃率餘盜四百七十餘名、

難民九十八名，礮八十六門，赴閩投誠。按閩浙

林保摺畧云：竊照浙洋鳳尾幫盜首本有四，人

一係張阿治，即竄嘴治，為總盜首。一係白面角

郎陳角，一係郭潭，一係紀江，均為小盜首。其郭

烏潭、紀江二犯，業經閩省原籍地方先後拿獲。

審辦具奏在案。惟張阿治、陳角二名，尚未弋獲。

內張阿治所帶船隻賊夥數倍於陳角，常在浙

省溫台寧波各洋面往來伺劫，間或乘風竄閩。

旋即逃回浙洋。是以十年以來，浙省沿海一帶

商漁多被回擾害。雖經官兵屢次捕獲，夥盜辦

而首犯在逃，根株總未淨絕。浙江撫臣阮元以



海氛不靖、商旅難安、凡於捕務賊情、無不盡心
 諮訪。秋間、密致臣等、信函、訪得張阿治、係閩省
 惠安縣人、原籍、尚有母、弟、在家、並未下海、囑飭
 地方官、查拏。當經、臣等、密飭、惠安縣、吳裕、仁、不
 動聲色、將張阿治、之母、陳氏、弟、張伊、一、并訪獲
 監禁。茲、張阿治、在洋、聞知、母、弟、被繫、帶同、盜船
 十隻、自浙、入閩、於駛過、三沙、海口、時、經岸上、防
 堵、官兵、放礮、攻擊。各、盜船、齊稱、赴閩、找尋、水師
 遊擊、陳琴、千總、周應、元、帶領、投首、求免、開礮、嗣
 至、黃歧、洋面、探知、陳琴、等、兵船、在、南洋、偵捕、蔡
 逆、欲將、盜船、就近、駛進、五虎、門、赴省、投到。臣等
 一、接、汛弁、稟報、卽、委署、福州、海防、同知、查廷、華、
 遊擊、吳安、邦、守備、顏正、剛、飛赴、五虎、帶、領、各、盜
 船、入、口、詢、明、投、首、實、出、真、誠。該、署、同、知、等、卽、上
 張、阿、治、各、盜、船、先、將、礮、械、火、藥、全、行、收、繳。通、計
 十、船、共、有、大、小、銅、鐵、礮、位、八、十、六、門、自、二、千、餘
 斤、至、數、千、斤、不、等。鳥、鎗、四、十、一、桿、刀、械、四、百、三
 十、餘、件、火、藥、八、小、桶、鉛、子、二、百、餘、斤、藤、牌、六、十
 九、面、竹、籃、一、百、八、十、一、項。另、用、小、船、裝、載、委、員
 解、省、一、面、帶、同、張、阿、治、等、仍、坐、原、船、十、隻、乘、潮

駛至附省之南臺內港。查南臺爲商民滙集之所。一且賊船驟至。恐有驚惶。且首夥數百餘名。紛紛登岸。必至漫無約束。致生事端。是以臣等派委福州府知府朱桓、副將陳廣寧、督同署閩縣知縣王桂帶領兵役將港內小船按起分載。不准濶雜。迨登岸時。由知府朱桓、副將陳廣寧逐名查點。造冊。共計各船人衆四百七十六名。內被脅服役民人九十六名。委員帶進省城。明作數。厥居住。以免擁擠。一處。并派官弁兵役看守。臣等隨卽率同藩司景敏、臬司王紹蘭、鹽法道陳觀傳集查訊。據張阿治卽張治供稱。年四十三歲。福建惠安縣人。向在浙江大陳山掛網捕魚。嘉慶四年間。被鳳尾幫盜首侯齊添糾邀入夥。後侯齊添被蔡牽殺害。各夥衆卽推小的爲總盜首。又有郭烏潭紀江白面角卽陳角三人爲小盜首。分帶船隻在浙江白面角卽陳角三之日少往來行劫。不記次數。郭烏潭紀江已經閩省拏獲。辦理。陳角亦帶四船竄到閩洋。與蔡牽分幫之青筋茂卽曾茂合幫。聞曾茂已經赴官投首。陳角現在尚匿閩洋。久不與小的同幫。



天恩寬

皇上免

行走。小的常在浙洋牽劫商漁船隻，勒索有錢。來贖，隨時放還，無錢來贖，牽帶同行。所以小的幫內船隻，時多時少，其實小的盜船大小，只有二十餘隻，除現在帶來十船之外，尚有數船破壞，經小的拆散燒燬。又有同夥駱仔蘆管帶，小同安校船四隻，與化船三隻，小釣船二隻，於小的未來投首之先，駛往台州一帶洋面伺劫。未能邀集同來。伊船內並無大礮，容易勦捕。小的本是良民，誤入賊夥，身犯重罪，早欲悔過投首。恐到官後，仍要治罪，是以在洋挨延。今聞母弟被禁，並知蔡牽夥盜王準、王鐸、曾茂等赴官投首，尚蒙天恩寬免治罪，予以自新之路。故與各盜夥商量，帶領本幫船十隻，由浙來閩投首，情願隨同官兵出洋緝捕。蔡牽効力自贖，小的因蔡逆殺害侯齊添，彼此成仇，在洋撞遇，兩相併殺，曾經併過他數船。如今蔡逆勢衰，只求轉奏治小的之罪，釋放小的，母弟就沾恩了。其餘各夥供亦相同。察看詞色，均出真誠。吊驗呈繳各鉛礮，均無字號，惟其八百斤重大礮二門，上鑿

嘉慶十年總督王制字樣。詰問得自何來。據供浙省沿海止有狗洞門、石板殿、大陳山、三盤數處。有小船於黑夜載上盜船售賣。不肯說出姓名。近來各處都有官兵巡防。並派文武大員駐劄。火藥鉛子無從購買。現在繳出藥鉛係從前買來用剩的。又船上所用蓬索俱從牽劫商船得來。日用食米係從釣鱸的鱸魚船上搶來。若過閩洋。卽劫臺灣米船。每劫一艘可得食米一二千石。沒水係外洋島嶼隨處可以劫取。各等語。絲豪不諱。臣等查張治盤踞浙洋已有十載。今懷

恩悔罪。率衆來投。較之始終怙惡者尙屬有間。且爲蔡逆仇人。有志擒逆。冀贖前愆。自當推廣皇上如天之仁。查照前次王準等之例。一體免其治罪。

恩普。臣等仍當堂賞給張治衣帽銀牌。其餘九船小頭目亦俱分別酌賞。以仰副

聖主宥過施仁。速靖海洋之至意。惟人數過多。亟應量爲區別。除倪朝欽等九十入名訊明均係逼勒服役之人。卽時量給路費。飭令各回原籍外。其



恩鼓勵。

餘首夥三百七十八名、臣等現擇其年力精壯之張治、陳護等二百零八名、一併賞給口糧、造具年貌花名清冊、分配兵船、出洋隨緝。如果遇盜、爭先奮勇出力、另行奏明、懇若稍有觀望不前、亦卽立拏究辦。其餘年力衰弱之林黃等一百七十名、分起發回原籍、交親屬地保嚴加管束。如再在外爲匪、加倍治罪。其張治之母張陳氏、弟張伊、亦飭惠安縣卽行釋放。呈繳船隻鎗礮器械等項、分別配用估變。至浙省洋面、本止張治等一幫盜船、茲張治大夥業已來省、據供僅有伊夥駱仔蘆帶領小同安梭船四隻、與化舫船三隻、小釣船二隻、潛匿台州一帶洋面。船內並無大礮、不難勦辦。臣阿林保現已嚴飭定黃溫三鎮舟師、各歸各汛、分路搜捕、務期剋日殲擒。庶肅清一省海洋、則一省商漁早受救寧之福。所有浙省洋盜張治率衆赴閩投首、現在分別辦理緣由、臣等謹合詞恭摺具奏、伏乞

皇上睿鑒、謹奏、奉

旨悉准行。常生案、鳳尾幫白嘉慶五六年間久已散

滅張阿治乃其餘盜歸閩後又入海爲盜襲鳳尾之名嚇劫商船。浙洋則稱爲竅嘴幫閩洋稱爲鳳尾幫。此次到閩投首者皆是劇盜尙有餘夥千餘名已在前閩海邊散去分歸各岸矣。

二十一日蔡牽船北入浙洋浙江提督何定江自閩追牽回浙。三十日截算彌補虧空計原虧一百八十七萬八千四百九十九兩自嘉慶五年八月初一日補起至十三年十一月底止共補銀一百二十四萬二千兩零尙未補銀六十三萬六千餘兩應扣至十七年冬底補足。按後任帥中丞承瀛奏明補足。十二月初四日大人赴寧波督勦蔡逆護定海鎮總兵朱天奇攻逆於落



仰洋、擊斃盜匪甚多、盜礮亦打壞外委李占魁等二船。蔡牽北竄至馬磧山、燂洗盜船、兵船追至馬磧、蔡逆弃其所洗之船、飛遁回南。二十一日、兵船追及於温州披山外洋、守備吳廷邦等礮沈一船、撈獲生盜八名、牽仍乘夜遁閩。二十五日、大人因黃巖鎮童鎮陞不及早與朱天奇合兵速擊蔡逆、叅奏奉

旨、童鎮陞革去頂戴、仍交部嚴加議處、以示懲儆。欽此。是日又奏、提督何定江自閩回浙、患疔、回泊温州病卒。浙江提督兼轄水陸、正值水師勦捕

喫緊之時請

旨簡員補放。奉

上諭浙江提督員缺著邱良功補授。欽此。按閩浙總督某

奏浙江提督出缺以浙洋土盜將盡提督無庸水師出洋請在陸路總兵內補放。奉

諭旨准。大人所請來年秋浙洋勦滅蔡牽非邱良功未能成功。邱良功在臺灣水師中爲出色之員向爲前提督李忠毅公所賞識可仰見

聖明用將得人。俯如撫臣所請。提督仍統水師出洋故



蔡逆之就殲，指日可必也。寧波同知陳大琮

卽李忠毅公之女壻，素諳洋務，等在魚山外洋

奏留浙江補用，新授此職者。攻獲亞盧盜船一隻，生擒二十八名，斬首級五

顆。又黃巖鎮兵船臨海鄉勇船各攻獲一船，生

擒二十餘名。摺畧云：浙洋自張阿治投誠之後，尚有亞盧一幫，十餘船，今陳大琮

獲船一隻云云。

十四年己巳，四十六歲。

正月，頒發軍務傳單法於沿海營縣。十三年，蔡

逆兩次入浙，來去益飄忽。大人乃預頒傳單

之法於沿海。札云：札定黃溫三鎮中軍知悉。照得蔡牽盜夥忽北忽南，朱清匪船

間亦闌入浙境必須稟報迅速方克隨時調度。本部院接閱各屬稟報每多遲延總由各地地方官照尋常事件發交驛舖並不嚴飭迅速遞交沿途亦不稽查催趨所致。不知蔡朱二逆入浙洋本部院卽須親赴沿海督緝調度各鎮兵船所爭在一刻今本部院酌定軍務傳單預發各廳縣衙門臨時填用以期傳報迅速並飭飛報該中軍衙門以便傳報在洋舟師台行札知札到該中軍衙門以便遵照嗣後一有蔡朱二逆到境消息接收廳縣粘用軍務傳單立即專差無論晝夜風雨探投舟師所在洋面飛請會合勦捕。倘致延遲片刻貽誤軍情定將該中軍叅革究辦。稟之愼之切切。札按察司寧溫二道沿海廳縣知悉。照得蔡牽盜船忽北忽南朱漬匪船間亦闌入浙境必須稟報迅速方克隨時調度。本部院接閱各屬稟報每多遲延總由各地地方官照尋常事件發交驛舖並不嚴飭迅速遞送沿途亦不稽查催趨所致。不知蔡朱二逆一入浙洋攸關入奏本部院卽須親赴沿海督緝調度各鎮兵船所爭在一刻而各該



縣安坐衙齋、一稟了事、遇此等應行速遞文報、一任迂遲懈悞、捫心安平。今本部院酌定軍務傳單預印發各廳縣衙門、臨時填用、以期傳報迅速、合行札知。札到該司道廳縣、即便轉飭寧台溫三府至省、經由各縣驛遵照。嗣後除尋常士盜入境、照舊辦理外、一有蔡朱二逆竄到該境、消息該地方官即用軍務傳單填明何盜入境事由、星飛傳報、以便一路皆知。如該逆入北關等處、洋面者、平陽縣即飛報本部院及寧台道、定黃溫三鎮中軍衙門、無論晝夜風雨、每一時限行三十里、並於單內注明接收日時、以便稽考。倘敢視同膜外、遲延片刻、貽誤軍情、試思當得如何罪。至於各縣道路津渡情形、不同其平日應如何預為備辦、以便單到即傳、不致臨時遲舛之處、各該府縣預為悉心商議、停妥毋得臨時推諉、致干一并嚴叅。稟之慎之、毋謂言之不預也。

二月初一日、奏借仁和等十二縣款收農戶仔種、每畝三升六升不等。奉

旨依議。欽此。

初九日、自捐銀四千兩賑德清縣貧民

粥。

札布政司知悉、本部院體湖屬民情、上年歉

貧民

尚多、現在春花尚未登場、允宜加以賑濟。

今本

部院捐發紋銀四千兩、合行飭發。札到該

司立

即、委員發交該縣、延致往年辦賑紳士、原

任知

縣蔡夔、同知沈朝宗、訓導設承毓等、原封

領去

妥為辦理、務

使實

惠及民、切切。重濬西湖、以備農田水利。

摺畧

云、西湖自嘉慶二年、咨部動款、稍為開挖

之後

迄今、又逾十年、現在港道淤積、甚或湖底

顯露

葑草、高出水面、遇旱則涸、遇雨則溢。奉

逐段

估計、需土方夫工銀四千五百兩。

批准辦。至是與工濬成、別聚土墊於湖心亭之西、至今

人稱之為阮公墊。二十六日、餘姚、上虞米貴、

捐銀五百兩、助紳士給濟貧民錢米、紳士鼓舞、



捐至數萬兩。諭營弁盧大發將本部院捐銀二
 聊補賑需毋違。又札布政司知悉照得餘姚
 縣入春以來米價昂貴貧民口食拮据經本部
 院發銀三百兩煮粥助賑今據該縣具稟於三
 月底停止本部院所捐銀兩尚未動用與衆紳
 士呈請代爲呈繳其捐輸最多之紳士給與扁
 額數在一百石以下由該縣酌量獎勵前來當
 批已捐之銀未曾動用繳回無此政體仍發交
 紳士暨書院董事置買良田收入書院取息以
 爲膏火之資勒石書院并將此次捐米三千餘
 石之各紳士全行列入碑內以垂永久所有捐
 米四百餘石之楊景南本部院書給賑鄉首義
 四字扁額其捐二百石至一百石六名書給力
 賑鄉里四字扁額給發製掛餘照行等因除批
 飭遵照外合行札知該司即將該縣暨縣
 丞趙球委員楊達辦賑認真各記功一次注冊
 以示鼓勵仰卽轉飭遵照其賑務係該紳士等
 自捐自糶不必
 取具冊結切切
 三月温州總兵李景曾追亞

盧餘船至閩省七星洋獲盜一船擒李霖等十七名。又葉機等攻獲二船擒盜沈振大等五十四名斬首級三顆。立書藏於靈隱雲林寺大殿東大悲閣後。四月十六日臨海知縣王維堉督鄉勇拏獲盜船一隻擒盜二十七名斬首級五顆。二十八日護定海總兵朱天奇叅將邱章同知陳大琮等追盜至江南界擊沈盜一船攻獲四船擒盜男女九十二名口亞盧僅剩數船南遁。浙江提督邱良功新莅任。摺畧云浙江土盜亞盧等今年春夏以來經各兵勇拏獲多船之後餘船不過數隻遠竄溫洋現經提臣邱良



功向南搜捕。其市台。五月奏銷通省錢糧十
洋面甚為寧謐云云。

三年額徵二百一十五萬七千五百兩零計已

完一百八十八萬四千九百零、未完二十七萬

二千五百零、計完至八分以上。按九年彌補雖

八十七萬八千四百有零、但恐舊虧雖補而新

虧復積。大人廉儉持恒、皆係實補、並無新虧

是以嘉慶五年報解全完者止富陽一縣、通省

完五六分、以上而十三年報解全完者仁和、錢

塘、海寧、富陽、餘杭、臨安、新城、於潛、昌化、嘉興、秀

水、嘉善、海鹽、歸安、烏程、長興、德清、武康、安吉、孝

豐、鄞縣、慈谿、奉化、鎮海、象山、定海、山陰、會稽、諸

暨餘姚、上虞、嵊縣、蘭谿、東陽、義烏、永康、武義、湯

谿、西安、常山、泰順、青田、松陽、遂昌、雲和、龍泉、慶

元、宣平等四十八州縣、通省完至八分以上、而

十四年本年土忙報解者亦甚多、此實據也、是

時有鎮海、慈谿等五縣、不但將十三年報解全

完且將十四年徵解過半。藩司請記其功。大
人曰：慈谿等三縣無所爲而爲之，足見官民相
得踴躍奉公，應記功。鎮海等二縣卸事將近，催
科過急，以私濟公，不顧小民，方且當刻之，豈可
記功耶？可謂洞見豪釐矣。常生又按浙省自
定倉庫章程之後，行之十年，通省完善，甲於各
省。乙亥年，山東、江蘇查辦虧空五六百
萬，不等論者，皆謂浙政之善於始也。六月、
申嚴偷漏米糧，懸賞購緝舊法。爲嚴禁海洋偷
緝事。照得浙省本地產米，除完漕外，本屬不敷
民食，向籍客米接濟。此因東南各省歉收，以致
川楚米船到浙稀少，米貴之由，實在於此。本部
院躬膺民牧，首重民天，凡可有益閭閻，無不刻
縈懷抱。因思海洋偷漏，從前尚有違禁冒險之
徒，近年節次查拏，土盜漸已淨盡。且如蔡牽之
米，厯係行劫臺灣，回棹米船，每得一船，足敷數
月之用。若舍行劫，不須價值之米，而爭海濱升
斗奇貴之糧，盜雖至愚，似不出此。又如張阿治
等各幫土盜，本部院上年莅任時，尙有三四十



船嗣經勦逼緊急張阿治率夥在閩投誠。浙省水陸文武節次拏獲亦不下二十餘隻。盡現在浙省零星餘匪實已不過四五船計盜。不過一二百人。盜之不存米將焉往。是米貴不。係偷漏亦屬有據。然本部院斷不敢竟謂偷漏淨絕亦不敢因今年春夏以來洋面安靜稍弛。禁防除委員密赴海日稽察查拏外誠恐耳目。或有未周合再懸賞曉諭。為此示仰人等知悉。爾等如有留心時務之人儘可親至海口密訪偷漏踪跡盜船若干。由何處上船由何處出口。窩主係何住址。本犯係何姓名。許即赴轅據實首告。本部院立即重賞。一面按址飭拿。俟往嚴辦。並窮究黨類。務使顆粒不能出洋而後已。其贖米入犯現獲者所獲之米全行充賞。本部院仍加賞銀一百兩。特示。常生按此因連年高寶被水下河蘇杭米貴。謠言出洋。立專注蔡逆分船隔攻之法。按蔡逆之故。

自李忠毅並船被礮之後。閩浙兵船人人餒。蔥。

上年兩次入浙，兵船皆已近逼首逆坐船，皆因賊船高大，迄未能直與併命。大人乃立專注首逆分船隔攻之法，疊次密札各提鎮，約俟蔡逆入浙，分兵船若干，專隔蔡逆之餘船，以不能救首逆爲功。牽賊時張摺云：牽子小，不以獲等船不能救，卽其效也。

盜爲功，分精銳若干船，專注首逆之船，將其篷柁節節打破，俾其不能再逃，然後盡力攻擊，則兵將皆無畢命之慮。首逆難掛速遁之帆。八月十七日，蔡逆被邱童兩提鎮攻擊於台州漁山洋，帆已破如魚網，柁亦損。見張摺內。死者狼籍，窮一



夜之力、逃不能遠。至十八日、又被兵船追攻於
 温州外洋、全船沈沒。若是前數次攻法、十七日
 夜、未有不遠逃者。是此次得力、乃專注首逆之
 法、合宜也。致邱提台書云、蔡逆坐船高大、浙師
 即攻、往往不能得力。兄前曾酌商諸
 鎮臺、以賊船雖大而少、兵船雖小而多。若令某
 鎮某字號若干、船隔斷、蔡逆夥匪船隻、不令救
 援、以隔斷為功、不以攻獲為功。另挑某某鎮高
 大堅好船若干隻、認定蔡逆本身坐船、連環施
 放鎗礮。先將篷胎舵牙節節攷打破壞、使彼不
 得行駛。然後替換攻擊、多用火箭火瓶。賊行與
 行、賊止與止、久相持、便可得手也。又致邱
 提臺書云、頃奉初九、初十兩、次賜函、知弟臺現
 在星夜返蓬、北上稍慰鄙念。蔡逆自十八、九等
 日、近回大陳洋之、後並無或北或南消息。惟頃
 據台協具報、三十七、五隻、護逆木船過寧波乍浦、
 供該逆有船三十七、五隻、護逆木船過寧波乍浦、

還要到普陀燒香等語。但此種難民之言殊不可據。屢屢有蔡牽故差人上岸造爲將南反北之謠言。現在兄飭寧波陳道已雇大同安船十隻。據云不日可齊。如蔡逆尙匿台洋。卽交朱護鎮軍管帶南下會勦。弟臺由溫北上。正可首尾夾攻。如果真至寧波普陀。卽當合追北上。如有捷音。希爲速郵寄示。至閩師是否合幫前來。來函未荷教及。並望見示及之。再雇船應配礮位。寧道現有庫貯紅衣礮六位。劈山礮一百位。又城守營現有選紅衣礮二十位。共大小一百二十六門。如有不敷。提標各營尙可挑用。所有紹郡各礮均係分設城汛。輾轉搬運。未免緩不濟急。似無庸再爲調撥矣。又致邱提臺書云。廿九日連接賜函。知軍麾於十六日在三盤遭風。現在分飭趕修一面。統帶完好廿五船。兜會黃鎮舟師過北。勦擒旣慰。且念黃鎮兵船亦同。日在披山等處遭風。淹斃兵丁四名。惟定鎮幸保無恙。此次各兵船雖叨庇無大傷損。而冒險前進。實爲勞苦出力。兄已札飭寧道。俟兵船抵定後。每名各賞銀二錢。以示獎勵。並飭將定鎮未



經遭風兵船及新配十二船兵丁普賞銀一錢
以屬勇氣矣。蔡逆匪船昨據寧道稟報廿四日
經潭頭往北共大小船十九隻。此時當已至定
海。未知弟臺及童鎮軍所帶各舟師何日追及
懸系之至。新雇商船據道早已配齊而兵丁尚
未調到未免延緩。兄已嚴札申飭並如前命令
定中軍金得標管帶合之三鎮兵船共得五六
十號。兵力已壯。如閩師未到儘可獨剿不必等
待也。修船經費及新得勝舢不敷銀兩頃已札
司葵銀二千兩回扣存蓬索。一半銀兩頃日委
員解寧縣候弟臺分別給發。惟望諄飭各營
節估用無任稍爲浮冒。另示酌派兵船七隻守
催在溫修理各船。俟修竣後卽令在溫偵緝上
盜。並備截剿蔡逆南竄之處。具仰調度周密其
新任溫鎮李公昨接阿制軍來札已允。
來浙。頃復札致張署制軍催令赴任矣。七月
十七日、溫州颶風大作、亞盧盜首覆海溺斃、
船二隻漂至平陽海岸。平陽知縣周鎬會營拏

獲四十四名。亞盧幫從此全滅。浙洋土盜至是全盡。爲二十年來未有之事。是日、蔡逆復入浙洋、至台州遇颶、壞船二隻、擒盜蔡城等五十名、餘船北至定海。提督邱良功自閩追回、會同浙江各船會剿。按此次蔡逆七月十七日始至浙江平陽洋面、平陽速發軍務傳單、直達台寧、三日卽到。是以沿海各船早禁出口、比蔡逆到時已如堅壁清野、海無一船、蔡逆一無所掠、藥鉛篷柁一切接濟全斷。至用番銀爲礮彈、而首逆篷桅破壞、兵船拋擲火器、皆旁見側出、見

後署督張摺內。二十四日、

欽差侍郎托津、周兆基、光祿寺少卿盧蔭溥到杭州、審

辦御史陸言叅劾學政劉鳳誥事件。八月初

四日、浙江提督邱良功、福建提督王得祿、海壇

總兵孫大剛、黃巖總兵童鎮陞探知蔡逆在寧

波洋、各兵船連夜接續向北。初五日黎明、童鎮

陞首先追及、守備武定太等攻獲一船、生擒王

烏等五十一名、斬取首級十顆。蔡逆回衢港、竄

往外洋。摺畧云、竊照七月中旬、蔡逆竄入浙洋、經陸路員弁拏獲、遭風盜匪一百三名、

及舟師追剿、緣由經臣奏報在案。臣拜摺後、接准提臣邱良功函稱、途次會遇福建提督王得



祿海壇鎮孫大剛及黃巖鎮童鎮陞各兵船接
續過北。八月初四日、偵知蔡逆在旗頭一帶遊
奕、連夜折戢前進。初五日黎明、追見盜船、童鎮
陞在前、即揮令各船進剿、該匪放礮拒敵。童鎮
陞坐船並擁一船、將其巾頂擊落、署守備武定
太首先躍過船、帶同員弁、拏獲盜匪王烏等五
十一名、斬取首級十顆、起獲船內礮械九十餘
件。餘匪落海淹斃者無算。弁兵間有受傷、兵船
亦有被礮擊損者。畧為修整、即日乘勝進剿。並
據定海縣稟報、匪船由甯港竄往東南外洋等
情、查該逆每遇舟師會集、輒由外洋遁回。臣先
已飛咨邱良功等、緊躡痛剿、專注巨懸、務期就
獲。俟續得接仗另行馳奏外、所有舟師拏獲船
盜緣由、臣謹繕摺奏

聞伏乞
皇上睿鑒、謹奏。

十一日、蔡逆由象山潭頭外洋往南、

提督邱良功等在北洋搜尋、無蔡逆踪跡。聞師
回閩堵剿、朱濟浙師專剿蔡逆。十五日、由普陀



批帶兵船先後窮追南下。十二日侍郎托津

等審明劉鳳誥案得科場聯號一款并附參巡

撫不確實察訪含混覆奏等因發摺。大人亦

自請議處同日發摺。摺云臣前奉

諭旨飭查學政劉鳳誥等情。任性罵詈教官以致下人

肆行亂法之處。臣當將劉鳳誥素能飲酒密詢屬員

以稱該學政並無任性濫罵縱容家人情事并

聲明上年監臨鄉試士子場後頗有浮怨之詞

具摺覆奏。蓋因上年榜後外間傳有監臨打監

軍文宗改文字之對語。臣即密查場內責打號

軍屬實更改文字豪無影響。遂疑失意士子故

為造謠且未敢以查無實據之語具奏但於摺

內聲敘頗有浮怨等語。旋奉

欽差侍郎托津等到浙將劉鳳誥解任嚴行查訊。轉

究出劉鳳誥上年監臨鄉試時竟有為應試士

子印用聯號戲記情弊聞之不勝駭異。臣於場

畢山海口回至省城之後、漫無覺察、聞有外間浮言、未能追究、得實奏辦、實屬昏愎、無能、無以自解、惟有仰懇

天恩、將臣從嚴懲處、除而請托津等將臣附叅外、所有臣悚懼下忱、理合恭摺具奏、伏乞
皇上睿鑒、謹奏。
十七日、浙

江提督邱良功等追及蔡逆於台州魚山外洋。
浙江提鎮首先追及、將逆船攻勦殘破、童鎮陞
船被盜礮折桅。閩提督王得祿舟師亦至、齊攻
逆盜、斃盜無算、夜黑潛逃。十八日、遇蔡逆於溫
州外洋、閩浙舟師齊加攻擊、首逆坐船破漏、沈
海、蔡牽及其二妻一子同時全船斃沒。蔡逆自
此滅絕。浙閩兩提督由溫州乘北風至福建廈



門報知署總督張師誠具奏。臣摺云署閩浙總督

督臣王得祿浙江提督臣邱良功跪奏為殲除

海洋積年首逆蔡牽將逆船二百餘犯全數擊

沈落海並生擒助惡各夥黨恭摺馳奏仰賀

天喜事。

竊照洋盜蔡牽一犯自著名之後已有十餘年

往來浙閩粵三省洋面戕害商旅抗拒官兵甚

至謀佔臺灣率眾攻城偽稱王號罪大惡極實

堪髮指該逆一日不除海洋一日不靖仰蒙

聖明節

次指示機宜無微不至經調任督臣阿林保與

臣張師誠三載以來凜遵

訓諭杜

絕接濟鼓鬪舟師悉心籌辦臣張師誠於本年

七月間兼署督篆後又復恭錄前奉

恩旨若

能用命者嚴參治罪通飭舟師並告以耳目甚廣

上賞不

處處有人探報倘沿舊習輒以阻風燬洗為詞

到處逗遛干賊以暇立即據實奏為以此諄諄

嚴飭俾閩浙兩省帶兵鎮將備弁人等咸知感

懼迅速擒渠一面密差要人分赴各海口嚴查

偷漏臣王得祿自李長庚出缺後仰蒙

皇上畀以提督重任，統領師船，無時無刻不以殲擒蔡逆爲念。臣邱良功在臺灣，仰蒙

聖恩，不次陞擢，用至提督。於本年四月間到任，感激鴻施，力圖報稱。茲因蔡逆逃遁，入浙，臣王得祿率同護

海壇鎮總兵孫大剛、參將陳琴等各兵船趕過浙洋，會合臣邱良功，卽在北洋乍浦一帶搜捕，未得逆踪。正在四路差探間，於八月十六日臣王得祿接到臣張師誠咨會，南洋尚有蔡逆匪船。該逆詭計多端，恐其托詞在北，實匿在南。且臺灣械鬥未息，並有朱渥幫匪船竄在臺灣洋，誠恐勾結生事。囑臣王得祿率師迅速南回，探剿蔡逆，並防朱渥。臣王得祿隨與臣邱良功連艚返蓬，南下於十七日黎明駛至魚山外洋，果見蔡逆匪船十餘隻在彼超駛。當卽督催兵船上前追捕。至午刻，浙幫兵船先行趕及匪船，該匪等膽敢放礮拒敵，將黃巖鎮總兵童鎮陞坐船頭，扼折壞收回內洋。臣王得祿趕上，督催閩幫舟師攻打，將各匪船擊散分逃。仍與臣邱良功招集閩浙兩省護總兵孫大剛、護副將謝恩、諮參將陳登捷、護遊擊陳寶貴、守備郭繼青、楊



康齡沈國龍及下總王宗植等各兵船專注蔡
逆本船併力攻擊傷斃賊匪無數。時當昏暮兵
船連夜跟追該道船蓬桅等項年久無處更換
均已破壞不能逃遁。十八日早追至不識名日
黑水外洋兵船又復攏攻遊擊陳寶貴左手把
總江茂顯右勝俱被礮傷。臣王得祿、臣邱良功
一齊冲至逆船拋擲火器火罐斃賊甚多。時有
守備李增階候補從九品余俊及同船兵丁俱被燒
順商船亦趕到並攏被賊船火斗拋入火藥艙
內火船船隻登時燒燬。又有叅將陳琴駕坐成字入
傷大船趕來冲擊並用火器燒斃賊匪多名。該
叅將左右兩脚均被賊鐵鉞戳傷船隻被賊礮
轟散漂沒。兩船礮械及所攜口糧銀兩等項俱
已沈失。官兵亦皆落水。叅將陳琴當時撈救得
生其守備李增階從九品余俊二名亦經浙幫
兵船撈救。該逆又用大旋札住臣邱良功之船
拚命抵拒。臣邱良功督率本船弁兵吳堯臣等
奮勇擊殺撈獲匪犯七名。臣邱良功左腿被賊
鎗傷並有在船隨緝之胞姪邱成勳被賊打落

下海漂沒。本船兩船俱被賊船碰壞。船進水。經浙幫將備船隻前來保護。率帶收回。護總兵孫大剛。本船亦被擊壞。臣王得祿。仍緊攏逆船。奮力攻擊。不稍放鬆。忽有匪船一隻。趕來救護。經卽用守備楊康寧。帶回接糧。通判查廷華。所派全在洋隨緝之役。勇陳庚等。連放大炮。擊沈匪衆。板撈獲。詎蔡牽仍敢指揮。本船之際。未敢放下杉勢。甚克橫。賊船因不敢得。鉛丸接濟。用番銀作爲礮子。點放。臣王得祿。本身右額角。被賊礮打落。板內番銀。打傷兩段。臣王得祿。又身被賊礮打落。板內番銀。打傷一處。血流暈倒。又被賊額角。被賊礮打落。板內番銀。打傷腕骨。損經。同船弁兵。趕緊救醒。用藥敷治。臣王得祿。恨深切齒。奮不顧身。仍喝令千總吳興邦。把總蒲立芳。外委趙世芳。連拋火斗。火罐燒壞。逆船。船後乘勢用力冲斷。逆登時落海。沈沒。該逆同伊妻並船內夥衆。一齊落水。各兵船趕攏。將捕經守備陳康寧。外委張正額。外陳榮成。及蔡逆本將陳琴等。共計撈獲人犯。二十名。其蔡逆本



身同伊妻被浪捲沒。提問所獲人犯內賊夥十
九名。難民六名。據稱蔡率手足俱被火藥燒傷。
實係落海淹斃。船內夥衆共有二百六十名。除
傷斃外。餘俱沈沒。現在黑水深洋。風狂浪湧。未
能打撈逆尸。察看形勢。似在溫州所屬外洋。臣
王得祿隨帶各兵船於十九日日收到福寧府屬
之三沙。即乘北風於二十一日日駛抵廈門。臣邱
良功船隻亦乘北風於二十三日日駛至廈門北洋。攻
剿逆匪。閩浙兩幫內傷斃及受傷員弁兵勇。因
現在尚有船隻容俟各船收齊。再行確查。照例
題咨辦理。臣張師誠一得兵船收進。廈港之信。
即親赴各船看視。邱良功腿傷尚輕。行動如常。
惟王得祿額角手腕各傷較重。用紬包紮。不便
揭看。據云。右額角被賊番銀打過。骨損髓見。抽
痛難堪。恐船上調治不便。勸令就近回署。加意
調養。並覓良醫診治。以冀速痊。一面將所獲匪
犯難民提至臣署督同因公在廈之汀漳龍道
海慶興泉永道多麟代同知葉紹棻通判查延
華王桂等。隔別審問。欽稱蔡逆本身手足受傷

落海及擊沈之船實係該逆本身船隻均屬相同。詰以沈船之處是否外洋抑係內洋附近有無山島據盜犯陳盼等供稱實係深水外洋浩渺無際四圍並不見有山島。又據難民紀總等供稱伊等於逆船沈溺之時先行鳧水扒上兵船早經被勦散去僅有該逆義子小仁與逆夥矮牛兩艘亦相離甚遠且見兵船勢盛不敢前來撈救。若該逆果有逃脫得生伊等係受害之人尙求官兵勦捕洩憤何肯代爲捏飾等語。並據出具切實手模甘結蔡逆如果得生情願治罪等字樣。查蔡逆受傷落海已據本船賊夥難民供指確鑿且臣王得祿與同幫各船內員弁兵勇均經日擊實無疑義。臣張師誠因該逆尸身未據撈獲現在解到各犯有稱眼見淹斃有稱危急之際只見其落海不知有無撈救者供詞不一是以再圖推求不厭詳慎。但難民均係眼見淹斃各據切實所供十分結實。臣王得祿與各弁兵親身在洋目覩該逆落海之時小仁矮牛二船並不能趕來撈救。臣邱良功本船雖



聖屢大

先已被損、離尚不甚遠、驟見逆船沈沒、實無暇
黨趕救。詢之護鎮孫大剛及各弁兵、眾口一詞、
且稱其地係黑水深洋。該逆素食鴉片、即身體
羸弱、斷不能扶板浮起。是積年稔惡、雖未經擒
獲、明正典刑、而溺斃深洋、鯨吞魚嚼、即與身受
凌遲無異。該逆惡貫滿盈、人人切齒、近因不得
接濟、船蓬已破、鉛彈用盡、經官兵晝夜專注圍
攻、將該逆全船擊沒、巨惡頓除。洵足仰紓
快人心。所有解到各犯內、有屢次拒敵官兵、現
在受傷垂危之陳盼、劉水二犯、臣張師誠審明
後、即恭請

王命飭

委與泉州水道多麟岱署水師提標中軍叅將福
珠、靈阿、先將該二犯在廈門海口凌遲處死、以
免幸逃。顯戮餘犯、暫行監禁、仍飭溫台福寧沿
海一帶多派兵弁、留心查看、如有蔡逆尸身漂
到境內、即行飛稟、以便委員帶同現獲監禁各
逆夥、馳往驗明、挫骨揚灰、以昭炯戒。此時逆船
已沈、巢穴已破、其該逆餘夥小仁等、既經官兵
擊散、又無首逆主持、眾賊無不胆落驚惶、心離
解散、聞已竄回閩洋。臣張師誠即而囑臣邱良

聖恩分別獎勵外所有殲除積年首逆緣由謹遵前奉
諭旨由五百里馳奏叩賀

天喜伏乞
皇上睿鑒謹奏九月十三日奉

諭張師誠等奏殲除海洋積年首逆蔡牽將逆船內
二百餘犯全數擊沈落海並生擒助惡各夥黨一摺
覽奏欣慰之至。洋盜蔡牽一犯原係閩省平民在洋
面肆逆十有餘年往來閩浙粵三省擾害商旅抗拒
官兵甚至謀佔臺灣率眾攻城偽稱王號不特商民
受其荼毒官兵多被傷亡並戕及提督大員實屬罪
大惡極。該逆一日不除海洋一日不靖。節經降旨諭
令該督撫等嚴禁接濟鼓勵舟師速擒巨擘。茲據張
師誠奏稱王得祿接到咨會南洋尚有蔡逆匪船王
得祿即與邱良功連勝南下一於十七日黎明駛至魚
山外洋見蔡逆匪船十餘隻在彼超駛當即督催閩
浙兩省舟師專注蔡逆本船併力攻擊。逆復敢用大



旋札住邱良功之船拚命抗拒。邱良功被賊鎗截傷
 其時王得祿緊攏盜船。該匪因不得鉛丸接濟。用番
 銀作爲礮子點放。王得祿身被礮傷。仍喝令千總吳
 興邦等連拋火斗火罐。燒壞逆船。賊邊尾樓。王得祿
 復用本身坐船將該逆船。後先冲斷。該逆同伊妻並
 船內夥衆登時落海沈沒。提訊撈獲匪犯十九名。並
 難民六名。均供稱蔡逆手足俱被火燒壞。落海淹斃。
 是蔡牽受傷落海。已據所獲賊夥難民供指確鑿。毫
 無疑義。王得祿邱良功協力奮追。殲除首惡。均屬可
 嘉。而王得祿額角手腕各受重傷。仍復奮不顧身。趕
 賊船追剿。致該逆登時落海。厥功尤偉。王得祿著加
 恩晉封子爵。並賞給雙眼花翎。白玉翎管一個。白玉
 四喜搬指一個。白玉大吉壺。藍牌。白玉翎管一個。金絲棉搬指
 套一個。大荷包一雙。小荷包二個。邱良功大腮受傷。指
 本舟被賊艘碰壞。不能前進。勞績稍遜。邱良功著加
 恩晉封男爵。仍賞給白玉翎管一個。白玉四喜搬指
 一個。金累絲搬指套一個。大荷包一雙。小荷包二個。
 全該逆用番銀作爲礮子。可見鉛丸已屬罄盡。所有
 阿林保張師誠年來於各海口巡防嚴密。使一切火
 藥米石概行杜絕。不得稍有透漏。該逆乃日益窮蹙。

立行殲滅、辦理實屬認真。總督阿林保、巡撫張師誠、均著交部從優議敘。張師誠並著加恩賞給大荷包一雙、小荷包二個、金累絲鼻烟盒一個、白玉鑲嵌帶板三塊、以示嘉獎。其隨同王得祿、舟師內之護總兵孫大剛、此次會剿蔡逆、協力圍攻、亦屬奮勉、著加恩賞還總兵原職、仍賞戴花翎。叅將陳琴奮、勇擡攻、受傷落海、護救得生、甚屬出力、著加恩遇有閩浙兩省水師副將缺出、儘先陞補。守備楊康齡、李增階、較衆尤爲出力、著加恩遇有遊擊都司缺出、儘先補用。仍賞戴花翎。千總吳興邦、著以守備卽用。把總蒲立芳、著以外委陳賜福、陳榮成、呂鳳鳴、著以經制外委卽補。外著以外委陳賜福、陳榮成、呂鳳鳴、著以外委卽補。均著先換頂戴。署遊擊黃國哲、隨同出力、著以外委卽補。陞用千總李天華、著以守備陞用。把總王永翁、著以千總陞用。外委龔朝升、著以把總拔補。額外委李向貴、著以經制外委拔補。通判查廷華、在洋隨緝攻沈匪船、尙爲勤奮、著加恩賞加同知銜、仍賞戴花翎。候補從九品余俊、跟隨出洋、受傷落海、遇救得生、著加恩以縣丞陞用。其隨同邱良功、舟師內之總兵童鎮、陞前因未經合幫勦捕、革去頂戴、革職、從寬留任。



茲該鎮首先追及逆船尙屬奮勉著賞還頂戴准予
開復遊擊陳寶貴仍賞戴花翎遊擊謝恩詔隨同攻
加恩以叅將陞用仍賞戴花翎遊擊謝恩詔隨同攻
勦奮勇向前著加恩以叅將陞用仍賞戴花翎遊擊
臣張君昌著均先補用陞用候補守備程尙蛟著遇
有守備缺出儘先補用陞用候補守備程尙蛟著遇
叅將陳登捷守備沈國尤郭維清署守備事千總吳
清許廷元把總陳步雲周聖章外委蔡得勝馬殿祥
陳永升許元豹趙連發葉廷貴李元等十五員隨同
攻勦蔡逆均屬奮勉著交部議敘王得祿之家丁蘇
兆邱良功之姪邱成勲著交部以把總例賜卹其出
力各兵丁著分別拔補此外如有出力員弁仍著查
明保奏茲發去五錢重銀牌二百面著賞給閩省各
員弁三錢重銀牌二百面著賞給浙省兩省出力各
十把搬指十個翎管十個著賞給閩浙兩省出力各
員弁其閩省兵丁著賞給一月錢糧浙省兵丁著賞
給半月錢糧至數年以來修鑄船隻礮械籌備口糧
並防守口岸杜絕接濟之大小文武各員弁著交新
任總督方維甸會同張師誠秉公確查分別具奏候
朕施恩其蔡牽義子小仁與逆夥矮牛並著嚴拏務

獲以淨根株。將此通諭中外知之。單並發。欽此。

二十二日 大人先因奉

旨派令入京祝

嘏。卽於二十二日交印與臬司蔣繼勲護理起程入京。

九月初五日奉

上諭。劉鳳誥於代辦監臨時入場舞弊一案。前已降旨。將伊革職。拏問解京矣。監臨入場專司查察弊竇。如果。有士子串通吏胥聯號等弊。方當按律嚴懲。以肅場規。今劉鳳誥聽受人情。轉爲應試生員徐步鰲印用連號。是以防弊之人首先作弊。實屬事所罕見。伊蒙



皇考高宗純皇帝賞拔深恩、由編修超擢學士、朕復加恩、洊擢侍郎、並特加宮保銜。乃不知謹慎、飭躬力圖報效、竟敢玩法舞弊、其罪甚重。托津等於按律擬流之外、請發伊犁、所擬尙輕。劉鳳詒、侯拏解到京時、著交大學士、尙書會同刑部再行審訊、定擬具奏。至阮元亦由編修於乾隆年間蒙

皇考高宗純皇帝知遇厚恩、超列卿貳。朕親政後、復擢用巡撫、畀以封疆重任、前後十年、渥荷恩施。上年伊因巡查海洋、不能兼辦科場、所有監臨事宜、卽應照例奏交藩司代辦。伊寧不知鄉試士子係由學政錄

送入闕、劉鳳誥本當避嫌、何以輒將監臨之事交伊代辦。此一節阮元已屬非是。至伊與劉鳳誥本屬同年、如果劉鳳誥在場舞弊、阮元實在不知、則其咎不過失察。卽或伊知之而不肯舉發、一經朕詢問及之、尙能直陳無隱。是雖有瞻徇之情、尙不致蹈欺飾重咎。乃朕於御史未經叅奏之前、先有所聞、卽特降硃筆諭旨、向其密加詢問、而阮元覆奏之摺亦係親自繕寫、乃並無一語確實。轉稱劉鳳誥代辦監臨時場規從嚴、一切風厲、致招浮怨、竟似伊於劉鳳誥之作弊妄爲、實在毫無聞見者。迨托津等到彼審實之後、



復向阮元詢及、阮元始稱去年聞後卽聞有監臨打
監軍對聯奏明等語、是直併爲不知、有心徇隱、不但
不叅奏於先、而於降旨密詢之時、猶欲撝拾浮詞、巧
爲搪塞、明係袒庇同年。阮元止知友誼、罔顧君恩、輕
重倒置、不可不嚴行懲處、卽著照部議革職。其充當
提調監試、於監臨舞弊不能覺察舉發之道員舒慶
雲、知府任澤和、均照部議降二級調用、不准抵銷。欽
此。十九日、庶母劉氏產女正於揚州。二十
三日、大人到京。二十四日、奉

旨、阮元於劉鳳誥一案未經早爲叅劾、經朕降旨詢問、

仍復含糊具奏。咎有應得。姑念其於劉鳳誥款跡本未得有實據。只係失於軟弱。伊兩任浙江巡撫官聲尙好。且學問素優。亦著加恩賞給編修。在文穎館行走。

走。

常生按時與革職巡撫孫玉庭同

加恩也。

常生又按劉鳳誥獲罪專重在得受人情爲徐

步鰲聯號一事。此事秘無實據。杭人皆不預知。是以御史摺內羅列多款。而聯號一事獨爲原

參所無。乃

欽差到

杭。先將劉學政解任。輾轉訪拏。刑訊多日。始爲

聖明旋

爲鑒及本未

得。有實據也。大人自八月二十二日交印入

京之後。到京始接浙江提督邱良功書。始知八

月十七八日攻擊蔡逆情形。

邱良功書云。中秋後接奉初四日所



發手書承示摺稿謹悉一切就稔。長兄大人於
廿二日榮行并以弟得有一勝仗。囑與王提軍會
奏具見。閱愛之心無不籌計。周至真令。人感銘
五內。弟與閩幫在北岸。搜無匪踪。卽返蓬過南
十六日。抵牛欄基。探聞該逆在於黃巖所屬之
人魚外洋潛踪。卽連夜開行。十七日黎明。駛抵
該處。果有盜船十餘隻。在彼起篷。駕逃。浙幫兵
船先行趕上。追擊各匪。俱返篷放礮。拒敵。內有
綠頭犬盜船一隻。認係蔡率本身之船。揮令各
兵船注定圍剿。該逆放礮回擊。將童鎮陞坐船
頭桅打損。隨即收轉。各兵船俱佔上風。迴環攻
打。該逆見兵船兇勇。方向東南。外洋駕逃。兵船
隨追。隨擊。自卯至申。擊斃盜匪無數。已追至黑
水深洋。閩幫兵船方始趕上。弟與海壇孫鎮軍
並攏逆船。兩下接仗。火斗交拋。因外洋浪大。不
能過船。逆船隨浪。餓出。時已入夜。弟帶兵船俱
在上風。截住跟追。該逆不能逃遁。十八日寅刻
各兵船又復趕上。逆船聯絡攻擊。該逆且拒且
逃。有提標署右營遊擊陳寶貴被賊礮打傷左
手。浙幫兵船並攏仰攻。俱被逆船拋下。火斗轟

擊官兵俱有傷斃。攻至午刻，已過黑水深洋。又見清水，弟想深洋寫遠，旋又天晚，恐被逃逸。弟之船先行，並攏逆船。王提軍之船隨後趕上，並在交攻盜匪。見勢克勇，俱紛紛跳水。因逆船插花大篷，纏住弟篷之上，將艇船席篷卽時扯碎。逆船欺弟艇船，竟敢用棹紮住弟船。船意，在拚命決一死戰。弟左腿被鎗戳傷，胞姪邱成勳與賊格鬪，落海淹斃。外洋湧浪，逆船與王提軍之船兩下搖擺，將弟船上舢舨邊船尾王康俱行碰壞。兵丁站立不住，多有落水。因弟船上舢舨邊船亦卽戲開。時有海壇孫鎮軍、乍浦營叅將陳琴守備、李增階俱從逆船外首撞攏。該逆連拋火斗、火星，引入陳琴、李增階。各兵船放杉板撈救。轟開，登卽沈沒。官兵落水。各兵船放杉板撈救。將陳琴、李增階救起，並撈獲跳水盜犯胡有均等七名。弟坐船僅存底碗，又復發漏。幸命忙未損，得免沈溺。因東風猛烈，僅用頭篷隨浪漂流。王提浙幫之船見弟之船損壞，前來保護，牽帶。王提



軍與孫鎮臺等船仍在圍攻逆船遙見賊火聯絡弟於西刻駛過黑水深洋見王提軍坐船亦返蓬收。此間浙雨幫會同攻擊逆船之實在情形也。弟於二十日收抵北關查點各兵船尚有幾隻未曾收到。隨將傷斃兵丁趕緊卹賞醫治。損壞各船駕溫修理。訊據盜犯胡有均供稱小的廣東人。落蔡牽船已有三四年。船上共有盜匪二百五六十人。十七八等日被兵船打死約二百人被火斗燒傷數十人。只剩二三十人。蔡牽躲在船內不敢出來。小的在前艙見船漏沈水。艙板湧起。小的走上艙面。聞蔡牽要發火藥。艙自燒。小的著荒。所以跳水。即被撈獲。求開恩等情。適溫州李鎮軍前來北關會合。弟隨換坐船隻。開行過南接剿。並訪王提軍與各兵船下落。廿二日駛抵崇武。聞王提軍兵船先與南船攻擊。如此狼狽。曾否沈沒。未得實信。隨即過南。於廿三日抵廈門。張署制軍亦在該處。王提軍已被賊礮打傷額角。手腕。在署醫養。蔡逆坐船已被攻沈。此次圍剿。浙幫兵船俱奮不顧身。掩

擢逆船攻打以致該逆不能逃遁。閩幫大船重
笨，王提軍於十七晚間方始趕上。此時該逆之
船已被浙幫攻打，狼籍。弟生艇船向會數次並
攏逆船用旋紫住，相攻一時之久。王提軍之船
反在弟船外，以致弟船碰壞。浙幫前來救護，雖
不克將逆船攻沈，而該船業已垂危。閩幫現成
收功。現經張署制軍具奏，以開幫稍優於浙幫，
其實浙幫實優閩幫。總之，國家公事首惡已
除，海洋絕此大患，亦一快事。現惟剿搜餘匪，務
期廓清洋面，以副長兄大人數載焦勞綏靖之
至意。統此縷布，恭請台。謹案蔡逆滅於浙江溫
安，惟希心照不盡，欲宣。州之事載於

御製詩二集庚午春勝聯句內。今恭錄於後。

敢從魚葬生重乞

注：海洋積年首逆，稔惡稽誅，惟蔡

尙剩匪船四十餘隻，經許松年等追入粵界，在南澳長山尾洋面督兵奮擊。守備黃志輝坐船



撞翻大賊船一隻、並焚燬率獲多船、殺賊無算、餘船潰竄廣澳外洋。探確該逆已於此次被殲、轟傷旋卽斃命。蔡逆窮蹙、日久、刺船十餘隻、潛逃浙江之魚山外洋。王得祿、邱良功、約會閩浙師船、蹕踪追及、閩幫擊散各匪。浙師專注逆船、極力追剿、直抵温州黑水外洋。兩省舟師合圍、火攻、燒壞逆船、賊邊尾樓。王得祿用坐船乘勢衝去、斷其後柁、逆船遂沈。該逆同伊妻被浪捲沒、夥衆盡散淹斃。二逆罪惡貫盈、先後殄除、人心大快。

貳負寧容縱飽颺。

注：閩浙兩省自朱渥、張阿治投誠、後全境均已肅清、而粵省尙剩烏

石二一幫。方郭學顯投首時、該匪亦有乞降之請、經百齡奏

聞奉

旨查明

伊等果出至誠、卽照郭學顯之例辦理。奈該匪自外生成、意存攜貳、竟以乞降爲緩兵之計、仍敢連隊伺擾、圖劫村莊。百齡知其怙惡狡詭、飭令舟師探剿、蹕至僑川洋面。該匪船三十餘隻、正欲駕逃、兵船驟集、奮力圍攻、將該匪及家口

全行擒縛并擒首夥烏石三大烏石三鄭耀章、錢
片容等百數十名餘匪殲滅無遺自此鯨鯢剪
盡海不揚波、販淫騰
歡其樂承平之宇矣。

甘泉受業羅士琳校

校記

①郭潭： 本條下文作「郭烏潭」。



儒藏

雷塘庵主弟子記 卷三

雷塘庵主弟子記卷四

男常生續編

嘉慶十五年庚午、四十七歲。

大人自編錄十三經經郭。四月二十六日、奉

旨補授翰林院侍講。九月二十日、奉

旨充署日講起居注官。及門烏程張鑑撰兩浙賑灾

記成。十月、大人自願兼國史館總輯、輯

儒林傳。又前與李銳商撰疇人傳、至是寫定。

十六年辛未、四十八歲。

四月、經郭編錄既成、計一百餘卷。是書采擇未周、艱于補遺、

是以未刻。偕法時帆先生爲西山之遊、還過二老



儒藏

雷塘庵主弟子記 卷四

庄、拜朱文正公之墓。六月、編漢延熹西嶽華山碑考四卷成、又編四庫未收百種書提要成。七月二十三日、奉

旨補授詹事府少詹事。遷居西城阜城門內上岡、宅後園有樹石。十二月初十日、奉

旨補授內閣學士、兼禮部侍郎。蒙

召見諭云、爾於劉鳳誥事不過失察、尙非有心徇隱。

十七年壬申、四十九歲。

二月初七日、奉

旨派閱

大考翰詹卷、擬一等徐頌、陳嵩慶、顧莈等。四月初十

日、奉

旨馳驛往山西查辦吉蘭泰鹽商控案、議吉蘭泰蒙古

鹽務章程。

同使者閣學文公孚。

五月初八日、奉

上諭、阮元補授工部右侍郎、兼管錢法堂事務。欽此。

二十九日、議山西蒙古鹽事竣、具奏。初、乾隆間

山西鹽課改歸地丁、不由商辦、商累暫甦、而田

賦加重。因之蒙古阿拉善部落之鹽池名吉蘭

泰者

卽賀蘭山。

肆行入販、其鹽賤而美、卽水晶鹽也。

始而侵佔山西鹽地、繼且侵及河淮引地、河東



解州池鹽爲之不行。嘉慶十一年，復將地丁改爲鹽課，設官設商辦理。阿拉善王將吉蘭泰池獻歸官辦，辦者議立吉蘭泰鹽課，歲六萬餘兩。此後承辦者章程屢改未善，官民商吏交爲苦累。商至逮繫，不能完課，官爲賠完，而晉省官運民銷之法已行，州縣之循良者抗不領鹽，以爲觀望。墨吏已挪庫銀領鹽，爲沿村浮價計口勒銷之計，民情囂然。至是始

命大人偕閣學文公孚往議之。大人乃詢諸官吏商民，得其所以不能銷之故，以爲能銷之弊更

甚於不銷、國帑固宜有著、而民累官累商累三者一有不善、卽不能持久。蒙古部落固不可使之據鹽以富強、而近二十年恃鹽爲生之蒙古數萬人亦不可使之一旦失利。乃請以蒙古鹽課六萬餘兩加入河東課內、請以蒙古鹽所侵之地爲解鹽引地、而蒙古鹽但准行至皇甫川爲止。部議准行。後部議復以吉蘭泰鹽池

賞還阿拉善王、於是官民商夷之累一洗而空矣。

摺云奏爲

遵

旨、妥議吉蘭泰鹽務章程、恭摺奏

聞、仰祈

聖鑒事。嘉慶十七年四月初十日奉

旨吉蘭泰鹽務自招商承辦以來屢經誤運虧課辦理
總未妥協著文孚等就近察體情形應如何領運行
銷行之久遠無弊妥議章程具奏欽此臣等復跪聆
聖訓指示周詳得有遵循馳抵晉省之後細查案牘循

訪與情求其所以誤運虧課之由緣晉省介休
以南皆是河東引地當年課歸地丁馬君選在
吉蘭泰與販無課之鹽由黃河南下既占潞引
且衝淮綱吉鹽暢銷不計其數自河東復商稽
查嚴密吉鹽遂不能越渡黃河磧口暢銷如前
且吉鹽原定引地六十廳州縣內如太原汾
州等屬出產土鹽隨地輸稅朔平等屬亦有鄂
爾多斯蘇尼特等處蒙古稅鹽接濟土蒙鹽賤
買食者多吉鹽水陸三千餘里路遠價昂如遇
雨多土鹽歉產頗可暢銷如遇
壅滯察此情形本不能遽定引額乃鹽旺產即為
議每年吉引八萬七千五百道正雜課銀六萬
三千五百八十八兩引課皆屬過多約計銷不及
半因此數年來商人賠累誤運虧課之原委也上
年因招商乏人不得不已改爲官運民銷之議竊
查官運不難難於官銷苟不能銷愈運愈滯若



賞收應
旨。敕交

因滯銷兼顧課額勢不得不分派州縣認引督
銷。州縣若非虧挪倉庫必致擾累閭閻。是能銷
之弊更甚於不銷。種格礙難行斷難久遠無
弊。臣等督同戶部郎中張業南主事福克旌額
體察等議擬將吉引改為活數儘銷儘徵停止
官運仍歸商辦。正在查核酌辦間旋准戶部咨
到。河東道茅豫條奏吉蘭泰鹽務一摺。內稱道
以內地鹽斤現該豐產奏請停止水運。自係該
處足敷民食。無需吉鹽協濟。惟是吉鹽既經
如何辦理之處未據確切聲明。殊難懸擬。請
文孚等就近體察情形妥議具奏等因。臣等當
卽札調河東道茅豫帶同總商數人來省。將伊
奏請停止水運其吉鹽究竟作何辦理之處向
其確切指問。據該道回稱。河東復商每年課額
各項不下六十餘萬兩。鹽順流南下滯於晉北
所關甚鉅。若令官辦吉鹽。順流南下滯於晉北
必侵晉南。不數年間潞引滯銷。商力必致疲乏。
至吉鹽應如何領運俾課項可以無虧。職道實
無確見。隨派戶部司員傳商等。但知自護潞引。藩
所稱與該道相同。是該商等。但知自護潞引。藩

籛並未深悉吉鹽不可偏廢之故。查嘉慶十一年該藩王瑪哈巴拉將鹽池呈官辦理荷蒙

皇上賞收

督撫等招商辦運。該處撈工、駝價、每年藩屬人

皇上仁

等及口外貧民多賴此以爲生計。內地民人亦

恩施。若

俾其中外不使一夫失所之至意。自應仍爲撈運

如該商等所稱概行停止水運均屬有礙。臣等
當卽加以駁斥不准議行。惟查吉鹽自招商承
辦以來動皆折本虧課以致紛紛告退。此後縱
有願辦之商多係合夥奏資輕於一試。每遇引
地不能銷售勢必越境走私甚至通同勾結將
來侵灌潞引亦屬實在情形。臣等奉

命妥議

吉鹽章程又奉
命妥議
河東道茅豫之奏自應通盤籌畫兩無窒礙方

可久遠遵行。復傳河東商人細加詰問據稱近
年吉鹽滯銷虧課半因潞引辦理周密之故。若
復大興水運必致侵壞潞綱商等仰沐
皇仁數省均沾樂利商等具有天良豈收於同省民食



儒藏

賞收、仍

轉爲照親。今公同商議如蒙停止吉鹽水運情願仿照長蘆之例於河東額餘引張之外再增添活引八萬七千五百道。自嘉慶十八年爲始察看何處暢銷、趕緊配運。每年得課六萬三千五百八十餘兩、清年款如虧願賠等語。臣等查吉鹽連年滯銷、課不足額、今該商情願以潞引之有餘補吉課之不足、尙屬可行。惟求停止水運一節、終於口外蒙古生計及內地民人口食均有未便。且吉鹽既經應調劑行銷、以裕民食、方爲正辦。臣等復傳集山西藩司陳柱生、臬司錢臻、河東道茅豫、公同妥議。該司道等僉稱查據舊案、嘉慶十一年侍郎英和等奏請吉蘭泰鹽船准至磧口起岸。三十年原任陝甘總督長齡等奏吉鹽票運至河口而止、聽民販買、赴各處銷售。查河口至磧口相去十里、而磧口則切近河東、誠恐防範稍疎、致累潞綱引課。自應就此兩次奏案酌中定地、示以限制。請於河口之南三百餘里皇甫川地方爲界、將磧口大使一員改爲皇甫川大使、移駐該處、專司稽查。所有吉鹽水販、只准至



皇甫川而止。其自磴口商運鹽船，仍照舊至河口起卸存倉。如此畧為變通，潞鹽口鹽兩無妨礙。臣等即令將此酌定緣由，曉諭該商知悉。隨據該商等皆情願具呈，由該道申具印詳前來。查該道詳內所稱，該商等情願歲加活引完課六萬三千五百八十餘兩等語，核與原定吉鹽課額相符。而兩處鹽引亦皆並行不悖。臣等定稿後，送與撫臣衡齡閱看，意見亦屬相同。理合恭懇

皇上天恩，俯准所請。如蒙

俞允恭候

命下，即

由河東鹽政咨部請領十八年活引，照例辦運。至占蘭奏引地，實因土鹽蒙鹽歉旺，不常未可限額行銷，致使商民並累。應請將吉引改為活額，不必限以定數。俟此次十七年官運八萬餘引銷完之後，十八年仍歸商辦。如銷若干引，鹽即完若干引課。先課後鹽，隨運隨徵。無論引數多少，資本若干，皆聽商民自便。從此商民皆無擾累，帑項不致有虧，藩民不失生計，潞淮均無侵越，似可

行之久遠無弊。所有應行章程擬分八條。另片

恭呈

御覽。臣愚昧之見。是否有當。伏乞
聖明訓示。施行。謹

奏。

五月復奉

旨。馳往河南審辦河南林縣控案。畢。六月十九日竣事。

七月初二日回京。八月十六日奉

上諭。本年許兆椿督運到京。朕於召對時見其精神較
差。伊年近七旬。漕運總督管理七省漕糧。事務繁劇。
恐照料未能周密。漕運總督員缺著阮元補授。其所
遺工部右侍郎員缺。卽著許兆椿調補。阮元俟九月
初前來。張三營接駕。請訓後再赴新任。欽此。二十



日、將纂辦粗畢之儒林傳稿本交付 國史館

其文苑傳創稿未就。擬儒林傳序云、昔周公制

師、四日儒。復於司徒本俗、聯以師儒。師以德、行

教民、儒以六藝教民、分合同異。周初已然矣。數

百年後、周禮在魯、儒術爲盛。孔子以王法作述、

道與藝合、兼備師儒。顏曾所傳、以道兼藝、游夏

之徒、以藝兼道。定哀之間、儒術極醇、無少差謬

者。此也。荀卿著論、儒術已乖。然六經傳說、各有

師授。秦弃儒籍、入漢復興。雖黃老刑名、猶復淆

雜。迨孝武盡黜百家、公卿大夫士吏、彬彬多文

學矣。東漢以後、學徒數萬、章句漸疏。高名善士

半入黨流。迄乎魏晉、儒風蓋已衰矣。司馬班范

皆以儒林立傳、敘述經師家法、授受秩然。雖於

周禮師教未盡克兼、然名儒大臣匡時植教、祖

述經說、文飾章疏、皆與儒林傳相出入。是以朝

秉綱常、士敦名節、拯衰銷逆、多厯年所。則周魯

儒學之效也。兩晉予學盛興、儒道衰弱、南北割

據、傳授漸殊。北魏蕭梁、義疏甚密。北學守舊而

疑新、南學喜新而得偽。至隋唐五經正義成而
儒者鮮以專家。古學相授受家。宋初名臣皆敦
道誼、濂洛以後遂啟紫陽闡發心性、分析道理、
孔孟學行不明著於天下哉。宋史以道學、儒林
分爲二傳、不知此卽周禮師儒之異、後人創分
而閤合周道也。元明之間守先敬後、在於全華、
泊乎河東姚江、門戶分歧、遞興遞滅、然究不出
朱陸而已。終明之世、學案百出、而經訓家法寂
然無聞。揆之周禮、有師無儒、空疏甚矣。然其間
臺閣風厲、持正扶危、學士名流、知能激發、雖多
私議、或傷國體、然其正道實拯世心。是故兩漢
名教、得儒經之功。宋明講學、得師道之益。皆於
周孔之道、得其分合、未可偏譏而互誚也。我

朝

列聖道德純備、包涵前古、崇宋學之性道、而以漢儒經

義實之。

聖學所指、海內嚮風、

御纂諸經、兼收歷代之說。四庫館開、風氣益精博矣。

國初

講學如孫奇逢、李容等、沿前明王、薛之派。陸隴
其王懋、竑等、始專守朱子、辨偽得真。高愈、應瑒



雷塘庵

主弟子記 卷四

皇上繼列聖而

朝諸

謙等、堅苦自持、不愧實踐。閻若璩、胡渭等、卓然不惑、求是辨証、惠棟、戴震等、精發古義、詁釋聖言。近時孔廣森之於公羊、春秋、張惠言之於孟、虞易說、亦專家孤學也。且我儒好古敏求、各造其域、不立門戶、不相黨伐、束身踐行、閭然自修。嗚呼、周魯師儒之道、我

昌明之、可謂兼古昔所不能兼者矣。綜而論之、聖人之道、譬若宮牆、文字訓詁、其門逕也。門逕苟誤、跬步皆歧、安能升堂入室乎。學人求道、太高、卑視章句、譬猶天際之翔、出於豐屋之上、高則高矣、戶奧之間、未實窺也。或者但求名物、不則高矣、又若終年寢饋於門廡之間、不復知有論聖道、是故正玄尊視、惡難從易、但立宗旨、即堂堂室矣。是故正玄尊視、惡難從易、但立宗旨、即居大名、此一蔽也。精校博考、經義確然、雖不踰閑、便於出入、此又一蔽也。臣等備員史職、綜緝儒傳、未敢區分門逕、惟期記述學行、自順治至嘉慶之初、得百數十人、仿明史載孔氏於儒林之例、別爲孔氏傳、以存史記、孔子世家之意。至若熊賜履、湯斌、陸隴其等、已入大臣傳、茲不載。

焉。

九月初五日、張三營請

訓。

十三日、馳抵天津、接印任事。先是七月、蒙

上詢及所撰經籍纂詁一書、至是表進之。十一月、督

催空漕回至淮安。十二月、赴海州閱兵、宿雲

臺山下。

十八年癸酉、五十歲。

正月、奏赴揚州瓜洲一帶迎盤新漕船、并催督

渡江。議仿杭州靈隱、添設焦山書藏。見二集。

二月、微山湖水淺、不敷濟運、條奏請加隄閘一

丈二尺、爲一丈四尺。奉

旨議行。

摺畧云、臣查微湖水絀、年復一年、終非長策。所以然者、一則湖底節次淤高、一則邳宿用水太費、一則上年雨水太短也。臣愚以爲湖身之受淤已重、則湖面之儲水宜加。查微湖收水、向以一丈爲度、乾隆三十年前、漕臣楊錫紱以不足濟運、奏請添設石漕閘板、加收二尺、共收水一丈二尺。在當時原足敷用、嗣緣曹豐等處漫溢、黃水入湖、遂致逐漸受淤、惟其湖邊湖底逐漸受淤、是以水面愈窄、收水愈少。今之一尺、僅可敵當時之七八寸。加以微湖水至七尺、以下實與運河河面相平。是湖隄僅高五尺、可放之水實祇四尺內外。而司閘各官尙沿一丈二尺之舊例、苟逾定誌、不得不任其漫漶。故雨水多寡、歲有盈虛、秋夏盛漲、不乏一丈二尺。以上之水、而總限於五尺之隄、未能預先儲蓄。夫水至短絀之時、涓滴皆可寶貴、若限於定誌、使有用之水棄之無用之地、不能儲之於待用之時、甚爲可惜。臣愚昧之見、應於湖日開閘、仿照前漕臣楊錫紱所奏、增高石漕閘板、一、二、三尺、其沿接運河各隄岸、無論石工土工、凡地勢低薄



者並一律加高。卽以湖面加高之尺寸抵算湖底受淤之尺寸。俾盛漲時多收一二尺積水。以符乾隆三十四年間積水尺寸。不特暢濟重運。兼可浮送回空。不但足灌東河。兼可遠濟邳宿。但能一歲有餘。卽可數年不細。與其臨渴掘井。何如未雨綢繆。三月二十五日。

賜養心殿記墨刻奏摺謝奉

硃批、頌不忘規、立言有體。欽此。五月十四日、山東臨

清運河淺阻奉

旨趕往臨清辦理。旋卽到臨清督挖通行。仍回江南韓

庄督催重運。

到臨清時親驗淤灘無多。河工不

肯多出夫。因派糧船上水手若干人。會同河夫挑挖。兩日卽通。河工之官束手誤事如此者甚多。

九月督運空

船至德州。知京師豫東邪教作亂，遣員齎摺入京，恭請

聖安。時漕標兵遠不濟急，慮邪賊來斷運道，乃令船出壯丁五名、副丁三名，共八名，在臨清造鐵矛頭數千，分授各幫，齊以號令，令五幫前後連環相保護而行。是時各軍丁家口及京中官商家口在糧船者甚衆，皆恃此連絡接應保護，整肅而行。濟寧東昌等處兵丁僅能嬰城自守，邪徒時時渡運河而東，中夜驚叱，賴壯丁聚禦，聲勢壯盛，不至駭亂。又調漕兵四百名赴豐碭防禦，調



漕標海州營兵三百名迎至濟寧護漕、調鹽城營兵來淮安貼防、調淮安兵赴高家堰協防。及全漕已入邳州、又以護漕兵三百往徐州助總督百公爲城守。冬末、豫東賊平、各兵始各歸營。口奏捐銀一萬兩助軍需公用、奉

諭卿久沐國恩、理應報効、徑交藩庫備用、仍報知戶部。

欽此。

常生案、是時河督鹽政布按各有報効、總歸入百總制報効摺內拜發。百公來邀大人、大人曰、

我自奏耳。

十九年甲戌、五十一歲。

二月、微山湖水竭、駱馬湖亦無蓄水、重運將不

能行奉

旨與吳公

璩

會議給事中吳邦慶條奏

摺畧云查本年

汶水濟運則一線經流涓滴皆可寶貴自應極力籌算以收得尺得寸之益今該給事中所奏均為樽節汶水起見如原奏啟放汶壩之前先將開河閘加板嚴閉然後啟放大壩俾水勢擡高全行南下俟頭進行抵濟寧再行啟放開河等開一節臣吳璩前奏奉微山湖摺內即經陳明俟啟放汶壩時將南旺分水口以北十里開河兩閘下板堅閉逼令汶水併力南趨奏蒙聖鑒在案併於前過淮安時告知臣阮元意見相同今該給事中所奏即係如此辦法又原奏汶河啟壩俟頭進三十餘幫大半停泊宿遷等處再行啟放汶壩可無涓滴虛糜一節查邳州閘水既賴汶源接濟則汶壩誠不可早開反致多洩自應如該給事中所奏辦理俟宿遷等處頭進糧船積有大半加以河口各項駁船共已積船一



儒藏

千餘隻之多。先用江南之水，提上潞流等閘，層層關閉。直到必須用汶水接濟之處，再由南河咨會東省，啟壩放水。俟汶水水頭流入邳州，相機啟閉，誠無涓滴虛糜之慮。似遲實速矣。又原奏江境沙淺膠舟，應預築草壩，以資擎托一節。詢之河臣黎世序，稱須鋪水後，察看水勢，方可築做。若預做，難期得力。臣等查邳宿塘寬閘，少向年水大之時，猶藉草壩代閘蓄水，刷沙。今年水細異常，尤不得不照向年辦理。上年督臣百齡等辦攔河大閘及各小壩數十處之多，今年自應查照趕辦。有增無減，應俟鋪水之時，趕築完備。之後，再令頭幫糧船過壩，趲行，則各船糧米庶無擱淺，扳弓破裂漫漶之患矣。其另片所奏山東漕船無多，暫在分水以北停候，俟啟放開河開時，在南糧頭進前行走之處，亦應如所奏辦理。臣阮元卽行山東糧道遵辦。所有臣等遵旨會議緣由，謹合詞恭摺，由驛覆奏。

三月二十二日

奉



上諭先福著補授陝甘總督、江西巡撫員缺著阮元補授、漕運總督員缺著桂芳補授。桂芳差竣後先行接印任事、押送漕船尾幫抵通、就近來京謝恩。阮元交代後卽赴新任。先福俟阮元接印再行來京謝恩。欽此。四月十九日、奏瓜洲江邊江神、風神二廟靈應最著、兩年以來回空重運一萬六千餘船、無一船漂失、虧米者、乞

御賜扁額。奉

諭、汝卽代朕書恬波利涉、懸掛殿額。欽此。立糧船盤糧尺算法、頒行各省、並刻石嵌漕院壁間。向

來漕運總督應盤算者共五千船。船十餘艙。艙載米數十石至百餘石。不相等。以尺量艙之寬。長深而得米數。漕之書吏舊法名曰三乘四因。書吏持珠盤據營將所報尺寸而算之曰。某船多米幾何。某船少米幾何。求其所以多所以少之故。總漕返躬自問。未盡明也。漕務有尺以備造船勾水諸事之用。舊以此尺寬一丈。長一尺。深二寸五分。合漕斛米一石。故量者先須得船艙寬長深三者丈尺寸分之數。而再乘之。再四因之。爲石斗升合之數。是以珠算甚繁。而總漕



不耐之矣。漕運全書內亦但載總漕親率善算之人細核一語。其如何算法亦未言也。大人以部頒鐵斛較準一石米立爲六面相同之立方形。卽命其一面之寬長爲一尺。是以平方之一面分十條爲十尺。每尺一升也。又分一條爲十寸。每寸一合。連十合爲一條。得一升。排十條爲一面。平方一層。得一斗。再疊平方一尺一斗者十層。卽得立方形爲一石。此理易明。人所共曉也。卽用此尺以量船艙。得其實寬長二數。初乘之得丈尺寸分之數。再以初乘之數與深者之

數乘之、得丈尺寸分之數、是此再乘所得之丈
尺寸分之數、卽米之石斗升合之數、故較舊法
捷省一半、簡便易曉。凡船到淮安、大人親爲
量算之、有實知其多、實知其少之據、營衛軍吏
皆不敢欺矣。新任漕督桂芳在楚病故、補放
李鴻賓接印。七月初七日、臺莊舟次卸事交
印、由淮安至揚州展墓祭家廟。渡江、由金
陵陸路至蕪湖、池州、安慶、復乘船至九江、陸行
入南昌省。八月初四日、接江西撫印。九月
十一日、據進賢縣稟、拏獲謀逆奸匪、究出首夥



姓名、奏明、帶同臬司前往查辦。摺畧云、奏為、

山首夥姓名、親赴督辦緣由、恭摺奏

聞事。竊照江西向有邪教會匪、仰蒙
殊論、命臣實力整飭。臣愚竊思、摘奸發伏、必以力辦保

甲、為先務。是以於抵任後、即飭屬認真緝查。保
甲、使匪徒無從潛跡。並經節次諄飭去後。茲據
進賢縣知縣王泉之稟稱、該縣於九月初三日
赴鄉親編保甲、在鍾陵橋地方查獲形跡可疑
之人、逐細嚴究。據供、名邱忝澤、係餘干縣人、平
日、跌筭營生、曾聽從餘干源頭村居住之朱毛
匪、又名朱萬邦、偽封四品官職。朱毛匪有父、警
目、係算命生理。朱毛匪從幼引父在街算命、今
年二十餘歲、現往福建浦城未回。併供出金谿
縣人胡秉耀、即胡國輝、餘干縣人楊魯成之子
楊惠木、鄒東山、彭海山、都昌老楊振吉、及在東
餘交界白鶴寺居注之僧滌明、即彭中彩、均從
朱毛匪處受封將軍、都御史等項偽職。并有楊
時貴、羅錦春、張師傅、張老俚、歐陽接宗等、聽從
入夥。凡入夥之人、均幫給銀錢、以得受龍文憑。

光天化

票偽據等語。當在該匪身邊搜出編造謠詞二紙、刊刷龍文憑票八紙、木戳一個。查驗印文不成篆體、據稱均係朱毛俚付給該犯、亦不知所刻何字。隨即馳赴白鶴寺拏獲僧滌明、卽彭中彩一名、訊供受封一品。餘供與邱忝澤約畧相同。當將該二犯收禁、一面親赴餘干縣拏獲首夥各犯、合卽馳稟等情。臣接閱之下、不勝髮指憤恨。查朱毛俚等胆敢於日之下糾衆謀逆、實屬罪大惡極、其夥黨必不止邱忝澤所供數人。卽現在朱毛俚等前往福建浦城、亦恐未盡確實、難保非潛匿本籍及附近各處、而各犯旣先在餘干縣煽惑起自何時、有無造作器械及窩藏之地、必須嚴速查究、立時搜捕、以期盡拔根株。臣卽通行本省地方文武實力搜索、一面由省起程、帶同臬司恒敏馳往餘干等處、親行督辦。并先提已獲之犯、再行細審、實在夥黨情形。一面派撥幹員、星速前往浦城縣嚴密偵緝、首逆朱毛俚務獲、并飛咨福建省一體查拏外、合將親赴督辦緣由、先行恭摺、由驛奏。

聞謹將憑票謠帖印模恭呈
御覽伏乞
皇上睿鑒。謹

奏。十三日抵餘干次第拏獲各犯。三十日

定案由驛馳奏回省。摺云、奏為拏獲逆案主謀

恭摺奏

聞事。竊照進賢縣知縣王泉之等稟報緝獲餘干縣奸
匪邱忝澤等九名、并於邱忝澤身上搜出龍文
憑票及木戳謠帖查有不軌及朱毛俚已先往福
建浦城地方等情。經臣將獲犯姓名及帶同臬
司恒敏親赴餘干等處督辦緣由恭摺馳奏。一
面飛咨閩省、並委員星赴浦城縣追捕。復恐該
首逆朱毛俚潛藏本省、分飭地方文武合力嚴
密搜緝。并遴派員弁改裝易服設法購線務獲
首夥各犯、不使稍有漏網。嗣臣暨臬司馳抵餘
干縣察看居民寧謐。并據派出員弁與地方官
續獲夥犯四十六名、起獲憑票板庄二塊、偽職
札付四紙。撫州營都司滿承功又首先訪出主



謀要犯胡秉耀踪跡。會同臨川縣知縣秦沆等將該犯拏獲、取出逆書一本。臣與臬司將已獲之犯隨到隨審、嚴究首逆朱毛、俚藏匿處所、各犯或仍指前往福建浦城等處、或稱已回江西本省、究無實在下落。其獲犯內楊魯城、楊時貴、楊惠木、羅錦春四名係邱忝澤仇訟誣扳、查明案証確鑿、當卽省釋。此外其計實在夥要各犯五十二名、悉係分授偽職、及得過龍文憑票、復督同臬司暨委員等連日隔別研鞫。緣胡秉耀籍隸臨川縣、測字營生、曾在餘干龍潭庵居住。與餘干縣人朱毛、俚楊易、龍盧勝輝卽盧齊勝、邱忝澤素好、均係無賴匪徒。嘉慶十八年八月間、胡秉耀於過路荒貨担上買得殘書一本、內有陣圖及悖逆俚語。是月十三日、胡秉耀至邱忝澤所住之積善禪林、適遇楊易、盧勝輝在彼談及前書、取出觀看、並自誇解得書內陣圖。如得有稱名號名之人、便可利用兵圖取富貴。楊易隨以朱毛、俚素不讀書、能通文理、且與前明同姓、何不令其假托後裔、其相扶助。盧勝輝印忝澤亦從而附和。當邀朱毛、俚同見朱毛



俚聞言狂惑。卽自在不疑。同向神前跌筭卜問。又得吉兆。胡秉耀等遂推朱毛俚爲主。改名天龍表字萬邦。於十五日止赴積善禪林。向朱毛俚跪拜稱臣。胡秉耀取逆書內天下原有小安土。及國之小朝。衛顯是二語。稱爲後明。小朝年號。並以舉事必得多人。又詭稱逆書出於仙授。指朱毛俚爲未來佛轉生治世。邀得趙雙舟卽趙杞入夥。朱毛俚先後僞封胡秉耀卽忝澤爲平國。入夥。朱毛俚先後僞封胡秉耀卽忝澤爲平肩王。楊易爲兵部伴駕王。盧勝輝爲鎮國大將軍。張師傳爲都御史。保駕將軍。僧滌明爲太子。太保禮部侍郎。趙雙舟爲將軍。胡秉耀等自備黃續布紙。互改表字。填寫各人官職。札付胡秉耀。又令盧勝輝轉覓知情之王良魁。刊刻龍文憑票於板片內。刻後明年字樣。証言天下將有刀兵。聳人聽聞。凡聽信之人。出錢先領此項憑票。卽算入夥。臨時可免抄戮。如能轉糾出力再行封官給札。其札付內並以同夥之犯爲保。引之。人。朱毛俚復欲刻九頭獅子印一顆。因王良魁不能刻造。尙未置辦。嗣胡秉耀又邀得張秀

王、程麟祥、舒勝得三名。盧勝輝又邀得楊振吉
卽都昌老、彭海山、趙倫、陳煥、山、歐陽接宗五
名。楊易又邀得陳世波、程東升、江燕山、王思班
四名。卽泰澤又邀得張老、程一、其趙雙舟亦
轉邀黃振國、江化龍、鄒東山、趙、昨、組四名。張師
傳轉邀朱盛華、于登仕、張學謙、章振幅四名。僧
滌明轉邀胡定邦一名。張秀玉轉邀吳秉中、張
蘭玉二名。楊振吉轉邀鄭登榜、楊幅、組、楊席珍
三名。彭海山轉邀潘惠、程劉三、劉嗣幼三名。
陳世波轉邀楊元標一名。程東升轉邀張學明
一名。黃振國轉邀黃瑞騰、黃振朝、鄭志達、鄭顯
達、鄭旭達五名。江化龍轉邀江席珍、江發龍、江
廷珍三名。江東山轉邀程應泰、吳位與二名。朱
盛華轉邀徐秋桂、徐冬桂二名。此內張秀玉、楊
振吉、彭海山、陳世波、程東升、黃振國、江化龍、鄒
東山、朱盛華、因轉糾糾有人、與刻板出力之王良
魁亦先後受有偽職、給有札付。其程麟祥等未
曾轉糾、僅得龍文憑票、未受偽職。此外供出未
獲之曾化龍、張茂泰、張愛龍、白雲奇、金海山、何
石、程致泰、羅梯蘭、羅克仁、金成才、吳佩因、吳



達遠、廖懷州、羅喜仁、羅克章、羅禾雀、子羅幅、周趙官良、李來發等十九名，亦皆係胡秉耀及趙雙舟等所邀。本年八月初三日，即忝澤赴進賢縣鍾陵橋地方，希圖轉糾，即經進賢縣知縣王泉之將即忝澤盤獲，搜得憑票、歌謠，究出首夥姓名。又續獲僧滌明等，各供朱毛、俚。先是浦城錄供稟報，茲先後拏獲夥要各犯，隔別研訊，據供前情不諱。臣以胡秉耀等既因得育道書、圖謀不止七十餘人，亦必造有不法器械，及寫戴地方，其道書或實有傳授之人，嚴加究詰。據胡秉耀、楊易、盧勝輝、即忝澤僉供：商同謀逆，雖有一載，因知犯法的事，若非平素交好，不敢向糾。是以止有七十餘人，應用器械，原想將來起事時，向營汛搶取，故並未製脩。逆書果有傳授之人，及此，外尚有夥黨與窩藏之家，伊等已身犯重罪，何肯代人隱瞞？其張秀玉等亦稱：伊等既聞朱毛、俚係轉生之佛，又見逆書內有禍亂之語，是以被惑，順從。臣復以即忝澤所得朱毛、俚木戳篆文與歌謠語句作何解說，該犯供稱：木戳

係給爲記謄歌謠二紙內中一紙知係逆詞一紙不知作何解說。復將各犯逐加刑夾俱各矢口不移似無遁飾。吊查朱姓族譜朱毛俚始祖朱彌劄宋時由鄱陽遷居餘干縣之後港元明以來世代土農支派井然所稱前明後裔出於誣捏更屬明確。查律載凡謀反者不分首從皆凌遲處死。又律載凡謀叛不分首從皆斬。謀而未行杖一百流三千里各等語。此案胡秉耀藉得逆書圖謀不軌楊易引出朱毛俚推戴盧勝輝邱忝澤其謀助逆均屬罪大惡極。胡秉耀楊易盧勝輝邱忝澤合依謀反者不分首從皆凌遲處死律凌遲處死。趙雙舟張師傳僧滌明張秀王楊振吉彭海山陳世波程東升黃振國江化龍鄒東山朱盛華甘受僞封且糾人人夥卽與謀叛已行無異。王良魁受封代刻龍文板片厥罪維均。應俱照謀叛不分首從皆斬律擬斬立決。以上各犯情罪重大均應亟正刑誅。臣於審明後卽恭請

王命飭委臬司恒敏饒州營叅將那郎阿監視押赴市曹分別凌遲處斬。仍將各犯首級傳示犯事



覆載

及。各原籍以昭炯戒。犯屬逆產應緣坐入官確
查。另辦程麟祥舒盛德趙倫俚陳煥山歐陽拉
宗。江燕山王思班張老俚趙旺俚于登仕張學
謙。章振幅胡定邦吳秉中張蘭玉鄭登榜楊幅
俎。楊席珍潘惠俚劉三俚劉嗣幼楊應標張學
明。黃瑞騰黃振朝鄭志達鄭顯達鄭旭達江席
珍。江發龍江廷珍程應泰吳位興徐秋桂徐冬
桂等三十人應照謀叛未行情聽從得受憑票第未
受聯糾人。應照謀叛未行情聽從得受憑票第未
里律。各杖一百。僉妻流配烏喇地方。給披甲人
爲奴。各犯保甲人等失察。查明分別治罪。楊魯
成。楊時貴羅錦春楊惠木訊係誣扳。應請免議。
積善禪林龍潭庵經臬司恒敏親赴搜查。並無
違悖之物。但既經匪徒托跡。並應拆毀。以杜通
藏。憑票同板片木戮銷毀。此案失察。官員臣另
摺嚴行參奏。至朱毛俚係案內首逆。爲
所不容。現在尙稽顯戮。臣實不勝憤懣悚慄。仍
嚴督印委員弁。懸立重賞。設法購線。認定。在
本省境內。無論關津要隘。山鄉僻壤。窮搜力捕。
不得因有先往福建之說。稍有歧念。並分咨附

近各省一體查緝務期剋日必獲盡法處治以伸

國憲而快人心。究出在逃夥犯曾化龍等十九名之外並恐別有轉糾亦應一併實力嚴拏以絕根株。除全案供招咨部將起獲編造逆書一本與未及私燬之偽職札付四件咨送軍機處外所有審辦緣由謹恭摺由驛具奏並繕主謀逆犯胡秉耀等供詞敬呈

御覽。伏乞

皇上睿鑒。再臣拜摺後卽同臬司先後回省合併陳明。謹奏。十月二十一日奉

上諭阮元奏拏獲逆案主謀夥要各犯先行審明辦理一摺。此逆案匪胡秉耀買得殘書一本內有陣圖及悖逆俚語卽向逆夥邱忝澤楊易盧勝輝誇稱解得書內陣圖如得有爲首起事之人便可圖取富貴。楊



易隨以朱毛俚可以假托前明後裔。朱毛俚聞邀自任不疑。遂共赴積善禪林。同謀爲逆。取逆書內俚詞稱爲後明晏朝年號。僞封胡秉耀等官職。輾轉糾約入夥。給與僞札。該逆等踐土食毛。胆敢性同梟獍。自外生成。實屬罪大惡極。阮元到任未久。卽能飭屬於各地方編查保甲嚴密。遂將鉅案立時發覺。辦理迅速。實屬可嘉。阮元著賞加太子少保銜。並賞戴花翎。卽發去花翎一枝。白玉翎管一個。並賞給大荷包一對。小荷包四個。各省承平日久。奸慝潛生。全在地方大吏飭屬認真查察。除莠卽所以安良。上年林清一

案其倡爲謀逆已經數歲如直隸總督順天府尹等於該逆等未經舉事之先早能如此次之訪聞捕獲人數不多豈不甚易乃經歷年所如聾如瞶及至釀成巨逆毗連三省罹於刑誅兵革者爲禍甚烈實皆該大吏等因循怠玩貽誤所致各該督撫具有天良能不引以爲鑒耶案內胡秉耀等十七名業經分別凌遲斬決辦理惟程麟祥等三十五犯定擬發遣爲奴尙屬輕縱著改爲絞監候入於明年秋審情實該撫卽將各犯分交各府監禁不准與外人交接通信如稍不安靜卽行正法至朱毛俚一犯尤爲此案罪



魁、必應卽時拏獲、處以極刑、以快人心、而伸國法。著兩江、湖廣、閩浙各總督、江西、福建、浙江、江蘇、安徽、湖北、湖南各巡撫、一體飭屬查拏。如於何省拏獲、卽由該督撫訊取供詞、由四百里具奏、一面卽於該省正法。各該督撫皆當視朱毛俚一犯在伊境內藏匿、飭屬認真嚴密訪拏、務在必獲、不得以現在已飭鄰省查拏、彼此恃有委卸、稍爲鬆勁。如阮元能於江西境內拏獲、仍當給與議敘。其餘曾化龍等十九犯拏獲後、如訊係倡謀、推奉朱毛俚爲首之犯、卽凌遲處死。如得受僞封官職、並糾約人衆者、卽斬立決。倘明知

叛情、聽從得受憑票、並未受職糾人者、擬絞監後、入於明年秋審情實。將此通諭知之。欽此。又奉
上諭、阮元奏特叅失察逆犯朱毛俚等之文武員弁、並將首先舉發之知縣據實保奏一摺。餘干縣知縣史善長、餘干汛外委黃鳳均著革職、留於該省協緝。期限三個月、將首逆朱毛俚拏獲、免其治罪。倘限滿無獲、卽著發往新疆効力贖罪。進賢縣知縣王泉之挨查保甲、究出鄰縣謀逆夥犯、又續獲要犯多名、緝捕認真。該員先因拏獲担匪出力、以知州陞用、著加恩以直隸州知州遇缺卽補、以示鼓勵。欽此。



儒藏

雷塘庵主弟子記 卷四

甘泉受業羅士琳校

校記

①家：當作「焉」，見《學經室一集》卷二《儒林傳序》原文。

②居注：當作「居住」。

③彭定國：本條上文作「彭中彩」。

雷塘庵主弟子記卷五

男福續編

嘉慶十九年甲戌五十一歲。

冬十一月十七日具奏結會傳徒匪犯陸續拏獲鍾錦瀧等審明定擬。二十三日奏覆星子等十一縣被旱被水晚禾歉收懇

恩將未完錢漕分別緩徵奉

旨准行。又奏朱毛俚案內未獲各逸犯陸續拏獲歸

案辦理。二十八日據南安府稟稱訪聞崇義縣義安墟有匪徒鍾體剛等糾衆結天地會奉前十六年湖北逆犯馬朝柱爲祖師飭委臬司



前往督辦。是年江南旱歲大歉民甚飢大吏分府辦煮賑之事。大人首捐銀二千兩爲揚州之倡。

二十年乙亥五十二歲。

正月初八日蒙

恩賞到福字並鹿肉麇肉山雞一分。十七日具奏獲進賢縣結盟担匪曾文彩等。二月十二日審明會匪鍾體剛等二十三名分別辦理。十四日奉

上諭御史熊墀奏風聞江西會匪請飭查辦一摺。江西



一省界連楚粵、山谿錯雜。據該御史奏、南安贛州一帶現有三點、邊錢各會匪徒、其毗連進賢之南昌、餘干等處、又有担匪蕭爛脚餘黨、日爲乞丐、夜爲盜賊、與捕役交通、索錢勒贖、均爲地方之害。著阮元嚴飭所屬、認真緝拏、無生畏難之見、務令奸宄斂戢、善良得安、以期綏靖閭閻爲要。再該省朱毛俚謀逆一案、雖經立時查出、搜捕黨惡多名、但逆首朱毛俚至今未獲、著卽上緊訪拏、務期弋獲、以淨根株。其崇義會匪鍾體剛一案、前據阮元奏派臬司恒敏前往查辦、現在是否將首夥各犯悉數捕獲、解至省城、並著該

撫迅速審明、定擬具奏。該御史摺著發給閱看、將此

諭令知之。欽此。

覆奏摺畧云、查江西南贛二府界連

昌府屬之進賢、撫州府屬之東鄉、金谿、及饒州

府屬之餘干、各縣亦時有無賴賊丐結盟、弄把

行竊、勒詐、名為担匪。歷經懲辦、未盡悛革。臣思

發奸摘伏、以力行保甲為先務。上年莅任後、即

諄飭各屬嚴密編查。當將餘干縣逆夥胡秉耀

等、贛州府龍南縣會匪鍾錦瀧等、進賢縣担匪

曾文彩等、南安府崇義縣會匪鍾體剛等、贛州

府長寧縣會匪郭秀峯、江有發等、共犯二百數

十名、次第破獲。除胡秉耀、鍾錦瀧、曾文彩三起

經臣先後奏結外、其崇義縣鍾體剛糾結添弟

會一起、派委臬司恒敏馳赴督拏、將鍾體剛在

廣東南雄州地方拏回。亦經臣將拏獲審擬緣

由兩次奏陳。

聖鑒在案。所有續獲會匪郭秀峯、担匪盧太文、江有發

三起、現俱飭行臬司提至省城、俟審明再為分

別奏咨辦理。以上各案鍾錦瀧一起、即該御史



所稱三點會也。盧太文江有發二起，卽該御史所稱邊錢會也。其所稱蕭爛脚餘黨，現獲盧太文一起，卽有蕭爛脚案逆犯在內。是該御史所聞各匪情形，皆係確實。此時各屬查拏嚴緊，大局漸就肅清，尙不致有畏難情事。

四月初四五日，貴溪安仁兩縣首先拾獲逆詞，悖逆已極，鈐用九龍硃印。大意謂各路謀逆起事，在江寧聚會等語。大

人卽將此紙由四百里寄兩江總督百公齡，囑其就近查明，聯銜具奏。俄而湖北江夏、漢陽、安徽和州、合肥、蕪湖、江蘇江浦、鎮江、儀徵等處紛

紛拾獲，先後馳奏。

上震怒，嚴諭各省搜拏。直至八月，始由兩江總督百公

在江寧和州破獲逆犯方榮陞等、審係邪教黨羽、謀以虛詞煽惑滋事、皆在金陵正法。又奏覆饒州匿名揭帖朱宋米藏匿朱毛俚一案、實係誣陷。又片奏近來刁險之徒乘官拏逆犯嚴緊之時、每每藉端害其平日有仇之人。卽如黃安遠被周照之誣害、李茂林被吳化龍誣害、俞明俚被李占鰲扳害、皆已審明治罪、使良善不致拖累。奉

上諭、此係必有之事、隨時審結、勿憚小煩勞、故縱大逆犯。勉之、密查毋忽。欽此。七月十二日、奏拏獲齋匪



蔣先鋌等辦理。按齋匪始則啐齋祈福、繼則藉此傳徒歛錢。其中半係手藝營生之人、向皆稱爲齋匪。其教以普字取名、有五戒、及一步至十步名目、并經卷等項。江西自乾隆四十八年吳子祥案、至嘉慶十九年張起坤案、其奏辦過七次、餘黨雖多、但日久教亦少行。朱逆案內謀首盧勝輝卽係老齋匪、盧勝輝知齋匪騙不動人、乃覓出朱毛俚推奉、比啐齋傳徒、弟兄拜會、俟人衆後再圖滋事、更爲直捷。是以朱逆案匪以封官等事騙誘、無傳徒拜弟兄之事、始意不過

騙誘繼而日久人衆，卽有欲罷不能之勢，辦理須多用兵力矣。二十二日，蒙

恩賞

欽定平定臺灣、廓爾喀紀畧各一分。

二十一年丙子，五十三歲。

正月初四日，奏拏獲瀘溪縣天地會匪黨。摺畧云：瀘

溪縣訪聞南鄉藻坪地方有閩省匪徒潛相勾結，并散布刀兵流言。該處主員丁敬林、元英等稱聞知陶省三等與福建光澤縣李老五往還，傳言十二月二十八日福建河南、江西三省均有刀兵。李老五自稱主帥，如肯給錢，李老五可給時號解救。但不知是惑衆騙錢，抑果謀爲不軌，求預防以救生靈等語。該署縣朱俛隨密閩光澤、新城二縣，一面會營，漏夜馳抵藻坪，將陶



聞此案

省三等拏獲大概情形先恭摺奏

事發之際、瀟溪、新城、藻坪等處聞聞不無傳聞、疑駭旋因印委文武各員上緊獲犯究辦、在所佈作亂日期之前、民間皆已共見共聞、現在體訪民情均極寧謐、謹案嘉慶十八年、三省邪教作亂之

時、江西齋匪餘黨亦頗思煽惑滋事。十九年、河北邪教胥平、而江西人心尙有惶惑。甚至南昌省城貢院旁忽豎立悖逆黃旗、迄不獲豎旗之人。又訛言匪徒將於各官在黃亭拜

龍牌時謀亂、是以冬至元旦皆加兵衛。大人到任後、心慮浮言不盡無因、商船之過餘干者頗聞流言、是以嚴查保甲、卽首破餘干朱毛俚巨案。

此外舊案齋匪張起坤、陳爛脚等餘黨及天地會匪、担匪如龍南縣鍾錦瀧等、進賢縣曾文彩等、崇義縣鍾體剛等、長寧縣郭秀峰等、瀘溪縣李老五等先後破獲懲辦。二十一年去任時大局肅清、邪教全熄、民心始不惶惑矣。十七日、

蒙

賞福字并鹿肉山雞。五月初九日、

恩賞錠子藥一分。二十五日、

恩賞

御製文二集兩函。閏六月十九日、調補河南巡撫時

新撫未至，仍留江西。

秋刻宋本十三經注疏

成。

按此書尙未刻校完竣，大人卽奉

命移撫

河南。

校書之人不能如

大人在江西時細心

其中錯字甚多，有監本、毛本不錯，而今反錯者。要在善讀書人參觀而得益矣。校勘記去取亦不盡善，故大人不以此刻本爲善也。

七月，改建貢院號舍成。

碑云：江西貢院在東湖之東，舍屋卑狹，土之試

者檐觸其首，雨淋其膝，屋覆石片，漏者居半。舍中長巷，地惟塗泥，每遇秋雨，旋泞陷足。舍尾廁屋，雨泛日炙，其臭甚遠。東湖納一城之汙，而羣資爲飲，且潦甚之年，其水浸八閘，西場舍者深輒及尺。號舍總數第如額而已。敬遇廣額，加錄遺才，猝增蘆席棚號千餘座，夜不得卧，雨不能蓋，一人請出，千人坐驚。凡此皆多土所苦也。嘉慶乙亥，元撫江西，江西紳士願修改之。於是擴買院東牆外地基，展地增舍若干號。東西場舊屋咸撤之，改建高寬且深者，復掘東



儒藏

湖淤土、增培舍基、舍高而湖濱、蓋兩得之。舍屋之椽盡覆以瓦、舍巷接石爲路。舍尾改造厠屋、以穴遠流、其穢于屋之外。加鑿甕井三十有二、以供汲飲。闔內縱橫甬道、皆易其石。棘牆外、東南西三面之路、亦培湖土、高之、且加石焉。自今伊始、庶幾多士得居、爽塏專心于文、恬坐卧而遠疾病、此其所樂也。是工也、用白金數萬、爲省內外紳士所輸、而在省紳士實鳩之、非衆義之集、曷克舉事。非有所倡、有所勤、曷克蕆事。經始于二十十年十月、越二十一年七月、成元與學使者、王少宰鼎暨僚屬紳士、樂觀而共落之。四顧煥然、氣象聿新、不其禕與。今而後、文學道誼、科名之盛、當更有翊乎。聖運者、爰諾紳士之請、記其事之本末、且備書鳩工捐金名氏、而被之於碑。按江西貢院落成之後、申嚴科場禁例、向來江西鄉試之年、士子房考頗有交通弊竇、大吏人於夏間、卽出示通省、加嚴預爲禁誠末云、如官吏士子、必欲犯法、本部院亦惟有日礪白刃、以待蹈者。是秋、大吏人雖未及監臨去任、而鄉場內外肅清、門生吳其彥來主試、考拔



亦爲公明士論稱爲清榜。論修省城章江水
 嗣後科場風氣爲之一變。
 開案。江。西。省。城。內。近。年。每。遇。章。江。水。高。卽。由。水
 貢院并沿湖居民浸入街市。大人於貢院重
 修。增。高。之。後。親。察。水。閘。已。壞。諭。令。重。設。兩。層。閘
 板。以。爲。重。門。之。固。閘。上。兩。翅。用。閘。耳。開。繩。以。便
 啟。閉。閘。翅。爲。鋪。戶。所。占。之。地。大。人。立。飭。拆。之。
 又。將。正。東。玉。帶。溝。疏。通。以。洩。城。內。雨。水。至。於。豫
 章。溝。由。城。內。委。曲。而。出。東。南。者。議。者。每。議。大。加
 深。濬。大。人。查。城。內。地。脈。有。里。許。高。仰。卽。使。大
 加。深。掘。雖。收。流。通。之。益。恐。傷。地。脈。且。若。章。江。水
 最。高。之。時。則。省。北。圍。隄。易。破。破。則。水。入。賢。士。湖
 必。且。倒。灌。入。城。是。玉。帶。豫。章。兩。溝。雖。修。無。益。總
 以。固。守。閘。門。以。待。啟。閉。爲。操。縱。在。人。論。飭。甫。定
 卽。調。中。州。此。後。地。方。黃。紳。士。等。遵。論。修。成。至。今
 城。內。少。水。患。
 是。月。大。人。將。卸。印。時。拜。疏。爲。廬。山
 神。請。封。列。祀。典。且。祈。永。致。作。霖。之。應。奉。

旨封溥福廣濟神號。福案廬山舊不列於祀典因是年夏旱大人撰文祭禱之後遂出

雲降雨農田普澤故二十四日自江西赴河

有是請祭文失稿

南新任。八月十七日至開封府到任。十一

月十三日補授湖廣總督奉

旨陞見再赴湖北新任。十二月初一日到京

召見五次皆

賞克什。初八日出京。

二十二年丁丑五十四歲。

正月初一日入楚境。初八日至漢陽。是日到

任接印。二月闕荊州江甯金洲等隄著江隄

說。三月十五日、大兄以蔭生引

見授主事、分戶部行走。四月二十八日、

恩賞

御製因循疲玩論墨刻一分。五月十八日、

恩賞錠子藥一分。七月十一日、奏建江陵縣范家隄、

沔陽州龍王廟石閘。

摺云、竊照湖北素稱澤國、而江陵潛江、監利、沔陽四

州縣低窪尤甚、且夾居江漢兩大水之間、一年之中、惟冬春數月之間、內地高於外水、其餘各月皆外水高於內地、僅賴一線長隄、及隄內各坑、周環保護、每遇伏秋盛漲、一隄之破、串及多坑、水入釜底、不能復出、且縱使隄坑鞏固、外水幸不內長、而上游荆門等處、雨潦流停、內外所注、亦已無路外洩。嘉慶十二年、前督臣汪志伊曾於沔陽州新隄臨江之處、奏建石閘一座、水



儒藏



百餘兩請援例借項修辦分年攤徵歸款。由藩司訥福具詳請奏。前來臣查范家隄切近江陵低田、此處添建一閘、則冬春江水低於內水之時、可以啟板就近宣洩、內水入江、夏秋外水高於內水之時、可以閉板堵禦、外水倒灌、即間遇春間外水忽高忽落、亦可操縱、由人隨時啟閉、不致如挖隄放水、刻防倒流、更不致坐歎浸沈、束手無策。此項工料銀兩、應照歲修隄工之例、由受益各坑按數捐出。惟現在正值民力拮据之時、合無仰懇聖恩、俯准於司庫地丁項下、照數借撥、事竣照向例分作五年攤徵歸款。如蒙俞允、臣即飭司先行動銀若干、發給該縣採運石塊、以便趕於冬季興辦、勒限江水未發以前完工。其汚陽議建之龍王廟閘、俟將工料奉引渠勘估至日、另行具奏辦理。奉

上諭、阮元奏江陵縣坑田積水、請建閘以資宣洩一摺。湖北江陵縣低窪田畝、僅賴隄坑保護、每遇伏秋盛

漲水入垸內、上游停潦下注、無路疏導。茲擇地添建閘座、俾資宣洩、於農田水利均有裨益。所有勘明江陵縣范家隄建造石閘並挑渠工程、估需銀二萬五千三百餘兩。准其先於司庫地丁項下照數借撥興辦、勒限完工、所借銀兩分作五年攤徵歸款。該部知道。欽此。 福謹案、江陵、沔陽二州縣建閘之處、皆

大人親到測看、知爲掣水最得力之處。摺中指陳利弊最切顯明。時有近閘居民以不建閘爲利、聚衆阻撓者。大人既有定識、不爲所搖、將爲首出阻者親加重笞於江隄之上、其地始定。



大人去楚後、龍王廟閘亦成、士民公奉。大人長生祿位于廟中。蓋建閘決水之後、數百里內水患大除矣。又按二十五年湖北沔陽閘成後、職員劉應鸞、閔黃、金開秀等具稟來謝、畧云、沔陽地勢窪下、水潦頻年、仰蒙大人軫念民艱、臨隄審度、洞澈機宜、以龍王廟地處適中、俾建閘座、啟閉及時、較茅江口更覺暢達、萬民免沈溺之苦。遂贈仁宇、矢銜結於無窮。謹建舊祠、酬恩慈於罔極。八月二十四日、由武昌之湖南閱兵。二十八日、衡州途次奉

旨調補兩廣總督。九月以白金二百兩屬澧州牧、慈

利縣令添置九谿營阮公祠田。十一日謁南

嶽廟、遂登祝融峯頂。游浯溪、有讀唐中興頌

用黃文節詩韵詩。十月初六日陞任兩湖總

督慶公保行抵永州。初七日交印、由永州取

道廣西、馳赴新任。十八日大兄生子恩海。嫡出。

二十二日至廣州、是日到任接印。十二月

初四日、命福娶德清許氏。前廣東布政司許公

員外郎宗彥公女。兵部丙午科與是日、往海

口閱兵、登沙角礮臺閱水師、卽乘水師提督之



兵船過零丁、雞頸諸外洋、遍觀內外形勢及澳

門夷市情形。二十三日、奏建大黃窖、大虎山

二礮臺。

摺畧云、臣阮元此次徧閱內港、內海各

之大黃窖、地方有大河一道、南通香山、東南通

黃浦、虎門、潮漲時、水深二十餘丈、及十餘丈、不

等、為各船之所必經。若由大黃窖直抵省城、即

可不走省城東城之獵德。是僅建獵德礮臺、而

不建大黃窖礮臺、不足以嚴兩路門戶、且并獵

德礮臺亦歸無用。臣阮元親白相度、大黃窖有

小石山一座、上名龜岡、四面皆水、堪以添建礮

臺一座。又獅子洋外大虎山、係中路外洋進口

要道、大溜逼近、山脚遠處、皆是淺沙、舊建橫

鎮遠礮臺、為第一層門戶、若於大虎山脚添建

礮臺一座、更成重門之勢。詢據文武各員弁及

附近士民、眾論僉同。臣等現飭司委員分別勘

估、勒限於來年正月興工、四月完工。所需工料

銀兩、查照前督臣蔣攸銑原奏、在於商捐銀六

萬兩本款內動支。
事竣報部查核。

二十三年戊寅五十五歲。

正月二十六日。

恩賞

御書福字、鹿肉、麇肉、山雞一分。並奉

硃批、書福錫卿以迓春喜。欽此。二月二十一日。

恩賞平定教匪紀畧一分。是日往閱惠州、潮州兵。

三月二十七日回至廣州。是日奏閩西貼防

兵丁議改別營輪班派防爲抽撥長駐。摺畧云

路校椅灣海口距水師提臣駐劄之所尙有二十餘里僅藉鎮遠南山礮臺弁兵駐守聲勢不



能聯絡。經前督臣蔣攸銘奏明，於礮臺後而生
潤之處，建立兵房，輪派督標及陸路提標，征兵
二百名，統以叅遊都守，分上下半年貼防，駐守。
其兵房續經勘定，建立閩西地方，工竣後即已
派兵前往。惟查督標及陸路提標，俱係陸路兵
丁，以陸防水，本不相習，且將弁各有操防事宜，
貼防他處，於本任營務未免曠廢。而兵丁紛紛
遠調，亦未免稍形跋涉，兼費口糧。前督臣原議
原因添設專營，事涉更張，故從權爲此。臣思前
項防兵係屬必需，但輪派貼防，終非長策。若添
設閩西專營，則一切均需創辦，於營制地面或
有窒礙。今議但撥兵而不設營，所撥之兵由陸
路兵多事簡，各營內通融抽改，所需俸餉器械
俱就原營裁撥，攜帶較之貼防，應需口糧尤爲
節省。當與陸路提臣王兆夢面商，並與水師提
臣李光顯往返商酌。內閩西地方應安兵一百
名，領以把總外委，並添設巡洋槳船。該處係水
師提標中營汛地，應仍隸中營管轄。又大虎山
礮臺應安兵八十名，領以千總。又焦門礮臺本
有兵三十名，今應添兵二十名，領以外委，並添

設巡洋槳船。該二處俱係水師提標右營汛地。應仍隸右營管轄。統計共裁移兵二百名。仍符原貼防之數。其應添千總、把總、外委、查水師吳川營堪裁千總一員、陸路三江協堪裁把總一員、督標及陸路提標堪裁外委各一員。與抽撥兵丁一體。此裁彼補。畫一造報。一轉移間。營制一切並無更改。而要地有兵長駐。視從前暫時派撥。似為經久直捷。

四月新建大黃窖、大虎山礮臺成。所以建礮臺添兵者。暗防。喚咭喇貨船之桀驁也。是以道光二年。喚夷狡欲回國。大人許以回國。復稟請勿設兵礮。過臺時。實多疑懼。大人南海中大虎山新建礮臺碑銘云。廣州省城南。有大虎山。為內外適中扼要之地。昔人未於此建礮臺者。以其東南瀕望。皆水漫無通束。故也。余於丁丑冬間。虎門水師乘兵船出零丁。雞頸諸外洋。遍觀內外形勢。及澳門門夷市而歸。乃擇於大虎山築建礮臺。或曰。山前礮耶。余曰。此即昔人所以不於此招之使來受礮耶。余曰。此即昔人所以不於此



恩頒

建礮臺之故也。豈知水雖彌漫而沙厚積於遠水之底外。潮內江急水深泓所濬滌而行者皆近此山之根。爰乘小船親測之。近山者其深數十丈。若遠至百丈以外。漸淺矣。二百丈大舟不能行矣。築臺周一百廿丈。高丈八尺。女牆三十六。神廟藥局兵房畢具。置大礮自七千斤至二千斤者三十位。發之能擊三百丈之外。此無異對面有山逼而束之。使近出此山之前也。此臺之外有沙角礮臺。爲第一門戶。進而橫檔鎮遠爲第二門戶。此大虎爲第三門戶。又於大虎之內新建獵德大黃二礮臺。爲第四門戶。方今海宇澄平。無事於此。此臺之建。聊復爾耳。然安知數十年後。不有懼此臺而陰弭其計者。數百年後。不有過此臺而自取其敗者。又若山之內山之外。或淤高而耕爲田。或濬深而改其道。則亦未能預料矣。爰爲銘曰：嶺南薄海。虎門洞開。乘潮立壁。馮山起雷。聲威所擊。無堅不摧。波恬風偃。巍巍乎此臺。

二十七日

高宗純皇帝聖訓一部。

恩賞

御製弭邪教說墨刻一分。五月十六日、

恩賞錠子藥一分。是日、兼署廣東巡撫事、廣東巡撫

陳公若霖調補河南巡撫也。七月、設沿海扮

商誘緝小兵船。先是、洋盜雖已投誠、而海邊小
盜船間尙竊發、大人莅任後、拏辦數船、卽已
歛跡。惟中路東西間有小匪船伺劫、並無鎗礮、
但在淺灘小港之間。官兵船大不能入淺、一經
察見、追拏此船、卽走入淺沙、拋棄刀械、四散而



去。大人謂此等如蝗有蝻，尤宜撲滅，遂立扮商誘緝法。東自南澳、西止吳川，分爲三段，州縣配雇民船，加配弁兵，扮作客商，專走淺沙小港，誘緝小匪。從此小匪亦皆淨盡矣。近年因無盜，有議撤者。大人曰：養貓所以捕鼠，若無鼠而不養貓，鼠又出矣。二十二日，卸署巡撫事，因新任巡撫李公鴻賓到粵也。八月初五日，
恩賞

御製全韵詩一函。十月十八日，往肇慶閱兵，途次奉
上諭往廣西會同

欽差侍郎熙昌查辦藩司富綸事。十一月初三日至

肇慶以

欽差侍郎熙昌在湖南病故故回廣州候續

派大臣也。按廣西葉中丞紹奎入京

陛見藩司富綸護撫印與署藩司之程臬司卓樑署臬

司之宋鹽道鳴琦不和富司撫柳城縣等事叅

劾程宋摺中聲明會同督臣而實未曾以叅摺

先商及摺稿至而程宋辨訐之稟亦至。大人

察出三人各有謬誤富司所叅不實尤謬且并

未會商各情據實將富程宋三司道皆叅奏請

交部嚴議。部議上奉

旨皆革職。富司不甘，遣家人入京辨告，所以有熙文兩侍郎會同大人審辦之。

旨及大人至西省，富司又已遣家人二次入京加訐程、宋，且圖翻大人前叅之案。大人奏請迴避，歸文少司農孚審辦。少司農將富司前後被叅乖謬各款審實，而所辨訐者間亦得理。次年三月始奏結，程司發軍臺准贖罪，富司發新疆。此案前後卷牘數萬言，摺載奏牘中，茲不能載。十五日，奏纂廣東通志。是日發廣州，由梧州。



平樂閱兵、往廣西省城。十二月初六日至廣

西省、駐獨秀書院。

二十四年己卯、五十六歲。

正月二十日、遊隱山。隱山詩序云、余生辰在正月二十日、近十餘年所駐

之地、每於是日謝客、獨往山寺。嘉慶二十四年

余歲五十有六、駐桂林、是日策數騎避客於

城西唐李渤所闢隱山、登降周回、串行六洞、

煮泉讀碑、竟日始故詩曰、一日之隱、我辰所

也。同二十五日、

恩賞

御書福字、並鹿肉麕肉山雞一分。三月二十九日、

恩賞

御製再舉東巡展謁

三陵大禮慶成記墨刻一分。是日由桂林之柳州、賓

州、南寧、潯州閱兵。四月二十八日回至廣東

省。閏四月二十四日奏建築桑園圍石隄。摺

云、粵東南海縣屬昆連順德縣界之桑園圍、地方周廻百餘里、居民數十萬戶、田地一千數百餘頃、種植桑樹以飼春蠶、誠粵東農桑之沃壤也。圍外廣東西北兩江環繞左右、而廣西左右諸江亦並滙而來、山此合流入海。每遇夏潦暴漲、東水尚緩、西水建瓴而下、宣洩不及、圍基卽被衝淹、居民田園廬墓盡皆淹沒。設水勢驟長、不能移避、高阜民人亦俱淹斃。屢經前任督撫臣奏蒙

聖恩卹緩兼施、借銀修葺。因向來僅建土隄、乾隆八年奏改石工、間段用塊石堆砌、并借銀發商生息、以作歲修。嗣又節次奏明、改歸民間自行修防、



儒藏

雷塘庵主弟子記 卷五

聖恩允

如有非非常衝損民力不支者隨時奏請酌辦。嗣經歷年久遠沙高石低屢被衝刷沈移。民間雖欲培築苦於力有未逮。上年臣阮元與前撫臣陳若霖因該處關係農田廬舍情勢緊要奏蒙准於藩糧兩庫借銀八萬兩發商按月一分生息計有息銀九千六百兩以五千兩歸還原借本銀以四千六百兩為歲修之費。第圍基遼濶恐此築彼坍歲得四千餘金僅敷逐段粘補之用仍不足為經久永遠之計。前據南海順德兩縣紳士商民紛紛懇請捐建石隄經署南海縣知縣仲振履等親詣查勘該圍最險頂冲之古贊橫基三了基禾義其天后廟大洛口等處約計一千九百餘丈須用大塊石砌成坡方可藉資捍禦。所需工料運脚等項樽節估計非捐銀十萬兩不能與辦。南順兩縣紳士人等雖欲踴躍捐輸而工鉅費繁一時不能集事。茲有現任刑部郎中伍元蘭刑部員外郎伍元芝因家鄉有此大工自京專遣家丁回籍赴縣呈請兩鄉人願捐銀各三萬兩。又有緣事革職之在籍郎中盧文



恩賞

錦亦願獨捐銀四萬兩。共十萬兩。現據藩司魏
 元煜、糧道盧元偉轉據該府縣等核議詳請具
 奏前來。臣等查桑園園有關兩縣農民田廬屢
 被水患。亟應築隄保障。惟因經費過多。碍難籌
 辦。今既據該紳員伍元蘭等情殷桑梓。尚義輸
 銀。臣等還加採訪。南順兩縣士民聞知義舉可
 成。靡不同聲歡慶。自應俯順輿情。奏請准其與
 建。如蒙
 俞允。卽飭該紳員等各將捐銀照數繳貯。仍令兩邑紳
 衿耆老遴舉殷實公正紳士。赴園董理。購料鳩
 工。妥速趕辦。地方官但司督率稽查。務使工堅
 料實。毋稍浮冒。虛糜不許胥役人等涉手。致有
 侵染。俟工竣再行查勘驗收。此次築隄之後。自
 必永慶奠安。然水力衝險異常。恐未必堅。年久
 一年所損。上年奏請生息銀兩。仍須
 照舊生息。將來查勘情形。另行核奏。
 二十八

日

御製詩二集一分。是日兼署廣東巡撫篆、廣東巡撫

李公鴻賓

補授漕運總督也。五月二十九日、

恩賞紫金藥錠一分。六月二十一日、福生女恩朝。

七月初四日、新任廣東巡撫康公

紹鏞

至是日

卸署廣東巡撫事。十七日、入京師祝

嘏。九月二十五日至都、

賞大荷包一對、小荷包一對、帽緯二匣、花炮一匣、大漆

盤一個、小漆盤一個。十月初一日、

賞吃祭肉一次。初四日、

賞全玉如意一枝。初六日、

賞三鑲如意一枝、朝珠一盤、大荷包一對、小荷包一對、
齋戒牌一個、洋烟一瓶、雕漆檳榔盒一個、葫蘆
檳榔盒一個。初八日、
正大光明殿
萬壽筵宴、跪受

仁宗睿皇帝親手賜酒一玉杯、同受

賜者兩江孫總制 玉庭 四川蔣總制 攸銛。

賞大卷八絲緞一疋、大卷素緞一疋、小卷江綢一疋、線
縐一疋。初九日、

賞看烟火一次、大荷包一對、小荷包一對、小刀一柄、蓮



頭香一匣、湖鏡一面、銅手鑑一個。此次共
召見十一次、聽戲十五天、

賜克食四十七次。十一月初四日、大兄生子恩洪、趙氏

妾出。十二月、回至廣州。

二十五年庚辰、五十七歲。

正月十三日、兼署廣東巡撫印、因康公紹鏞入

覲也。二月十五日、

恩賞

御書福字、並鹿肉、鹿肉、山雞一分。三月初二日、開學
海堂、以經古之學課士子、手書學海堂三字扁、



懸於城西文瀾書院。

按學海堂加課仿撫浙時所立誥經精舍之例專課

經史詩文。所有舉貢生員獎給膏火一月者折

給銀一兩。佳卷漸多。學者奮興。有佳文一卷而

給膏火數月者。二十一日命弟祐娶婦嘉興錢氏。

安徽

巡撫錢公楷女。錢公乃

大人已酉同年也。是時江都張氏子熙

同其師嚴厚民先生來粵。四月二十四日妹

安適妹壻張熙婚於節署別館。

熙乃翰林給事中馨之曾孫

賜三品頂戴

鈞之子。五月二十八日

恩賞錠子藥一分。

廣東巡撫康公

紹鏞

回自京師。是

日卸署廣東巡撫事。七月二十八日奉

旨馳驛赴廣西查辦灌陽縣會匪。八月十三日至桂

林。十四日、准禮部咨會、七月二十五日

大行皇帝龍馭上賓、驚哀已極、成服哭臨於省中、並卽具摺恭請

皇上聖安、聲明地方任重、不敢遽請

陞見。十六日、自桂林赴灌陽。按、是時已知灌陽

案無重大情節、且哀慟甚頽、屬吏請提案至省

審辦。大人哭曰、奉

使馳驛灌陽、乃

上賓前二十餘日之

諭旨。

大行皇帝軫念民情如此周摯且此

諭之後無再

諭矣。余敢不親往。遂於是日白衣冠輕裝減從勉力促

行。十九日到灌陽。二十五日回桂林。九

月初三日會同廣西巡撫趙公慎畛奏審擬灌

陽縣天地會匪案。十月初五日回至廣州。

十一月初七日發廣州由陽江往閱高州廉州

雷州瓊州水陸營兵。是日大兄生子恩浩。嫡出。

十二月二十七日閱兵畢回至廣州。

道光元年辛巳五十八歲。



儒藏

雷塘庵主弟子記 卷五

正月十一日、妹婿張熙以肝風舊疾發、卒於節

署。三月初三日、奏設卹養公局。摺畧云、據粵

劉彬華等呈稱、粵東善政如普濟院、育嬰堂、漏澤園、麻瘋所、事事畢舉、惟孀婦尙無卹養之例。現查省城內外貧苦孀婦甚多、該紳士等仿照江南省城等處卹養會之意、奏捐銀兩、設立公所。惟經費無多、恐難經久。呈請於開款內、每年籌撥若干、以資接濟等情。行據司道等查、有糧庫貯普濟堂經費項下、堪以撥用。援案詳請具奏前來。臣等伏查孀居苦節、最爲可憫。粵東酒

聖化、人知節行、向惟絀于經費、故卹養之舉未能如

江南等處舉行。現在節奉

恩詔、內有寡獨以時養贍、節婦細加諮訪之條、節見

澤逮無告、至周至渥、該紳士等仰體

聖慈、創設公局、係爲卹養名教、保全苦節起見、自應籌

款接濟、以成善舉。覆查普濟堂經費一款、每年動支銀五千兩、按現在查出節婦之數、以年老



年久者一千二百五十口作為定額每年每年賞給養贍銀四兩其餘俟有缺出挨次充補年終造入普濟堂奏銷冊內核銷此外如有樂善好施之家願捐贍節婦若干仍聽自便不在定額之內

是日出省閱中路水師兵奉

旨特派也。四月初二日閱中路兵畢回省。五月

初六日

恩賞明鑑一部。七月初一日兼署廣東巡撫印巡

撫康公紹鏞回京另候

簡用。是時刻江蘇詩徵成。大人撰序云嘉慶元年余在浙督學選輯國

朝浙人之詩曰兩浙輶軒錄刻之又選輯國朝揚州府及南通州之詩曰淮海英靈集刻之復欲輯江蘇各府州之詩勞勞政事未能也歲丙寅丁卯間伏處鄉里見羣屏洲王君柳邨諸

積國朝人詩集甚多而江蘇尤備柳邨欲有
所輯名之曰江蘇詩徵余乃歲資以紙筆鈔胥
柳邨遂益肆力徵考于各家小傳詩話尤多採
擇嘗下榻擁書於焦山佛閣中月色江聲與千
百詩人精魄相盪鐵冶亭制府聞而異之因
題其閣曰詩徵閣柳邨選詩謹守歸愚別裁家
法雖各適諸家之才與派而大旨衷於雅正忠
節孝義市衣逸士詩集未行於世者所錄尤多
可謂櫛毛而蓄念發潛德之幽光者矣丙子
歲轉成五千四百三十餘家勒為一百八十三
卷屬余訂之余方馳驅豫楚心力不足目力亦
昏不能如在浙時從事於此宋其稿入粵同里
江君鄭堂藩許君楚生珩凌君曉樓皆在粵
館爰屬三君子訂校正之梓人告成哀然巨
集庶幾自酬夙願而柳邨亦不虛致此力矣
福又仿祭詩故事隨江鄭堂師祭之有詩畫卷
八月初二日妹安卒大人撰女誓張熙女安
子安孔夫人所生余得一古硯有孔靜二字遂
字之日孔靜幼明敏未嘗習然師幾博嚴厚



民讀書師奉新劉蒙谷學畫其詩受教於父母
者為多頗能析理摹景年十三許聘江都張熙
熙字子與又字定江翰林給事中馨之曾孫武
賜三品銜鈞之子於厚民又館於張氏與武
康徐雪庵造教熙熙性沈靜和厚不妄言笑而
詩亦有法十五歲時得肝風疾時疾時已嘉
慶二十五年春熙十八歲其父命隨其師嚴來
粵東贅余署中且讀書受余教雖新婚而內外
有兩書室各讀書賦詩不少輟熙以嶺南草木
物產考之古籍頗著於篇又自以端溪巨石雕
為硯山日臨遠秋色給事木籍臨潼乾隆甲子
陝西解元也十二月卒是時安年二十初有娠哭幾
年正月十二日卒是時安年二十初有娠哭幾
死家人以嶺路遠勸緩歸江都保娠冀得遺腹
子安乃節哀慎疾夏秋身甚健然嘗指其腹私
語其保母曰我望伊是子我故保伊性命將來
伊真是子乃保我之性命是以家人恒防之孟
秋月死霸既產乃女也猶語家人曰女亦佳勝
於并女無之者不哭啼然色甚變心鬱志烈內
熱外發氣若蒸八月二日猝然死家人疑其吞

金、檢其金無所失。蓋其久蓄死志，以死爲願，故產後不慎疾，若唯恐其疾不急而死，不速者。余雖勵之，而心許之曰：禮也。人孰無死，娠未辨男女而絕夫之後，非禮也。篤夫婦之情，摩笄慙，蓋橫殘其親之遺體，非禮也。舅姑老，不留其身以事之，非禮也。今產女病而死，熙不患無繼子，舅姑未衰，尚有如娒三，是則合乎禮，不逾乎情，而同至命矣。熙五品頂戴，安宜人。初六日，入闈監臨。九月初五日，

恩賞

仁宗睿皇帝御製詩三集一分。初八日，兼署廣東學

政印、時學政顧公元熙病故也。

尊恩封贈皆正一品。弟孔厚蒙

恩賜一品蔭生。是時大兄奉奏，派在

實錄館行走司校對兼辦戶部山東司事。十月十五

日奉

諭達三現在丁憂所有粵海關監督事務著阮元暫行兼署。達三俟百日服滿仍回本任。欽此。十六日

接受粵海關開防并庫貯稅銀。二十六日福

生子恩光小名六印。

按是時大人以兩廣總督兩廣鹽政攝廣東巡撫

太平關稅務廣東學政粵海關稅務同時兼管六印。

是日卸廣東學政

篆因新任朱學政

階吉

到粵也。

十二月初一

日蒙

恩賞



備藏

仁宗睿皇帝聖製詩文集全函。是時、潮州械鬥案內
審出得財頂克抵罪者五十一人、皆平反之。
又奏嚴禁夷船鴉片、查拏各處賣鴉片匪徒、拏
獲澳門總頭葉恒樹。復辦理黃浦不許帶烟之
船入口、出具有烟願罰貨入官結、洋商出具保
結。摘去洋商伍敦元等三品頂戴。有
諭旨、在案。此後烟雖不能淨盡、然只在伶仃洋、不入
口矣。

道光二年壬午、五十九歲。

正月初十日、卸署巡撫事、新任巡撫嵩公孚至。

也。二十八日、

恩賞

御書福字一分。二月二十五日、

恩賞大卷緞二疋、大小荷包二對、銀八寶一分、銀鏤
二個。三月二十八日、廣東通志成。閏三月

初二日、赴京

陛見、并順閱廣東北路營伍、督印、交巡撫嵩公、字兼

署關印、交與本任、監督回任。

冬春以來、粵海關
貢餘大人一物

不取、悉收關庫、留交本任。又洋商所繳公
費亦皆印扎、發交布政司庫、以充公用。按、

是時 大人治粵已四載有餘、嘉慶十三四年



儒藏

間粵東水陸盜賊最多、洋盜闖入內河、省城聞其礮聲、內河盜劫無日無之。十六七年、洋匪投誠上岸、岸匪爛崽又多與之合、洋盜雖戢、而內河更甚、延及粵西。蔣制軍攸銛治粵、力辦六年、各盜獲辦數千、大局始安。大人莅任、首以懲勸、文武合力拏辦盜匪、會匪爲務。會同東西厯任中丞申明賞罰、是以匪多就獲、餘者亦多解散爲良。始而二十三年、廣西富賀懷集、廣東連州、陽山等處多盜、捕急則擁鎗礮竄入賀連交界之姑婆山、兵役退則又聚集劫搶富家典舖。



大人調集兩省弁兵丁役三路圍入將姑婆山等處一概搜淨焚拆窩穴編成保甲於是兩省交界得安。後十二年湖南近姑婆山界猛人及盜匪卽從此起。二十四五年盜又多在清英花從增一帶行劫。大人又調兵會圍搜拏一次省北得安。此時順德香山海邊沙地盜匪爛熯又以打單爲事擾害田禾擄人勒贖搶掠蟹戶婦女。大人又委文武會合搜拏懲辦而省南得安。元年冬海盜並無一船內河岸匪雖不能淨盡而民生頗爲安定。有嘉慶十五六年去粵之人今復來粵者歎爲

太平全非昔時景象矣。大人入京時查計各盜案自二十二年起至道光二年春止東西省拏獲會盜兩項匪犯數千案牘繁多茲不備錄大約疊劫爲首或傷人重犯方卽斬梟其情有可原及可免死者多發新疆邊遠輕者流徒固不多戮亦不濫縱故曰投之遠方不再犯重罪正所以保其軀也。大人又嘗曰爲大吏者不必冤枉殺人卽執定律例不使詭避已多殺矣。余治盜以不使害商民爲準罪之倖免不深求也。昔年在浙治洋盜亦然。四月二十八日至

京師

名見五次。次日卽

賞蟒袍一件、江綢衣料一身、荷包一匣、帽緯二匣。凡

督撫

陞見、性兩江孫制軍王庭、四川蔣制軍攸銑、南河黎

總督世序暨大人加此賞。五月初六日、

陞辭。初七日出京。十一日、哭謁

昌陵。二十九日、到黃河北岸之檀輪館、卽渡河。六

月初二日早、到邵伯埭、卽入湖、午到珠湖草堂、
暮至公道橋、住祠前大樓。初三日、遍到陳家



儒藏

橋、文昌宮、耆舊祠各處暮仍宿大樓。初四日

早到雷塘宿雷塘樓。初六日入城祭家廟、

午後至康山草堂少避暑。日落時出鈔關渡河、

至高明寺三汊河上船。時坐滄江虹木蘭身曲

江舫宗舫四紅船也。初七日、至焦山。江都令尹陳雲

伯文過邀遊作詩大人和韻。時同遊者爲翠屏洲詩人王柳軒僧借庵令尹之子裴之詩人

之子屋家午過金山午後至禮祀洲避風雨

即宿洲北之二道溝。初八日過秣陵不入省。

十二日晨至采石磯西南風急阻留住太白

樓。十四日至益磯未時南風大暑甚登清風



禪院。申時西北及東南皆起雲、須臾轉西北、風
暴、亟登舟、乘風過蕪湖、風猛浪巨、小挂一二葉
帆卽逆流、速逾奔馬、行四十里。十七日、北風
弱、過大通、望九華山、夜甚熱、月明如晝。十八
日早、過樅陽、東北風盛、起舟如奔馬、午過皖省。
暮過東流、殘夜乘月過馬當山、小孤山、開窗四
望、夜月朦朧、浪聲澎湃、光景又自不同。二十
日、二十一日皆大南風、阻泊大孤塘。每至日落
時、便放船出湖、乘涼待月作詩。二十三日、少
得風、過星子縣、宿珠磯港。二十四日曉、過吳

城風雨頓涼。午轉北風，帆甚飽滿，夜至滕王閣

下。按以上逐日計程，乃大人親書江程日記一卷，付福敬藏，故摘錄之。七月

初一日，足發濕熱疾，不能步，且暑甚，留住吉安

城外天后宮五日。足疾從此始。十六日，度庾嶺。

二十六日，至廣州，接督印并兼署撫印，巡撫膏

公孚調任貴州也。是月，改建貢院號舍成。大

碑記云：各行省鄉試號舍，初創卽定其尺寸，縱有所修，無能改作。士子雖受促，無如何。余爲士坐江南，順天號舍皆寬舒。撫浙及江西，見其舍皆湫隘，增修改之。道光元年，余兼辦廣東巡撫，監臨事，見號舍更湫隘。蓋因粵東試闈本在粵秀山，應元宮前，國初用闈地封藏，至康熙甲子，乃改闈於老城東南隅。地本不寬，經營者度非文人，不知士子苦以致宇舍太小，烈日溽濕。



殊難耐之。余步周舍前後，命匠人持尺通量之。若北段拆去，巡屋上有二丈七尺地，南段使官廳遷於南，可展出九丈二尺地，甬道東西使東舍展向西，西舍展向東，可各得一丈八尺地。撤閣後，問之在籍，粉林編修劉公彬、華庶常謝公蘭生、書院監院吳蘭修、李清華等，僉謂：「士子苦此久矣。若提倡更張之，其事尙易集。余思浙及江右皆增修，改試闈，今粵闈何不辦？」乃率官屬倡捐俸銀於省，會紳商繼捐之。廣屬暨外郡紳士又繼捐之。捐雖未集，而紳士議鳩工者先拆舊舍，界畫其地，以示事在必行。經始於元年冬十二月，二年六月成。稍增舊舍之數，其七千六百二間，計舊舍後牆至前號舍之後牆六尺四寸者，今展深爲六寸。舊舍中有瓦處，南北三尺四寸者，今展深爲四尺六寸。舊舍左右牆寬三尺一寸者，今展寬爲三尺四寸。舊舍瓦簷至地高五尺四寸者，今加高爲六尺五寸。舊舍坐兩層板，上長下短，夜不能并而卧，今使板同其長，可安卧。簷之外長巷舊多泥塗，雨水浸人，今皆鋪以石，理其溝，高低有準，無積水潦。

泥之患。濬舊井，開新井，共二十四井。號尾之外，凡臭延於內，今爲高厠，欹槽流其穢於牆之外。凡孰瓦木石灰土之工，皆堅厚，又舊園牆加修高堅，以嚴關防。舊瞻錄所地甚小，今以對讀所併入瞻錄所，增建對讀所於隙地中。大門外上地舊有溝，潦雨陷足，今亦贅以甃石。是役也，其用銀四萬幾百有奇。司工者，榜其工用之數，使其見之以示不誣。工將竣，請撰文刻石，記其事，爰書其大畧如此。至於鄉官士商之議事者，捐銀者，司工者，當再立一碑，備列而書刻之。

八月初六日，足疾少愈，入闕監臨。按向來廣東

牆一道，爲戴奸之所，富商子弟因緣爲奸。然其始不過東西牆外，走遞而已。近來竟有於初九日寅刻，傳題於外，戍亥刻傳入場內者。大人查得踪跡，不預別破。逮初八日，封闕後，忽傳令將場內外巡場兵役多名，爲改易。又派文武官拆通夾城，搜拏奸匪多名，并獲作弊富商子弟二名，皆置之律。諸弊肅清。

九月十八日夜，省城太平門外



大火。是夜風狂火烈，人力不能撲滅，延燒鋪店行戶二千餘家，十三行夷館燒燬過半。直至十九夜始熄，所被火者皆係有力商夷，夷人洋銀數百萬埋於燼中，匪徒將有爬搶之勢，易致鬥殺。又搶火匪徒亦衆，救護緝拏兩晝夜，用兵彈壓，始就平定。十月初一日，卸署巡撫事，巡撫程公含章至也。二十二日，福生子恩山，小名午生。十一月二十三日，命弟孔厚娶婦蘇州彭氏。前兵部尚書彭公啟豐曾孫二十六日，發廣州，往惠潮二府閱兵，并督飭拏辦械門爛。

患。

道光三年癸未六十歲。

正月初六日兼署廣東巡撫事、巡撫程公

含章

調任山東也。

撫署虛無人。

二十日，是日爲大

人六十壽辰。

恩賜

御書福字壽字，巧于是日到粵省。大人拜受後，福

祜、孔厚等拜慶後，攜婦孺皆隨往撫署東園湛

清堂下萬竹林中煮茶看竹，謝絕一切，秉燭始

返，謂之竹林茶隱。卽五十六歲所謂一日之隱。



也。畫竹林茶隱圖。

是月、擘經室集刻成。自序人

云、余三十餘年以來、說經記事、不能不筆之於書。然求其如文選序所謂事出沈思、義歸翰藻者、甚鮮。是不得稱之為文也。今余年屆六十矣、白取舊帙、命兒子輩重編寫之、分為四集。其一則說經之作、擬於賈那義疏、已云僭矣。十四卷。其二則近于史之作、入卷。其三則近于子之作、王卷。凡出于四庫書史于兩途者、皆屬之。言之無文、惟紀其事、達其意而已。其目則試之賦及駢體、有韻之作、或有近於古人所謂文者乎。然其格亦已卑矣。凡二卷。又詩十一卷、共四十卷。統名曰集者、非一類也。繼此有作、各以類續也。室名擘經、資余幼學、以經為近也。余之說經、推明古訓、實事求是而已、非敢立異也。

二月初五日、大兄女

恩瀛卒於京寓。

四月初二日、卸署廣東巡撫

事、新任巡撫陳公

中孚

至也。

初十日、往肇慶

閱兵、命福隨侍。先是、練兵之制、但觀其陣式及馬步箭、鳥鎗、藤牌、挑刀數事而已。上年奏於每期常操之外、另挑奮勇兵丁一千六百餘名、習爬山梁。至是閱兵北較場、復閱奮勇陣於西較場之圭頂山、山分五道、五營爭上、跳盪皆奮捷、各加重賞。十九日、自肇慶回。五月初六日、恩賞臨雍御論一分。十四日、大兄生子恩疇。十六日、得狀元報至、爲吳川縣人林召棠。三書院山長以兩廣連年科名鼎盛來賀、大人喜賦一律、疊廣西得三元詩韻。六月初一日、

恩賞錠子藥一分。二十二日、重修族譜成。是月、

奏籌備廣西緝捕經費。

按緝匪須經費方能得力、東省緝費本有籌措

章程、西省州縣向無緝捕經費。苦於無資解犯、

是以盜匪更多。大人先已籌解鹽款、每年六

千兩、歸入西省作捕費。又奏撥洋商捐項二萬

作捕費、尙慮不足。至是又會同奏發布政司庫

銀十五萬兩、發商生息、以後每年始爲敷用、而

州縣亦不畏累。論者謂廣西從此肯獲肯解、民

間益安、則經費之力也。

八月、調督標六營兵共二百名、

輪班入省差操。

按督標兵四千餘名、皆駐肇慶、省中惟督標副將長駐、帶領千

把外委材官數十員名而已、猝有事故、門無一

兵。大人奏長派二百名駐省、輪班調派、加給

口糧、仍歸副將差操、於箭道旁建蓋兵房棲

止、使之巡查新城、稽查火燭、及漢夷匪類。

七月二十二日、奏建肇慶府礮臺。

摺畧云、肇慶府城南門貼



儒藏

雷塘庵主弟子記 卷五

城本有東西礮臺舊址相傳係前明所建。圯廢多年。因河岸淤高。臺基已沒入土中。但形跡尙存。舊臺大礮現尙堆放城根之內。臣親詣閱看。基址宛然。緣府城南門當臨水一面。適中之地。兩礮臺緊貼外郭。形如雁翅。據險扼要。前人創建。實屬盡善。臣飭令將修建工料。樽節估計。據稟。城角尙有舊制空心礮臺。久未修造。應乘此一律繕修。九月初七日。往廣西閱兵。遵道光元年

旨也。因頻年署廣東巡撫。故至是始往焉。二十四

日。至桂林。十月初一日。閱省兵。十二日。至

柳州。閱提標兵。十九日。入南寧界。過崑崙關。

二十日。至南寧府。閱兵畢。由水路東下。十

一月初一日。閱梧州兵。初六日。至新興縣。閱

羅定協兵。初八日、閱陽江鎮左兵。初十日、
閱陽江鎮右兵。是日奉

恩賞

御筆幸萬壽山玉瀾堂錫宴十五老賡歌墨刻。十
四日、閱高州鎮兵。十九日、閱雷州兵、調閱瓊
州兵、於是閱東省西路兵畢。十二月初二日、
回至廣州節署。是年、揚州患水、捐江都儀徵
兩縣稻價銀六百兩。福案、大人增奮勇陣以
備攻山、設標兵一百輪操。
去任後、連州山搖反、李督院廢攻山兵、致敗績。
夷船猝入省河、盧督院再備夷懾服而退。皆預
料于前。
數年也。



甘泉受業羅士琳校

校記

①養瞻：當作「養瞻」。按，本條「瞻」字均誤作「瞻」，今不一一出校。



儒藏

雷塘庵主弟子記 卷五

雷塘庵主弟子記卷六

男福續編

道光四年甲申六十一歲。

正月十二日

恩賞

欽定大清會典一部計六十函。十九日

恩賞福字壽字及鹿肉山雞全分。是月奏請定洋

米易貨一摺。

摺畧云查乾隆嘉慶間有近粵港脚等國粗貨夷船載運洋米來粵

發賣之事。定例夷船進口應丈量船身大小報

徵船鈔。粵海關向無米稅從前洋米來粵並多

丈輪船鈔以示招徠。祇於羅竣後放空回國不

准裝載出口以示區別。近年以來洋米罕到詢

之洋商據稱外夷地廣人稀產穀本多亟思販

運內地貿易。第運米遠來雖免完納船鈔而空



空回國、遠涉重洋、並無壓艙回貨、抵禦風浪。該夷等既患風濤之險、又無多利可圖、是以罕願載運。仰懇聖恩、准令各國夷船、如有專運米石來粵、並無夾帶別項貨物者、進口時照舊免其丈輪船鈔、所運米穀由洋商報明、起貯洋行、按照市價糶賣。糶竣、准其原船裝載貨物出口、與別項夷船一體照例徵收貨稅、彙冊報部。如此明定章程、則夷船米穀可以源源販運、似奉於便民綏遠、均有裨益。

上諭、阮元等奏請定洋米易貨之例一摺。廣東粵海關向准洋米進口糶賣、免輪船鈔、糶竣回國、不准裝載貨物。近年以來、該夷等因回空時無貨壓艙、難禦風濤、且無多利可圖、是以米船來粵者少。自應將成例量爲變通、著照所請。嗣後各國夷船來粵、如有專

運米石、並無夾帶別項貨物者、進口時照舊免其丈
輸船鈔。所運米穀由洋商報明、起貯糶賣。糶竣、准其
原船裝載貨物出口、與別項夷船一體徵收稅課、彙
冊報部、以示體卹。該部知道。欽此。是月、首捐銀飭

建三水行臺書院。

按書院有樓、
三十大江樓、并爲之記。

大人名曰

二月、修廣州城及城北鎮海樓、樓作五層、氣勢

雄壯、建自明初、云以厭霸氣者。三月十五日、

刻焦氏雕菰樓集成。

福跋云、里堂先生雕菰樓
集廿四卷、末附其子虎玉

蜜梅花館集二卷。癸未秋
命福按而刊之、凡六閱月而工畢。

二十日、

恩賞

御製養正書屋全集一部。五月三十日、
恩賞

欽定春秋左傳讀本一部。又蒙

恩賞錠子藥一分。是時小西洋米船初到。此後凡

米價增昂、米船卽鱗集、粵民永賴之。并廣西米亦不致踊貴、粵民皆感、稱此德政之最大者。

八月二十二日、接閱邸抄、奉

上諭、漢詳校戶部候補主事阮常生、以該部主事不
論題選、遇缺卽補。欽此。九月、福侍 大人親至粵

秀山覘地、欲建學海堂、遂在山半古木叢中、定
地開工。蓋因連年以經古課士、士人之好古者



儒藏

日多、而學海堂惟在文瀾書院、虛懸一扁、並無實地。是以建堂於此、實有其地而垂永久焉。

是時、大人以家藏漢西嶽華山廟碑摹本寄

陝西錢恬齋廉訪寶甫摹刻于西嶽廟中。二千

年法物、復克樹立矣。十二月、建學海堂成。堂

爲三楹、前爲平臺、瞻望獅洋、景象甚爲雄濶。又

於堂後建小齋三楹、曰啟秀山房、蓋依粵秀山

也。最後最高處建一亭、曰至山亭、蓋取學山至

山之義也。案、堂中扁額亦是大人仿三國吳

此地有獅海珠江之勝、其人在儒林文苑之間。又撰一聯云、公羊傳經、司馬記史、白虎德論、雕



龍文心。是時學海堂課士經解詩賦諸作已得數十題。乃刊爲初集。大人撰序一篇冠諸集首。又書刊于石。嵌于堂壁。福竊聞庭訓以爲粵東目前明以來多傳白沙甘泉之學。固甚高妙。但有束書不覩。不立文字之流弊。此序文特爲駢體。且命福考文與筆之分。文載續四集。

道光五年乙酉六十二歲。

正月二十日

恩賞

御書福字壽字及鹿肉等全分。是日大人壽辰。獨往學海堂避客。是月弟祐回揚州。蓋因秋間欲赴省鄉試也。是時大人具奏籌款製補礮械以足軍實。先是粵東水陸各營軍實年

久殘缺、或軍營及巡洋沈失。近時人工物料較昔昂貴、與部定例價懸殊。武弁俸廉有限、無以津貼。是以積年因循畏難、未曾補製。卽准補製、營員亦懼部中核減賠累。於是在捐輸捕費款內動支銀二萬兩、奏免報銷、委督糧道夏修恕、廣州協副將蘇兆熊、在省城督辦興工。大人尙不時親往查察、半年工竣、水陸武備皆齊。二月二十四日、出閱肇慶、順德、香山等處陸路營伍、又至增城縣及東莞縣虎門、海口等處^①水師提標各營兵船水操。二十七日、抵肇慶、住



閱江樓。二十八日曉起、觀奮勇陣於圭頂山。
十二年連州搖反、余總兵不習此陣。
以致敗、可見習此陣時若有先見。
二十九日、在閱江樓下東箭道考驗督標六營將弁步
箭。三月初一日、考驗馬步兵丁技藝。
初四日、舟抵順德、次日抵香山。
初五日、回順德、取道新塘。
案是時大人在舟中作文韵說一首以訓福。
初九日、舟抵東莞縣。
初十日晴暖、辰刻、大人坐巡船往虎門閱提標水師、各營將弁畢、又親歷大虎橫檔礮臺、查閱各軍實。
日午、南風大作、頃刻之間行八十里、復繞道至

墩頭汎待潮、詣南海神廟拈香。十一日、回至廣州市署。四月二十一日、大兄經戶部帶領引

見蒙

恩以山西司員外郎補用。五月中旬、蒙

恩賞錠子藥一分。六月初八日、齋奏請

陞見、摺回、奉

硃批、邊疆緊要、毋庸前來、下屆再行奏請。欽此。八

月二十一日、奉

上諭、陳中孚著補授漕運總督、成格著調補廣東巡



撫、俱各卽赴新任。成格未到任之前，廣東巡撫印務著阮元暫行兼署。欽此。二十六日，兼撫篆。是月，輯刻

皇清經解。此書編輯者爲錢塘嚴厚民先生^杰，監刻者爲吳石華學博。校對者爲學海堂諸生。福在署總理收發書籍出入，催督刻工諸事。九月二十六日，大人卸兼署巡撫事，因新任撫軍成格^格到粵也。十月十一日，大人出閱清遠營及南韶連鎮等處營伍，舟過清遠峽山寺，登飛泉亭，憩玉帶堂。二十七日，大人自南

韶回省。是時暹羅國遣使來進例貢，並爲該

國世子鄭福求請

敕封。十一月初六日，大人出閱惠潮等府營伍。

十二月初一日，自惠潮回省，奏潮州海洋全

清械鬥和解一摺。

摺畧云：臣經過潮州地方，查得向來仇鬥之大姓村庄，近

年漸知斂跡，並有設宴和好、新通婚姻者。

是時修肇慶府總督行

臺成，舊有大青楓樹一株，因名曰大樹行臺，并

續刻總督題名碑。

畧云：近年廣東全海肅清，內地安豐，廣西邊徼亦皆綏靖。

屢以簡閱東西官兵往來肇慶，止宿于閱江

樓上。因念此間爲兩省扼要地，總督署雖移而兵不可移，各營將尙皆有署，乃總督於城中無一椽，非政體。道光五年，於舊基重建行臺，惟立



門屏兩重、堂室兩重、取可以校武暫駐而已、無多構也。復於堂西開馬射之埭、階上設步射之序、階下可練小隊。東南建帥字旗、修復城南礮臺、庶幾體制得宜、而往來均便、且重兵所在、當務其本也。

道光六年丙戌、六十三歲。

正月十五日、蒙

恩賞福字壽字、並鹿肉山雞全分。二月初旬、於珠

江南岸漱珠岡萬松山外建漢議郎楊孚孝元

南雪祠成。

按、孝元本有故宅、在廣州省垣南岸。舊通志以爲移河南五鬣松、來粵得

雪、唐許渾故有河、畔雪飛楊子宅之句、是以粵中有南雪之典。今其故址無存、特於此建祠以

存古祀焉。

三月十三日、

大人出巡廣西省城營

伍在省少駐、再由省城赴柳州、南寧一帶查閱。

大人又祭馬伏波將軍廟、放船下橫州大烏

灘。三月晦日立夏。大人於是晚回至省署。

案此次大人在廣西省城與蘇撫軍成額^②

及接見司道及各營員等、將地方應辦事宜細

加查問、講飭具奏。摺畧云、臣會同撫臣親赴藩

實在。臣查粵西會盜各匪、常時出沒、節年會同

撫臣督同兩司嚴飭各營查拏、懲辦二千名之

多。較之臣前兩次到此、已甚稀少、但究未能淨

盡。現仍嚴飭各屬查照章程、實力辦理、不可稍

有鬆勁。至南寧、太平、慶遠、思恩、鎮安各府屬土

司、皆甚庸弱、惟其庸弱、尚俱安靜。其餘徭苗各

民亦極安樂業。是時九妹正適平湖吳公子公謹



館于揚州牛家巷第中。

公謹前協辦大學士。吳公璫之子。一品蔭生。

四月修英德清遠緯道工。

大人自清遠白

廟至英德彈子磯見峽山奇峻削壁摩霄縣亘數百里澄波奔流深澹不測嘗惜酈道原言之不詳而柳子厚足跡所未經也沿路仄巖險徑或竹木叢緯或磯石觸船緯道自明嘉靖四年府判符錫於英德南山石壁得宋嘉祐六年開峽山棧道記嘉靖間復開鑿後至今三百餘年不修舟子苦之道光五年冬大人閱武韶陽親爲相度因與撫部成公格權部達公三都轉

翟公

錦觀

商、令鹽洋二商及太平關分段捐修

計修造道路二萬四千四百餘丈、橋梁一百四十五座、用銀四萬九千有奇。六年工成、立碑峽山寺門。五月中旬、蒙

恩賞錠子藥一分。六月十三日、接部咨、奉

上諭、雲貴總督著阮元調補、兩廣總督著李鴻賓調補。欽此。又承軍機大臣字寄、欽奉

上諭、昨有旨著阮元調補雲貴總督、李鴻賓調補兩廣總督。李鴻賓著俟嵩孚抵任後再赴新任。阮元接奉諭旨、將兩廣總督篆務交成格暫行兼署、卽赴雲



貴總督之任。均毋庸來京請訓。欽此。大人于十七日將總督鹽政各關防移交撫軍成公格接收兼署。福又案近數年海洋全肅清、內地盜賊亦漸稀少、惠潮械鬥^③亦清、兩省倉庫亦皆滿實。故河工回疆事興、粵省撥去多銀、甲於各省、而兩粵內地安靜無事故、福亦少所記述。福又案、粵省西洋貿易近數十年惟暎咭喇國貨爲最多、其國富強狡黠、爲各海夷之最。嘉慶二十一年、暎夷遣使入京進貢、未許成禮而回國。二十二年、大人莅粵、首以嚴馭洋商夷商爲務、

蓋洋商與暎夷貿易相和受其利益頗庇護之
暎夷又恃此傲黠是以大人遇事多加裁抑
壓服之。暎夷船在黃浦夷人取水與民人相爭
用鳥鎗擊死民人。大人嚴飭洋商必得究犯
方登船欲獲犯而此犯卽拔刀自刎死。又吡嚨
晒國夷人打死民婦。大人飭獲兇犯審確照
夷犯殺民人例立加絞決抵罪。道光二年冬暎
夷護貨兵船此等兵船自乾隆年間卽來粵洋
每冬或一隻或二三隻不等假稱
護貨實借此自雄兼在伶仃山強取民人番薯
以脅嚇諸小國之船猪酒民人與爭鎗殺死山民二人。大人惡其



強橫立飭洋商向在粵管事之暎國大班縛送
兇手。大班詭言只能管貿易事、兵船有兵頭職
分大、伊令不能行于彼。大人又飭傳諭兵船
兵頭、兵頭詭稱夷人亦有被民傷重欲死者多
人、欲相抵。大人察其詭詐、又飭大班必獻兇
手、否則封艙停止貿易、並將各行一切茶葉蠶
絲等貨全封歇。大班又稱實係不能縛兇手、無
可如何、情願停貿易。其兵船又詭避在外洋。如
此將匝月、大人持之堅。大班等乃率各夷人
全下黃浦大船、上稟稱無可如何、只好全幫回

國、不做買賣。大人又印諭言、爾願回自回、

天朝並不重爾等貨稅。於是暎國大貨船二十餘號、收拾篷舵、欲出口、復上稟云、大人既許回國、何以礮臺上又設兵礮。大人又加印諭言、新建大虎礮臺等處兵礮、本是終年常設、並非此時待爾等出口、欲加轟擊。且

天朝示人以大公、豈有許爾回國、復加詭擊之事。於是各船竟出口、復又旋轉在外洋校椅灣停泊多日、貨多折閱、而其兵船遂先遠遁。又多日、大班等又稟、兵船遠遁、我等實屬無能。大人如



准入口回岸貿易則回、否則亦只好回國等語。商人爲言大班等速寄稟回國、告知國王、下次貨船來粵、將罪犯縛來、方准入口回岸貿易、否則不准。大班等亦具稟求。大人始應允、始於三年春入口回黃浦、照舊開艙通貨。此事冬末春初、南海番禺一帶、凡商夷人等皆惶惶、或言關稅恐由此大缺、或言貢事不成禮、已慮暎夷滋事、如此則將來恐滋事、省中各官亦以爲言。大人力持、以爲

國體爲大、稅數爲輕、索克理長、且該夷皆是詭詐、二

十船有一二千萬銀買賣，並非真心回國，不可爲其所欺脅。果持至春正月，彼始具求回貿易之稟。大人并飭其以後兵船不許復來，非是護貨，適以害貨等印諭。及四五年，貨船來粵，稟稱此隻犯事，兵船不敢回國，不知向何國逃散，是以犯人尙未尋獲。但道光三、四、五、六年，此種兵船皆不復來。粵省城布政司街酒館用木板畫夷館式，大人曰：「此被髮祭野也。」立諭府縣拆毀之。自大人去粵後，兵船又復來粵，致有十二年盧制軍懲辦之事矣。此等命案，向來皆由洋商將就辦理。



卽如兵船相抵之說、洋商如出鉅資、代夷彌縫、
 卽可畢事。此次夷人乃用其故智、而商人不能
 在、大人前行其術也。及大班等稟求回岸貿易、
 易及後來稟不知逃往何國、大人亦不固執、
 寬其可求之路。十二年、門生盧敏肅
 辦夷兵船辦法、卽學于此。所以有
 旨嘉論之云、玩則懲之、服則舍
 之、尙合機宜、不失國體也。是時編輯

皇清經解將一載、已得成書千卷。今欲赴滇、大人
 將書交付糧道夏公修恕接辦、至編輯者仍嚴
 厚民先生也。二十六日、大人起程、福等隨
 行。是時文武屬吏軍民人等皆切攀轅之思、各
 書院山長及在城紳士、並學海堂諸生、各書院
 生童多賦詩爲大人送行、卷冊如林、佳作亦

極多，茲概不錄。惟越華書院山長劉樸石先生

彬華

序文云，我

朝百九十年來，名卿宰相帥廣之久於其位，而盛名足以壓百蠻，明畧足以訓羣吏，慈惠足以洽黎庶，學問足以式秀髦，威令足以整師旅，繫人去思不已者，惟 宮保大司馬阮公爲最等語。凡此皆紀實也。大人見吳詩，有不忍別粵民意。大人有荅劉樸石 彬華、李繡子、龔平、諸書 院山長暨學海堂學博生徒送別詩，有句云，講學是非宜實事，讀書愚智在虛心。大人訓勵



云、此二語乃實學空學之關鍵、最爲要緊。不能
實學者、先入之見填滿于胸、不虛心求是非、終
于愚而已。行時各贐、大人皆留之粵中、以
爲學海堂經費、及添刻經解各公事之用。二
十八日、舟至肇慶府。大人先由廣西取道湖
南、貴州、赴滇。大人因天時盛暑、慮諸孫病、命
福與八弟奉慈親並生慈在大樹行臺避
暑、小住月餘。是時慈親孔夫人不赴滇南、於
八月中秋天涼時攜八弟回揚州、福亦於是時
奉生慈攜兒女輩卽依大人。舟抵梧州、

十七日酉刻到陡河、水淺、忽大雨水足、遂暢行一夜而過。二十二日、過祁陽、泊浯溪、登屠亭。

八月初三日、抵常德府。二十一日、舟抵貴州鎮遠府。二十二日登陸道。九月初九日、

登黔西老鷹崖。十三日、入雲南界、至平彝縣

接印。十八日申刻、至雲南省城、進署、詢飭各

營務及各邊務、銅政、鹽政。署內東園名宜園、

亭館花木之勝、爲近廿年歷任所未有、老松古

梅各數十株。大人見之頗喜、公餘輒吟息於

其中。十一月二十四日、出閱開化鎮兵。有句云



流盡向南交去。此地至交趾界僅百三十里。

十二月十三日、福奉

母攜兒女輩至滇署。

十八日、大人自開

化回至省署。是年、大人於春時爲粵西閱邊之行。六月、移節滇黔。九月到滇、十一月復有開化閱兵之行、其計水陸行一萬數千里、得詩數十首、爲一卷、錄寄揚州、題曰萬里集。嘉慶四年出署浙撫時、成哲親王送行時曰、萬里之行、自此始矣。

道光七年丁亥、六十四歲。

正月二十日、大人壽辰、在宜園當雪晴時煮

茶於竹林中、有詩一首、題竹林茶隱圖卷。福奉
命、敬和一首。是時因滇省高燥、足疾漸愈。
二月初八日、蒙

恩賞

御筆福字壽字及奶餅乾果。二十八日、出閱滇之
東川、昭通二府、及黔之威寧鎮等處營伍。三
月初三日、至東川府閱兵。初九日、至昭通鎮
閱兵。十八日、至尋甯營閱兵。十九日、閱曲
尋協兵。二十三日、回至雲南省城。著塔性
說成、福嘗蒙 庭訓云、余之學多在訓詁、甘守



卑近不敢矜高以賢儒自命故論仁論性命古訓皆不過訓詁而已。塔性之說本應載入性命古訓之後嫌其取譬少入于諧。然由晉人清談轉入翻譯釋典又轉入于唐人之復性實非此篇不能言之通徹。此筆也非文也更非古文也。將來姑收入續集而已。四月飭迤南道林紹龍、普洱鎮總兵懷唐阿帶領普洱、臨安二鎮官兵前赴他郎廳封私開之猛野鹽井并將猛野課程改歸入石膏井代完以廣官鹽。福案此案道光三年明制軍山因此并烟瘴出鹽無幾奏

明賞給該里夷人自煎自食年徵課銀由他郎廳徵解。後有武舉孫開先等私挖私運致礙石膏井官鹽銷路。且近于夷地邊夷淆雜亦慮不靖。封之患卽激事。不封日久更患大。於是決計封之。石膏井官鹽從此暢銷。五月廣西直隸州知州丁錫羣所管寧台廠額外多辦銅斤八十餘萬。照例奏請以知府陞用以示鼓勵。六月題奏滇省各井鹽務奏銷。滇鹽總在省中吏治澄清則井員不敢欺課井員不欺課則井丁不敢走私舞弊。惟在嚴飭該管官吏實心實



力辦理、自然上下肅清、官課充裕。今道光六年分奏銷於額徵鹽課銀二十六萬一千六百餘兩全完、及趙補從前墮欠外、且尙長餘銀幾及萬兩。以前額課多欠。八月、建立測水三石方柱成。福案三石柱上刻子丑寅卯辰巳午未申酉戌亥十二字、爲十二格。一立于東門外金牛寺、以驗盤龍江水利。一立于西門外大觀樓下、以驗滇池水利。一立昆陽州海口、以驗海口通塞、而知其消長尺寸。每年以節氣記之、以備比較蓄洩、極爲有據。二十八日、八弟在揚州生子。十

一月書到、大人錫名恩來。九月初六日、自雲南省城起身、出碧雞關、赴迤西閱兵。十九日、到大理府駐三日、閱看提標大理城守營官兵、并調考鶴麗、維西、永北、劍川四鎮協營。二十八日、到永昌府駐一日、閱看永昌協官兵并調考騰越、龍陵、順雲三鎮協營。十月初六日到趙州、調考普洱、威遠、景蒙三鎮協營官兵。十八日、回至省署。是月籌邊費一萬兩、招募獐獐三百戶、駐紮騰越廳屬邊界、給以香柏嶺一帶山地屯種、防禦野匪。福案、騰越處滇省



極西南之地、民苗雜居、尙爲安謐。惟其邊界有野人一種、終年在山巢居穴處、披樹葉茹毛飲血、性悍好鬥、言語不通、難施化教。往往當秋收時、入內界搶劫糧食、牲畜傷人、出沒無定、爲患已久。前已築礮防禦、尙有香柏嶺一帶空虛。保山等處另有一種邊夷名獠、獠歸土司管、以墾田射獵爲生、精于桑弩毒箭。野人雖悍而畏獠、獠因籌款飭騰越廳、在保山、瀘江外招募三百戶來騰越、予以口糧、處以棚廠、在邊界耕種山地、以爲捍衛。大人命試弩箭、果甚精、其準較

勝于尋常官兵之步箭，但遠力不及。

福案：此野人情情形有

類四川之越嵩山匪，今獐獐遷已十餘年，計孳長已千人，更堵絕矣。

南甸隴川

等土司帶領羅朗祁過盆渡蠻牙河邦哇瓦暮等二十餘寨野人來乞降，并獻木刻設誓。案：木刻乃木板，長尺許，板邊上刻缺口數十處，夷中無番字，以此爲憑，竟是上古契木之遺意。因是時騰越一帶野夷連年不靖，九月訛言總督帶兵親討，故野夷懼而乞降。木刻存騰越廳庫。十一月，大兄敬司

萬年吉地前段石工凡六年，至是告竣，保列一等，奉



旨議敘。補補案大兄辦工勤廉兼到八年大工事發大兄不呈吏議在部十餘年未兼捐納房十年假照案發亦不呈吏議截取未久即蒙恩出守。 十

二月回疆逆裔張格爾作亂開酌增常例。大
人爲福與弟祐捐納郎中以大臣之子理當納
貲也。

道光八年戊子六十五歲。

二月二十二日蒙

恩頒到

御書福字並奶餅乾果。是時大兄在京員外俸深

經戶部帶領引

見奉

旨、雲南司郎中著阮常生補授。欽此。是月、奏滇鹽溢銷長餘銀兩、懇請酌留以備邊費一摺。福案、滇省鹽政久積多弊、大人莅任以來、實力稽查、將弊蠹鹽務之員高崧雲等叅劾、復杜井竈走私之弊。以前數十年來鹽課每年無不缺課十餘萬、道光七年鹽課奏銷、不特正額全完、且有溢餘之銀至一萬五千兩之多。茲八年溢餘、又數倍于上年之數。大人云、此增出之課二十餘萬、若出之於民、豈非暗類加賦、實乃官



常上下肅清、及暢消加遠之故、民間食價如常。
 此誠至論也。摺畧云、竊照滇省政務以沿邊外
 最重、銅務、鹽務次之。惟各邊務事、件辦法防
 需費、如永昌、龍陵、騰越各處、禦逐野夷之練
 等費、每歲需銀幾二萬兩。思茅亦有應需之用。
 邊徼廣袤、夷獮紛居、蠻觸爭衅、又事所常有。
 恐內夷自衅、率動外夷、既不便煩勞軍旅、惟在
 邊員及早用力彈壓、就本處練丁相機查辦、所
 費或不過多。若空手從事、遲悞養衅、耗費轉鉅。
 卽如上年募獠、獠移駐騰越邊界、野夷較前畏
 歛、用費一萬餘兩。龍陵土司家室逞戈、率動野
 夷、文武前往緝辦、用費數千兩。永北土境川黔
 客民一千數百戶久留、難免生事、陸續咨送回
 籍、地方肅清、用費亦約數千兩。皆係設法湊墊
 供用。然事急費遲、往往不能應手、且亦難爲常
 法計。惟有將鹽法辦好、如有長餘、並可濟及邊
 防銅務。今鹽法已有起色、上年鹽課奏銷、不特
 正額全完、且溢出餘課一萬五六千兩。又自上

年至今更有溢餘、竟可比上年數倍之多。雖因出鹽較旺、行銷疎暢、亦由極力稽查、毫無漏卮之弊。邊費所需、不得不乘此長餘之時、爲綢繆之計。若卽于此內酌量撥濟邊需、實於地方大有裨益。仰懇准將溢餘銀兩、於每年奏銷時、以一半造收報部、一半存於藩庫、以備沿邊諸事之用。庶邊衅可冀隨時戢弭、卽遇事關重大、應行奏辦、得此籌貼、亦不致多糜正帑。如邊務用有餘積、則鹽務銅運中之所必需調劑者、亦得少爲酌給。仍於每年將所留溢餘銀數、動用款目、隨同奏銷、奉以歸覈實。

上諭阮元等奏滇鹽溢餘銀兩懇恩酌留以濟邊費一摺。滇省辦理邊務須費、向無閒款可支、遇有巡防彈壓事件、皆係隨時設法湊墊供用、往往不能應手。據該督等奏稱、該省有鹽務現在極力整理、大有起色、



上年鹽課奏銷、溢出餘課銀一萬五六千兩、覈計本年、竟可較上年溢餘數倍之多。請將此項銀兩酌撥量濟邊費、所辦甚好。嗣後酌於每年五月奏銷時、查明鹽課溢餘銀共有若干兩、不必限以定額、以一半造收報部、一半存於藩庫、以備沿邊諸事之用。並將所留銀數及動用款目、隨同奏銷造具清冊報部、以憑查覈。該部知道。欽此。三月初七日、查出謀刻石篆并寫造逆詞之匪犯、拏獲王士林、李映川等。大人一面嚴飭雲貴兩省所屬文武嚴拏餘黨、一面指示在省司道審訊辦理。四月、大

人以准陞開化府知府丁錫羣道光七年分所辦寧台銅廠除正額外多辦銅八十餘萬斤。查該員本有軍功花翎因事革職捐復原官奏請賞還花翎奉

旨准賞還。六月十一日蒙

恩賞到各種錠子藥一匣。七月初二日大人會

同巡撫伊公率在省司道審明叛逆兩案具奏。

摺畧云竊查滇省幅員遼濶內則壤接川黔外則界連陵緬屢飭清查保甲驅逐游民於三月間查有外來人托令石匠雕製盤龍石印當卽派撥弁兵於離省城四十里之花紅硐將其人王士林并石印搜獲并據開化鎮府稟報訪有李映川爲趙應隴寫造逆詞之事督率營弁將



李映川及戚登雲、梁應富等拏獲起出逆詞。內
 有「天運戊子二月合行大誅」等語。結英、雄、整、積、兵、
 丁、器、械、秋、後、約、明、信、到、即、行、等、語。復、經、添、委、文、
 武、前、往、緝、辦、趙、應、隴、一、犯、查、無、踪、跡、行、論、越、南、
 官、員、士、日、亦、搜、捕、無、獲。隨、飭、將、現、獲、各、犯、解、訊。
 王、士、林、是、湖、北、嘉、魚、縣、人、先、在、貴、州、古、州、地、方、
 入、伍、犯、事、革、退。道、光、七、年、二、月、雕、刻、木、印、托、言、
 扶、鸞、降、神、即、令、交、好、之、徐、教、向、程、尙、文、程、尙、志、
 吳、本、智、等、誘、騙、程、尙、文、等、皆、爲、信、服、拜、師。迨、被、
 訪、拏、即、以、異、日、須、在、越、南、得、志、囑、令、程、尙、文、等、
 湊、贈、盤、費、逃、至、雲、南、臨、安、徐、教、旋、亦、自、黔、尋、至、
 會、晤、王、士、林、因、見、三、國、志、演、義、所、載、孫、堅、得、獲、
 王、璽、起、意、仿、雕、石、璽、徑、赴、小、潮、惑、衆、盤、踞。即、于、
 八、年、二、月、至、省、覓、得、石、匠、李、盛、托、詞、挽、令、製、造、
 盤、龍、石、印、欲、刻、受、命、於、天、既、壽、永、昌、八、字。李、盛、
 雖、經、蒙、寫、心、生、疑、惑、即、向、生、員、李、宗、唐、告、知、首、
 報、致、被、獲、破。至、趙、應、隴、本、在、越、南、小、潮、爲、僧、素、
 無、文、理、好、爲、大、言。李、映、川、原、籍、四、川、亦、在、小、潮、
 教、書、與、趙、應、隴、認、識。趙、應、隴、旋、亦、還、俗。道、光、七、
 年、八、月、趙、應、隴、因、衆、人、見、其、兩、手、腕、有、藍、痣、託、

爲貴相遂自稱爲王者後裔欲自小潮糾惑獯夷拾爲巢穴閩至內地開化舉事向李映川密商李映川以先須傳示誥諭時爲糾約卽爲起就誥書一紙交與趙應隴備用時有楊仲林因趙應隴引爲同黨遂博脅曹老三等結拜入夥又護送趙應隴至開化伊戚梁應富家告以欲舉大事梁應富與工人王增科允從至入年正月間趙應隴復糾戚登雲及魯開盛榮等入夥并將逆詞邀李映川另寫因糾人無多轉回小潮當被開化文武訪查拏獲李映川等犯先後解省究明與王士林事係各起並非互有勾結將李映川楊仲林王士林各論如律

月、蒙

恩賜

御筆午門受俘禮成七言十二韻墨刻一卷 初十

日、奏請



陸見。是時秋徵糧米，屆時議改建新倉，並立以一
米易二穀之法。案滇省雲南府昆明縣所管
二倉，乃每年撥收附近各州縣額徵秋糧，以供
督撫兩標暨城守六營兵米之用。又除備三年
兵米之外，所餘之米留爲平糶賑卹之需。大
人因近年豐稔，民食充裕，無需賑糶，而二舊倉
皆在城外，臨滇池之濱，每當夏秋雨多，溼氣浸
蒸，滇米不堅易朽。且府縣每逢交代盤查之時，
必多折耗，以致賠累。若遇歲時豐歉不齊，偶需
賑糶，亦是紅朽，難濟民飢。夜閉城，城中無一石

之米。大人憶在粵時曾見舊倉中貯有數十年之穀、以海洋至溼之地尙且不朽、乃思以一米易二穀、穀質堅實、較米易藏、誠爲久貯無虞之計。且在民改米納穀、可省舂碾之勞、又免米粒挑換細碎之累、民情亦所樂從。大人遂與巡撫伊公及司道擇定于省城大西門內府署之西高燥隙地、特建新倉五十間、名曰太平倉。從此兵民兩便、官亦易於交收。若積穀數年、卽滿十萬石、誠省垣糧儲之善策也。九月初六日、自雲南省起程、赴貴州閱看全省營伍、兼迎



陸見摺。時 大人左足疾全愈、右足未愈。十八日抵安順府、閱提標兵三日、兼閱新演速戰抬礮陣。二十三日、至貴州省、看撫標城守各營陣伍。十月初七日、到鎮遠府。初八日、閱鎮遠、松桃各鎮協官兵。二十三日、接奉批摺、准入

覲。二十四日、委員齊總督關防回雲南省、交巡撫伊公里布兼署。大人卽於是日登舟。十二月十八日到京城。十九日陸見。二十三日、

賞紫禁城內騎馬。二十四日、又
命坐小椅轎以代馬。二十五日、
賜御筆出門見喜春帖子、同被
賜者惟軍機大臣暨 大人共六帖。二十七日、
乾清宮

面賜福壽字。 大人北面跪受。

御筆書畢、內監捧字從頂上過。二十八日、

賜荷包七個、內大對包爲黃繒、亦異數也。 時祐弟

自揚州到京效力、掣籤刑部、在湖廣司行走。

道光九年己丑、六十六歲。

正月初四日、

陛辭。大人此次在京共二十八日、蒙

恩召見十次。初八日出京。三月初八日、到貴州省、由黔西一帶赴威寧閱兵。二十四日、抵雲南昭通府、看鎮兵。四月初一日、適巡撫伊公委文武員弁齊總督關防到東川。大人即接篆任事、並看東川營兵一日。初七日、回至雲南省署。五月、大人以景東廳同知陳桐生接管寧台銅廠、在正額外多辦銅至百萬餘斤、奏請鼓勵、以爲通省廠員之勸、乃請



賞加知府銜。六月十二日蒙

恩賞到各種錠子藥一分。七月遵

旨派委員前往開化、在所屬之安平駐邊界緝獲陶

月三要犯及其妻子。并且在開化又續獲傳習

邪教夥犯韋洪周等名解省審訊。先是正月、四

川南川縣叛匪羅聲甫傳習邪教、糾眾滋事、拒

敵官兵。經官兵平獲、餘匪逃入貴州、貴州拏獲、

一案訊出其教傳自寓雲南開化之蜀人陶月

三。大人拏獲陶月三、會同巡撫伊公率同司

道分別審訊、定擬覆奏。摺畧云、陶月三籍隸四

川南川縣嘉慶十八年



陶月三帶同妻子至開化安平廳地方種地度日。至道光七年，因貧起意，將前學符水傳徒，歛錢取名爲一椀水教。傳與其子陶連子、表姪韋洪周及盛維義、張有祥等。八年七月間，有南川縣民韋紹賢赴開化，陶月三將符咒傳授韋紹賢。時雲南開化一帶查拏王士林、趙應龍兩案匪徒甚繁，韋紹賢恐致破獲，勸令陶月三與伊回至南川，傳徒糾搶滋事。陶月三未允，韋紹賢即自行回蜀。又傳多人起事。陶月三等論如律。福案當滇省查辦王士林等案時，并不知有陶月三之匪夥，但若非緊辦王士林等案，則兩案與陶月三合夥，韋紹賢亦必不回蜀起事。將在前案起事矣。

九月，奏辦永昌灣甸土夷焚搶滋事一案。摺畧云：永昌所屬灣甸應繼襲土司景慶長，因年未及歲，以伊本生父景祥撫孤堂叔景星護印代辦地方事務。景星擅權，與景祥齟齬。迨景慶長病故，景星不舉應襲之人，暗囑族人將其保舉，以致夷情不服。適族日景廷宣挾景星拘責家丁之嫌，乘隙構衅，糾率夷衆向

景星尋聞。景星亦集練抵禦。經永昌府訪聞。飭
拏將景廷宣獲解。并提景星赴郡質訊。時景星
手下練頭阿素疑景廷宣與景星尋衅。係景祥
主使。於道光八年六月。糾約舊夷日岩革波。愛
阿保等。并野匪多人。同赴灣甸。向景祥劫擄。聞
間。景祥聞風。帶眷先避。阿素等與野匪擁入景
祥家內。搶獲牛馬衣物。并將房屋放火焚燒。脅
衆退至更戛地方。未散。景祥報經該府飭調鎮
康目練前往捕逐。阿素等同野匪拒敵。被土練
格斃多名。阿素與岩革亦將鎮康土日才悶克
升。傷斃。野匪復將土練拒斃數名。續值派撥營
弁帶兵馳赴該匪等分竄邊外。截獲波愛并岩
革。阿保家口。嗣因阿素潛回猛糯地方。被灣甸
目練擒捕。格殺。岩革阿保逃在芒市野山。亦被
拏獲。解省審明。將岩革擬以斬梟。家口遷徙。阿
保實發極邊烟瘴。景星爭襲肇衅。亦擬充軍。均
同家口解配。景廷宣已故。免議。野匪畏逃邊外。毋庸窮追。

遣人進金葉表。因奉

十月。緬甸國王

天朝平定回疆、生俘首逆、恭進

皇太后徽號之詔、畏服歡喜而來賀。此爲向來緬王所無之事故、代奏進。十八日、自省起程赴開化

等鎮營閱兵。十一月十二日、回至省城、閱抬

礮速戰陣。案此礮陣、楊宮保遇春所練、丁亥

回疆軍營收平回部、賴此爲多。去年黔省余提

軍步雲製演。大人於今夏

陛見回滇、督率將弁造礮三百餘位、每位四十斤。

大人又令以五礮爲一連環、四兵管一礮。若以衝擊、甚捷而準。省城六十位、提鎮各邊營二百



餘位、令各鎮一同演練。大人於巡閱時親加演閱、茲回省、又閱省礮、洵邊疆制勝之軍實也。是時、福撰孝經義疏補成。福到滇後、大人命撰此書、兩年以來、已成清稿。大人夏間回滇、閱郊祀、宗祀之所補、斥皆陳言俗解、復指訓以爲孝經郊祀卽召誥之用、牲于郊、孝經宗祀卽洛誥之宗禮功宗。福又引證各經、復謂洛誥之文祖卽虞書之文祖、文祖卽明堂以證之。至是刊書爲十卷成。十二月、粵東將刻成。皇清經解寄到滇南。福案、是書大人於道光五



年在粵編輯開雕、六年夏移節來滇、廼囑糧道

夏觀察

修恕

接理其事、嚴厚民先生

杰

總司編

集。凡書之應刻與否、大半皆是郵筒商酌所定。

今越五年書成、計卷一千四百、自顧氏

安武以

下、計書一百八十餘種、其分三十函、板藏於粵

東省城學海堂中、刷印通行。

夏觀察序云、皇

本朝解經之書、以繼十三經注疏之刻、廼聚

自十三經注疏成、而唐宋解經諸家大義多括

于其中。此後李鼎祚書及宋元以來經解、則有

康熙時通志堂之刻。我大清開國以來、

御纂諸經爲之啟發、由此經學昌明、軼於前代。

有證注疏之疏失者、有發注疏所未發者、亦有

與古今人各執一說、以待後人折衷者。

如顧亭林、閻百詩、毛西河諸家之書、已收入國初

四庫全書。乾隆以來惠定宇、戴東原等書亦已
久行。宇內惟未能如通志堂總匯成書。久之恐
有散佚。道光初，宮保總督阮公立學海堂於嶺
南，以課士。士之願學者，苦不能備觀各書。於是
宮保盡出所藏，選其應刻者付之梓人，以惠士
林。委修恕總司其事。修恕爲屬官，且淑於公門
生門下，遂勉致力。宮保以六年夏移節滇黔，修
恕按勘，劄劄四載，始竣計書一百八十餘種。皮
板於學海堂側之文淵閣，以廣印行。不但嶺南
以此爲注疏後之大觀，實事求是，卽各省儒林
亦同此披覽，益見平實精詳矣。福案、本
朝學問皆實事求是，平實精詳，異乎空言高
論不求甚解者。此序未數言，乃大人所改。

甘泉受業羅士琳校

校記

①「等處」下當脫「閱」字。

②成額：年譜道光五年條作「成格」，當有一誤。

③械門：當作「械鬥」。

④「云」下原空一格，當有脫字。



雷塘庵

主弟子記 卷六

雷塘庵主弟子記卷七

男孔厚續編

道光十年庚寅六十七歲。

三月、龍陵廳芒市土司放承恩之夷人波岩剪作亂、經官兵辦定

奏結、文武請議叙。

摺畧云、永昌府龍陵廳屬芒市應襲土司放承恩、先因年幼、以堂叔放澤浩充爲代辦、管理地方事務。嗣放承恩年長、襲職、革退放澤浩、代辦放澤浩、仍行佔權、管事。道光七年、有頭人波岩剪與秤顯、猛挾嫌、互搶牛馬、放澤浩派練幫助將秤顯、猛打敗。土司放承恩、咎其專擅、將放澤浩、浩遷赴弄線地方安置、將波岩剪革去頭人、遞遞交遞、放土司收管。波岩剪旋又潛回芒市、因被革逐、欲圖報復、捏爲土司之母、放衍氏欲行謀害、放澤浩遣令波葉、秤烏、克針等向放澤浩告



知波岩剪旋於九年春間以土司母子辦事不
公。人心不服。糾聚夷衆。盤踞村寨。且糾引野匪
多人。在軒崗等處。山頭借爲聲勢。時出焚掠。報
經龍陵廳同知龍陵協副將具稟。酌撥兵練捕。
逐該廳協親赴芒市。曉示被脅夷民。速行解散。
督令弁兵及鄰封遮放土司。日練分路攻捕。波
岩剪率衆敗逃。追至景幸地方。戮斃夷匪多人。
波岩剪與有名夥黨良悶。肖着補及隨帶數匪。
衝出抵拒。均被兵練格殺。餘匪潰散。已盡。其軒
崗等處。山頭野匪。因兵練經臨驅逐。亦畏懼聲
威。全行竄回邊外。土境肅清。此案夷匪波岩剪
挾土司斥革之嫌。與良悶肖着補糾脅夷衆焚
搶。且招引野匪。抗拒兵練。情罪甚重。滇省辦理
此等夷匪。皆照謀叛律。問擬斬決。業經兵練格
殺。仍飭將各首級。梟示土境。以昭炯戒。土日放
澤浩雖未與波岩剪商同滋事。第土司已經襲
職。將該土日代辦革退。仍敢爭權。管理公事。並
擅行調練。攻圍以啟衅端。未便照土夷例。遷徙
本省。六百里外營縣。致有再通消息。播弄生事
之慮。應將該犯同家口一併僉發。隔省三千

外之貴州思南等府地方安插以杜後。波葉
秤烏於波岩剪糾衆之時先已逃歸。但聽從使
令以詎詞往告放澤浩貪賄釀餒亦未便容留
土境除波葉已故不議外應將秤烏卽照土蠻
犯軍流等罪同家口遷徙六百里外營縣安插
逸犯克針板猛等飭緝獲日究辦兵練口糧等
項費用無多已於滇鹽溢課內支發至芒市土
司地處極邊波岩所招野匪前已被驅全竄
邊外毋庸再行窮追已據該文武飭令土司在
於軒崗等處要隘添設夷練駐守以資防範所
有查辦之龍陵協副將邱奉岐龍陵廳同知岳
輝文於此事調度有方悉合機宜俾土境得以
靜謐署龍陵協中軍都司事准陞鶴麗鎮右營
都司馬錦標帶領兵練辦理得宜可否均請交
部議敘以勵微勞之處出自
聖恩皆奉
諭准行

九月准越南國王阮福映咨稱內地知縣擅拏

外域夷目、委查并非彼境、仍係彼國欲罩佔內
境之故、智、隨即奏

聞奉

諭、一切准行、照會該國王。該國王理屈詞窮、寢息矣。
大人另密奏云、此地夷練數千、勇而耐瘴、若被
彼罩佔、則此練爲彼所有、所以不得不與辨。
照會云、

大朝

太子少保、兵部尙書兼都察院右都御史、總督
雲貴等處地方、阮照會越南國王、接據貴國咨
呈、內稱、據興化鎮日中叙、昭晉州豐收屯隊長
刁國、轉之妻羅氏、馳報、道光七年十二月十一
日、見內地兵丁云、胡阿爺被刦殺斃、氏夫用情
不拏、致胡阿秀投控、建水縣衙、派來拏縛、立時
解去。又道、道光九年正月、伊州人刁允安家有內
地兵丁、通稱緝犯。該鎮日派萊州隊長刁政、定
往昭晉協同刁永興、權守該屯。念此一面之議、



儒藏

未足准信。嗣於本年閏四月該鎮申敘訪得刁國麟在建水縣衙獄所於正月該鎮申敘又隊長琴因錦拏獲逃犯有內地人張天才與馬小二等各執器械嚇索琴因錦錢財已拏獲馬小二等八名現飭興化鎮監禁。又該鎮申叙刁政定、刁永典收平盧豐收二屯稅銀得土銀四百餘兩。本年四月初四日見內地兵丁百人擲札一通將刁永典刁政定鎖拏搜取器械財物稅銀并械捉手下之名舜、名莫、名道、名鬚等入而去。祈飭下建水縣衙即將拏去之刁政定、刁永典并名舜等人及器械財物稅銀各項交回。其該縣衙不行移報輒將刁國麟捉監致死與擅派軍人出境生事亦惟按款查辦。並祈飭下各府縣州之毗連界地嚴戢兵民毋許私越。倘經一番嚴飭猶復逾越境界卽仰欽成憲不敢鬆放。曲徇等因。本督部堂撫部院披閱之下殊爲詫異。查該國疆圍雖與內地府廳縣邊境毗連但中外界限處處判然所有臨安府屬建水縣所管之猛梭猛賴等處隸入

天朝板圖已一百數十年。每猛設立十舍掌寨管屬



土衆、年納籽種糧銀。如遇土舍事故、報縣承襲。冊籍具存。若遇案件、應差人役往來查辦。道光七年八月、有猛梭土民刀倫與廣東客民胡青梯爭買山地、糾約僮才等將胡青梯毆死。胡青梯之妻告知夫姪胡源標報經建水縣驗屍。出票緝獲各犯、將刀倫問罪監禁。刀倫旋於道光九年十二月病故。此係土境人命、例應內地審辦。原案本無刁國麟之名、猛梭並不知名。爲昭晉州刀倫亦未充過該國隊長。又查刀文安係猛梭應襲土職、刀治定係猛賴掌寨之弟、刀允典係文安堂叔。今文內稱刀允安或係刀治定、文安但不知有昭晉地名。刁政定或係刀治定、刁永興或係鎮日收稅之事。因上年九月內刀治定約同刀允典、莫老三等隨帶多人赴刀文安土官家內霸住、強索田地、勒派供應。刀文安於本年二月赴建水縣具告、該縣派差并委鄰封掌塞帶練丁百名、將刀治定、刀允典、莫老三、阿福等四人拏獲。於四月內解縣、刀治定帶有土銀一百二十兩、金錫一隻、於被拏時遺失、亦

訴請究追。該縣因飭查無獲。據三猛頭人公議。情願代賠。至其田地。仍歸刀文安管理。刀治定等不得再向滋擾。具結求息。復經委員訊明。無異。將刀治定等發回猛賴交掌寨管束在案。此又係刀治定等同族評訟。提拏斷結。原委俱與該國毫無干涉。建水縣何須移報。與化鎮日且亦何故發交該國。殊不可解。是該國所云之照。管萊州。恐另有其地。所云之刀國。麟刁政定。刁永典。姓名不同。亦另有其人。內地皆不能知。未可以內地之人之地之事混爲該國之人之地。之。事也。又琴因錦係在何處緝犯。如何被張天才。馬小二等嚇索財物。內地亦不知此情節。如果馬小二等八人均係漢民。現爲興化鎮日所獲。則應將情節聲明。照例解送內地究辦。庶免在彼復滋事端。至建水兵練差役赴猛梭。猛賴等處往來查事。提人係其本管土境。並非該國之地。不得謂之出邊。又如猛丁猛喇等處鄰近南掌。更與該國無涉矣。本督部堂溯查從前該國屢有查界之請。如乾隆四十六七等年前。藩黎維祁妄以游民混越。咨請申畫。昭晉廣陵萊



天朝

州疆界當經前督部堂以六猛坐落內地、界址甚明、本無不清、何庸申畫。如果、有漢民出邊、無難拏送內地。隨將內隸之猛梭、猛賴、猛喇、猛丁、猛蚌、猛弄、六猛地名、渡口、開寫清單、照會該藩、遵悉有案。嗣乾隆五十七年前、藩阮光平、又混以嵩陵、萊州等州、從前黃綠、內附、爲詞、山、粵、西、投遞表章、懇請清理、興化鎮界址、經廣西、關吏、以所請冒昧、直將表文、咨呈、嚴行駁回、致書該國王、有案。迨至嘉慶十年、該國興化鎮日、欲令六猛掌寨、土舍外附、經內地文武查知、嚴飭、因係鎮日、無知、事亦未成。復經照會該國、約束、鎮日、毋得越犯、亦在案。是此猛賴、猛梭等處、久爲內地、屢次明白、飭會該國、不爲不詳。黎維祜、阮光平、皆理屈詞窮、不能再有辨瀆。該國承黎氏前阮之後、圖籍舊案、或未稽考。然自嘉慶十一年、丙寅正月、照會該國、以後、該國固已自知、其謬、迄今二十餘載、遵守舊規、亦無干瀆。今此次來文、隱躍其詞、仍係藉以昭晉、萊州爲名、欲圖裏混、地界殊不知猛梭、猛賴、前次安南、黎阮二藩、向十年來、疆域本極分明。前次安南、黎阮二藩、向

不能言之得理少遂其覬覦土境之計何況該國得國於前阮之手只宜就所得於安南之地上保安恪守豈可隔越兩姓憑虛屢混該國恭順有素遙揆何致有此逾分之言及細閱文內則皆係疊據與化鎮日申叙之詞可見全係該鎮目等復萌故智有心播弄在該國王仰蒙

天朝厚德錫以國名

賜履南服定知恪遵侯度絕無覬覦之心自因該鎮日

等一面浮詞遂致有咨查內地之舉是以本督

部堂未卽

奏明特將前後緣由及該國措詞不合之處逐層

指駁先行照會貴國王查照俾知詳細務卽稽

查舊案嚴束鎮日仍遵舊規不得再以無據浮

言妄指地名攙越滋衅率意咨呈致失該國恭

順之素志有負

大皇帝懷柔之重恩除一面飭令臨安鎮府行文興

化鎮日遵照倘該日等藉端冒混使令軍役越

入猛梭等處滋事內地亦必飭各土司及不預

猛日加以兵練查拏不少寬縱勿謂言之不預

滇池雲遠、桂海春回、遙惟貴國王政體兼和、保綏安善。須至照會者。

七月十四日、大兄生弟五子恩喜。

十月十三日、自省起程赴迤西大理府等處閱兵。十一月二十三日、回省具奏。又奏、騰越邊界、道光七年招募獐獐駐居開墾、防堵邊外野夷、於鹽溢項下支用各費。野夷頗爲斂跡。再請借款置田裕食一摺。奉

上諭、阮元等奏、騰越邊界原駐獐獐夷練、應行置田裕食、請借款籌辦一摺。滇省騰越邊界、向設獐獐夷練三百七十戶、分駐香栢嶺等處、以防野匪、較



爲得力。據該督等查明該夷練墾種山地、不敷食用、每年另給鹽糧、常川籌發、不免糜費。懇請借款置田、以裕口食。著照所請、准其於司庫備邊項下先行借動銀二萬兩、飭發該府廳購置田畝、分別撥種招佃。俟田畝置齊、卽行停止。鹽糧所借之銀、卽由本省捐廉分限歸補完欸、毋許懸宕。此項旣歸捐補、並着免其造銷。該部知道。欽此。

十月、大兄奉

旨、阮常生補授直隸永平府知府。具摺謝恩。

道光十一年辛卯六十八歲。

正月初十日、省會五色雲見、自辰至巳。次日又見。二月、五兄福由滇起程回揚州、由揚州入京、分部學習、籤掣戶部、在河南司行走。

四月、署西建小臺成、名之曰碧雞臺、作記。

記曰、雲貴總督駐滇池之上、節院寬敞、東有宜國、古木時花、爲城中勝境。登東北山臺、已見金山、馬諸山、松嵐疊翠矣。而滇池北渚及碧雞諸山、皆在西南、不能見也。昔署西南有高樓、登之可以望西南樓、久圯。道光六年、余初到滇、子福構木臺以復其境。今四年矣、木漸朽、遂徹之而遷其臺于署西北隅、廢圃澹泉西南、七丈許。臺以七千土、壑疊成之、縱橫上下、皆一丈三尺、工樸用省、成之甚易。臺腹以梯旋而上、臺上又立四壁、爲八尺之瓦屋、寬其西南窗、使全攬碧雞玉



案諸山之勝。遠眺滇池。近挹華浦。碧雞關戍。如在几案。太華諸寺。隱現于華山之麓。朝霞暮靄。風雲變幻。般雷快雪。凍雨皓月。皆可於臺上收之。房帷往來耕犢出入。春稼秋穫。星回火節。亦皆可於臺上遇之。臺成。招募中賓客落之。議所以爲臺之名。昔李贊皇帥蜀。建籌邊樓。而邊壘一新。然其時滇境非其所有。土番內侵。維州偶降。復陷。衆戮。豈若我大清德威外薄。凡韋忠武李贊皇所焦思竭力遠阻近逼之地。今皆宴然爲郡縣。西南外夷如緬甸南掌交趾。皆奉表入貢。攸服奔走。余以衰老腐儒。奉

使持節坐鎮之。而不必有所更張設施。惟以崇尚德威。休養民生。爲事。所以政簡身閑。得與賓客登臺。興復不淺也。又安用侈其名而矜之乎。則名之曰碧雞臺可已。

八月初八。孔厚生女恩桂。九月二十九。大兄生女恩紳。十月十八。孔厚妾殷氏生子恩高。

道光十二年壬辰六十九歲。



二月、庶母唐安人以病卒于滇署。

安人長洲人
年四十五、無

出叔兄祐
請封安人。

三月、大兄因直隸總督琦侯奏、陞清河道。奉

上諭、直隸清河道員缺、准其以阮常生陞署。具摺謝
恩。

四月、大兄經直督琦侯奏請、兼署保定府事。

是年夏、湖南永州徭人趙金隴作亂、衆萬人、提

督海凌阿陣亡出缺。奉驛遞

諭旨、貴州提督余步雲調補湖南提督、選帶貴州兵
一千、馳赴湖南勦辦徭匪。

又奉

諭旨、以雲南副將曾勝爲湖南總兵、馳往湖南隨剿。

因曾勝甫經保舉、堪勝總兵、

召見回滇、卽蒙

特簡。大人卽日令曾勝交印、馳往湖南。又札商余

提督、派定將弁等挑帶精兵、擡砲、刻日馳往湖南、會同湖北提督羅思舉兩湖兵、隨總督盧公坤進剿。賊敗、聚于羊泉鎮、楚黔官兵極力用擡砲攻打、羊泉破、皆殲之。曾勝又隨

欽差大臣禧公恩入粵。時廣東連山瑤人又作亂、總



督進兵失利。禧公至，督令曾勝等痛加勦擊，賊大傷敗乞降。是役也，曾勝料敵情，審地利而後登高力戰，痛勦，功爲第一。旋

賞騎都尉世職，卽陞廣東提督。

十七年卒于任，謚勤勇。曾勝由廣西都司

經大人連次保陞遊叅，又保舉陞副將總兵，前在川楚身經百戰。

六月十六日，孔厚自揚州起程，到滇省署。

七月，南掌國王召蟒塔度騰遣使日恭齋表文貢物到關，投夷字文書，譯出內開：本年屆應例貢之期，貢馴象四隻及象牙、犀角、綢疋等物。本年正月間起程，因暹羅部落之戛于腊與緬甸

構衅、貢須由校南島地方過、路梗以致遲滯、俟兩國解散、卽於五月抵關等語。奏請

旨、奉

諭、准其入貢、于封印前抵京。

九月十七日、奉

上諭、阮元著協辦大學士、仍留雲貴總督之任。欽此。

隨具奏謝

恩、并請入京

陛見、將總督印務交撫臣伊里布署理。

閏九月十三日、母親挈孔厚婦彭子恩來、恩高、

女恩桂到滇署。七月二十四日由揚起程。

十月初一日、奏起程查閱迤東開化等處營伍。本月回省。

十二月、奉到

硃批、著來京陛見、伊里布暫護督篆可也。卽於十六日交印起程。

十二月二十八日、吾母孔夫人因病故於雲

南督署內寢。不孝孔厚率來、高兩孫哀舉殯禮。

行狀云、先妣

誥封一品夫人、乃

孔子七十三代長孫女、諱璐

華、族姪廕曾填諱。昭字輩衍聖公之孫女、憲字輩封衍聖公之女。



儒藏

高宗純皇帝巡幸闕里。先妣年幼隨祖母程太公夫人跪迓。宮與蒙駐輿問年齒且攜手。賜官花一朵。乾隆五十八九年間家大人以詹事任山東學政時憲字輩衍聖公薨無子以胞弟之子繼襲為慶字輩公。衍聖公。宮保畢秋帆先生時任山東巡撫與先祖素有交謂先祖曰吾之女可配衍聖公公為媒。衍聖公之本生胞姊可配公之子吾為媒遂同締姻。乾隆六十年家大人以內閣學士兼禮部侍郎調任浙江學政嘉慶初年夏封公暨封公夫人送先妣來杭州成昏禮。禮儀與服隆於一時。然以詩文賀者有壓奩只用十三經之句。非先妣不能當此。先妣事先祖最孝。先祖愛視若女與家大人相敬如賓。閨中和惠理家政持大端動引闕里禮法。即如居先祖喪常以衰服宿雷塘墓廬稻草土坯之中。葬後黑布服三年不用黑帛。有言其太過者則曰吾闕里尚皆白布不用黑布。今黑猶從俗也。揚州舊城白瓦巷有泰山聖母生誕家大人之舊宅。先妣改此宅為海



岱庵奉 泰山聖母 觀音、天后三
龕且設 祖妣林太夫人龕於庵中、朔望必詣
拜焉。先妣前數十年皆在官任、兩歸闕里、再
入京師。道光六年、家大人由兩廣總督調任
雲貴、先妣曰、家鄉祠墓、厚兒娶婦、尚未祭謁。
且欲回闕里省外祖母、袁大公公夫人故、攜孔厚
夫婦歸揚州、親奉蘋蘩、又兩歸闕里、拜墓省親。
九年、欲來滇、未果、寄詩與家大人、言路遠難
來之故。十二年秋、始攜子孫來雲南。先妣體
素弱、易病、貴州途次、感瘧疾、到滇、署與家大
人相見、方甚歡慰、瘧亦止、愈惟脾弱、食減。家大
人在宜園置酒、先妣乘小輿遊覽各亭館。
花竹、且至萊園、曰、園中各祠廟、俟吾健、再拜耳。
先是、家大人以拜協辦大學士之
命、請 入京、 陛謝。十二月初、奏回 允觀、先
妣以方聚、又離、意頗愴然、然勉促治裝。家大
人北行、後、竟卧不能起、病日重、而食愈少、遽以
十、二月二十八日長逝、得年五十有六。嗚呼哀
哉。逝之日、神明不昏。孔厚偕孫恩來、恩高皆侍
榻前、諭曰、死生有命、我一生榮貴如此、子孫

亦多尚復何憾。惟憐兩兄弟等皆丁憂，我亦顧
不得矣。爾等當勤讀書，孝於父祖。我有幾句詩，
取紙筆來寫。及伸紙，則語音不清，氣漸微，不能
寫矣。嗚呼哀哉！論者謂閨秀能詩，禮者難得，福
命若人，阮孔夫人本為海內第一門望，又為宰
相夫人，經史滿樓，子孫繞膝，閨閣中第一人矣。
慶初年九歲，二品廕生。娶寶應劉氏，生五子，恩
海、恩洪、恩思、浩、恩疇、恩喜。次福，辛酉生，戶部郎中。
娶德清許氏，生恩光、恩山。次祐，甲子生，刑部郎
中。娶嘉興錢氏，次孔厚、乙丑生，以嫡子為道光
初年一品廕生。娶長洲彭氏，生恩來、恩高。二女，
第六者名安，適江都張氏，早卒。第九名正，與祐
同庶生，適平湖吳氏，大兄官清河道，在任聞
先妣訃，既哀毀，又感時症，誤於醫藥，卒於任所。
命典：春闈撒棘後，聞兩喪，慟悼之至。及回滇，撫棺慟
哭。日，朱棺不能久於滇，乃歸殯於北湖。先妣
江夫人墓祠。能先妣幼習詩禮，能詩文，所著有
唐宋舊經樓詩六卷，已付刻。門生姚文信公修



儒藏

雷塘庵主弟子記 卷七

安

揚州府志曾載入志中故號經樓夫人。居粵以
 後又有詩數卷。家大人曰汝母詩紀事有餘
 而警鍊未足。老年詩多率意不必再刻矣。然稿
 中有可見賢孝大體非徒吟咏者。福等今敬錄
 十九首。先妣讀史有識有雜文十數篇今亦
 錄項羽論金日磾論等四篇。先妣在粵有五
 十初度自序一篇篇末云是日門庭寂然室內
 怡然外無酒醴陳送之勞內無音樂歡呼之客。
 願從此安享餘年子孫福壽長昌事
 親皆一體也復何言哉。今哭讀此文餘年等句
 誰知竟成壽不逾六十之議語乎。嗚呼哀哉哀
 子福祜孔厚敬述。

君事

道光十三年癸巳年七十歲。

男祜續編

二月大兄經直督琦侯奏請兼署直隸按察使司。
 二月末抵京。三月初一日到園請

召見面謝

恩。軍機大臣傳

旨。賞七十壽辰

御筆亮功錫祐四字扁、黃絹

御書福壽字各一方、塗金佛象一尊、嵌玉如意一柄、

蜜蠟朝珠一盤、陳設十件

雕蓋玉香鑪一件、玉

一件、玉山子一件、塗金獅子香鑪一件、玉匙筋瓶

一件、成化養確一件、竹根麻姑一件、畫琉璃筆

筒一件、紅花

一件、絳絲蟒袍一件、大卷江綢四疋、

小卷江綢八疋。卽在

內廷叩頭祇領。初二日、具摺謝



儒藏

雷塘庵主弟子記 卷七

恩。計自四十歲生辰一日之隱在海塘工次、五十歲在寶應催漕舟次、六十歲在粵撫署竹園、是年正月二十日在湖南舟次。至是時公卿門生來賀，不能隱矣。初二、三、四皆蒙

召見，初六日早奉

諭，充會試副總裁，入闈。

四月初十日，發榜出闈，得士許楣、朱其榮、周其慤、胡正仁、陳文燾、陰豐潤、蘇時訥、王兆松、史佩瑋、杜寶辰、曹履泰、王蘭新、端木國瑚、王景銘、安詩、李維藩、盧琳、譚廷襄、魏玉峯、蔡宗茂、黃贊湯、周有簠、張集鑑、德齡、許榘、童翬、邵宗渭、福暉、王清選、蔣鍾麒、袁鍾慧、童正官、王積順、張鏡淳、吳

守仁、張樹木、金樹木、羅象晨、吳世驥、談素勲、郭維鍵、夏廷桀、蕭騰漢、吳煒、葉覲儀、徐卓、福濟、陳宗元、宋載賡、許謹身、胡嵩年、徐文耀、春熙、張齡、劉文典、張邦佐、王芳、蔣元溥、黃廷璠、楊寶樹、康孔昭、詹璈、董作梅、武新亨、徐耀、黃鍾音、吳保臨、陶春元、吳開陽、孔昭然、徐寶森、毓科、吳頡、鴻、李步瀛、李恩慶、鄧爾恒、裘寶鏞、蔣瑾、黃懋祺、韓椿、翟維善、姚憲曾、邱景湘、韓曜、司徒煦、溫予異、洪玉珩、徐起宇、鄒新照、汪培基、方大淳、楊開會、姚承恩、車瀛、章業、舒鈞、高振洛、戴鴻恩、劉潛之、陳



芝齡、左喬林、劉用賓、何森林、宋延春、楊文定、存
葆、程葆、王鼎彝、葉式曾、朱士廉、董平章、蘇蘭第、
陳光緒、朱憲曾、何元杰、袁銘泰、許本鏞、謝克一、
沈映鈴、孟毓蘭、蘇元弢、廣專、文秀、唐金榜、陳應
聘、王黻、林廷禧、鄭輝堂、馬逢臯、孟毓勲、李汝璿、
郭樟、林上砥、張熙宇、蕭良城、康象書、博廸、蘇朱、
麗宣、王汝和、施壽椿、蔣士麒、恩霖、唐金釗、郎盼、
杜錫衍、楊培、沈秉荃、吳士俊、彭元海、王王、何家
駒、葉儁昌、雷五福、廖惟勲、周瑞圖、施介曾、曾克
敬、孔繼勲、萬應新、汪鳴相、唐簡、王丕顯、戴齊松、

李鈞、車克慎、金黃裳、李翰昌、李烈文、王麟瑞、陳
鎔、朱允惇、華廷標、盧贊、虞文在、瀛封、躬福、昌阿、
王錫九、盧同伯、黎光曙、費公彥、德齡、唐潮、高樞、
王樹滋、黃慶昌、劉潯、楊蔚春、李樾、桂超萬、王槐、
彭作籍、雷崙、楊松磐、吳湘、范鏞、杜浣、王恩需、吳
林光、溫廷獻、劉體舒、焦友麟、花讌春、史策先、曹
銜達、張鵬翼、張崇恪、童輔、喬邦憲、張炳、孔昭慈、
黃炳光、王鳳翥、高步蟾、王紹曾、陳景良、舒鼎、徐
清、汪元方、張涵、晏承仲、張寅、樊椿等二百二十
二名、宗室保清、崇文、英瑞三名。是日回宅、驚

悉 母親滇省哀音、又悉保定大兄三月二十七日病故於道署之音、傷慟不可言狀。又以行當

陛辭、不敢告假。

召見、面陳兩喪、蒙

面諭曰、爾夫人自然也、年老、尙是人家常事。惟爾子可惜、他是个材料。隨蒙

諭仍回雲貴總督之任。十七日叩辭、白衣冠、於四月二十二日出京。時長途盛暑、大人神傷貌瘁。祜請隨行赴滇、祜婦錢亦請隨行、遂同就道。過



保定見大嫂恩海等哭住一日料理柩眷回揚之事。次日長行行次襄陽漢江大水水路到常德因沅江夏水亦發且逆水天暑改由陸路十六站於六月二十日入貴州到鎮遠府看鎮遠鎮兵次第看貴陽安順等處兵入滇。七月接印後將出貴州西境雲南紛紛稟報七月二十二日地震自省城南至臨安開化十數州縣同時被災壓斃男婦大小口數千人房屋坍塌數萬間。大人迅馳回滇撫軍先已委員分頭撫卹查辦斃者復會同賞卹房屋照例給與修費。



露處者搭篷居住。動用銀十數萬兩。卽在井鹽
溢課歸半項下動用。不足者官捐。紳商富戶亦
行善湊捐。奏請議敘。各官署自爲捐修壇廟。動
用官項。滇省老人言。滇省雖易地動。然數十年
無此重災。所幸賑卹不遲。而且實惠。田稻無損。
卽速豐收。尙可補救耳。

八月。緬甸蠻暮到關。稱該國王子孟旣遣正副貢
使。敬關呈金葉表文。稱今年應貢。伊國中蒙
大皇帝福。風調雨順。夷民安業。謹備金葉表文一道。
長壽佛三尊。馴象四隻。及土產各物。卽由驛奏

聞奉。

旨著照例入貢。是時普洱府思茅廳所屬車里土司宣慰司刀繩武首先集練數千往江外攻其叔土舍刀太康被拒互鬪敗回在內地跋扈滋事。冬春節次辦定具奏詳見後摺。又是時開化廣南邊外越南土目農文雲叛其本國殺官侵地沿邊防堵直至十五年四月始竣事詳見後摺。

十一月季弟孔厚扶先妣朱棺到揚州厝北湖樓下。

道光十四年甲午年七十一歲。

正月十六日出省閱迤西之大理等處官兵。二月末回署。

三月初六日，祜婦錢宜人以癰疹病醫無效，卒於滇署。

四月初六日，奏已革車里土司遠逃未獲，地方安靜，撤回兵練。另擇襲職以靖邊圉。皆奉

旨行。初，車里土司刀繩武生甫數月，其父刀太和卽死。繩武襲職，其叔刀太康撫孤代辦多年，教繩武讀書娶婦，將印務全交與繩武，而自退於



備藏

江外爲土舍分守數猛之地。太康去後，繩武聽
譏，謂其叔欲謀奪土司害姪。太康言：我於彼祿
祿時，醫藥撫養，不於此時謀奪而謀奪於交印
後耶？繩武和於南掌國，南掌與暹羅一氣。戛于
臘者，小部落，又名三撮毛，最悍野，敢戰，叛於緬
甸而歸於暹羅。緬與戛暹相仇，常與戛戰，戰則
必經車里，流言繩武唆戛緬甸，邀繩武出證，真
假遂於會處擄繩武入緬數年。騰越同知胡啟
榮囑內地商人之貿于緬者，曉緬曰：繩武唆戛
無據，留之理不直，且此事尙未奏。

聞再遲不能不奏。若興師問罪、爾何苦爲一匹夫而失恭順於

天朝。於是緬王送繩武交胡同知入關到省。時總督長公相文襄公欲革之、另襲胡丞固求免革、居之於思茅廳、并令與其叔永相和睦、具結完案。乃繩武聽漢奸之唆、仇叔不已、於十三年詭出思茅城、集練數千、逕往江外攻叔。渡江後遇叔練闕敗而歸、繩武僞豎綠營旗幟。其叔過江、見旗卽退去、繩武不向城、復唆使被闕之民數千、乞食於官、欲官助之以兵、以殺其叔。官不允助、



遂自擁練再閔再敗。敗後復招黑獺狷子各夷人爲助。給以頂戴。糧用不足。則刼往來鹽棉客。貨得錢。放行以爲食。自行教操。違者已斬多人。伊撫軍署督印。諭招其散練歸休。不同稟。不聽招。遂奏叅革之。且奉

旨不許助兵。時胡啟榮已任南道。自以爲恩人。單輿往諭。以爲必感恩聽諭矣。乃繩武自出跪迎。而隨練千人。鎗刀夾道林立。以耀其武。終不能交一言而散。守備佐雜之往諭者。坐之帳房之中。以小故立斬一馬夫。獻首級於官前。以赫脅之。



卒不覆稟。八月，大人返滇，復以印諭諭之，仍
 不聽不歸，其意竟并官亦不懼，跋扈之象已成。
 大人乃決計，嚴檄鎮道邱鳳岐等進兵捕之。
 乃擡砲過山一鳴，斃其前鋒猜夷，餘皆潰散竄
 走。繩武札三營三卡，聞頭卡破，卽先自騎馬帶
 印逃矣。大人預諭，不許遠追殺散逃之人。十
 四年春，奏以太康之子繼爲太和之子襲職。其
 詳見後兩摺中。摺畧云：竊照思茅車里土司刀
 繩武輕聽奸徒播弄，屢次集練，
 先向伊叔土舍刀太康開闢，抗不遵諭解息，甚
 至脅官求兵，偏助縱夷，激賊內地，被其騷動，謬
 妄不職。當經
 奏明將刀繩武土職褫革，如其知悔來投，按其情

諭旨

節酌辦。嗣因刀繩武仍不知悔，帶其隨練，復糾
裸夷多人，據山札卡，再向招諭，仍不解散，自投。
經該鎮道斥退，裸夷派令弁兵攻捕，刀繩武卡
破練潰，帶印遠逃。又經奏奉
飭令鎮道委員追踪緝拿，在案。臣等因該處擾
亂雖息，民夷多有流離，並令妥為撫輯，再行次
第酌撤防兵。其所遺車里土職亦連查合例之
人承襲去後，剛據普洱鎮印鳳岐迤南道胡啟
榮委員林樹恒、錫麟等稟稱：刀繩武携印不繳，
於潛逃後向沿邊奔竄，分飭兵練追拏，截獲附
從漢奸王瀛等數人，刀繩武仍無下落，邊地荒
曠，自已遠逃邊外，竄亡之餘，已不能再滋事端。
不值令兵練深入外域窮追，其所携士印亦難
保無失落。且以已革通逃之人，即使執此廢印，
亦屬無用。現在責令沿邊隘日留心偵查去路，
密為購緝，並諭外域近邊土目，如有逃入，即行
拿送，另行稟報辦理。至土舍刀太康本有分管
之地，刀繩武聽讒猜忌，因與齟齬。前此互鬪之
後，刀太康遵諭解息，撤練退回，乃刀繩武結衅
不休，頻結裸夷，漫入內境，騷動地方，自加調防。



兵震以威勢。并於捕拏。刀繩武時。先行斥散。猥
 夷始就安貼。現查所散。猥夷皆已歸其邊。外原
 住山巢。被脅及逃亡。夷民分別招徠安撫。亦皆
 復業。料理春耕。除酌留本處防練外。將先調之
 目練及弁兵一千數百名。并續調之官兵千餘
 名。於正二月分起撤回。所遺車里士司世職查
 定例。土官緣事革職。提問。不准親于承襲。另擇
 本支叔伯兄弟及兄弟之子。繼襲。今刀繩武負
 罪。帶印遠逃。其子例應停襲。以杜後衅。當卽諭
 飭車里所屬十三版猛各土弁人等。秉公選舉。
 查明刀繩武並無兄弟。兄親支惟其祖刀士宛生
 其父刀太和與其叔刀太康二人。太和太康係
 嫡親兄弟。止此兩支。此外遠支稀疎。亦多事故
 無人可襲。刀太康現有二子。公議以親支土舍
 刀太康長子刀正綜年已及歲。繼與刀太和爲
 嗣。襲職。且同是刀士宛之親孫。夷衆各皆悅服。
 無不踴躍。各具保結。自應卽以刀正綜繼襲。俾
 刀士宛刀太和之世系不絕。而土境亦有責成。
 照例將宗圖開結呈報。至刀繩武家口。未便留
 存邊地。已與續獲漢奸分起解省。聽候照例查

辦等情。前來臣等查已革土職刀繩武既因遠
逸邊外追緝未獲自不值令兵練深入窮追轉
涉紛擾。該鎮道等已責令沿邊隘目偵查密緝
并諭外域近邊土目拏送俟有無弋獲另行核
辦。現在裸夷散盡歸巢土夷各皆復業歸耕兵
練撤回內地甚為平靜。所遺土職應即舉定以
資撫馭。從前乾隆年間土司刀維屏棄職帶印
潛逃復經投回監繫其遺職以刀維屏之弟刀
士宛承襲改頒印篆。刀士宛即刀繩武之祖。今
刀繩武始而尚係同室操戈迨後勾結要挾騷
動內地於革後猶復帶印竄逃與刀維屏無異。
則其家屬例應遷徙安插其子不准再襲實為
罪所應得。茲經鎮道等飭據十三版猛土弁公
議以士舍刀太康之長子刀正綜繼與刀太和
為副襲職夷眾悅服土境亦有責成。是揆之定
例既屬相符察之輿情亦皆允洽。臣等另行照
例具

題

其銅印并請由部另頒以重職守。至車里極邊
荒遠處處與緬甸南掌及暹羅戛于騰接壤土
司新襲仍令鎮道督飭該應襲土司暨土舍刀



奏奉

太康各猛士弁等同心協力辦理永靖邊藩不
得稍有貽誤致干罪戾所有前調兵練應需鹽
糧及撫恤等項均係於滇鹽溢課留備本省邊
用項下照案支用毋庸另行動欸除刀繩武家
屬應徙之地並附唆之漢奸等犯確審定擬另
辦外臣等謹恭摺具

上諭阮元等奏查辦思茅土職滋事始末情形撤回
兵練並已革土職遠逃未獲另擇承襲一摺雲南
思茅廳所屬已革車里土司刀繩武因輕聽奸徒
播弄屢次集練向其叔土舍刀太康閭閻諭令解
息藐抗不遵甚至脅官求助縱夷激衅謬妄不職
前據該督等奏明業降旨將刀繩武土職號革嗣
因其不知悔罪仍復勾結保夷始終抗玩經內地
派弁兵攻捕卡破練散帶印潛逃是刀繩武先之
同室操戈猶為可恕後之糾結外夷脅官跋扈騷
動內地實屬罪無可追現據該督等飭令該鎮道
委員分飭兵練追踪緝拿諒已革土司遠逃邊外
不能再滋事端自不值令兵深入窮追祇須責令
沿邊隘日留心偵查去路密為購緝並諭外域近

邊土目如逃入卽行拿送內地治罪。其附合刀繩
武之漢奸夷妖幫唆肇衅情殊可惡。雖據截獲王
瀛等數犯解省審辦。此外恐尙有倖逃法網匿迹
潛踪。必須密速訪拿。從嚴究辦。仍一面出示明白
曉諭。不准此等奸徒妄肆雌黃。搖惑生事。所有前
調兵練著卽撤回。應需鹽糧撫卹等項。旣據稱係
於滇鹽溢課留備本省邊用。項下照案支用。毋庸
另行動款。其所遺車里土司世職。現在刀繩武旣
經負罪帶印潛逃。家屬法應另徙。其子不准再襲。
茲據該督等取具宗圖冊結。另擇合例之人。奏請
承襲。著照所請。准其以土舍刀太康之長子刀正
綜繼與刀太和爲嗣。承襲車里土司世職。以專責
成。所有應行另頒銅印。著該部照例辦理。至車里
極邊荒遠。接壤外夷。土司新襲。該督等務飭令該
鎮道督飭該應襲土司暨土舍刀太康各猛土弁
等。慎守土職。內安外和。遇有應辦事宜。飭遵辦理。
永靖邊圉。不得稍有貽悞。另啟衅端。致干罪戾。欽
此。
又摺云。竊照恩茅廳所屬土里^②土司刀繩武向
其叔土舍刀太康攻闕不遵解息。先經



奏革。嗣因其不知悔罪投歸且又勾裸夷經弁兵

捕拏復帶印竄逃。現將所遺土職另行擇襲另

奏外。臣等復查滇省沿邊土司悉係內地藩籬土

司之伯叔兄弟皆爲土舍各有所管之地其土

司舍日多與外域往來修睦車里土境在西南

極邊其地約有數郡之廣全境插入外域東南

隣於南掌西南隣於緬甸而暹羅所屬之部落

憂于騰又鄰其南境內十三版猛地方分內猛

外猛各立土弁分理由土司統率其中有荒遠

悍野數處卽不全服土司嘉慶八年經前撫臣

奏明有案。刀繩武生甫兩月卽父死承襲全由伊

叔刀太康護理迨刀繩武及歲婚娶刀太康方

退爲土舍分居於外猛與緬甸隣近相與修睦

因緬甸與憂于騰向來不和南掌又與憂于騰

親好刀繩武不知避嫌處置失當偏向南掌憂

夷適有奸徒播弄以致緬甸有疑及刀繩武之

事被擄入緬土境乏人曾以刀太康暫辦至道

光五年內地曉諭緬甸始將刀繩武由騰越送

回仍充土司因其與刀太康積有嫌疑曾令弁

奏

曰人等解釋歸於和好。經前督撫臣
明取結立案。迨後刀繩武因自緬
緬債復續欠。漢債被緬日遣人索取。
商派未就。因而輕聽讒言。仇及其叔。
害姪欲逐。刀太康全收外猛之地。於
年冬間集練向攻。刀太康抵禦。致成
武潰回。之後許以割裂猛地。分酬幫
並寄字南掌及曼于騰之屬夷猛喃等。
果。刀繩武又妄給猓夷以土弁職銜。
且欲請官兵幫助。官不允助。遂縱使
冒充難民。騷擾內地。人心搖動。非
以弭衅。迨至革後。尚令招諭自投。
添聚猓夷。始終藐抗。不得派弁兵攻
兵到卡破練散。自行帶印潛逃。是刀
同室操戈。猶爲可恕。而後之糾結外
扈騷動內地。實屬罪無可追。至刀繩
後以刀太康欺朦疑蹟。撫飾辨稟。民
投呈請兵。經鎮道委員查明。均無實
互相怨望。衿民亦聽囑。慫恿。此刀
鎮及漢奸附和干預之情由也。臣等查
極邊土



司舍目、俱當和、外安內、爲邊界屏藩。刀、太康以
極邊土舍、尙知內地法度、此次鉞起家庭、由於
刀繩武先發、自不能深責刀、太康、加之罪。且
暹羅與緬甸有仇、從前緬甸交攻、卽以車里爲
兩戰之地、夷民逃散、近年始多安息、刀、太康與
緬人素和、而於南掌、暹羅未甚欵洽。前次戛于
臘受刀繩武之凌、曾向刀、太康詰責、嗣南掌進
貢、使目過刀、太康之地、刀、太康卽與之誓水盟
和、意將由此通睦於戛夷。是刀、太康輯睦外夷、
尙爲有術。緬甸自乾隆三十年間、屢侵內地、數
爲邊患、致興經略大兵、勞費甚鉅。至乾隆五十
三年、緬甸始請入貢。上年進貢、遣使到滇、感仰
皇上德威、臣等亦懷柔維厚。南掌上、次入貢、來滇、亦
極馴謹。戛于臘屬於暹羅、近於南掌、今刀、太康
處於極邊、界於數國之間、先修睦於緬甸、今又
與南掌盟和、戛夷與緬爲仇、而與南掌相親、可
由南掌而推及戛夷、使戛緬之隙漸消、則土境
亦可無牽擾之虞。乃刀繩武不知遵依前諭、和
其骨肉、屢以私忿而先攻舍目。固知其必自蹈
於潰裂、是以屢飭解息。假使因其蠻觸相爭、輕

聽士司矜民之請偏助以兵逐滅其叔則刀繩武不睦於緬如以戛夷本不忘緬而緬亦時防戛夷戛夷終必有事於緬緬亦必疑及刀繩武黨附掌夷豈不遷鮮土境兵連禍結甚至涉及內地致有不能收束之勢是刀繩武之乖謬追源竟委何可曲徇任其債事今已禡革所遺土職刀氏世系寥落但乾隆年間前士司刀維屏帶印潛逃雖投回監斃亦不准其子承襲茲若再以刀繩武之子議襲無論事係違例而現在各猛土弁尙計刀繩武之劣蹟是子踵父習更恐內鮮復生外患亦至自應照例於親支內另行選舉茲據鎮道等查稟親支內惟刀繩武之父刀太和與刀太和爲親兄弟土弁目夷公舉刀太和之子繼與刀太和爲嗣頂襲衆情允協舍此別無可襲之人則當以邊地安和爲重未便以叔侄嫌疑拘泥微節以致另起爭端貽誤將來况刀繩武被革不投歸待罪反攜印遠逃自絕其子之襲家屬法應另徙與其伯祖刀維屏如出一轍今爲其父刀太和立嗣繼襲以延其祀亦已



國恩加厚無有偏抑。業經飭令鎮道明白曉諭。以杜
 潛跡之漢奸夷奸妄生。雖黃搖惑生事。此又臣
 等與鎮道往返飭查。先後酌辦。期於邊地安和。
 免生各衅之緣由也。前次
 奏報。因有未經查出情節。尚未詳晰聲叙。茲已事
 竣。臣等謹將辦理始末各情形恭摺奏
 聞。

案此案所以遲捕者。漢夷流言。皆謂當助姪
 滅叔。聞於四遠之故。若照彼辦法。必多邊衅。

六月季弟孔厚復到滇署。是時恭遇

覃恩。大人請馳贈外祖父林公諱廷和爲協辦大

學士外祖母俞夫人爲一品夫人。

八月。祐帶婦柩回揚州。

石畫記四卷成。

道光十五年乙未。年七十二歲。

三月初三日、接吏部咨、奉

上諭、阮元著補授大學士、管理刑部事務。伊里布現在起程來京、陞見、阮元俟伊里布回任後、再行來京供職。欽此。卽在署恭設香案、九叩謝

恩、并卽專差具摺謝

恩。又奉

上諭、阮元著充體仁閣大學士。欽此。具摺謝恩。又奉

旨、阮元著管理兵部。欽此。

四月、越南叛日農文雲被咬兵勦逼身死、雲南



巡防事竣、奏撤兵練。先是十三年秋、越南保樂
土州目農文雲謀叛其國、聚衆掠地戕官、咬兵
追捕、未知勝負、卽飭沿邊文武調集兵練巡防、
咬兵追逐近邊、務須攔截、不許逃匿、一名竄入、
亦不得貪功生事、妄爲殺戮。奏奉

硃批覽奏俱悉、所辦亦好。又於不殺句奉

批、所見可嘉之至。十二月、農文雲已被咬兵攻破逃
匿、彼境咬兵未能窮搜、轉諉云在雲南邊界之
內、遽行撤兵回國。該國王輕聽之、率行照會來
滇、請拏交辦等語。當照會到滇之日、已是十四

年春農文雲復出猖獗之時。是年夏秋該國復多徵調。秋冬陵兵再集。攻破保樂州。農文雲敗逃至燕岩洞自盡。計內地十三年巡防陵兵撤而內兵未撤。直至此日始撤回官弁兵練。具奏。

摺畧云。竊照越南保樂土州農文雲前年內開敗逃之後。復出侵據地方。上年秋後經該國添兵進攻。是否分路攻入。當飭開化廣南鎮府查探。並率兵練巡防。不容潰夷竄入。將情形奏報在案。茲節據署開化鎮它克它布開化府魏襄稟報。探得陵兵分三路進攻。兵數頗多。西路陵兵由擺浪河等處燒殺打仗。農兵敗逃。於上年十一月內陵兵已攻入保樂土城。農文雲及其黨屬俱已先遁。陵兵追捕農黨至念村地方。擒獲多名。夷民有降有逃。間有奔至邊隘者。經文武委員帶同民練堵還遠去。十二月杪據陵目投文邊卡泚弁內稱。分兵搜勦巢穴。已破農



問。

文雲、妻子黨夥夜竄。如遇移竄貴轄、亦祈防截。
 拏交之語。查陵人素習虛詐。農文雲於十三年
 冬間被陵兵攻敗逃匿。未能窮追搜獲。轉誘稱
 在雲南邊界。以致該國王咨呈來滇。適值農文
 雲已於上年春間在彼境復出。猖獗當將原未
 竄匿邊界。現又復出滋事。照會該國在案。今此
 次陵兵攻潰農匪。又復夜竄。來文稱若遇移竄
 所截拏交。可見彼亦明知農文雲實未逃近滇
 邊。但現當農黨竄亡之際。要日未獲。餘匪星散
 內地。邊隘更宜嚴加防範。使無藉口。復酌撥兵
 練多設旗幟帳卡。以示嚴肅。而杜竄越。並據廣
 南府施道生署叅將吳虎臣稟報。探得東南路
 陵兵雖得勝仗。農文雲仍無下落。現率邊隘兵
 練嚴密巡防。以杜潰匪竄入。民夷均各照常安
 堵。各等情。臣查該國分兵攻破保樂。農文雲敗
 逃。陵兵未能即獲。勢必在彼境轉輾竄匿。除飭
 該鎮府等督率沿邊兵練周密嚴防。并確探農
 文雲果否黨盡勢窮。陵兵有無處處搜捕。就獲
 隨時馳稟外。理合恭摺奏。

摺畧云、竊照越南保樂土州農文雲逃後、被沒
兵追捕自盡、現已事竣、邊外安靜、并內地巡防
兵練分別裁撤、緣由、恭摺奏

聞仰祈

聖鑒事

竊照越南保樂土州農文雲內閣、自道光十
三年以來、兩次擁眾滋事、於道光十三年冬間
被該國擊敗、農文雲潛匿、旋又嘯聚保樂、肆出
焚劫、挫折、咬兵、奪地、據城、所有滇邊開化、廣南
等處均經派撥兵練巡防、迨上年秋後、該國派
大兵分路進攻、農文雲先遁、其夥黨或拒或逃、
恐致內竄、復添撥兵練嚴密防堵、嗣據開化鎮
它克、它布、開化府魏襄、探稟、農文雲潰逃、當
兵追逐之際、因內地防卡軍威嚴肅、旗幟連接、
號砲不斷、成股之匪無敢近邊、內竄、即咬兵亦
其見嚴密、均向保樂東南奔走、追逐、本年正二
月內、先附農匪之江烈等路、土日阮允高等進
內、外夾逼、俱向咬營投誠、越南領兵官亦意進
招安、惟農文雲逃匿、尙無下落、又據廣南府施
道生、參將吳虎臣、探稟、咬兵追捕、僅獲其黨屬
眷口、現在咬兵向東面弄標等處躡追、農匪踪



跡各等情。臣復飭該文武督率兵練、留心巡防、稽查去後。茲屢據開化、廣南鎮府等稟報至、陵兵追捕、匪零星潰夷間、有潛來邊境者、俱經隨時遣逐、並無一名入卡。有農黨何兵頭黃小五等一起十餘人、竄至開化邊隘、欲潛入卡、經委員官募人率同兵練登時拿獲。適陵目阮文瑜等追至、尋求發交領回究辦。因係外匪、准其領去。該目深感內地防截夾逼之嚴。至農文雲查並未匿近滇邊、邊外陵兵仍逐處搜緝。茲探得三月初十日陵兵白弄標追踪至燕岩洞地方、因洞險草深、用火逼攻、搜獲農文雲、屍身、領其母妻指認屬實。即取首級、同農文雲之眷屬及降日十數人、派兵解回該國。並將保樂分爲底定、永奠二縣、設立正副官管理云。令民間開市交易、現將留兵分起撤回、爭戈已息、邊外安靜。其陵境西商遠地、本皆安靜、無事。請將內地設防兵練裁撤。各等情前來。臣查現在外域已靖、開化、廣南邊隘兵練毋庸再防。自應卽行裁撤。除飭將官兵練丁分別撤回外、惟保樂尙係新定地方、已極凋憊。內地邊界仍於要口

聞。

酌設巡卡與附近汛地協同稽查以嚴出入而肅邊境其兩年以來設防兵練所需鹽糧獎犒及卹賞瘴故兵丁添置旗幟等費照案於鹽課溢餘備邊項下支用毋庸動項另撥謹將越南保樂土州內開經該國辦結事竣並內地巡防兵練裁撤緣由恭摺奏

又夾片再越南內開自道光十三年四月先有黎維良等起事旋又有保樂土州農文雲聚衆擾亂至十五年三月該國始行辦竣內地開化廣南沿邊遼濶處處與滋事地方逼近派撥兵練防堵幾及兩年鎮府等督率辦理俱屬嚴密得體除開化鎮宅克宅布係屬總兵大員毋庸請敘外其准陞開化府知府魏襄措置有方防範周密始終其事仰懇
大恩交部從優議敘廣南府知府施道生前署廣南府事威遠廳同知恩長署廣南營叅將事元江營叅將吳虎臣署開化鎮中軍遊擊事普洱鎮右營遊擊邵鶴齡署開化鎮左營都司事曲靖協中軍都司常景運先後駐卡督防俱屬勤勞



勅部議敘均懇

前署文山縣試用知縣宮慕久頗有才識

委令在邊巡防年餘身處瘴地勤奮出力署廣

南營守備撫標雲騎尉世職李峯派防日久巡

堵認真可否邀

恩將

試用知縣宮慕久遇有邊繁知縣缺出儘先酌

量補用雲騎尉世職李峯遇有應題守備缺出

儘先補用以示鼓勵出自

鴻慈臣謹附片奏懇

准行

案此次邊費用銀二萬餘兩

六月仲兄及祜服闋到京各赴部行走

六月初八日大人交印與伊制臺起程北上

八月二十日到宮門

召見謝

恩後入內閣任事并到翰林院任又到兵部辦事

二十三日奉

上諭大學士阮元年逾七旬著於兵部應行帶領之日免其帶領以示體卹。欽此。

九月奉

派武會試圍監射。

十月

太后萬壽

皇上恭上

徽號

遣阮元捧表恭進蒙

太后賞衣料荷包。是月、

覃恩封贈三代大學士。

十一月、奉

派往西陵

孝慎皇后神位掃青。又奉

旨兼署都察院左都御史事。又奉

派同長公相齡恭點

孝慎皇后神位清漢神字。

十一月、大兄所生大姪恩海服滿、娶妻于寶應
劉氏、卽劉端臨先生之孫女。



儒藏

道光十六年丙申年七十三歲。

正月十六日、

派廷臣宴并

賜玉綈蟒袍等物。

二月奉

旨充經筵講官。

二月上丁奉

遣祭

至聖廟、齋宿國子監。

三月二十七日、祔妾徐氏生子恩亮。

四月、

賞人參六兩。

五月三十日、季弟孔厚生子恩勤。

四月、充

殿試讀卷官、此榜狀元爲林鴻年等。又閱庶吉士散館卷、卸都御史事。又

命教習庶吉士。 祐母劉宜人到京。 又奉

命充正冊使、持節

冊封彤貴妃。

九月、奉



備 藏

派武會試圍監射。

九月十二日、仲兄 母謝宜人因早衰、精神弱極、病故於京邸內寢、得年五十有五。

十二月二十五日、季弟孔厚妾又生子恩功。

帖謹案、凡蒙

派同長公相、文襄公查戶部砑碼事、及大學士會同軍機、刑部審定各欽案事甚多、不具錄。又每年封印後、

派入乾清宮在

御前、賞福字、又加壽字。每逢

坤寧宮吃祭肉、年節

賞荷包箋筆鹿菓、端午紗扇等件、歲歲有之、亦不具錄。

道光十七年丁酉、年七十四歲。

正月十六日、

派廷臣宴、并

賜玉螭蟒袍等物。是月、仲兄嫂姪恩光、恩山扶

謝母柩回揚、厝雷塘。

二月上丁、奉

遣祭



至聖廟齋宿國子監。

三月二十二日，祐又生子恩延。姪恩海補儀徵縣學生員。

二月

經筵奉

旨派講四書論。

三月

皇上謁

陵，派同惇親王、長公相、湯冢宰

金釧

爲留京辦事大臣。

輪宿禁城。

四月、

賞人參六兩。

八月上丁、奉

遣祭

至聖廟、齋宿國子監。

道光十八年戊戌、年七十五歲。

正月十四日、

派廷臣宴并

賜玉蓀蟒袍等物。十七日、因風火濕氣面腫、告假

十五日、愈後銷假。



三月

皇上謁

陵、派同肅親王、惇親王、奕冢宰

經

爲留京辦事大臣、輪

宿禁城。

三月初八日、因右足濕熱、行走艱難、請假半個月。蒙

賞假。二十三日假滿、請展假二十日、蒙

准展假。四月十三日仍未愈、奏懇開缺、蒙

恩再賞一個月假、安心調理。

求開缺摺、公懇

奏爲足疾未愈、氣體日衰、深恐誤

恩俯准開缺事。竊臣腿足患濕多年，近因氣血日衰，精神軟弱，疊經面陳，蒙

恩寬

諭，倍切感惶。今自入夏以來，濕熱舉發，更重，脛

間痛癢，艱於步趨。兩次乞假，蒙

恩賞

假，調理一月，有餘。醫治仍未就痊，心神更多委

頓。伏思內閣爲絲綸重地，兵部爲戎政總樞，豈

容以老病之軀，久瘞職任。計此日假滿，卽應恭

請

聖安，照常行走。惟臣年已七十有五，質同蒲柳，景迫

桑榆，近來不但稿案多致健忘，抑且舉止不覺

舛錯。臣自顧菲材，受

皇上天高地厚之恩，

擢用至大學士，詞臣榮遇，倍極優隆。卽此身體骸骨，

皆非已有，曷敢私圖安逸，自外

生成。祇因衰憊情形，時深憂懼，惟有籲求

聖恩，俯准開缺，調理庶重，任無致久曠。臣心得以稍

安。一俟醫治痊可，卽當趨詣

宮門叩謝

天恩，面聆

訓誨。臣不勝惶悚之至，伏祈



備藏

皇上聖鑒謹奏

謝再

賞假一月安心調理摺。奏爲恭謝天恩事。臣因病軀難以供職懇請開缺調理。本月十

三日奉

上諭阮元著再賞假一月安心調理。欽此。竊臣年當

衰暮病復纏綿。本愧駑駘。况數齒而加長。自維

溫諭優加假期屢展。素餐滋惕。竭蟻困以難酬。

丹詔頻頒。戴

鴻慈之逾格。臣惟有專心攝養。剋日醫調。苟病體稍

可支持。卽銷假以承

慈眷。所有微臣感激下忱。謹繕摺叩謝

天恩。伏乞

皇上聖鑒。謹

奉

四月

賞人參六兩。

五月十三日再奏請解任休致。

摺云。奏爲假滿病未就痊。仍懇開缺。以重官守事。竊臣前因病勢未痊。奏請開缺。仰沐

皇上恩施。再行賞假。自閏月以來。多方療治。未能見效。皆因多年濕

熱。及邊地氣候雜入。氣血之內。以致右足筋絡。疾病。若濕滲太甚。則喘急。心忡。頹弱之情。支持

不住。伏念臣蒲柳衰資。桑榆暮景。健忘恍惚。遇

聖恩之體卹。假期屢展。

慈注就痊。焦灼日深。寸衷憂迫。固不敢辜

恩而輕爲離職。更不敢恃

恩而弗懼曠官。萬不得已。惟有仰懇

天恩。准予開缺。休致。此後如醫治。仍難輕減。俟秋涼

再回籍調理。南中尚有良醫。僅臣犬馬餘生。得

延殘喘。則此晨昏。爲此瀝情。恭摺具

大造生成之所賜矣。爲此瀝情。恭摺具



奏。伏乞

聖鑒。臣不勝悚惶待

命之至。謹

奏。奉

上諭。大學士阮元由翰林洊陟封圻。敷歷中外。經朕簡任綸扉。綜理部務。盡心職守。清慎持躬。前因病請假。復經具摺。籲懇解職。朕疊予假期。俾資調養。茲復奏稱老病日增。醫治未能速效。力請開缺。情詞肫切。若再慰留。伊心恐曠官。轉難調攝。非所以示體恤。阮元著准其開缺。以大學士致仕。加恩賞給半俸。用示朕優待耆臣至意。欽此。

謝致仕食俸摺。奏爲恭謝天恩事。臣因病軀難以供職。懇請開缺休致。本月十



三日奉

上諭大學士阮元由翰林游陟封圻敷歷中外經朕

簡任綸扉綜理部務盡心職守清慎持躬前因病

請假復經具摺額懇解職朕疊予假期俾資調養

茲復奏稱老病日增醫治未能速效力請開缺情

詞肫切若再慰留伊心恐曠官轉難調攝非所以

示體恤阮元著准其開缺以大學士致仕加恩賞

給半俸用示朕優待耆臣至意欽此聞

命之下伏地叩首感激涕零竊臣班叨槐棘景迫桑

榆久逾致仕之年本難奉職况值積疴之後益

恐誤公乃因老病之纏綿上荷

宸衷之鑒察准其開缺

子告退休如天心感惶而無地伏念臣幸遇

恩覆幬以如天

昌期親承

渥眷備員

綸閣既襄贊之未能忝任畀圻復撫綏之乏術有負

裁成於

九陛徒蒙培養於

三朝茲以蒲質衰孱仰沐

楓宸體恤。原銜寵給。仍邀黃閣之榮。半俸叨支。倍切素餐之懼。從此
衡茅戀闕。長向念於大廷。庶幾骸骨餘生。冀少延於
盛世。所有微臣感激下忱。謹繕摺叩謝
天恩。伏乞
皇上聖鑒。謹
奏。

八月十九日。奏休致回籍日期。

奏回籍摺。奏爲奏

聞事。竊臣蒙
恩准子致仕。並邀

賞食半俸。優示體卹。仍

命調攝。臣感沐

鴻慈。滄肌浹髓。現在足疾仍未全愈。右腿出水過多。

浮腫酸痛。行步甚難。精神衰弱。及此尙能食息。
接於八月二十七日。起身由水路回籍調理。惟
是身離

關下、心向
日邊、依戀之情、縈於寤寐。伏念
聖主恩重如山、涓埃未報、撫躬循省、萬分不安。所有
微臣回籍日期、理合具摺陳明。伏乞
皇上聖鑒。謹
奏。

本日奉

上諭、大學士阮元、敭歷中外、宣力五十年、清慎持躬、
克盡職守。前以年邁多病、再三懇請解職。已俯如
所請。准其致仕在家、支食半俸。茲據奏明、擇定行
期。朕心彌深眷注、著加恩晉加太子太保銜。從茲
怡志林泉、善自靜攝。俟辛丑年朕六旬萬壽慶辰、
屆時身體康健、卽行來京祝嘏、以慰厘念。欽此。



二十日具摺謝

恩。以上數摺因足疾不能到 宮門皆祐所捧

遞。

謝恩摺云、奏爲恭謝

天恩事。本月十九日內閣奉

上諭大學士阮元敷歷中外宣力五十年清慎持躬

克盡職守。前以年邁多病再三懇請解職。已俯如

所請。准其致仕在家支食半俸。茲據奏明擇定行

期。朕心彌深眷注著加恩晉加太子太保銜。從茲

怡志林泉。善自靜攝。俟辛丑年朕六旬萬壽慶辰

屆時身體康健卽行來京祝嘏以慰廑念。欽此。

竊臣猥以菲材忝居高位。渥承

簡畀受

二朝雨露之施。未答涓埃無一得芻蕘之獻。撫躬循省

時切悚惶。茲以老病纏淹蒙

恩致仕歸期初卜

溫諭重聞。既叨

天祿之遙頒更荷
宮銜之特晉

鴻慈疊被冀蘇病骨於秋風蟻悃難忘盼效歡呼於
來歲此日言歸梓里衡門常被

恩榮他時再覲

楓宸

壽寓同伸舞蹈所有臣感激下忱謹繕摺叩謝

天恩伏乞

皇上聖鑒謹

奏

八月二十四日由東便門下通州上船十月十

四日到揚回大東門福壽庭宅

補本年三月初十日命

四姪恩光娶于海寧許氏許為癸巳進士署鎮

江府知府名棟公女七月十八日姪女恩朝

于歸仁和許氏庚辰榜眼兵部尚書許公乃普

之子彭壽丁未會元欽點傳臚授翰

林院編修

甘泉受業羅士琳校



儒藏

吾鄉儀徵師相數歷中外、振卓古今、專門並
興、實事求是、立德功言以名世、通天地人之
謂儒。計師相生平、惟前後撫浙之日最久。門
下士烏程張秋水選拔、拳拳服膺、私記行事、
凡其出處學問、經濟勲業諸大端、莫不畢具、
計得二卷。嗣羣公子放而續之、又得若干卷。
今

子告歸里、怡志林泉。

士琳

幸得親承謦欬、獲覩是

編、竊以盛名鼎鼎、久爲海內所欽、其所以實
大而聲宏者、蓋良有自也。爰請截至道光十



八年冬回籍日止。先行校刊。後有編次。俟續刻焉。龔斟數敬。綴數語于末。道光二十一年二月。甘泉受業羅士琳謹跋。

校記

①掌塞：當作「掌寨」。下文即作「掌寨」。

②土里：當作「車里」，見本條上文。

③事：疑衍。

④緣由：當作「緣由」。

雷塘庵主弟子記卷八 小門生柳興恩續編

道光十八年戊戌年七十五歲。

十月、公名福壽庭之井曰怡泉。

擘經室再續集卷三節性齋怡

泉記云、後宅節性齋小井、或云此井甚甘、汲之烹茶、色清味甘、無城中井水濁鹵氣。于是、一家井養井汲于此、既清且潔。余歸里、兩奉清慎持躬之諭、又奉怡志林泉之諭、因此井清甘、即名之爲怡泉云。

十一月、公敬遵

恩諭、怡志林泉、賦詩十韻。

擘經室再續集卷十一、又題仲嘉弟珠湖漁隱圖五

言絕句

十八日、命三子祐續娶于嘉興錢氏。

刑部尙書太傅文端公元孫女、福建馬家港通判錢公燕喜長女。

十二月十

二日、公次子福除生母謝喪服、歲杪、公命之納



備藏

妾張氏。

公長孫恩海

長房

實補儀徵縣學增廣

生員。

道光十九年己亥年七十六歲。

正月、

賜坤寧宮祭

神肉、公具摺謝

恩。

聖經室再續集卷四。

奏爲恭謝

天恩事。正月初二日、由內務府傳旨、賞臣祭

神肉一方、交臣子刑部候補郎中臣阮祐差人賁至原籍。臣謹叩頭祇領。伏念臣以年老乞身、戴

恩歸里、際韶光之改歲、頌
帝澤之如春、遙望

闕廷、夙夜每深夫依戀、曾調鼎餽涓埃無補於
隆平、方滋感悚於中腸、乃荷

寵頌之下逮、念

聖主履端行慶、通霑寰宇、以

恩膏而微臣伏處邀榮、更飫

天厨之福胙、既濫叨夫

詔祿、自愧虛糜、復拜

賜於誠裡、彌殷感戴、臚歡梓里、共叨養軒舞蹈之忱。

楓宸、不勝

引跂

雲日就瞻之慕、所有微臣感激下忱、謹繕摺叩謝

天恩、伏乞

皇上聖鑒、謹

奏。

己亥新正二日晨起、祇方駕車出門、忽有內務

府官來傳

旨、賞父親

坤寧宮祭



儒藏

神肉一方。祐跪接後，始知是日早於

皇子諸王內外廷諸大臣食肉外，又

諭賞前大學士阮元肉一盤，是以內務府章京特齎

到門，聞命自

天，悚感無地。因思父親年年皆蒙

派坤寧宮吃肉，今已

陛辭數月之久，而

聖心記注如此，

恩眷非常，誠異數也。因用重鹽包縛，專遣人星夜回

鄉，於正月十九日到揚。時父親方與五兄在道

橋祭祠墓，聞

命之下，迅即返城，叩頭祇領，繕摺謝

恩。洗鹽蒸肉後，率闔家跪食，霑

恩。別差家人敬賁謝摺入京。祐接摺，自捧詣園，到奏

事處恭遞謝

恩。刑部郎中臣阮祐敬記。

二十日壽辰。先期赴道橋，挈經室再續集卷五

己亥，新正往稱北渚二叔父八旬

壽誕，子福及孔

南萬柳堂成。挈經室再續集

厚亦隨跪獻觴。

卷二北渚墓表



己亥春正月以湖莊久沒于水築隄種柳成一別墅顏之曰南萬柳堂繪圖賦詩種蓮忽得並蒂二

生員。八月二十四日命次孫恩洪長房娶于連

平張氏。前兩淮鹽政張公青選女。十月二十八日公十三

孫恩年生。公子福之妾張氏所出。十一月城北龍光寺

後樓落成公因寺中舊有康熙

御書香臺二字請出雙鉤雕造金字匾成恭率紳士叩

拜懸之。擘經室再續集卷十一有詩。

道光二十年庚子年七十七歲。

正月二十日壽辰。擘經室再續集卷五莫春坐宗舫遊萬柳堂復入江回真

州看桃花、
同孔厚。

四月、公次孫恩洪補揚州府學生

員。六月二十五日、公長孫恩海原配劉氏卒。

七月、秋田穫稻。

擘經室再續集卷五穫稻詩序。今人歸田、用張平子賦名耳、不

皆有田。余已亥歸、得先人之田、圩而耕之、為幸。

七月初、乘小紅船到此、綠稻盈疇、柳陰連陌、堂

中、高樹舊有、鶯巢朝暮、飛鳴紅白荷花、開落未

已、亭中坐榻、采蓮擘菱、魚渠蘋滿、夜螢亂飛、莊

中、白鷺本多、忽有馴雉、集而不舉、真饒田野之

趣。凡此皆怡志之

思諭

也。八月、湖復大漲、水未破隄。北鄉十六圩、惟太

平圩等二三未破耳。水退、詩序召伯湖之西

北岸、近年農家皆築隄、成圩、凡數十圩。庚子七

月、大暑時、洪湖水驟至、日高五六寸、遠近鄰圩

皆破、惟萬柳堂太平圩一圩未破。農佃共出苦

力、取圩內田泥、加為小隄、至以柴席傳之。水波

已過新柳之顛。十六日、開下壩、而江都潮頂水

仍不落。是夜、東北風起、隄更危、忽有萑草一片



大如十數畝田、卽鳬葵黃白花、隨風推來、護隄之東北。十八九日風定潮退、水乃漸落、仍豐稔。

八月、公自訂擘經室再續集、以穀梁傳學序

冠其首。

序云、道光十六年、始聞有鎮江柳氏學穀梁之事。二十年夏、柳氏與恩挾其書

渡江來、始得讀之。余甚惜見之之晚也。亟望禮堂寫定、授之梓人、與海內學者共之。是余老年

之一快也。與恩爲余門生、貧而好學、鎮江實學敦行之士也。謹案、丁未歲、公延與恩

館于家、爲諸孫及外孫授經。與恩中式壬辰江南鄉試第七名、座師爲蕭山湯相國、公典己未

會試之門生也。公外孫十月十三日、公親吳若鎬、菰圃相國之孫。

書楹聯、賜青藜館劉恭人五十壽。

上聯云、泰華寫峯、壽館雙

碑色。下聯、詩書教子燕山五桂香。

謹案、恭人

爲劉端臨先生長女、工詩善繪。生子五、恩、海、恩、洪、恩、浩、恩、疇、恩、喜。方清河公卽世、五子皆幼。恭人以慈母兼嚴父之責、義方立教、俾各成立。恭

人所居之室曰泰華
雙碑館楹聯故云。

二十七日、公十四孫恩

壽生。

公子孔厚之妾殷氏所出。

二十八日、命三孫恩浩房。

娶于江都張氏。

本籍臨潼。三品銜張公鈞女。孫、五品頂戴張公熙遺腹女。

道光二十一年辛丑年七十八歲。

正月二十日壽辰。

是時公子祐供職京師、公子福又將入都、惟公子孔厚常

侍起居、視飲膳。

二十六日、命長孫恩海續娶于合肥

梁氏。

前廣東運司梁公恩照長女。

二月、公子福入都赴部

當差。

三月二十五日、公子福因許公乃普署

戶部侍郎、係屬兒女姻親、例應迴避、改掣工部。

四月初八日、公子福由戶部堂官奏請調回



戶部因許公陞兵部尙書也。

原奏云阮福在部於一切例案用心

講求辦事奮勉合無仰懇聖恩俯准調回臣部以資熟手。

奉

旨依議欽此。

五月初九日公子福在部學習期滿

由本部堂官出考語保奏引

見奉

旨阮福著准其留部欽此。十九日曾孫觀傳生。

恩光

出。

公函致

欽差大臣伊言用咪夷制暎夷之策事不果行。

欽差大臣伊片

奏該夷現在粵省情形極爲寬悖。奴才接閱該省來咨不勝駭懣。該夷於攻奪礮臺之後復事投遞夷書列款請求。奴才雖不知其所列者幾所

求者係屬何事。但思該夷逞強要挾辦理諸形
棘手制勝之謀不嫌博採。奴才現接原任大學
士阮元來函以風聞粵省情形該夷未能馴順
晝夜焦思素知在粵通市各國啖咭利之外惟
咪利堅國最爲強大其國地平而多米啖夷仰
其接濟不敢觸犯而咪夷在粵向係安靜非若
啖夷之頑梗。若優待咪夷免其貨稅又將啖夷
之貿易移給咪夷必感荷
天恩力與啖夷相抗且啖夷之船礮多向海外各國
租賃裏脅而來若咪夷爲我所用各國間之無
難瓦解。至咪夷既經受
恩啖夷心必不服各省口岸必有一二處被其衝突。
然其勢旣衰我堅壁清野來則應之亦不難於
卻退。第係病中揣測之法未識是否可行是以
未敢賣
奏等語。奴才查此時粵省情形甚爲迫切再與接
戰是否必勝殊難預期。如因其投書陳請再與
招撫又恐其求索煩多勢難概准。第假咪夷之
力以制啖夷似覺事半功倍。雖以
天朝之大借助於外夷未爲正理然兵法中本有伐



交之說。而以夷制夷之法。漢唐以來載於史策者不一。而足仿而行之。尚非失體。且以招撫夷之策。似亦不為無見。惟咪夷能否制服。揆夷是否肯為我用。此外有無窒碍之處。奴才未能深悉。即阮元離粵多年。亦恐不無今昔之異。理合附片密陳。上求宸斷。倘蒙採納。仰懇飭下署兩廣總督臣琦善體察情形。密為措置。伏乞

聖鑒。謹奏。七月。命十孫恩亮。三房。聘吳江陳氏。癸巳進士。吏部

文選司主事。九月二十三日。曾孫泰傳生。恩

出。是日。次孫恩洪原配張氏卒。十月。公子祐

由刑部堂官派兼辦督催所事。十二月初五

日。命長孫恩海葬清河公於甘泉白陽山。石門方廷

瑚謨阮彬甫觀察傳君諱常生字彬甫號小雲江西南揚州府儀徵縣人爲雲臺師相近支族子幼而端重岐嶷於羣從中獨憐愛之師官詹事時江夫人卒無子從中獨憐愛之師爲嗣嘉慶初授受禮成。湘國封君命以君兼禮部侍郎君蒙恩得二品廕生丁丑考授主事君賦性謹厚弱不好弄服浣濯之衣甘淡泊之食無紛華聲色之好試棘闈屢薦不售矻矻孳孳恆以自勵未嘗怨有司之不公不明也服官戶曹前後凡十五六年精白盟心常俸外雖絲粟不敢妄取諸曹兼捐納房事者飯食銀視他司爲優君自謂世家子不可占人地步屢辭乃免君爲例案嫺熟不辭勞瘁堂官咸倚重之山東司司各省鹽務君以隸籍淮南父兼兩廣鹽政固辭不淮君奉派勦理寶華峪吉地前段工程君貨車攜老僕往宿邨氓土室中僕任炊爨君恆助之旦起詣工所督率工徒砌築基址及栽植樹株之役及暮而返不與要人交一言亦不於公所支取一物厯四五載始終守轍或以利餌之屹然弗爲動迨大工告成以



後段承辦草率兼有侵冒之弊工員多獲重譴
君耿耿清操無瑕可議人咸歎其見之明守之
介焉庚寅冬補授直隸永平郡守郡中敬勝書
院垂廢君甫至卽捐廉修復并倡募經費以備
膏火延宿儒進士士王君爲山長嚴課程別勤惰
諸生蒸蒸向學士風文教一時丕振灤河去城
十有餘里下瀕東海大橋百餘丈亘于水上夏
秋盛漲橋毀非方舟不能渡舟子需索無厭商
旅以爲病君廉知之植竿一上懸大瓦二方標
識日分遣丁役往驗有持損瓦告者繫舟子痛懲
之卽械諸水次以徇渡口之弊乃絕郡之明遠
樓文昌閣城隍廟歲久未葺漸卽傾圯乃一一
倡修之悉就完整君之爲治也決獄明慎不事
苛刻以博能名待寮屬和而介清而不刻胥吏
有過懲創以儆之弗少貸故終君之任無敢舞
文而飢法漢廷老吏奚以過之治北平一載循
譽卓然爲畿輔冠旋擢清河觀察清河兼轄二
府五直隸州歲俸僅二千緡胥役執事者素無
工食咸仰給於在官故各屬皆有津貼費以資

治公。君蒞任，大加釐剔，凡衝疲瘠苦之區，胥減免。或刪除之，視舊規僅存十之四五。幕中人或以掣肘爲虞，弗顧也。君於水利、河渠，素未諸悉，乃親詣諸河及隄，牘要隘之處，躬自相度，偕屬吏講求修防，堵築之法，必歸諸鞏固而後止。會垣古蓮花池，久失疏導，十畝方塘，淤爲平陸。君謀諸方伯顏魯輿先生，籌款修復之。其巡行所屬之郡，屏輿衛，裁儉從天，大寒夜查堡，馭一車兩馬，僕一二人人，不知爲監司大員，迎謁者往，往交臂失之。君亦不咎其疎慢也。生平慎起居，節飲食，一狐裘三十年。見人之鮮衣怒馬者，恆以惜福相勸勉。每日公務稍暇，卽督課諸公子，篝燈危坐，時復親爲講解，漏三四下始寢。蓋歷寒暑無閒也。素工楷法，得柳誠懸筆意，尤精鐘鼎大小諸篆，閒作官私印章，直追秦漢詩古文詞不多作，作亦不願留稿。今存者亦鮮矣。癸巳二月，廉訪光栗園先生擢任甘肅，君奉檄兼權臬司事，時將屆秋讞，文冊盈案，旦夕坐堂皇，手披口畫，不敢稍卽於逸。未一月，得真中書奉



勞致疾、會垣苦無良醫、淹滯旬日、遂至不起。一
時吏民僚佐、無論知與不知、鮮不失聲流涕。傳
所謂古之遺愛、若君者、庶無愧歟。君之配、寶應
劉端臨先生之女、有子五人、咸能遵家範、敦禮
讓、哀庶哭泣、無異成人。後起熾昌、有可決者、嘉
慶辛酉春、余謁師杭州、節署始與君訂交。時君
甫勝衣、就傅、即工篆刻、爲余製名印三數方。今
猶儲藏篋中。嗣是南北往來、雖契濶經時、而書
問不絕。客歲擢觀察、余又爲君屬吏、朝夕相見、
懇款悱惻、不異曩時。屈指三十、二年來、知君之
深者、蓋莫余若矣。顧潦倒下吏、不獲詳紀君之
善政懿行、上之史官、而知己之感、歷久不渝。因
畧舉君生平出處、大概質直書之、以示子孫、俾
知兩家世誼之篤、有如此云。興恩案、此傳作
於癸巳之夏、其時羣公子皆未成立。嗣長君恩
海、由廩膳生、以防堵議敘、候選儒學訓導、旋中
式甲辰恩科鄉榜舉人。己酉十月、太傅公
薨、以承重孫名列遺摺奉
特旨服闋後、由部帶領引
見。次公子恩洪、以名諸生、需次浙省、現署常山縣知

縣有循聲。大恩浩恩疇恩喜亦皆騰名鬢序。楹書庭誥世德作求傳所謂後起熾昌有可決者。洵非腴詞於此益歎太初十日曾孫女淑傳公之流澤於無窮也。

傳生。恩海。

二十二日

公葬

孔夫人于雷

塘壽壙。

聖經室再續集卷一雷塘自定壽壙記云昔余因先考命葬前室江夫人于北

湖橋鎮西陳家橋。因而記之。引檀弓樂哉瑕邱

之言。彼時因雷塘無餘地也。嘉慶甲子以後在

雷塘阡地。祖墓之側。得地數弓。樹木久拱。坐向

端正。且切近先祖。考妣墓之右。夫能近依

祖考。豈復樂瑕邱哉。已亥歸里。又再相之。此為

最慰。即以為余之壽壙。繼室孔夫人殯將亦附

焉。乾隆間。余官詹事時。甚貧。江夫人棺木不堅

今必太朽。且遠四十里。斷不能遷矣。卜地之說

余所未諳。此壽壙及所謂瑕邱者。曾有門生內

閣中書端木國瑚相之。以為皆吉。則皆吉矣。壽

壙古人多為之。漢趙邠卿中年病。即囑兄之子

為立員石于墓前。曰漢逸士趙嘉墓。岐先名嘉。



及年九十在荊州別爲壽藏。唐司空表聖自爲
 生壙引客賦詩飲酒于壙中客或難之。哂之曰
 何不廣耶。此外爲生壙者不勝舉。今年夏夜宿
 樓上東望祖考墓松柏鬱蒼泉原交屬余以衰
 跛昏耄得乞骸骨將依先人而永宅乎此矣。
 雷塘壽壙孔夫人先葬記云晉杜元凱遺令自
 定兆域法鄭大夫古豕之儉妻郭氏合葬且曰
 中古以來或合或否各以已意所欲杜氏深于
 左氏傳斯言必禮也。今元妻或合或否非以意
 定江夫人以乾隆六十年葬于道橋之陳橋攬
 非美槨朽不能遷繼室孔夫人以道光十二年
 卒于溟濱十三年冬到揚州殯于道橋祠右可以
 合元壙既定雷塘矣。爰于道光辛丑年十二月
 庚子先葬此右者至于元凱妻郭氏先葬耶遺
 令遷殯耶不可得而知也。祠右之殯先葬待合
 合乎蓬伯玉瑕邱請前之諷陳橋之殯不遷不
 合合乎宋司馬石槨速朽之譏子貢願有所息
 仲尼曰望其壙畢如也。宰如也。鬲如也。則知所
 息矣。今所營卽此所謂壙也壙亦古矣。壬寅正
 月來雷塘壙前積雪初消松柏皆拱石楠海桐

亦數十年木也。復乘椅至松南瞻望麥田觀雷塘橋水來與楊家湖水會處。元凱所謂已意所欲。卽已心所安也。

二十三日命七孫房。恩來

娶于合肥梁氏。

前廣東鹽運司梁公恩照次女。

二十四日曾

孫華傳生。

恩浩出。

道光二十二年壬寅年七十九歲。

正月二十日壽辰。

孳經室再續集卷五壬寅正月居道橋桑榆別業十數日。

茶隱。

二月公子福由戶部堂官派主福建司稿

務。郡城籌辦防堵事宜公命長孫恩海捐輸

制錢壹千緡以濟經費。七月十五日曾孫女

泳傳生。

恩光出。

九月二十一日命五孫恩山房。

娶于直隸通州張氏。河南候補通判張公若淇之妹。十二月

十一日、曾孫女穎傳生。恩海出。

道光二十三年癸卯、年八十歲。

正月二十日壽辰、適接京稟、知於初八日蒙

恩賞八十壽、公具摺謝

恩。摺畧云、奏為恭謝

天恩、仰祈

聖鑒事。道光二十三年正月初八日、軍機大臣傳旨、以臣阮元八十生辰、

恩賞

御書扁額、楹聯、福字壽字、佛像、如意、朝珠、蟒袍、大緞、

江紬各件、交臣子候補郎中阮福等親齎到家。

臣卽恭設香案、望

闕叩頭祇頌。伏念臣樗櫟庸材、菰蘆下士。早年



儒藏

登第受

三朝知遇之隆。晚歲歸田。被卅載

恩榮之盛。涓埃未効。

高厚難酬。何圖馬齒加增。復荷

龍章寵賁。象占頤性。符吉語於義爰。

恩許延齡。養耆年而

賜俸。荷

宸褒而嘉懋績。愧無敷歷之劬勞。迓

天寵而錫蕃釐。喜度優游之歲月。仰瞻

奎壁福壽星聯。光映衡茅。吉祥雲護。禮莊嚴之寶相。

金鑄長生。握溫潤之瓊枝。花開如意。數牟尼則

珠穿乙乙。襲彩服則絲繡庚庚。卸朝衫而重披

在笥之衣裳。還初服而更荷章身之黼黻。以臣

庸劣。自揣生平。進不足以酬

知退。徒思夫補過才難體

國忝入贊夫

黃扉。禮許乞身。復卧居於綠野。已幸永依

壽寓。長爲下邑之耆臣。何期

渥沛隆施。更領

上方之珍品。率子孫而臚拜。慶溢門閭。集童叟以

眷遇、觀瞻、歡騰里社。此皆優蒙。

雨露之涵濡、不遺衰草。俾江湖之游泳、共沐恩波。惟臣膝足軟廢、而不能移行、跬步須人、而皆當

負挾。叨得桑榆之景、彌深葵藿之忱。此時偕耕鑿之民、戴

堯天而擊壤。他日申華嵩之祝、依

舜日而賡歌。所有微臣感激下忱、謹繕摺具奏、叩謝

天恩、伏乞

皇上聖鑒。

癸卯正月二十日爲父親八十生辰。父親因辛

丑

萬壽未舉慶典、臣下何敢言壽。又足疾輒廢、跬步須

兩人挾負、不能入京。方萬分不安、乃今春正月

八日、忽蒙

聖恩賜壽、軍機處一片傳戶部司官阮福、一片傳刑

部司官阮祐、到軍機處祇領。福卽與弟祐皆到

軍機堂領賞、跪領

御書頤性延齡扁額一副、馭馭歷宣勤嘉茂績優游養

福錫蕃釐楹聯一副、福字一方、壽字一方、藏佛



儒藏

一尊、白玉如意一柄、水晶朝珠一盤、蟒袍二襲、大緞袍褂八端、江紬袍褂八端、共成十事。軍機中堂大人指令領取。奉

命之下、感激謝

恩、亟增僕從、治行裝、指資斧、以二月初吉發京師、越二十有二日、舟抵揚州、泊五臺山之河干、列綵

亭九、恭陳

天翰、珍綺、父親出郊跪迎、率歸拜受。道旁觀者咸歡

欣贊歎、謂我

朝二百年來、鄉人所未有之榮。

國恩家慶、有光閭里。福備官戶部、無涓埃酬報、以

寵命、邀膝下歡、還鄉親拜父壽、喜莫大焉。戶部郎中

臣阮福敬記。

二月初六日、曾孫茂傳生。

恩浩出。

十八日、公三

孫恩浩補儀徵縣學生員。三月初三日、公攜

子福赴道橋掃墓。是夜福壽庭燬於火。公詩注云。



御資皆得護出、書物皆盡幸而
在鄉、否則七夫賊、將因鬱攸矣。六月二十

七日、公孫恩海因捐輸防堵經費、經河漕督奏、奉

旨、阮恩海著以復設訓導歸捐班前先用。欽此。七

月二十六日、曾孫女富傳生。恩來十九日、八

孫恩喜。長房原聘太原王氏卒。八月十三日、公

遷居徐林門康山之右。九月、公子祐以五經

應順天鄉試中式第三十一名舉人。公具摺謝

恩。摺畧云、伏念臣桑樞退處、芸簡詒家、尙思課子以詩書、

冀得束身為廉孝。際

雲漢昭回之日、欣逢

壽考作人。沐

露華湛渥之秋、幸荷

光榮及世。試崇京兆不圖採小草以俱升。恩重殿廷乃得附羣材而並舉。榜錄初傳於天上感惶彌切於田間。臣惟有嚴督臣子加勵蓬心勉裁樗質務立名而砥行期致用而窮經庶幾

上副

奉

聖主高厚生成於萬一。

硃批覽。

命祐赴乾清門恭遞循大員子弟中式故事在乾清門外謝

恩行三跪九叩首禮。榜發之次日正副考官覆

命

問及是科中式舉人內有大員子弟否考官奏對有致仕大學士阮元之子阮祐。

諭云

朕看題名錄內前列有一姓阮的。

道光二十四年甲辰年八十一歲。

正月二十日壽辰。

學經室再續集癸卯正月二十日居愛吾草廬題竹林茶

隱卷。

二十一日公子福由籍赴部當差。

此後又

孔厚侍養。三月初二日、曾孫女秀傳生。恩海出。初

十日、約儀徵兩儒學重游泮宮采芹拜

聖賢於櫺星門下。聖經室再續集卷六。十二日、命次孫恩洪

續娶于錢塘韓氏。刑部侍郎韓公文綺女孫、知州銜江蘇鎮洋縣知縣韓公

倬章女。五月二十四日、命六孫恩疇長房。娶于儀

徵陳氏。江西布政司陳公嘉樹女。初二日、公子祐由刑部

本衙門帶領引

見奉

旨、阮祐著補授刑部山西司郎中。欽此。仍辦湖廣司

理山西司事、堂諭總看秋審黃冊記名總辦秋審處。九月十五日、公長



孫恩海以五經應江南鄉試中式第六十二名

舉人公具摺謝

恩。摺畧云。伏念臣里閭閒居。桑榆暮景。念詒謀之未善。思圖報以無由。臣孫恩海學陋蓬心。材慙樗質。試棘闈而獲薦。廁蕊榜以題名。小草何知。渥荷九重之雨露。菲材必錄。重叨三世之光榮。循分懷慙。撫衷滋惕。臣惟有督其向學。訓以持身。務立品以讀書。時策精勤之蛾術。期黜華而崇實。仰謝高厚之奉。鴻施。

硃批覽。

二十日。曾孫女發傳生。

恩來出。

十月。命十

二孫恩延。

三房。

聘湖州徐氏。

己丑進士大令。徐公林春長女。

十

一月。

皇上御乾清門辦事。公子祐充侍班官。吏部帶領引

見歷充

御門陪奏官。

道光二十五年乙巳年八十二歲。

正月二十日壽辰。

擘經室再續集卷七、乙巳年茶隱日、乘舟宿長蘆菴、本欲

往北湖別業、因北渚二叔爲古人、下句、長蘆菴不怡于情、特出徐林門往禮祀洲。

阻雪作詩、公子孔厚和焉。

擘經室再續集卷七、乾隆癸丑、臣三十歲、

正月茶宴、

賜

御題杜瓊溪山瑞雪一軸、

御筆題云、雪景溪山寫杜瓊玉爲世界不孤名。老翁驢背循溪路、輸與憑窗望者情。謹案此等舊畫皆辦石渠寶笈時挑落次等之件。

御製詩已酉春題此軸、

聖旨留待茶宴時分賞近臣。而臣適分得此軸。至臣四



十歲時浙江巡撫任內凡壽日皆茶隱於外。五十隱於漕舟六十隱於兼粵撫之竹林七十在黔溪雪舟中終身避此譁囂之境。及今八十二歲茶隱於長蘆庵巧遇溪山瑞雪之景是六十年前

聖人隨手分賜之件卽定臣終身茶隱之局事如預兆恍然懷然因作蘆菴雪詩而孔厚和詩及此遂再詠敬識之。

四月立夏後

滄江虹舟子以舟來請公游金焦兩山。八月

中秋公親書紈扇付瑞官表外孫。

書扇云有唐三百年揚州

廿四橋繁華甲天下其飲食奢侈可知揚州府楊行密畢師鐸等爭戰不定城無食斗米值五十緡軍掠人入市賣之驅縛屠割如羊豕然訖無哭聲血流滿市此多年積孽之劫也王寅余居道橋節性齋王瑞官亦來住方十歲鄰有屠日日五更殺聲甚惡瑞官惡之從此不食肉瑞官乃王春厓觀察之孫瑞麟也生有善根宜遂其善。

十月內閣頒發

皇太后七旬萬壽

恩詔封贈三代太傅公子祐以

覃恩加一級本身

誥授朝議大夫妻室錢氏 誥

贈恭人繼室錢氏 誥封恭人例得封贈一代

劉宜人以子官 誥封恭人恭人著有四史疑

年錄 初三日曾孫懿傳生

恩浩出

道光二十六年丙午年八十三歲

正月二十日壽辰

公子孔厚侍養

四月初三日曾孫

嵩傳生

恩海出

二十四日公六孫恩疇補儀徵

縣學生員 六月安徽巡撫王中丞植以公

是年丙午鄉科距中式之年已經周甲例應奏



儒藏

請重赴鹿鳴筵宴。摺上奉

上諭。王植奏耆紳重赴鹿鳴一摺。致仕大學士阮元品端學醇、勲勤懋著、年逾八袞、重遇鹿鳴、洵屬熙朝盛事。著加恩晉加太傅銜、准其重赴鹿鳴筵宴、竝在籍支食全俸、用示朕篤眷耆臣至意。欽此。

六月、安徽巡撫王植奏爲

奏請紳耆重赴鹿鳴仰祈

聖鑒事。竊照本年丙午科江南鄉試、值臣監臨、茲據

江甯布政使徐廣縉詳稱、揚州儀徵縣

予告大學士阮元、現年八十三歲、由廩生中式乾隆

五十一年丙午科舉人、已酉科進士、改庶吉士

授翰林院編修、洊升體仁閣大學士。道光十八年

予告回籍、在籍食俸。今恭逢道光二十六年丙午科

鄉試計距中式之期、已經周甲、應循例重赴鹿鳴、

鳴、詳請



奏前來。臣伏查
予告大學士阮元一代經師、

三朝耆舊。策名芸館。早敷歷於卿班。出領封圻。遂游登

夫台鼎。泊乎十載家居。自貞晚節。上荷

九重主眷。迭沛新

恩。茲當午陞。興賢丙科。再啟。恰值亥齡。積算甲紀。重

周。扶鳩杖。以觀光。用揚

聖世作人之化。賦鹿鳴而奏雅。洵極儒生稽古之榮。

宜與賓筵。以光

盛典。除咨明禮部外。理合遵例。恭摺具

奏。伏乞

皇上聖鑒。謹

奏。

公具摺謝

恩。摺畧云。竊臣維揚下士。咕嚕庸儒。蓬山之薄植。初

成。班輒躋於卿貳。浙水之回翔。未久。任更兼以封

圻。擁節頻年。和羹遽試。受

三朝之寵遇。蒙

一德之感孚。復因景迫桑榆。質衰蒲柳。荷

生成於格外。俾休沐於田間。開綠野以神愉。觀

黃扉而夢繞。凡此恩輝之曲被。愧無纖芥之稍酬。茲者丙馭重周。午科

再啟

龍光特賁。蟻垤增慙。壤流無補於

高深。遑云品學。鞭策難加。諸衰邁。奚有勲勤。矧端醇

邀華袞之

褒更懋著被

溫綸之獎。傳堪作輔。稱太者位列三台。俸以酬庸。

給全者功高專閫。

恩至渥也。典出非常。臣何人斯。頻膺

異數。效收稽古。頭銜漫擬夫桓榮。蹟並歸田。齒德敢

希夫疎廣。憶昔賓筵聽鹿。

九重之雨露。猶新。於今閭里扶鳩。六十之年華如駛。

鳳綵頒從

日下。依然咫尺。

天顏。蟾輪燦白。秋中正是十千

壽寓。蹢躅步履。謹望

闕以叩頭。歌舞

昇平。敢稱觥而引領。

昇峻。秩而疑丞。濫廁驚鉤。難堪。拜

詔精而參養長明、
鴻慈莫報。臣惟有心傾葵藿、樂

熙朝化日之長。詩咏菁莪、頌

盛世得人之盛。所有微臣感激下忱、謹繕摺叩謝

天恩。伏乞

聖鑒、謹

奏奉

硃批覽奏均悉、願卿福壽日增、以待三赴鹿鳴之盛

事也。欽此。

準經室再續集卷七、王植啟、正封函開、適摺弁回、接到京信、欣知太老夫子中

堂謝

恩之摺奉

硃批覽奏均悉、願卿福壽日增、以待三赴鹿鳴之盛

事也。欽此。

王言如鑄、福壽所鍾、從知茂德遐齡、定副

九重眷許也。植謹再啟。此監臨紫筆時、寄致小門生

揚州府吳君之函、尙在八月初六前、未入闈封門。王植時爲安徽巡撫、現作丙午監臨。王植



儒藏

清苑縣人丁丑進士、編修、爲己未翰林、修撰、門生姚文田之門生。姚禮部尚書、謚文僖。梁中丞章鉅浪跡叢談卷一、雲臺師以丙午鄉試重赴鹿鳴、大吏奏入、得優旨、晉加太傅銜、並有三赴鹿鳴之望、榮寵極矣。按吾師本以太子太保、原銜越加七級而至太傅、如斯曠典、前此所未聞也。謹考本朝滿漢大臣生前以太傅加銜者、如金文通之、俊、洪文襄承疇、范文肅文程、鄂文端爾泰、曹文正振鏞、長文襄齡、不過六人。餘如馬文穆齊、佟端純、國維、佟忠勇、國綱、奉文勤、寬、謝清義、陞、楊敏壯、捷、顧文端、八代、王文恭、項齡、張文端、英、朱文端、軾、錢文端、陳羣、蔡文恭、新、董文恭、誥、皆由身後贈太傅銜。其由太子太保越贈太傅者、則惟劉文正、統勲一人。若吾師之恭逢其盛、真稽古之殊榮、科名之曠遇、宜。十、邦、江、大、夫、士、歡、欣、鼓、舞、嘖、嘖、以、爲、美、談、矣。

月、公子福由浙江捐輸海疆軍需、保奏議敘、奉旨、戶部郎中阮福著以知府、不論雙單月選用、在任

候選先換頂戴。欽此。公孫恩洪由浙江海疆捐輸，經浙撫梁保奏奉。

旨，阮恩洪著以知縣分發浙江試用。欽此。二十五日，公子祐由陝西捐輸軍需經費，保奏議敘。奉旨，阮祐著以知府，不論雙單月選用。欽此。十一月

二十九日，公女孫恩桂房四于歸，儀徵孫氏朝恩。

道光二十七年丁未，年八十四歲。

正月二十日壽辰。挈經室再續集卷七，丙午正月二十日游長春橋樓，肉飯

于沈家厨，不復尋僧庵茶隱素食。聖訓頤性延齡有養老之義，以肉食爲近理。

二月二十一日，公子祐由禮部查例，以會試



奏請奉

旨、阮祐著准其一體會試。欽此。六月十六日、曾孫

女潼傳生。

恩浩出。

七月二十日、曾孫宣傳生。

恩來

出。

九月初六日、命九孫恩高

房四

娶于平遙馬

氏。

江蘇運糧通判馬公惠女。

八月、曾孫女惠傳生。

恩光出。

十月、公七孫恩來補儀徵縣學生員。

十二月

初八日、

晉封夫人劉恭人卒。

年七十一歲。新例過品封例得

晉封夫人。

梁中丞浪跡叢談卷一劉恭人

者、嫡配江夫人之媵也。

雲臺師兩次斷絃得其

內助力為多。生子祐、道光癸卯鄉薦、現官刑部

山西司郎中。劉得四品恭人封典。女適吳、刺史

公謹、菰園閣老子婦也。七十壽辰、師許同人為

之製錦稱觴。余亦製一聯往賀、祝句云：鹿宴沐



恩濃正。及至門。膺廣典。程衣履。改久。更看子舍。策清名。翌日。師親來謝步。並曰。此番同人。所贈聯軸甚多。惟閣下。及右原。所撰句。最佳。黃右原句云。溫溫恭人。母以子貴。譚譚相府。日引春長。莊重渾成。宜師之說項也。興恩謹案。公命。壻吳公。謹改名慈。現任山東平度州知州。

九孫恩高葬生母殷于雷塘。

以辛丑五月初二日疾故。

道光二十八年戊申年八十五歲。

正月二十日壽辰。

擊經室再續集卷七。自六十歲。竹林茶隱。在京龍樹寺。在

揚建隆寺。雙樹庵。多尋僧庵素食。二十五年矣。丙午春始改肉食。

二月二十

九日。曾孫女瑞傳生。

恩疇出。

三月。八孫恩喜續

聘于析津梁氏。

浙江巡撫梁公寶常姪女。

公子祐返自京

師奔劉恭人之喪。四月。奉柩權厝雷塘。俟吉安

葬。六月十一日、曾孫女靜傳生。恩海出。江水

倒漾、沿江洲圩田廬漂沒、儀徵尤甚、官紳議賑、

公捐金爲之倡。八月二十四日、公孫恩洪奉

委署浙江衢州府常山縣事。十月二十六日、

曾孫引傳生。恩光出。

道光二十九年己酉、年八十六歲。

正月十三日、曾孫蕃傳生。恩浩出。二十日壽辰、

樂部開譙。公以前己酉成進士、應重宴。瓊林侯來年逢會、誠始入奏。四月、

公子福由吏部擬選甘肅平涼府知府。閏四月

初二日、帶領引

見奉

旨甘肅平涼府知府員缺著阮福補授欽此初六日召見於

奉三無私奏對無誤。

皇上云爾前日引見朕就知道爾是阮元的兒子。爾父親精神可好他的腿怎麼樣了今年多少歲我記得重赴鹿鳴過了。爾在福建司兼管直隸事件是在大司主稿多年又隨過爾父親外任公事總該明白甘肅是邊要省分知府有表率之責第一操守要緊總要跟爾父親學。爾父親的腿直是一步不能走麼他那時若好我也不肯叫公具招謝他告好在精神好。爾好好的去做罷。

恩。

摺畧云伏念臣質本駑駘資殘蒲柳沐

隆施之迭沛彌切慙惶荷殊眷之逾恒滋深銜結臣子阮福猥以輕材備員農



備藏

部。涓埃罔效。廩楮常戒其虛糜。賦課未請。竿吹久虞。其濫厠茲復。

綸音。屋被典郡。叨榮平涼。地屬衝區。理繁匪易。知府職膺。守土勝任。維艱。惟有加之策。勵勛以愼勤。

持己潔清。期無負

生成之德。從公黽勉。冀稍酬

高厚之施。至臣在家養疾。精神尙可支持。步履依然

蹇滯。犬馬之恙。何足上系

宸懷。迺蒙於

召見。臣子時

天語垂詢。

聖慈厪注。凡此餘生之歲月。悉皆

渥澤。所滋培。瞻望

闕廷。實不勝依戀之至。所有微臣感激下忱。謹繕

摺叩謝

天恩。寄交臣子阮福代爲恭遞。伏乞

皇上聖鑒。謹

奏。六月初十日奉

硃批。覽善。爲頤養。以期無限遐齡。欽此。

召見時興恩補案、清河公授永平府知府

皇上云、汝係阮元之子。阮元操守甚好、朕所深知、汝須學你父親做官。及升清河道、請

訓、

皇上云、你本省總督說你甚好。你是大員子弟、你不驕、人家說你驕、你不傲、人家說你傲。你父親做官甚清、你跟你父親學、總不錯的。併問及兄弟幾人。具見太傅公清正居官、久邀主鑒。

閏四月初五日、公孫恩喜補儀徵縣學生員。

五月、江水倒漾、沿江洲圩田廬沖沒、官紳議賑、

公捐金爲之倡。霍雨竟月、公日詣贊化宮祈晴。六月十八日、

曾孫男雙傳生。思海十月初六日、公輿至舊

城謁家廟。併使人請從弟仲嘉十三日、

先生晤語移時而返。



公薨。

丁丑日巳時。

十五日、公子孔厚至自江寧。

鄉試未終。

三場。

二十一日、公子福至自京師。

請假回籍省親。

十

一月奉

上諭、致仕大學士阮元由翰林洊躋卿貳、久任封圻。

朕御極以來、優加倚任、特畀綸扉、宣力中外五十

餘年。學裕識優、勤勞懋著。道光十八年、以老病乞

休、因其年逾七旬、曲加體卹、准予致仕、在籍食俸。

丙午、科重與鹿鳴筵宴、晉加太傅。方期恩施疊沛、

永享遐齡、茲聞溘逝、殊堪悼惜。阮元著加恩、照大

學士例、賜卹、所有原任內一切處分、悉予開復。伊



子候選知府阮祐著俟服闋後遇有知府缺出卽行選用。蔭生阮孔厚及伊孫舉人阮恩海均著服闋後交部帶領引見候朕施恩。用示朕篤念蓋臣優加飾典至意。應得卹典該衙門察例具奏。欽此。

遺摺

奏爲

天恩未報臣病垂危伏枕哀鳴仰祈聖鑒事。竊臣以一介之寒微荷

三朝之知遇。封圻久任臺閣游蹟戴

高厚之難名愧涓埃之莫效。自道光十八年因患足

疾陳請開缺蒙

恩子告在籍食俸雖身辭

北闕而依戀之私未嘗一日忘也。同籍後疊邀

賁賚渥荷

矜憐道光丙午科重赴鹿鳴又沐

殊恩晉加太傅捐糜難報感激何窮。詎料福薄災生

於本年入冬以來精神漸衰藥餌無效元氣日竭病勢益增桑榆之景莫追犬馬之情何極尚餘殘喘敢竭微忱當今

聖世重熙累治綱舉目張雖連年東南水患頻仍羣黎待拯

皇仁寬大發帑賑飢嘉惠元元至優極渥保邦之道莫要於斯臣愚伏願

皇上治益求治安益求安勤撫馭以靖邊陲謹益藏以裕儲積修河防以興水利嚴捕務以厚民生臣待盡餘生語無倫次不揣冒昧用陳數端伏惟

聖主慈鑒則臣從此長辭

聖世毫無遺憾臣長子常生曾任直隸清河道未報主恩早經卽世臣惟有遺囑次子福甘肅平涼府知

府三子麟癸卯科舉人候選知府四子孔厚一

品蔭生臣長子之子臣長孫恩海甲辰

恩科舉人等清勤供職竭勉讀書以期仰答鴻慈於萬一銜哀哽咽無任悚惶謹

奏

二十六日內閣奏已故大學士阮元請加諡

號

旨賞文達

禮部寄江蘇巡撫咨文云、勤學好問曰文、質直好善曰達。

與恩謹案、梁中丞章鉅南省公餘錄引諡法考、疏中通理曰達、質直好義曰達。又案、學經室一集有釋達篇、謹錄于後。達之爲義、聖賢道德之始、古人最重之、且恒言之、而後人畧之。元案、達也者、士大夫智類通明、所行事功及于家國之謂也。禮記曰、九年知類、通達強立而不反、謂之大成。故左傳孟僖子曰、吾聞將有達者、曰孔某、聖人之後也。臧孫紇有言曰、聖人有明德者、若不當世、其後必有達人。今其將在孔某乎。此時孔子年三十五歲矣。世未稱聖、但稱達。達之爲義、春秋時甚重之。達之爲義、學者亦多問之。論語子張問、士何如斯可謂之達矣。子曰、何哉、爾所謂達者、子張對曰、在那必聞、在家必聞。子曰、是聞也、非達也。夫達也者、質直而好義、察言而觀色、慮以下人、在那必達、在家必達。夫聞也者、色取仁而行違、居之不



備藏

疑在那必聞在家必聞。大戴禮弟子問於曾子曰：夫士何如則可以爲達矣？曾子曰：不能則學，有疑則問，欲行則比賢，雖有險道，循行達矣。又曰：君子進則能達，豈貴其能達哉？貴其有功也。繹孔會此言，知所謂達者，乃士大夫學問明通，思慮不爭，言色質直，循行於家國之間，無險阻之處也。故說文曰：達，行不相遇也。遇，遷也。故論語子曰：賜也，達於從政乎？何有？夫仁者已欲達而達，人不怨天，不尤人，下學而上達。此達之說。左傳曰：君子曰：仁而不武，無能達也。論語曰：誦詩三百，授之以政，不達；孟子曰：君子之志於道也，不成章不達。此不達之說也。後儒持明體達用之論，而達專屬用，非孔會本義也。

道光三十年庚戌正月十四日、

宣宗成皇帝龍馭升遐、

今上登極、內閣頒發

恩詔 公子福以知府丁憂在籍恭遇

覃恩封贈本身 誥授朝議大夫妻室許氏 誥封

恭人例得封贈一代謝宜人以子宮 誥贈太

恭人並遵新例過品封贈例得 晉贈太夫人

許恭人德繩撰謝恭人詩稿序畧云宜人姓謝

諱雪字月莊爲雲臺傳相之側室本無錫縣人

遷於吳縣性情幽靜善詩間畫折枝小幅頗得

惲家風格閨中唱和之作宦跡游覽之篇得詩

數百首名詠系亭詩艸又以餘閒課子福之書

福爲余第三女之壻幼不願習舉子業隨傳相



視良久得其形色乃從容鼓翅而去。三月十
爰名園曰蝶夢公集中有記識其事。

六日翰林院衙門奏擬 公之祭文碑文奉

御筆知道了。欽此。四月二十七日江蘇巡撫傅中

丞繩勛接准禮部咨祠祭司案呈准翰林院將

致仕大學士阮元碑文祭文各一道撰擬具奏

咨送前來除將碑文移送工部辦理外相應鈔

錄祭文一道行文江蘇巡撫委員臚黃致祭竝

將致祭日期咨報本部查核可也。六月初五

日揚州府知府吳太守葆晉奉中丞札委來

公第致祭禮成。諸公子
謹遵



儒藏

雷塘庵主弟子記 卷八

大清會典預陳少牢香帛酒醴于靈前迺率子孫於
 大門外跪迎
 諭祭文入免經止哭俯伏敬聆
 天語感激涕零洵屬哀榮備至永戴
 四朝之恩澤有加無已也
 諭祭文碑文謹載于卷首

校記

①「許恭人」下當脫「父」字。

王伯申先生年譜

閔爾昌 編撰

李文澤 校點

刁忠民 一審

蔣宗許 二審

民國十六年刊本

《王伯申先生年譜》一卷、補遺一卷，閔爾昌編撰。民國十六年江都閔氏刻本。

王引之（一七六六—一八三四），字伯申，號曼卿，念孫子，清江蘇高郵人。乾隆六十年應順天鄉試中式。嘉慶四年成進士，授翰林院編修。散館，充貴州鄉試考官。擢侍講，充日講起居注官。十二年，提督河南學政，回朝授侍講學士，轉侍讀學士，遷通政使司副使，爲大理寺卿。十九年，出提督山東學政。旋歸京師爲左副都御史，擢禮部左侍郎，連徙兵、吏、刑三部侍郎，充國史館副總裁。繼擢工部尚書，署戶部尚書，調禮部尚書。道光十四年十一月卒於任，年六十九，謚文簡。王引之與其父王念孫爲清乾嘉時代經學大家，精通音韻訓詁文字之學，撰有《經義述聞》、《經傳釋詞》，爲治經學家奉爲圭臬。

王引之年譜現存有二種：一爲劉盼遂編《王伯申先生年譜》，收入《高郵王氏父子年譜》；一即本譜。據閔氏卷末跋語稱，其於民國十六年嘗合編有《高郵王氏父子年譜》，後以某大學所刊《王引之年譜》對勘，多所是正，糾其史實之誤，故其所撰引之行實多信而有徵。又是譜採錄資料較詳備，並收有其佚文數篇，於研究譜主學術源流、生平交遊足資考證。

王伯申先生年譜

鄉後學閔爾昌編

清高宗乾隆三十一年丙戌三月十一日寅時先生生。
先生諱引之、字伯申、號曼卿、石臞先生之長子也。母
吳夫人孕八月而生先生、生而身小氣弱、吳夫人常
以爲憂。

三十二年丁亥、二歲。

三十三年戊子、三歲。

三十四年己丑、四歲。

三十五年庚寅、五歲。

從師讀、師因先生體弱不甚督責、先生自幼穎異、卽



儒藏

能篤志於學。師或它適、先生於書義未通者皆識之、俟師歸一一請晰。師大奇之。嘗讀書湖濱丙舍、有守祠老僕逮事文肅公、見先生年未成童、讀書以外無它嗜、歎曰、好學如此、何其一如老主也。

三十六年辛卯、六歲。

三十七年壬辰、七歲。

三十八年癸巳、八歲。

三十九年甲午、九歲。

四十年乙未、十歲。

石臞先生命先生手錄童蒙須知、置案頭省覽。又講解朱子小學及呂新吾先生小兒語、先生於日用閒

卽仿而行之。童時爲制義、經籍紛綸、以古人爲法。

是年石臞先生成進士、入翰林。

四十一年丙申、十一歲。

四十二年丁酉、十二歲。

弟敬之生。

四十三年戊戌、十三歲。

四十四年己亥、十四歲。

四十五年庚子、十五歲。

四十六年辛丑、十六歲。

石臞先生補散館、改工部主事。

四十七年壬寅、十七歲。



儒藏

補州學生員。

四十八年癸卯、十八歲。

入都侍石臞先生、因入成均。

四十九年甲辰、十九歲。

年近弱冠、時吳興屠平園先生主講珠湖書院、先生以時藝就正。是年先生當在高第。

五十年乙巳、二十歲。

五十一年丙午、二十一歲。

應順天鄉試、不中式。

五十二年丁未、二十二歲。

歸里侍吳夫人、因從事聲音文字誥訓之學、取爾雅、

說文、方言、音學五書讀之、日夕研求。

五十三年戊申、二十三歲。

五十四年己酉、二十四歲。

五十五年庚戌、二十五歲。

入都以所學質於石臞先生、石臞先生喜曰、是可以傳吾學矣。由是授受一庭、無閒寒暑、焚膏繼晷、中夜不輟。嘗夜分讀書、有偷兒入書齋竊什物以去、而先生不覺也。其專心致志如是。先生沈潛古訓而不廢舉業、入都後從德州盧南石先生游。時以文呈石臞先生、石臞先生有所指示、則退而易之、至雞鳴不輟、促之歸寢、仍必續成之、而後就枕。先生以許氏說



文屢就古人名字相因之義發明古訓、因就古人名
字音義之相比附以觀聲音訓詁之會通、成周秦名
字解詁二卷。後更名春秋名字解詁。余嘗從友人假
得周秦名字解故初刻單行本、卷末敘
文後又有小敘云、博訪通人、側聆雅訓、匡其不逮、實
獲我心。凡經籤記別紙錄之、竊自附於紀聞、毋貽誚
於攘善。後列錢曉徵邵二雲說各二條、述聞本已刪
之矣。又是書末有闕疑若干事、昌平王萱齡爲之攷
摭經傳疏通證明、成周秦名字解詁附錄一卷。德清
俞樾亦有春秋名字解詁補義一卷。湘潭胡元玉又
有駁春秋名
字解詁一卷。先生以所箸尙書古義寄質汪容甫

先生容甫驚歎不已、爲石臞先生書楹帖云、清節王
陽仍令子、說文許慎有功臣。並寄先生唐硯刻款識
於匣云、汪中寄贈執友懷祖之子伯申。先生撰容甫
行狀云、先生家大人之所推服也、其學其行竊聞於



趨庭之日久矣、而先生於予所說尙書訓詁極獎厲、以爲可讀父書、則又有知己之感焉。是年錢曉徵

先生入都祝嘏、先生以所業請、蒙許可。先生後撰錢

先生以所說尙書詁訓求教於翁正三先生、正三覽而善之。當亦在此時。王畹馨以選

拔應朝考入都、先生與定交、下帷之餘、時相過從。

五十六年辛亥、二十六歲。

五十七年壬子、二十七歲。

十月初三日、長子壽昌生。

五十八年癸丑、二十八歲。

五十九年甲寅、二十九歲。

次子彥和生。以宗稷辰撰墓銘、咸豐五年卒、年六十、有二推之。又據文肅公公舉鄉賢事實、

彥和似初
名壽愷。

六十年乙卯三十歲。

應順天鄉試以官生中式主考爲建昌彭文勤公長
白玉閭峯先生無錫鄒曉屏先生同考諸城劉文恭
公先生原名述之榜後始改今名是科策問五經小
學古均部分異同先生條對所及恆出發問者意表
榜發知爲石臞先生子咸歎援證詳賅斷論精確有
自來也。

仁宗嘉慶元年丙辰三十一歲。

有太上皇帝紀元周甲授受禮成恭紀頌十八章。

二年丁巳三十二歲。



三月望日、敘經義述聞。此書凡數易、彙是年初刻、凡四冊、祇五經義、共四百七十

葉、不分卷、不計葉數。丙子阮文達授南昌、盧氏付刻

者、分十五卷、凡易、書、詩、周官、儀禮、大戴記、禮記、左傳、

國語、公羊、穀梁、通說、十二類。江陰王穆、紙、書、驛、此、標、道

光、丁亥、重刻於京師者、合春秋、名字、解詁、爾雅、太歲

考、凡三十二卷。鮑、吟、題、本、王、己、丑、嚴、厚、民、編、學、海、堂

經解、又刪併為二十八卷。又、初、刻、本、與、重、刻、本、自、序

亦詳略不同。茲、錄、初、刻、本、自、序、於、下、引、之、學、識、雖、淺、

無能綜研、旦夕趨庭、聞大人講授經義、退則錄之、終

然成帙、命曰述聞。述、聞、者、述、所、聞、於、父、也、其、或、往、復、

緒言、觸類而長、擣味之見、聞疑、載疑、輒附篇中、以俟

明哲。比、物、醜、類、胥、出、義、方、之、教、故、不、復、自、為、書、

云。嘉慶二年三月望日、重刻本、則作三月二日。

三年戊午、三十三歲。

二月一日、敘經傳釋詞。略云、引之自庚戌歲入都、侍

入篇、紬繹之、而見其詞之發句、助句者、昔人以實義

釋、往往詰籀為病。竊嘗私為之說、而未敢定也。及聞

大人論毛詩終風、且暴、禮記此若義也。諸條發明義

情、渙若冰釋、益復得所、遵循奉為稽式、乃遂引而伸

之以盡其義類、自九經三傳及周秦西漢之書、凡助語之文、徧爲搜討、分字編次、以爲經傳釋詞十卷、凡百六十字。前人所未及者、補之、誤解者、正之、其易曉者、則略而不論。案、惠安孫經世有經傳釋詞補一卷。保山吳樹聲有經傳釋詞續五卷。

四年己未、三十四歲。

試禮部中式。總裁爲大興朱文正公、長沙劉文恪公、長白文達臯先生、儀徵阮文達公、同考歷城汪東序先生。殿試一甲第三名、賜進士及第、授翰林院編修。時人以祖孫鼎甲、三代詞林傳爲科名佳話。是科人才之盛、論者謂不在康熙己未、乾隆丙辰兩大科下。先生與張臯文、吳山尊、鮑覺生、許周生、陳恭甫、其尤卓犖者也。阮仲嘉瀛舟筆談云、己未科兄以經義求士、尤重三場策問、是以武進張臯文、高郵



王伯申、閩縣陳恭甫、德清許積卿、相城馬魯陳、棲霞郝蘭皋等皆治經多所著述也。仲嘉名亨、文達從弟。

七月朔、爲阮文達作經籍纂詁序。十二月、石臞

先生外放直隸永定河道。是年、孫淵如有與先生

書。

略云、前聞大魁捷報、喜不自勝。同輩以模學受上知、一時必多弃華就實之士耳。新科好學者諒不

少。張皋聞定相得也。

五年庚申、三十五歲。

六年辛酉、三十六歲。

散館後、充貴州鄉試正考官、元和吳玉松先生副之。

得士翟錦觀等四十人。

陳恭甫有辛酉歲暮懷人道中作七首之一云、家業王陽

舉世稀、千秋許鄭怡、通微翰車歸、補方言字、莫遣春風滅帶圍。自注、王伯申素善病、今秋典試黔中。

七年壬戌、三十七歲。

焦理堂以公車入都、三月十六日先生訪之於南柳巷鄭柿里舍人寓中、贈以周秦名字解詁。有恭進起居注冊前序、恭進起居注冊後序。

八年癸亥、三十八歲。

大考一等第三名、擢侍講、尋充日講起居注官。

十二月、石臞先生署山東運河道、明年三月實授。

是年五月二十九日、陳恭甫有與先生書。

九年甲子、三十九歲。

二月癸亥、仁宗幸翰林院、與詞臣效柏梁體聯句、先生與焉。又以張說東壁圖書府五律分字賦詩、先生分得竭字。詩載詞林典故、錄於下、寅賓暢景風、卯冒開如月、劒佩繞瀛洲、和鸞鳴鳳闕、御書上



儒藏

王伯申先生年譜

棟懸雅吹中庭發。洗翠酌金罍。揮戔染蒼笏。唐詩禮
 荷曲成。睿藻欽昭揭。砥礪答殊恩。力願股肱竭。禮
 成。賜味餘書屋全集。暨茶綺箋扇等物。翼日。進聖駕
 臨幸翰林院禮成恭紀演連珠三十首。聖孝符經論
 一首。充詞林典故纂修官。十一年書成。三月。京察一
 等。六月。授右春坊右庶子。臧用中入京應順天
 鄉試。主於先生。先生以任子田字林考逸屬校。阮文
 臧拜經別傳云。九年入京應順天鄉試。王伯申侍講
 引重之。拜經堂文集錄唐釋湛然輔行記序云。庸來
 京師。主王庶子引之。以字林考逸屬校。刪馬部馴性
 行詞順五字。庶子曰。此唐釋湛然書也。君昔錄慧苑
 書矣。蓋踵為之。去夏錄成。庶子屬余撰序。惜今以母
 憂去官。不及就質之。此文乙丑孟春作。又新會陳氏
 藏用中致劉端臨手書云。鑑堂於四月廿八日到京。
 即寓王伯申侍講所。一月。末云。五月廿五日。椿樹胡
 同頭條王寓印。蓋即先生居址。充湖北鄉試正考官。黃縣賈東愚

先生副之、得士張文玘等六十九人。撤棘後聞母吳夫人卒、奔赴濟寧喪所。十二月二十三日、季子壽同生。先生第三子壽朋早歿、生年未詳。十年乙丑、四十歲。

奉吳夫人喪旋里、卜地於安徽天長縣汴子橋東南彭家庵葬焉。阮文達有與先生書略云、宅兆想已卜定、冬寒嗽疾聞常舉發、尙望珍重。

作臧禮堂小傳。臧卒於是年、故列此。

十一年丙寅、四十一歲。

在郡城晤焦理堂。後十年、理堂有寄先生書、以說易諸條就正。先生復書稱其精銳、鑿破混沌。先生又有與理堂書、文集不載、錄於下。王引之頓首、去歲奉書一函、託鄭星兄轉致、想已入覽。茲從沈四丈處得見大著釋、指及所和詩、釋備爲沈丈鈔錄未畢、尙未攜歸細讀。生平不喜略觀大概、於足



下所作尤不敢草草讀之、恐不能盡沈鬱之思、滄雅
 之才也。正月二十日、引之頓首。又新會陳氏藏有先
 生致理堂手書二通、錄於下。引之頓首。啟禮堂先生
 足下。前在京師時、閣學阮君爲言先生之學、引心折
 久矣。後讀大著羣經宮室圖攷、所釋諸條、多前人未
 發。近世學者、不少博覽之士、而卓識如先生者、不
 多見也。手書到日、引在天長、未歸。月之初二日始歸、
 而讀之、如舊相識。然阮閣學書中徵先祖遺詩、檢手
 蹟皆無之、容于親友家再爲訪求。遲一兩月、自當報
 命。手書寄浙、幸先爲言之。肅此覆候。鈞祺。八月八日
 弟王引之頓首。又引之頓首。上理堂先生。苦次前野
 原謬、未及寄達。復從鳬村沈丈書中得計音、驚聞先
 生有相杖之病。敬惟先生至性過人、驟膺大故、哀悼
 何如。然毀不危身、所以全孝也。況著述等身、顯親揚
 名、正未有艾、尙祈節情自重、以慰在天之靈。引之所
 焉。憂服之中、聞此倍益悽愴。徒以經營墓地、未得與
 於弔客之數。謹寄香楮、用表微意。惟鑒。不宣。引之再
 拜。十月廿五日。案理堂於乙丑十月丁生母憂、上二
 書自是乙丑所作。

十二年丁卯、四十二歲。

服闋入都、五月補原官。七月、仍充日講起居注官。

八月、提督河南學政。是年考試試差、先生以未補官、不與試、例不開列銜名、簡放學政蓋異數也。到任、以經術諷勸諸生、俾知根柢。購十三經注疏存於學宮書院、以廣誦習。

十三年戊辰、四十三歲。

在河南任。三月、有聖駕巡幸淀津、閱視河隄各工

恭賦。五月、轉左庶子。

陳恭甫左海文集有與王伯申詹事論古韵書案清國史

館本傳及行狀先生由左庶子

晉侍講學士、後未再入詹事府。十二月、晉翰林院

侍講學士。有中州試牘敘。

十四年己巳、四十四歲。



在河南任。六月、石臞先生調補直隸永定河道。有皇上五旬萬壽、恭紀寰海呼嵩頌九章。冬、轉侍讀學士。是年六月十八日、郝恂九有與先生書。云前者出都、曾有欬軟之疾、比加調養、知當平復。但遇秋冬、尚須防其閒作、計取溫彝爲佳耳。嵩山何首烏、以大而新者爲勝、此物甚能滋益。如得此者、庶望波及其餘、以踐宿諾。

十五年庚午、四十五歲。

秩滿旋京、適石臞先生以河溢罷官、遂迎養於京邸。堵築漫口、例應賠帑十之四、石臞先生分賠二萬七千兩有奇、先生稱貸親朋、次第繳庫、閱十餘載、未嘗貽石臞先生憂。是年仲冬、臧用中有與先生書。十六年辛未、四十六歲。

充日講起居注官。分教庶吉士。七月、隨扈木蘭、既至灤京、命毋庸進哨、畱駐熱河、編避暑山莊所藏高宗宸翰。是年季春、臧用中有與先生論校小學鉤沈書。

十七年壬申、四十七歲。

五月、遷通政使司副使。先生以銀臺專司各省題本、吏兵二部奸胥舞弊、每賂令壓擱。抵任數日、廉得某省一本時日皆逾、窮治之、而壓擱之風以絕。十二月、稽察右翼宗學。

十八年癸酉、四十八歲。

八月、授太僕寺卿。九月、教匪林清犯禁門。冬閒有



議修葺圓明園宮垣加高培厚者、先生具疏切辨、更陳所見。召見溫諭久之、謂爲忠誠爲國、先生退而焚草。十月、轉大理寺卿。時畿輔歲歉、窮民乏食、而京城米禁嚴。先生曰、米之例禁出城也、原以防京兵之乏食及杜回漕之弊、非禁民食也。疏請寬禁。後萬載辛筠谷先生更請之、米禁遂寬。胡載屏以所爲燕寢考請正、始定稟。

十九年甲戌、四十九歲。

提督山東學政。五月、有奏請扣廉完繳永定河分賠銀兩摺。仁宗以東省大吏某聲名平常、諭先生密查。到任卽廉其事以聞、遣使按問得實。以此知先

生忠實可大任。

東華錄七月山東巡撫同與藩司朱錫爵同案革職蓋卽此事。

先

是林清滋事教匪多山東人仁宗命學臣撰論說以化之先生因撰闡性化愚論見利思害說以進發還刊布。

二十年乙亥五十歲。

在山東任。五月有賜御製學政箴謝恩摺。六月

己未作汪容甫先生行狀。

先生以錢曉徵先生所

釋太歲分太歲太陰爲二義有不安攷明漢志太歲

在子爲在寅之譌於試士之暇爲說二十八篇以正

之名曰太歲攷與春秋名字解詁皆合刊於經義述

聞內。余嘗從友人許假得初刻本太歲考祇二十七篇其第十二論後漢霍融誤以太初數之甲寅



爲殷數之甲寅第十六論史記賈生傳單閼之歲在文帝四年爲重刻本所無。重刻本第五論司馬遷劉歆所據殷數之不同第廿五論黃帝數及殷數部首所值之歲名第廿八論埤雅鵲巢嚮天一而背歲之誤則爲初刻本所無。它篇文字亦頗有異同之處。學海堂經解本無太歲考二卷而以通說二卷合之爾雅下爲一卷分上中下卷。第爾雅釋天在戊日箸雍一條有說見後太歲考語。太歲考既從刪汰此語卽無著落矣。又阮文達有與孫淵如書云太陰太歲元總未能細畱心俟考校古書當必有合也。似於問字堂集辨論太歲諸文不無疑義經解於經義述聞不錄太歲考或亦此意歟。是年孟陬。

陳恭甫有與先生書。 郝恂九有與先生書。

二十一年丙子五十一歲。

季夏爲江秬香

名鳳彝錢塘人

跋晉任城太守夫人孫氏碑。

此跋文集不載錄於下。漢書杜鄴傳鄴有文德之母必繫於子。劉奉世胡三省皆以爲文王之母大任不知文母自謂大妣謂之文母者文德之母也與大雅思齊文王之母殊義。余曩作經義述聞曾援列女傳

大奴號曰文母及漢書元后傳新室文母後漢書鄧
騭傳爲漢文母何敞傳秉文母之操以正之今讀孫
夫人碑亦云矣乎文母于我夫人正謂夫人爲文德
之母也西晉時古訓猶未淫矣丙子季夏杕香先生
以碑見示因書鄙見於末以求是正先生又有與宋
白勛銘繼人札白勛刻儀禮古今文疏證卽以代弁
語文集亦不載錄於下大著勤求古義以釋古經解
類引伸四通六闕中如袂當爲秩酌當爲醕尤見卓
識精思非熟于諧聲假借之例不能有此弟嘗欲輯
古書通作之字以考古音之分合先生此書先我著
報矣敬服敬服承委校勘違命附記一二簽管窺之
見未知是否仍希教正王引之頓首确山先生足下
此札未注年月而稱伯申侍郎大約亦此數年中作矣姑附於此
十月任滿旋都

十二月庚寅遷都察院左副都御史。

二十二年丁丑五十二歲。

二月派充會試知貢舉未入闈會福建龍溪知縣朱
履中訐藩司李賡芸有受陋規事總督汪志伊等劾



李解其職會鞠之知府涂以翰逼令誣承李不能堪遂自縊事聞命先生偕吏部侍郎熙昌往按白其誣褫志伊等職以斬履中遣戍新疆三月辛未擢禮部左侍郎行狀丁丑擢禮部右侍郎戊寅轉左侍郎案清國史館本傳東華錄並二十二年三月擢禮部左侍郎無由右轉左之說八月還京奏江蘇高郵等州縣

低地因洪澤湖水漲淹浸命疆吏履勘撫卹是年

春阮文達爲作經義述聞敘略云伯申著經義述聞一書嘉慶二十年南昌

盧氏旬宣讀而慕之既而伯申又從京師以手訂全帙寄余余授之盧氏盧氏於刻十三經注疏之暇付之刻工昔余初入京師嘗問字於懷祖先生先生頗有所授既而伯申及余門余平日說經之意與王氏喬梓投合無開

二十三年戊寅五十三歲。

二月、與重華宮茶宴。六月、充浙江鄉試正考官、長

安李葆初先生副之、得士徐士芬等九十餘人。

是科嘉興

李貽德對策爲浙士冠、先生深器之、禮闈見浙人二

三場、淵博深厚者、輒疑爲李卷、亟入選、而李終不售。

十一月、以禮部覈議原任侍郎錢樾入祀鄉賢祠、
不置可否、率請欽定、部議降二級畱任。

二十四年己卯、五十四歲。

三月、命偕大庾戴可亭先生、如皋戴紫垣先生、長白
那文毅公沆會試總裁、得士希哲等四人、費庚吉等
二百二十二人。閏四月、兼署兵部左侍郎。九月、

教習庶吉士。是月戊子、以萬壽旬慶期內忌辰服
色未經聲請、降正三品京堂。又以罪應戍邊、廢員朱



錫爵呈進萬壽頌冊、禮部一律接收、下部議處。是秋、充武會試監射大臣。十一月、補通政使司通政使。十二月庚子、授吏部右侍郎。行狀作十一月。是年小寒日、阮文達爲作經傳釋詞叙。胡載屏研六室文鈔有經傳釋詞書後。二十五年庚辰、五十五歲。

充朝考閱卷大臣。七月己卯、仁宗崩於避暑山莊。是月進爵秩全覽、繕寫錯誤、下部議處。九月、充

實錄館副總裁。十月、充武會試知貢舉。作協辦

大學士鄒公墓志銘。

名炳泰字仲文號曉屏無錫人先生乙卯座師以是年卒故列

此。

山陽汪瑟庵以其鄉人丁儉卿晏所撰論語孔

注正僞就正先生介紹相見。先生序謂儉卿紹鄉先

生潛邱之學、又相其說之所不及、年富而學精、不能測其所至。先生此敘文集不載。案、顧志齋叢書日論語孔注正偽四卷、未刻。先生敘文遂不可見。儉卿有感舊詩云、王公承家學、通儒貫經史。宏獎譽、鯁生、三江首屈指。瓠落媿無成、蕉悴竟如此。扁舟過秦郵、跂望景行止。

宣宗道光元年辛巳、五十六歲。

恩詔、凡應繳官項子孫代賠者、查予豁免。時先生代繳石驪先生賠項已完至二萬有奇矣、其餘豁免、先生自此負累始輕。六月、畿輔及山左旱蝗、諭疆吏飭屬親勘搜除。先生疏言、捕蝗一事、胥吏一經奉票、卽計畝派夫。及率人撲捕、則又故踐禾苗、卽無蝗地畝亦復肆行蹂躪。是爲民除害之事、轉至貽害於民。



恭讀欽定康濟錄捕蝗必覽所載捕蝗十宜以設廠收買爲最要之策。其法或錢或米捕蝗一斗給以若干使百姓捕蝗而得賞則不假胥吏之催促。非惟收效甚速且免作踐騷擾之患。請將捕蝗必覽頒示直隸山東大員令其速行籌辦。如所請行。充浙江鄉試正考官武進吳伯新先生副之得士徐廷策等一百二十六人。八月充國史館副總裁。十二月充經筵講官。

二年壬午五十七歲。

正月十三日有祭劉信芳冢宰文。

名縡之諸城人先生乙卯房師。

三月庚戌轉吏部左侍郎。

閏三月充殿試讀卷官。

朝考閱卷大臣。八月初六日、署刑部左侍郎。先生以吏刑兩部事務皆繁、而刑部事關民命、雖暫時署理、每日兩署皆至、經數月之久不懈也。是年、子壽同補博士弟子員。

三年癸未、五十八歲。

三月、偕歙縣曹文正公、山陽汪文端公、長白穆鶴舫先生充會試總裁、得士海樸等四人、杜受田等二百四十人。四月、仁宗實錄漢本告竣。宣宗嘉其恪恭、將事辦理妥速、賜紗一端。教習庶吉士。九月、充武會試正總裁。是月、宣宗謁西陵、回鑾抵黃新莊、先生等乘轎近豹尾、槍後轎夫喧譁、降三級畱任。

作贈中憲大夫趙公墓志銘。名德叔，字復初，深州人。先生於趙爲姻黨。四年甲申，五十九歲。

二月，禮部尙書汪廷珍奏題缺主事新例，名實不符，請確查更正。下大學士、軍機大臣、吏部會議。先生以乾隆九年所定各部題缺揀選保題，乃斟酌盡善之舊章。四十八年吏部則例所增題補主事統較先後行走一條，乃沿襲譌誤之文。請如廷珍奏。此摺與盧行走一條，乃沿襲譌誤之文。請如廷珍奏。此摺與盧會大學士、軍機大臣以行之既久，一旦更改，事涉紛更，議乃寢。四月癸丑，聖訓實錄告成。宣宗以先生會在館四年，始終經理其事，予其子候補主事壽昌遇缺卽補。先是，吏部奏請官員遇生祖母之喪，父



故在先、本員爲庶長孫者、令承重離任、丁憂三年。是年五月、先生更定前議云、孫之於祖服、止齊衰一年。嫡長孫父故在先、遇祖父母之喪、則持服三年、蓋以承父之重、與祖爲體、宗祧大法於是乎在。其於祖母從同者、一本相承、敵體之意也。至庶祖母、非祖敵體、固不得以承重言矣。卽如次子、三子、其受父母之恩與長子同、若其身先死、而父母後歿、爲其子者不能代服三年之喪。且爲人後者、爲本生父母止服降服一年、庶長孫之分原止儕於孫。生祖母之恩不能加於父母。蓋緣情則罔極之恩卽終身不足以言報、制禮則承重之義斷不能加於支庶。嗣後官員遇生祖



母之喪、其父先故、別無與父同母之伯叔、本員於庶祖母爲長孫者、無論嫡祖母是否現在、概令治喪一年、許其離任。從之。據行狀及湯金釗撰墓志、此先生爲少宰時事。江陰繆氏儒學傳彙作爲禮部侍郎時、蓋誤。十一月、署戶部左侍郎。是年四月、郝恂九有與先生書。

五年乙酉、六十歲。

充大考翰詹閱卷大臣。八月、署戶部右侍郎。石臞先生重宴鹿鳴、與宴日先生奉杖履侍側、一時傳爲佳話、以爲人子能養志者、莫先生若也。十月、充武鄉試正考官。是年、子壽同考取選拔貢生。有與陳碩甫書。

六年丙戌六十一歲。

充覆試閱卷大臣、殿試讀卷官、朝考閱卷大臣。六

月、充乙酉科拔貢朝考閱卷大臣。是年、繼配范夫

人卒。先生元配沈夫人、同州廩貢生業廣之女、歸途

女。子四人。冬、子壽同扶柩歸葬。

七年丁亥六十二歲。

五月壬午、擢工部尙書。凡侍郎升尙書皆由總憲轉、

先生由侍郎徑擢、一時驚爲殊遇。先生祖文肅公在

高宗朝曾任是職、後石臞先生又歷官水部諸曹、先

生稟承兩世遺規、任冬官數年、鉤稽必嚴、察核必至。

素精算術、嘗取奏銷冊親行覆核、所用帑無慮數十



百萬、執管以計、不移晷而畢。又河工工程名目歲修之外、又有月案、廳員率藉此自肥、而所修新工或反遜舊工堅固。石臞先生官河道六年、所屬不報一月案。先生隨侍任所、習知其弊、故官工部有請嚴東南兩河月案工程之奏。奉旨允行。七月、充武英殿正總裁、有旨修刊康熙字典。先生以字典一書蒐羅繁富、爲字學之淵藪、惟卷帙浩繁、當年成書較速、纂輯諸人迫於期限、於援據間有未及。詳校者奏請考據更正、凡校正二千五百八十八條、輯考證十二卷、分條註明、各附案語。同事諸人皆推重先生學問、謂有先生校訂、可以無俟它人、故更正之條出自先生手。

者十居八九。十一月、賜紫禁城騎馬。是月、子彥和以恭辦萬年吉地工程、以直隸州知州卽選。十二月、重刊經義述聞於京師西江米巷壽藤書屋。八年戊子、六十三歲。

三月三日、作倪教授行狀。

名模、字迂、存望江人、與先生同榜進士、鳳陽教授。先

生旣爲之狀、又爲作墓表。

七月、以承修文廟碑亭勘估草率、下

部議處。

八月十六日、署戶部尙書。

作誥封通議

大夫晉通奉大夫吳君墓志銘。

名濟運、字崇階、號和衷、南海人、榮光之父。

以是年卒、故列此。

九年己丑、六十四歲。

署吏部尙書。

五月二十五日、女孫淑儀生。

壽、同之長女、事

親不嫁、旌表貞孝。

顧潤蘋以吳志忠所校釋名索序、六月

晦日序之。

十年庚寅、六十五歲。

九月戊寅、調禮部尙書。文肅公會任大宗伯、署中有文肅公楹聯云、松筠存質直、日月照心清。先生緬懷先德、亦撰聯語云、夙夜惟寅承祖德、靖共爾位答君恩。擬懸於文肅公聯右、後以憂去官、不果。子壽昌由戶部主事題升員外郎中。先生自庚戌入都侍石臞先生、討論經義、凡有所得卽筆於篇、過庭所聞亦備載之。迄庚寅成書、凡三十二卷、名曰經義述聞。不爲鑿空之談、不爲墨守之見、聚訟之說則求其是、



儒藏

王伯申先生年譜

假借之字則正其解、熟於漢學之門徑、而不囿於漢

學之藩籬。

此依行狀。是書屢經刊刻。或庚辰始爲定本歟。

是年孟春二十

五日、王晚馨有與先生書。

先生曾爲晚馨跋困學說文圖。先生又有與晚馨書。

云、憶昨于役臨安、辱承芳訊、勤奉、並荷多珍、寵賚、別後、於九月下旬舟抵廣陵、祭掃畢、後、於十月十一日、由王家營、遵陸、過行、至仲冬朔日、復命。案戊寅、辛巳、先生兩爲浙江考官、是書未詳何年所作。十一月七日、汪孟慈有與先生書。

十一年辛卯、六十六歲。

重刊字典完竣。三月二十九日、偕奕繪、阿爾邦阿、那

清安具疏進呈。

七月、署工部尙書。

九月十一日、

有復陳恭甫書。

江陰繆氏藏先生墨蹟、錄於下。恭甫年大兄大人閣下。九月上旬、連奉手

書、藉稔尊候。安吉爲慰。承惠禮堂經說詩箋、改字說、及指示夾室考所據儀禮諸篇本文、援據既確、剖析



亦精洵足折衷諸說。賈徵鄭興父子傳經不得專美於前矣。欣羨奚似。凌次仲詰難理堂之說。尚望賜寄一讀。以觀其異同。次仲所撰禮經釋例。條理精密。禮家不可少之書也。蘇州新刻褚氏儀禮管見。亦頗精實。惜刻刻稍遲。既夫子經解內未及載入。字與校刊本三月內已進呈其校訂之處。別為考證。十二民留於館中。倩家不敢付梓也。讀書雜誌已刻九種。近又刻漢隸拾遺一本。謹寄呈清覽。吳荷屋大兄開府湖南。差強人意。湯敦甫四兄因事受累。致降卿貳族。又喪偶。真時運使然也。杜儀曹彥士保送軍機。已取而未得。似不如願。然候補名次已列第四。約三年內可補實缺。又安用軍機議敘為邪。弟隊隊趨公。毫無建樹。幸署中各案無訛。老親眠食康泰。賤體亦復如常。可以告慰。率泐數行布謝。並問近安。伏維珍攝。不宣。敬璧尊謙侍。令郎世兄均此謝教。年

愚弟王引之頓首。九月十一日。照。

十月、充武鄉試正考官。是冬、北地嚴寒異於往歲。石臚先生年將九旬、畏寒食減、先生延醫調治、終以年高服藥罔效、先生侍疾、晝夜不解帶。

十二年壬辰六十七歲。

正月具疏陳情乞假賞假十日並召見垂問石臞先生病且諭以服人參之法。二十四日丁石臞先生憂。石臞先生所著讀書雜誌辛卯始刊竣四月先生檢遺藁十種而外猶有手訂二百六十餘條恐其久而散失刻爲餘編二卷附於全書之後。五月旣望撰石臞府君行狀。

十三年癸巳六十八歲。

爲石臞先生卜地寓揚州舊城覲光庵。是時又嘗下榻揚州阮宅

見文達與先生書。

有與陳碩甫書。二月初九日孫恩晉

生。壽同第二子。先生生年並未詳。

十二月庚子葬石臞先生。



儒藏

王伯申先生年譜

是月既望、作高郵湖西王氏先塋記。作太子太師

兵部尙書閩浙總督金匱孫文靖公神道碑。

名爾準字平叔

乾隆六十年與先生同舉鄉試。

十四年甲午、六十九歲。

四月服闋、六月入都。

八月既望、作族孫婦江氏傳。

江許嫁先生族孫豐、而豐病歿、適王氏守貞、咸里交稱其貞孝。

是日、作誥贈通議

大夫福建按察使蕭山縣學生綸宣王公神道碑。

綸宣

晚馨父。

十一月十二日、署工部尙書。越五日己卯、卽

真、謝恩歸、微患痰嗽、起居服食一如常時、二十四日

辰時、大汗不止、遂卒、年六十有九。諡文簡。子四人、

長壽昌、字子仁、道光元年正二品廕生、用戶部主事、

歷官廣西按察使。

先生本傳作河南按察使。蓋子仁會由河南開歸陳許道署河南按

察使。次彥和字子美號慕遠歷官安徽寧池太廣道。

三壽朋蚤歿。四壽同字子蘭道光甲辰進士歷官湖

北漢黃德道咸豐二年殉難武昌賞騎都尉世職諡

忠介女五人長適甘泉附貢生徐玉華次蚤歿三適

道光癸未進士刑部郎中大興史致蕃四五皆蚤歿。

孫十人。壽昌子二人恩溥恩泰候選郎中。魁孫恩寬恩

清恩江恩濤恩海恩錫咸豐丙辰賜舉人內閣侍讀。魁孫恩寬恩

職兵部職方司郎中恩晉從父殉難武昌照陣亡例

議恤。恩炳咸豐丙辰賜舉人內閣侍讀。魁孫恩寬恩

義忠。女孫 人曾孫 人。就所知者恩泰有子

十五年乙未十二月初七日葬於安徽天

未詳。



長縣諭興集之東原。湯金釗撰先生墓志銘。龔自珍曾爲先生撰墓表銘。先生季子壽同觀其自養齋燼餘錄有擬復龔定庵書附錄於下。前日趨謝未獲晤譚茲奉手書。自謂前作文氣未遑繁簡未能恆心承研精覃思洗伐數晝夜以改訂之。謂於歷某官治某事著某書不爲條分縷晰或就此見彼或以某事統於某事具有深心苦裁且戒勿信世俗悠悠之指摘。承愛如此辱教又如此先君九京有知亦深感慰矧在存者推愚昧之見以爲志先人之墓事必求詳而閣下之文意主於略。不學無術於古文體例嘗無所知。竊思閣下之學多本於金壇段氏因取經均樓集讀之見所載墓志數篇其敘事皆委曲詳盡而於歷某官治某事著某書無不條分縷晰而備載之不聞曰就此見彼以某事統於某事也。然猶可曰篇數少不足盡文體之變也。又取清研堂集讀之中有名臣墓志詞臣墓志無慮數十篇其敘次每皆委曲詳盡於歷某官治某事著某書亦無不條分縷晰而載之。不聞曰就此見彼以某事統於某事也。然猶可曰事繁文重未必有當於先人之意也。王辰歲先光祿公棄養先文簡公以行狀寄滇乞阮相國爲墓銘相國文凡二千言於先光祿公歷某官治某事著某書亦條

分縷晰而載之。前敘經世之業，後敘傳世之書，不聞
曰就此見彼，以某事統某事也。先人讀相國之文，甚
喜謂足以傳先光祿公之學問政績，以爲可垂不朽。
今取相國之文與足下之文比而讀之，一主於詳，惟
恐行蹟之不彰也。一主於簡，若謂行蹟可不必盡彰
也。今先人既歿，閣下之文未始有當先人之意與否。
然就先人讀阮相國文之意，以測之以相國詳盡之
文爲是，必以閣下簡略之文爲非。求文以銘先人之
墓，而文體乃先人所非此。所以不懼獲罪於閣下，
而不敢以此納諸幽室者也。抑更有進者，閣下所撰
銘詞有曰：璞之瓊瓊，其有堅也。君子肖之以畀親也。
以堅事親，義竊未喻。繼讀改作曰：璞之瓊瓊，外有文
也。璆之沈沈，中有堅也。君子肖之以畀親也。謂先人
肖璞之文，璆之堅，以畀親，其義仍所未喻也。且讀段
錢兩先生所作墓志，卽其銘詞讀之，其人之品詣學
問經濟，皆可想見。今以例閣下所作銘而曰：可以見
先君之爲人，則所不識也。先人於先秦諸子、史記、
漢書皆有校正，其說皆在讀書雜誌中。至廣雅疏證
末卷，則直著文簡公名。何閣下謂先君有言曰：吾於
百家不暇治，獨治經邪。又先君著經義述問，名述問
者，善則歸親之義，其中凡先光祿說十之三，先文簡
公說十之七，其書閣下亦既讀之矣。今不別其辭曰



王伯申先生年譜

男孫僑校

中有先人獨見而揮舉曰述聞於兵備則先君述聞一書不僅錄寫之勞乎。閣下之以略為主曰著某書不必條分縷晰故獨舉述聞而遺釋詞竊恐後之讀定庵文集者就文以攷先人之書必曰釋詞非王文簡公著也。果爲公著何大集中墓志獨遺之邪。則是先人之書本可傳信自有閣下之文反滋後世之疑也。若以閣下作文之例推之曰就此見彼。今閣下出先人門下又具見先人校定先秦諸子史漢諸書猶謂先人不暇治百家況後世未讀先人書者而曰見大集墓銘經義述聞名卽知先君尙有經傳釋詞一書。見閣下有暇治百家一語卽能反閣下之意而推之以爲先君於先秦諸子及史漢諸書皆有撰述是亦之所未識也。閣下博學能文加以深心苦裁豈所能仰測。特恐先人事實就淹故於銘幽之文不敢稍有遷就。想此表揚先德之愚衷必能見諒於有道故敢悉陳愚見尙望恕而鑒之。觀於此知定庵一文子蘭蓋深致不滿王氏舊刻七世傳狀本未載今羅氏鉛印本始增入。

余舊爲高郵王氏父子年譜、藏之篋衍數年矣。一日、友人告余、某大學季刊中有某君者、亦編有王氏譜、乃假歸閱之、頗簡括、第其中似有譌誤。如乾隆庚午侍文肅公往南京蔽獄、及辛未引朱笥河詩、抱持出塞門、解愛盤峯缺。案云、文肅出塞、未知何年。據石臞行狀、七歲而文肅公蔽獄於陪都、遂攜府君東行。盛京志曰、京師者天下之本、陪京者帝業之基。淵鑑類函州郡部三引。清之陪京今瀋陽縣、東行出塞、並謂詣斯地也。吳廷燮東三省沿革表引永樂實錄、九年徙定遼左衛盤山驛於舊驛西。又引明會典、鎮武堡有游擊將軍、嘉靖三十一年以三公河至盤山等處、切近虜穴、添設兼管沙嶺、西寧、西興、盤



儒藏

王伯申先生年譜跋

山等處。清光緒三十二年設地以山名、亦可爲解愛盤
 盤山廳、民國改縣。
 峯之證。至蔽獄南京、考之諸書、似無其事。某君殆誤以
 明之陪都爲清之陪都邪。又癸未二十歲、高宗巡幸江
 南、先生迎鑾獻頌冊、賜舉人。據東華錄、乾隆三十年乙
 酉二月癸巳、賞原任吏部尙書王安國之子生員念孫
 舉人。又清國史王安國傳、三十年上南巡、賜其子念孫
 爲舉人。石臞重與鹿鳴筵宴、恭紀詩自注、乙酉年高宗
 南巡、以生員迎鑾獻頌、蒙賜舉人。行狀亦云、乙酉原作
 年二十二、賜舉人。卽筍河詩亦云、乙酉子賜舉、計偕歲
 丙戌。某君乃列之癸未、誤矣。又辛卯引筍河詩、春試丑
 連卯、屢深門外轍。案云、會試期在壬辰、意先生於辛卯

先期入都。據東華錄、乾隆三十五年庚寅正月庚辰諭、今年八月舉行恩科鄉試。來歲三月舉行會試。又題名碑錄有辛卯科程魚門、孔眾仲、皆是科進士。某君殆未之考也。又丙午從工部侍郎德曉峯勘浙江海塘。據吳恭人行略、丁未歲德少司空奉命巡海塘、余以郎中從某君、蓋誤爲先一年。又附伯申年譜云、乾隆丙午二十一歲旋里、因從事小學諸書。據伯申行狀、年二十一應順天鄉試、未售、明年歸云云。某君亦誤爲先一年。又己酉二十四歲入都、從盧南石先生學舉業。據行狀云、自庚戌入都、後從盧南石先生游。某君亦誤爲先一年。又嘉慶甲子充詞林典故館總纂官、據詞林典故職名、乃



纂修官、行狀同、非總纂官也。又壬申八月任太僕寺卿、十月轉大理寺卿。據行狀二事並在癸酉、原作卯誤。某君又誤爲先一年。又道光丁亥、繼室范夫人卒。據王壽同觀其自養齋燼餘錄重建天長縣城西嶽廟記、丙戌歲、遭吾母范夫人喪、奉柩旋里。又王恩錫撰子蘭府君行狀、丙戌春大母遘疾、嗣大母棄養。冬府君扶大母柩歸葬、戊子服闋。大母卽謂范夫人。某君又誤爲後一年矣。某書館館刊又載有某君高郵王氏父子著述考、引深州風土記趙德倣墓志銘、以爲伯申集外文。檢伯申集此文在第四卷、僅題字小有不同耳。吾書較繁瑣、然寸有所長、儻可與某君譜並存。惟是老而炳燭、學殖尤荒、敢蹈爭名之嫌、冀收求是之益、大雅宏達、尙其諒之。二十年一月、爾昌記。

校記

①張皋聞：當作「張皋文」。按，張皋文即張惠言。前文亦作「張皋文」。

②「引」下當有「之」字。下文「引在天長未歸」同。

③蕉悴：當作「憔悴」。

④某某事：當衍一「某」字。

顧千里先生年譜

趙詒琛 編撰

李文澤 校點

刁忠民 一審

蔣宗許 二審

民國年間刊本

《顧千里先生年譜》二卷，趙詒琛編撰。民國年間崑山趙氏刊《對樹書屋叢刻》本。

顧廣圻（一七六六—一八三五），字千里，後以字行，號澗菴，又號鑒平、思適居士、無悶子、一雲散人，清江蘇元和人。少孤力學，嘗從學於張思孝、江聲，嘉慶元年入元和縣學。與顧之逵、鈕樹玉、臧鏞堂、鮑廷博、段玉裁、孫星衍、江藩諸人交往。專精目錄校讎之學，酷嗜宋元槧本，為江浙藏書家校刊古籍，經其校讎刊刻之文籍達三十餘種，時人多重之。嘗館黃丕烈家多年，盡閱黃氏所藏典籍，於前代刊本多所識跋。又應阮元聘入校經局，撰輯《十三經注疏校勘記》。後隨孫星衍在金陵分校《全唐文》。道光十五年二月卒，年七十。顧氏歿後，其孫顧瑞清（河之）搜輯遺文，編為《思適齋文集》二十卷，後經刪削為十八卷，道光二十九年刊刻於上海。

現存顧千里年譜有多種，包括汪宗衍、林堅之、姚光、日本神田喜一郎及本書所收趙詒琛編《顧千里先生年譜》。趙詒琛字學南，號峭帆主人，崑山人。據其自序稱，此譜編成於庚午歲（民國十九年），次年（辛未歲，民國二十年）由姚光鉛印於上海。編撰者除趙詒琛外，王大隆、潘利達亦曾協助搜採考訂。年譜除記述譜主生平外，還兼載與譜主交遊之名人小傳。正文中有考按，並以雙行小注糾正他譜之訛，如嘉慶十五年條糾正日本神田喜一郎《年譜》之誤等，以明其考證之功。於年譜後附有雜錄及文集序，記載其文集刊刻，譜主與段玉裁、黃丕烈之學術紛爭，亦可視作清代學術史研究資料。

顧千里先生年譜題詞

廿餘年前、余奉贈趙君學南詩曰、譯箸兼聞校讀頻、曾無鄉思繫鱸莼。一溪煙雨衡門下、誰識江南顧澗濱。益學南時寓滬南製造局左近、日校古籍、故以澗濱相況。乃昨歲顧譜竟編成於學南之手、余又贈詩一章以誌欣慕。辛未夏五、江浦愚弟陳洙房山氏書於觚不觚齋。

峭帆主人撰顧譜、體例詳慎、搜羅豐。其書中括數十傳、譜中附同時名人小傳。閱之磊落開心胸。乾嘉以來盛樸學、顧公嶽嶽尤豪雄。頡頏抱沖埒、匪石百城寢饋琳琅叢。同時



儒藏

諸賢悉推重。丹鉛光氣騰青虹。影鈔本校宋元刻。譬彼
墨守兼翰攻。惜哉絕交慣箸論。劉段黃李初鮮終。意者
見仁與見知。直幹挺異風中蓬。茲譜後賢足矜式。百川
之障瀾迴東。思適本集所已載。屏置不列茲編中。乃知
文郎歸汪譜。世兄尊三曾撰歸玄恭汪堯峯二譜刊行。實由庭訓超凡庸。今
茲鴻筆更峻特。寶此何異珩璜琮。聚珍一帙旣紙貴。金
姚君石子以初稿排印於邇上。更鐫諸木傳無窮。我詩微末若片羽。欣
附鵬背乘長風。

顧千里先生在嘉道閒爲諸名人校刻古籍。凡一字
之誤必再三考訂。不肯輕率。故刻成諸書。珍重士林。



洪楊亂後、五書局開刻、大都據先生校本、重付手民、其有功於前賢、有益於後學、詎可量哉。特以不得科第、僅以縣學生終、而學者亦鮮有講求版本目錄之學、於是百年來邑人有不能舉其姓名者、可慨也。前年余編先生年譜、並承王君欣甫、潘君聖一及諸益友之助、不三月而脫藁。金山姚君石子卽鉛印於滬上、嗣後又陸續增修、視鉛印本不勝歛然、乃壽諸梨棗。姚君原跋仍埒於後、以誌高誼。陳君房山贈詩、綜括編譜之旨、不啻爲有韻之序文也。爰冠卷端。聞先生孫河之孝廉咸同閒寓居上海城內、距城隍廟僅

咫尺耳、今後人當有在者、如見此譜、通函惠教、補其
略正其誤、則更幸焉。辛未八月、趙詒琛識。

顧千里先生年譜卷上

對樹書屋

崑山 趙詒琛 學南 編輯

乾隆三十一年丙戌八月先生生。

先生名廣圻字千里號澗蘋亦作蘋又號鑑平見黃蕘園跋錢

罄室校刊吳地記從顧鑑平轉假又號思適居士見百

伊師張白華所儲錢刊本云云又號一雲散人見百

宋一賦又號无悶子見遜翁苦序又號一雲散人見百

錄陳黃門侍郎野王三十五代孫先生藏書印記曾祖沛祖

松字雨蒼父文煜字庭有俱業醫世為吳人庭有為

雨蒼第六子生於乾隆五年庚申六月七日移居元

和縣故先生常稱元和人母鄭太孺人生於乾隆十



一年丙寅十月三日乙丑。先生生時父年二十七歲，母年二十一歲。無兄弟。有叔父文烜居吳縣，通素問、靈樞、業醫有聲。揚州人以千金求其一，至爲幸。其子名之達，字抱沖，爲先生從兄，生於乾隆十八年癸酉。先生生時年十四歲。抱沖好藏書，其藏書室曰小讀書堆，與同郡黃蕘圃、士禮居並稱於時。

黃蕘圃名丕烈，字紹武，長洲縣人。乾隆四十六年辛丑入縣學。五十三年戊申預行己酉正科鄉試。

舉人，得宋刻書百餘種。顧南雅

顧蕘字希翰，號南雅，吳縣人。嘉慶七

年壬戌進士，官至通政司副使，生於乾隆三十年乙酉，卒於道光十二年五月，年六十八歲。按：震澤

張、張州父履撰墓誌銘云、道光十三年卒。

顏其室曰百宋一廬。自嘉慶

辛酉至辛未、歲常祭書於讀未見書齋。丙子除夕、又祭於士禮居、前後皆爲之圖。生於乾隆二十八年癸未、卒於道光五年乙酉八月、年六十三歲。

乾隆三十二年丁亥、二歲。

乾隆三十三年戊子、三歲。

乾隆三十四年己丑、四歲。

乾隆三十五年庚寅、五歲。

乾隆三十六年辛卯、六歲。

三月二十二日癸亥、父卒、享年三十二歲。母鄭太孺



儒藏

顧千里先生年譜 卷上

人時年二十六歲、撫孤守節、極人生之艱難。

乾隆三十七年壬辰、七歲。

乾隆三十八年癸巳、八歲。

乾隆三十九年甲午、九歲。

乾隆四十年乙未、十歲。

乾隆四十一年丙申、十一歲。

謝宗師科試、從兄抱冲入元和學、第三名、題明日_〇後

廩貢生。

謝宗師名壩、字金圃、嘉善人、乾隆十七年壬申進士、時官工部侍郎。

乾隆四十二年丁酉十二歲

三月七日癸酉、妣父柩於吳縣一雲山東麓神臺墩下祖塋之側。

先生少孤多病、枕上未嘗廢書、人咸異之。

隨舅氏陳鑑塘於京師。

陳鑑塘名源燾、本姓鄭、宛平籍、元和人。乾隆三十三年戊子舉人、三十六年辛卯恩科進士、時官侍御。

乾隆四十三年戊戌、十三歲。

乾隆四十四年己亥、十四歲。



儒藏

顧千里先生年譜 卷上

乾隆四十五年庚子十五歲。

乾隆四十六年辛丑十六歲。

自京南回與程念鞠游長洲張白華先生門假館於程氏不喜時藝每問師讀書之法念鞠既同門富藏書與先生善因得徧覽其書。刻易林序云是年南回李申耆撰先生墓誌銘云弱冠南學者稱萬卷書生焉。

程念鞠名世銓字叔平別號鞠莪有鄧尉探梅圖卷。按念鞠自題云己酉仲夏世銓書於寸草軒中下有銓字方印鞠莪二字朱文方印。

張白華名思孝字南陔長洲人諸生有白華堂詩

詞。其詞集一卷名鷺邊詞詒珠已刻入又滿樓叢書。

乾隆四十七年壬寅十七歲。
乾隆四十八年癸卯十八歲。
乾隆四十九年甲辰十九歲。
乾隆五十年乙巳二十歲。

先生謂黃堯圃曰、有宋刻鑑誠錄、得諸徐七、來家後
爲程念鞠豪奪去。

乾隆五十一年丙午二十一歲。
乾隆五十二年丁未二十二歲。
乾隆五十三年戊申二十三歲。
乾隆五十四年己酉二十四歲。



乾隆五十五年庚戌二十五歲。

春、執贄於江艮庭先生之門十年、得惠定宇遺學、盡通經小學之義。墓誌銘以先生入江先生之門在三十歲後、疑有誤。

江艮庭名聲、字叔灃、元和人、年三十師事同縣惠定宇。嘉慶元年丙辰舉孝廉方正、賜六品頂戴、四年己未九月三日卒、年七十九歲。

惠定宇名棟、號松崖、士奇子。幼承家學、經史諸子稗官野乘無不通。乾隆十六年辛未、詔舉經明行修之士、兩江總督黃廷桂、陝甘總督尹繼善交薦之、因所著書未及進、罷歸。生於康熙三十六年丁

丑卒於乾隆二十三年戊寅年六十二歲。

乾隆五十六年辛亥二十六歲。

八月十三日、東洞庭山徐學友葬其父增貢生漱坡、
妣邱孺人、來請先生撰墓誌銘。

冬、先生謂鈕匪石曰、有顧子述者攜其友臧拜經所

輯爾雅古注來吳、因得寓目、蓋希有之書也。

日本神田喜一

郎編先生年譜云、許瀚於先生許得聞臧庸輯有爾雅古注、許瀚字印林、日照人、乙未北闈舉人、精考訂訓詁之學、似未與先生相識。

十一月、鈕匪石訪先生、借戴東原所校孟子注、與先生暢談。先生謂方言非揚子雲作、又謂通雅甚雜、竹



儒藏

顧千里先生年譜 卷上

書紀年、孔叢子家語不足引用。

先生自入江先生之門、學問益進、得交當世名人。

徐漱坡名金霖、字翔千、長洲人、卒於乾隆五十一年丙午正月十三日、年六十九歲。

鈕匪石名樹玉、字藍田、洞庭東山布衣、通六書之學。

臧拜經名庸、字西成、本名鏞堂、武進人。所輯韓詩遺說、先生以爲輯韓詩眾矣、此爲最精。生於乾隆三十二年丁亥、卒於嘉慶十六年辛未七月、年四十五歲。



戴東原名震、字慎修、休甯人。乾隆二十七年壬午舉人、三十九年甲午奉旨得與乙未貢士一體殿試、賜同進士出身、授翰林院庶吉士。生於雍正元年癸卯十二月己巳、卒於乾隆四十二年丁酉五月二十七日辛卯、年五十五歲。

乾隆五十七年、壬子二十七歲。

端平重修皇朝文鑑一百五十卷、舊鈔本、蔡竹堂藏書、抱沖跋曰、此書乃前明崑山葉文莊物也。其鈔凡三手、通部前後、著錄者所書也。其序目雄壯之筆、絕類寫經體者、文莊筆也。余以文莊跋金石錄筆對閱、故知之。其目錄中

以及卷七十六至七十九四卷、九十三、四兩卷，故老相傳爲文氏二承筆，卽隆慶間文莊後人失去中一分，以倩名人補錄者也。其說余未之信。然要其大概，則此書鈔自宋刻，書屬名手，其爲善本可知。間嘗取慎獨齋刊本一對，其謬誤不一，益見此本之宜寶貴矣。跋尾名恭煥者，乃文莊五世孫也，手自校書不下萬卷，因閱菰竹堂書目知之。乾隆壬子清明後一日，三月十日，裒虛學道人顧之達記。

莫秋滋蘭堂所藏惠松崖校本大戴禮記十三卷歸黃薨圃。十一月中，薨圃於書肆得宋刻本，適抱沖欲

得惠校本，卽照原值歸去，以惠校卽據宋本也。
是年段茂堂來蘇州，先生始遇之。

段茂堂名玉裁，字若膺，金壇人。乾隆二十五年庚辰舉人，晚年卜居吳郡楓橋，閉戶著書。生於雍正十三年乙卯，卒於嘉慶二十年乙亥，年八十一歲。乾隆五十八年癸丑，二十八歲。

壬子暮春，東城顧氏攜示黃蕘圃宋本列女傳，需值頗昂。至今年新春，蕘圃公車恩恩入都，夏初旋里，知是書已爲抱沖所得，心殊怏怏。

先生與鈕匪石同爲元和人，時相過從。四月十四日，



儒藏

顧千里先生年譜 卷上

先生以校本書示匪石，有先生自校之廣雅、段茂堂糾正盧抱經校刻之方言、惠定宇後漢書補注、惠氏校本大戴禮記。

穆天子傳一卷，抱沖校影宋本跋曰：王子春得一影宋鈔本，斷爛不全，失去一葉。其文與注則微有異同，因研朱細校其異，顧文字古奧，未敢妄訂是非，行就博雅家正之。癸丑霜降後二日，九月二日抱沖校畢記。十月，先生校影宋鈔本文苑英華辨證，十日畢，跋之。十二月十八日，鈕匪石候抱沖及先生於小讀書堆，見校宋本漢書藝文志及校宋本列子、毛鈔石渠爾

雅。

盧抱經名文弼字紹弓又號槩齋杭州人。乾隆三年戊午順天鄉試舉人十七年壬申以一甲第三人成進士官至翰林院侍讀學士。生於康熙五十六年丁酉六月三日卒於乾隆六十年乙卯十一月二十八日年七十九歲。卒於常州龍城書院嚴修能書示兒編後云十月二月初六日歿於書院。

乾隆五十九年甲寅二十九歲。

四月十三日鈕匪石候抱沖觀影宋毛鈔五經文字九經字樣等書。



儒藏

顧千里先生年譜 卷上

四月二十日、抱沖書致匪石云、有宋本繫傳。匪石往觀之、惜止存三十至四十卷。

四月二十五日、匪石至黃蕘園家觀宋刻列女傳、與

顧氏所藏同。抱沖所得列女傳有牧翁題語、蓋卽所

牧翁而牧翁得於吳門老儒錢功甫者、與殿本印更前。

五月五日、匪石借抱沖所藏褚千峯手摹金石經眼錄。

五月七日、匪石飲抱沖家、觀宋本古文苑、王荊公選百家唐詩、元本冊府元龜。

金石錄三十卷、葉文莊故物、先生跋云、金石錄惟此



爲最善、錢叔寶手鈔者不能及也。近盧運使曾經刊行、然實無此兩真本、故大要甚舛。今家兄抱沖既皆收得、因借以細校、特多是正、惟惜未并得吳文定家本相證。乾隆甲寅六月十一日、廣圻記。

九月一日、匪石至蕘園家、又至先生館中、見所校潛夫論、越絕書。是時先生館蕘園家也。

九月二十一日、匪石訪抱沖、觀宋本東都事略。

十月三日、抱沖折簡邀匪石賞菊酒罷、出宋本昆山雜詠觀之、蝴蝶式裝、紙墨刻工甚精。又觀舊鈔長安志圖、抱沖云、比畢刻佳、係未經塗改者。藏昆山雜詠今藏常熟瞿氏。

詒琛已錄副刻入
靖帆樓叢書中。

十一月抱沖託匪石校詩人玉屑。

閱嘉定甲申吳越春秋影鈔本作跋。

是年先生以太元書室鹽鐵論校明鈔新淦涂禎刻
本除夕前一日潤蘋記。

時與先生同在蘇州者有黃蕢圃、袁綬階、周香巖、鈕
匪石、顧抱沖諸人均喜古鈔舊槧互相往來。

褚干峯名峻、邵陽人。常游江淮間、足跡所至、殘碑
斷碣、崩崖頽石、無不手自摩挲。金石經眼錄、干峯
樵圖、滋陽牛階平

運震

集說有何堂序及自序、刊



儒藏

顧千里先生年譜 卷上

刻甚精。

原本經眼錄爲上卷、金石圖爲下卷、光緒間貴池劉氏易名金石圖說、重刻行世。

袁綬階名廷樵、更名廷壽、字又凱、吳縣人、監生。其

藏書室曰五硯樓。身沒未久、子若孫弗克負荷、田

廬斥賣殆盡。生於乾隆二十七年壬午六月十四

日、卒於嘉慶十四年己巳、年四十八歲。

初秋得疾於杭、歸卒。

周香巖

又作嚴。

名錫瓚、號漪塘、又號香巖居士、嘉慶

二十四年己卯卒、年逾八十。

乾隆六十年乙卯、三十歲。

先生借抱沖藏何校宋本新序十卷傳錄、跋之曰、此
康熙庚寅義門何氏用陽山顧大有舊藏宋槧校、乾

隆乙卯傳錄。澗蕢記時孟陬九日也。

先生校老學庵筆記十卷跋之曰是書毛子晉刊入放翁集行於世。予嘗見陸敕先用鈔本所校斧季又用影宋本校後五卷用殘宋槧本校第七後半卷及第八卷改補諸處每與此刻合。今以朱筆圈別識之。蓋此刻所據乃善本也。獨是子晉跋語首稱向刻稗海函中宜用此爲底本而相出入如此。敕先斧季又絕不及此刻一語皆所未解也。乾隆六十年歲次乙卯正月十一日澗蕢顧廣圻校畢記。

閏二月黃蕢圃借先生傳錄何校宋本新序臨寫一

過跋之。

四月望日、堯圃訪抱沖、索觀何校宋本新序原本。先生又跋老學庵筆記曰、陸敕先用宋本校汲古毛氏所刊、今歸小讀書堆、取勘此刻、頗多與宋本合者、實勝毛本遠甚。已悉圈其旁爲識、其他異同仍載如右。乙卯四月、澗蘋又記。

五月一日、鈕匪石至抱沖家、觀宋本前後漢書。

六月、堯圃得影宋明道二年刻本國語、屬先生校舊藏校宋本。八月畢、先生有記。

十一月二十五日午後、匪石至抱沖家。



十一月晦日、堯圃至郡廟前五柳書居、得鈔本鉅鹿

東觀集、借抱沖所藏宋本勘之。

鉅鹿東觀集向未有重刻本、今詒琛已校

刻入峭帆樓叢書中。

十二月二十六日、匪石至抱沖家、觀宋本韓柳集、元本玉山草堂集、中吳紀聞等書。

先生爲從兄抱沖校刻宋槧列女傳、至丁巳年歲事而抱沖已卒矣。

焦理堂遇抱沖於秦淮。

不知何月、或秋試在江寧。

鮑以文向先生借所校文苑英華辨證、刻入知不足齋叢書。

是年始識彭甘亭。

乾隆末年，瞿木夫收得舊鈔，衢本郡齋讀書志先生寫其副。

陸敕先名貽典，號觀庵，常熟人，藏書多善本。

焦理堂名循，甘泉人，年十七歲入縣學，嘉慶六年辛酉舉人，閉戶著書，葺其老屋曰半九書塾，復構一樓曰雕菰樓，生於乾隆二十八年癸未二月三日，卒於嘉慶二十五年庚辰七月二十七日，年五十八歲。

鮑以文名廷博，號淶飲，歙縣人，嘉慶十八年癸酉



儒藏

顧千里先生年譜 卷上

奉上諭、鮑廷博年逾八旬、好古積學、老而不倦、着加恩賞給舉人。生於雍正六年戊申、卒於嘉慶十九年甲戌秋、年八十七歲。

彭甘亭名兆蓀、字湘涵、鎮洋人。生於乾隆三十三年戊子、卒於道光元年辛巳正月五日丁巳、年五十四歲。

瞿木夫名中溶、字萇生、嘉定人、錢竹汀之女夫。閤通淹雅、著書宏富。由庠生官湖南布政司理問。生於乾隆三十四年己丑、卒於道光二十二年壬寅、年七十四歲。

嘉慶元年丙辰三十一歲。

劉宗師歲試先生入元和學第三名題夫微之顯一

朝而獲至其馳詩玉水方流得流字。後於某年補曲

阜聖公府奎文閣典籍。墓誌銘云三十歲始補博士弟子員誤。

正月上元日黃蕘圃借抱沖宋刊本孫可之文集校毛刻本。

五月十三日鈕匪石候抱沖見宋本魏武注孫子吳子司馬兵法。

荀子二十卷影寫宋呂夏卿大字本先生跋之曰荀子向惟明世德堂本最行於世乃其本卽從元纂圖



互注本出，故重意之刪而未盡者，猶存兩條於楊注中。一修身篇丘山崇仁句下一王制篇何獨後我也句下。又何怪乎本之不精也。餘姚盧抱經學士彙諸本，參以己意校定重梓，首列影鈔宋大字本，卽今此本。從朱文游家見之也。考困學紀聞所引，如青取於藍，請占之五帝諸條。殆監本是已。採用頗多，咸足正世德堂之誤。然如君道篇狂生者不胥時而樂，正與爾雅釋詁暴樂、桑柔毛傳及鄭箋爆爍所用字同，則樂不得如世德堂本之改爲落明甚。而盧學士略不及此本之有樂字，然則此書不幾亡此字乎。他亦每有漏略牴牾，皆當據依以正之。今歸薌巖



備藏

顧千里先生年譜 卷上

周君收藏、蕘圃借得、命校一過、兼訪知宋槧印本在東城、藏書家持來擬售、略一寓目。樂字槧本他日倘與鈔同。竟爲蕘圃所有、當仍假此本一一覆審之云。嘉慶元年八月、書於黃氏之士禮居、澗菴顧廣圻。

八月、蕘圃以重價得馮寶伯、陸敕先手校文選六十卷、先生偕周香巖藏宋尤槧本校補之。

九月、跋正德乙亥鈔本博雅。

冬、蕘圃借抱沖所藏殘宋本說苑校程榮本、至二年五月始竣。

十二月二十日、先生跋蕘圃八月中所得馮陸校本

文選曰、此文選殊校出汲古主人同時馮寶伯手。其
前二十卷又有藍筆、則陸敕先所覆校也。今年秋八
月、予屬蕘圃以重價購之、復借香巖周氏所藏殘宋
尤袤槧本卽馮陸所據者、重爲細勘、閱時之久、幾陪
馮陸補其漏略、正其傳譌、頗有裨益。惜宋槧之尙非
全豹也。竊思選學盛於唐、至王深寧時已謂不及前
人之熟、降逮前明、幾乎絕矣。唯詞章之士掇其字句
以供輦悅、至其爲經史之鼓吹、聲音訓詁之鍵鑰、諸
子百家之檢度、遺文墜簡之淵藪、莫或及也。其間字
經淺人改易、文爲妄子刊削、五臣混淆善本、音注抵



牾正文，又烏能知之。因訛致舛，其來久遠，承襲輾轉，日滋一日。卷帙鴻富，徵引繁多，詞意奧隱，不容臆測，義例深密，未易推尋。雖以陳文道之精心銳志，旣博且勤，而又淵源多助，然舉正一書，猶時時有失。況余仲林記聞以下，撫華遺實，宜同自郛矣。廣圻由宋本而知近本之謬，兼由勘宋本而卽知宋本亦不能無謬。意欲準古今通借以指歸文字，參累代聲韻以區別句逗，經史互載者攷其異，專集尙存者證其同，而又旁綜四部，雜涉九流，援引者沿流而溯源，已佚者借彼以訂此。未必非此學之功臣也。體用博大，自慚

譏陋、懼弗克任、姑識其願於此、并期與堯圃交昂之焉。顧廣圻書於士禮居。

代抱冲撰列女傳序文、別爲考證、附於後、多采段茂堂說、以段君曰別之。

焦理堂至抱冲書室、得睹藏書。

始識吳山尊於吳下。

是年、在堯圃家借窗讀書、兼任校讎。

甲寅先生已館堯圃家、至今三

年矣。

先生嘗論經學云、漢人治經最重師法、古文今文其說各異、混而一之、則輻輳不勝矣。論小學云、說文一



書不過爲六書發凡，原非字義盡於此。欲取漢人經注作段借長編，而未屬稿。

劉宗師名權之，字德興，號雲房，長沙人。乾隆二十五年庚辰進士，時官禮部侍郎。

朱文游名煥，吳縣人。秋崖名邦衡姪。其藏書室曰滋蘭堂，藏書之富甲於吳門。延黃堯圃教讀，館於滋蘭堂，得徧讀四部書。

馮竇伯名武，常熟人。默菴鈍吟兩先生之姪也。家多藏書，著有書法正傳、遙擲稿等書。

吳山尊名薰，全椒人。嘉慶四年己未進士，官編修。

生於乾隆二十年乙亥，道光元年辛巳秋初一病
驟逝。

嘉慶二年丁巳，三十二歲。

去夏，黃堯圃移居王洗馬巷，思以舊宅學耕堂扁其
新廬，而難其人。先生曰：倘得程易疇先生書此，最善。
惜離此較遠，當遣人求之。今茲二月十日，錢竹汀先
生過堯圃，談及欲拜遠客，問何人，則曰：易疇先生也。
堯圃狂喜，遂懇竹汀先容，卽偕先生往謁，拜求椽筆，
易疇迅速揮之。堯圃取案頭鈔本吳都文粹四冊報
之。



儒藏

顧千里先生年譜 卷上

先生得陸敕先影宋九卷本古文苑於抱冲家。春從兄抱冲卒年四十五歲。先生撫本禮記鄭注考異序云往者家從兄抱冲收善本經籍將次第刊行不及而沒。

焦理堂哀抱冲詩云抱冲弈弈目光照人鶴作形氣書爲性真。我識君屋背城面津。丹鉛縱橫誦讀不輟。誦讀不輟今輟且絕。將旅吳閫我欲迂行。

瞿木夫輓抱冲詩曰嗟嗟顧君好讀書百萬牙籤皆玉軸。宋刊元印與明鈔插架堆牀娛心目。一握書論一斛珠。購來手自三薰沐。黃金散盡爲收書。祕本時

時出老屋。又詩曰、令弟風流歎阿兄、遺書謹守藏家

塾。徧乞名公作傳銘、一甌和淚重編錄。注、抱冲著有一甌錄。

南部新書十卷、黃薨圃藏有殘本、借周香巖藏本影

鈔以成完書。周本係虞山錢遵王所藏。先生跋之曰、

陳王友元庭堅戊所謂王府官友一人、載新舊唐志、

而鈔本竟削去友字。其他錯誤每如此、惟此刻本最

爲近之。義門所改頗有未妥者、如代其精甲五百壬

等刻本不誤也、其駿正也、是翁所校之誤多是。然如

改鄭康成禮記大問曰、聘爲待問壬一房、光庭乃新

唐書宰相世系表所謂房、非姓也、去一字。庚未經舉

出者尙夥、益徵雌黃不容輕下矣。堯圃有殘本、缺甲乙二卷、借此於周君薌巖鈔完之、而不錄兩家校語、有以哉。大清嘉慶丁巳六月八日、元和顧廣圻讀一過并記、時在士禮居之西齋。

六月、從周薌巖借惠松崖校韓非子、過錄於趙文毅刻本上、先生跋曰、韓非子譌舛殊甚、宋本弗得一見。孱守老人曾用以校第三一卷、是當時已無全豹矣。又用葉林宗道藏本、秦季公校本及趙此刻校張鼎文本、而惠松崖先生復用此刻校臨。今兩本皆爲周薌巖收藏。丁巳夏六月借錄一過、用松崖先生本爲



主評閱語悉著之。惟張本雖缺和氏姦劫說林六微等處而字句頗多長于此刻者。松崖先生略而未及。今一一補入。道藏本宜善而校出者亦未詳盡。秦本最劣不足用。讀者詳焉。澗蘋顧廣圻記於士禮居。又跋曰。凡文有複出而張鼎文本少數字皆脫爾。二十三日覆校一過畢。馮偁迂詳者蓋凌氏刻本多臆改不足據也。澗蘋又記。

又跋曰。九月十八日從壽階袁氏借正統十年刻本道藏勘過。其本與張鼎文刻本多合而與孱守老人所據葉林宗道藏本大不相同。故不復一一標出。當

俟得見葉原書時再定之。澗蘋又記。

閏六月三日、堯圃從抱沖弟東京借得抱沖舊藏殘宋本林和靖先生詩集、手校其異同於明本上。時先生爲堯圃家塾師、謂堯圃曰、此種書世不多有、當錄一副本存諸士禮居中、未始非爲此書廣其傳也。且抱沖已故、其書不常寓目、今得副本展玩、不如見故人耶。堯圃卽倩先生用舊紙影摹、與抱沖本無纖毫之異、至季秋月四日畢。

閏六月八日、堯圃曝書、與先生及夏方米同觀。乙卯夏所得宋本北山小集。



儒藏

顧千里先生年譜 卷上

先生又跋老學庵筆記曰、影宋本止有後五卷、毛斧季所據亦然、豈宋槧已不全耶。丁巳七月假得、較一過如右。至其本有評語、極淺陋可笑、而末題唐子畏名、茲悉削不錄、恐閱者仍惑焉、爰并識之。二十八日鐙下、顧廣圻書。

八月、堯圃屬先生校影鈔宋本、隸續十四卷。其卷十三鄧君闕畫像下、校補跋尾一段、計八十八字。又補無名人墓闕畫像一行、王稚子闕、沛相范皮闕後俱補繪畫象。自第八卷至末、皆據汲古閣毛氏影鈔宋本。



儒藏

顧千里先生年譜 卷上

冬、堯圃屬先生補寫影宋鈔景定建康志卷中闕葉并跋之曰、此讀未見書齋所藏景定建康志、依宋本舊鈔也。失去者十二卷、六至十二、十三、四十二、三十九至三、四十四。堯圃既從家抱沖本鈔完、復以卷中闕葉屬予補寫、意謂當是所據宋本模糊、抱沖本雖有、或係出於補板、故不羈入、而附於後、蓋慎之至也。抱沖本有錢竹汀先生校語十餘條、別爲一紙錄之。嘉慶丁巳澗濱記。

十月十九日、閩門文秀堂書坊買得故家舊書、堯圃急同先生往觀、見抱朴子一書、尙是舊鈔、卷末有吳岫印、知係方山點閱本。明嘉靖時人。堯圃遂購歸。先生嘗

謂堯圃曰、抱朴子道藏本爲最勝、此外無復有善本矣。

十一月、先生爲堯圃撰汪本隸釋刊誤、并爲作序及後序、又自爲後序。

跋抱沖宋刻本孫可之文集。

先生所錄惠松崖、段若膺校定本廣韻五卷、是年李子仙手臨一本。

作戈小蓮半樹齋文集序。

程易疇名瑤田、歙縣人、乾隆三十五年庚寅舉人、太倉州學正。著有通藝錄。



儒藏

顧千里先生年譜 卷上

錢竹汀名大昕，字曉徵，號辛楣，嘉定人。乾隆十九年甲戌進士，選庶吉士，官至少詹。歸田三十年，歷主鍾山、雙東、紫陽書院。嘉慶九年甲子十月卒于紫陽，年七十七歲。

夏方米名文燾，字季慈，吳縣人。乾隆五十七年壬子舉人，泰州學正。時亦館於蕘圃家。

李子仙名福，字備五，吳縣人。嘉慶十五年庚午舉人。蕘圃刻明道本國語，卽子仙影書。著有花嶼讀書堂詩集。

戈小蓮名宙襄，元和人。生於乾隆三十年乙酉，卒

于道光七年丁亥二月朔年六十三歲。

嘉慶三年戊午三十三歲。

僑吳集十二卷明宏治丙辰吳下張習重刊本是年

七月爲黃蕘圃收得先生跋之曰朱三丈故物

卽朱文游

今在周香巖家較此本多十一卷之六葉其第五葉

仍闕如也。蕘圃借歸屬予影寫補入而去所附錄宋

氏鈔本之半仍留一葉俟他本以續完璧云。八月二

十四日澗菴記。

蕘圃得此集其中闕葉取太倉朱蔚如校鈔本照此集行款補錄附於後。

今先生借得朱文游藏張習刻本影寫補入第六葉其第五葉仍闕故云去所附錄宋氏鈔本之半也。

是年先生校宋景祐二年監本漢書於讀未見書齋。

嘉慶四年己未三十四歲。

堯圃跋宋本戰國策云、聞海內藏書家尚有兩宋本、

一在桐鄉金雲莊家、

先生謂堯圃曰、此書先爲郡中毛榕坪購得、雲莊其親也、家奪

而去。按夏方米詩有跋認絳雲樓句、則爲牧翁藏書也。

一在歙汪秀峯家。去冬

鮑淥飲來蘇、以金本介袁綬階示余、訂觀於鈕匪石

寓樓、遂議交易、以白鏹八十金得之。屬澗蘋取影宋

鈔本參校、勝於鈔本云云。堯圃有詩題之、

匪石先有詩、夏方

米亦有詩。先生亦題一詩曰、人間真本在、勝借目耕樓。我

獲銘心賞、君擔交臂愁。兼金誇未抵、雙壁擬都收。請

振桐鄉杙、相期換歛游。應堯圃命繼和、澗蘋顧廣圻



藏

稿。

金石錄、葉文莊故物、爲抱沖所得、先生謂堯圃曰、金石錄之妙、無過此本者。因以手校本示堯圃、堯圃病其行款尙未細傳、復向小讀書堆借得原本、自爲對勘、以他事作輟。先生爲之補校、跋曰、右本爲堯圃所校、而予續完之者。葉本妙處、亦略擇極精者、標著下方、餘散在行間、皆可領得矣。雅雨堂書尙非惡刻、乃其舛如此、卽一易安後序、已不勝指摘、而全書何論乎。義門雖知用隸釋互勘、然所取僅載此跋尾之三卷耳、他如原碑全文散在隸續中者、且未遑細校、又

曷怪其多誤改也。重讀益歎葉本之妙。顧廣圻校畢記。

先生歲試玉峯，得元刻本丁鶴年集四卷歸蕘圃。先生題詩得年字，禁押本事。時嘉慶己未四月，詩曰：西域詩人集，傳於至正年。諸兄咸附錄，高弟各分編。時

下哀思淚，亦隨方外緣。須知海巢序，只說武昌前。

蕘圃

方米均

有和作。顧廣圻稿。

時王峯書攤傳聞有舊刻大戴禮。先生欲與蕘圃買舟往訪。

再賦丁鶴年集，得丁字，仍禁本事。詩曰：搜來從架下，

首葉已殘零。我自一知己，人殊不識丁。收藏誠有數，

呵護豈無靈。別具區區意，茲爲隗始甯。

時蕘圃命某買爲玉峯續



訪之顧廣圻稿。堯圃方米
役。又有和作。

堯圃以野客叢書從先生易傳錄陸敕先校本陸游
南唐書二十卷先生跋之曰汲古閣初刻陸氏南唐
書外誤特甚。此再刻者已多所改正。然如讀書敏求
記所云卷例俱遵史漢體首行書某紀某傳卷第幾
而注南唐書于下。今流俗鈔本竟稱南唐書本紀卷
第一卷二三列傳亦如之。開卷便見其謬者。尙未改
去。其他沿襲舊誤可知其不少矣。陸敕先校本藏小
讀書堆傳臨一過。頗多裨益。藏之篋中久矣。今堯圃
話及此書未得佳本。而予適欲得其重本之野客叢

書因舉以相易。堯圃其姑儲此以俟。特未審遵王所藏。敕先所見。是一是二。惜敏求記不言其詳也。他時庶乎遇而辨之。嘉慶己未五月。顧廣圻記。

先生於玉峯爲堯圃收得明人葉德榮手鈔法帖刊誤。翻宋本圖畫見聞志。

乾隆乙卯。堯圃得校宋本揚子法言。李注十三卷。沈寶硯筆也。舊爲滋蘭堂朱文游所藏。是年先生借讀。因跋曰。右所據乃司馬溫公所謂李祠部注本。及音義最爲精詳者。今李注補正善矣。而音義頗多。不能別識。於此恨何校之不密也。何義門。賈人錢景開言。桐



鄉金德輿

號雲莊

曾以宋槧大字揚子進呈、未知卽此

所據與否。已未六月、顧廣圻借讀并記。

是年、蕘圃得元刻十二卷本稼軒長短句、因闕三葉、出舊藏毛鈔本屬先生檢卷中所有之字集補之、并屬先生跋之曰、文獻通考稼軒詞四卷、陳氏曰信州本十二卷、視長沙爲多。此元大德間所刊、以卷數考之、蓋出於信州本。宋史藝文志云辛棄疾長短句十二卷、亦卽此也。嘉慶己未、蕘圃買得於骨董肆內、闕三葉、出舊藏汲古閣鈔本、命予補足。因檢卷中所有之字、集而爲之、所無者僅十許字耳。旣成、遂識數語

於後。七月廿二日、澗蘋書。

九月三日、江艮庭卒。先生檢點先師遺札十餘通、書其後。

十月二十七日、先生爲蕘圃撰影宋明道二年刊國語札記、並代爲序文、助蕘圃合刻之。

孫武私印、爲孫淵如作詩三首、時方刻宋本管子。

此書

詒琛未見。

孫淵如名星衍、號伯淵、陽湖人。乾隆三十七年壬辰入縣學。五十一年丙午鄉試第八十七名舉人。丁未會試第二十三名進士、殿試一甲第二名、賜



儒藏

進士及第、授翰林院編修、官至山東督糧道。嘉慶十二年丁卯、署布政司印。

嘉慶五年庚申、三十五歲。

春、黃蕘園從吳兔牀借影宋鈔咸淳臨安志六十五、六十六兩卷、屬先生傳錄之。

三月、影宋明道本國語及札記刻成。

首夏、爲鮑渌飲用明姚舜咨舜咨名咨、號皇象山、人無錫人、著有潛坤集。

家鈔本校明潘方凱刻示兒編、并作跋。

五月十六日、校經典釋文卷二周易音義。隆案、先生校本今藏

余齋中、余藏乾嘉經師校釋文凡十部、如惠松厓、段茂堂、鈕匪石、袁壽階、顧抱冲、臧庸堂、江鐵君、陳碩甫、



管吉云、而以先生所校爲最多、且詳全書、朱墨爛然。計自是年起至嘉慶二十五年庚辰止、前後經二十一年。蓋先生自三十五歲至五十五歲、中年精力盡萃此書。暇當精心條錄、以爲先生遺著之一。今先以有年月可稽者、分條按年錄入焉。

翠微先生北征錄十二卷、舊鈔本。先生跋曰、翠微先生華岳、字子西、在宋史忠義十。其南征錄、北征錄皆不著於藝文志。南征錄詩居十九、卽其別集。此北征錄皆兵家言。近盧氏召弓志補亦著於別集、從類例也。唯云十一卷者、依此是十二卷。蓋俗本誤并其一卷耳。世鮮傳者、得觀於讀、未見書齋、楮墨間古香噴溢、三數百年物也、令人於肅然起敬中、仍愛玩不忍。

釋手云。嘉慶庚申、顧廣圻記。

南征錄、北征錄、光緒間貴池劉聚卿世珩付梓。

校刻甚精。

秋、先生鄉試歸、堯圃言有宋板羅照諫甲乙集十卷、

惜去遲、爲他人得去、心甚快快。

是書至辛酉年議價至一斤金、仍爲堯圃

所得。

九月、孫淵如來蘇州、十一月歸金陵。先生與段茂堂、

鈕匪石、黃堯圃、顧南雅、何夢華、李尙之、瞿木夫、袁綬

階等餞淵如於虎邱之一榭園。

一榭園辭徵君一瓢別業。

嘉慶三年戊午六月、孫淵如丁太夫人艱。九月南歸、

過微山湖、大風舟覆、載書數十簏及書畫均沈沒。宋



刻顏氏家訓七卷、考證一卷、亦沈涇焉。是年八月、先生告淵如曰、何義門家藏書亦皆沈水者、此有義門跋、蓋兩經水厄矣。九月、錢聽默自金陵攜歸、售與堯圃。蓋淵如因遭水溼、託爲裝潢、遂爲堯圃所購得也。鮑氏集十卷、影宋鈔本。先生跋曰、此鮑集與讀未見書齋所藏毛氏影宋本同。第二卷闕去兩半葉、余從彼補寫入。主人指堯圃將以歸綬階、綬階其寶之。庚申九月、澗蘋記。

冬、仁和孫邦治擬重刻宋九卷本古文苑、旋遭何人攫去資費、工乃弗就。

孫淵如在浙中得孫晴川手鈔本大象賦并注一帙。借閱周漪塘所藏毛斧季校本說文，卽書其後。

吳兔牀名騫，字槎客，海昌人，築拜經樓藏書。生於雍正十一年癸丑，卒於嘉慶十八年癸酉，年八十一歲。

何夢華名元錫，字敬祉，又號蝶隱，錢塘人，監生。家多善本，嗜古成癖。游粵中，客死，生於乾隆三十一年丙戌，卒於道光九年己丑，年六十四歲。

李尙之名銳，一字四香，元和人。乾隆五十三年戊申入縣學。生於乾隆三十三年戊子，卒於嘉慶二

十二年丁丑年五十歲。

新陽張星鑑撰先生傳云嘉慶二十二年六月三十

日卒於家年四十有五。

孫晴川名之騷字子駿仁和人貢生官慶元教諭著述甚多卒於乾隆九年甲子。

嘉慶六年辛酉三十六歲。

雲溪友議三卷明刻本先生跋曰家兄抱沖曾得惠松崖手校者但云舊本不知何刻嘉慶辛酉買此於杭郡吳山書肆取歸比對字句脗合鮑渌飲丈云此亦是彙刻之一種嘗見泊宅編亦同此板匡暇更訪之。



先生自嘉慶元年丙辰館黃薨圃家、至辛酉薨圃四赴計偕、賓主之歡遂散。先生遂應阮雲臺聘、入校經局。

阮雲臺撫浙、延先生及武進臧拜經、錢塘何夢華同輯十三經校勘記、寓武林之紫陽別墅。海寧楊芸士始與先生訂交。

阮雲臺建詒經精舍於西湖、大集天下學者、故先生得與諸名流相遇。

先生借袁壽階手鈔錢竹汀唐石經攷異、傳錄一部。跋之曰、嘉慶辛酉、元和顧廣圻借錄一部、訖時寓西

湖孤山之蘇^③祠中。

臘月朔、阮雲臺人天竺山祈雪、卽日得雪。出山過謁經精舍、訪先生及臧在東、卽拜用去年得雪詩韻^④五古一首。

是年先生始識郭祥伯。

阮雲臺名元、字伯元、儀徵人。乾隆五十一年丙午舉人、五十四年己酉進士、官至雲貴總督、協辦大學士。道光二十九年己酉十月薨、年八十六歲、予謚文達。

楊芸士名文蓀、字秀實、海昌人。寓吳中、好藏書。錢



衍石有楊芸士小像贊。生於乾隆四十七年壬寅，卒於咸豐三年癸丑，年七十二歲。

郭祥伯名麇，自號頻伽居士，吳江人。年十六補諸生，三十後絕意進取，而專詣於詩。晚年遷嘉善東門之江家橋，卒年六十五歲。

嘉慶七年壬戌，三十七歲。

先生曾以武進臧庸堂用葉林宗影宋本經典釋文校本臨於通志堂本上。跋卷一敘錄後曰：近知此人好變亂黑白，當不足憑據，擬借元本一覆之。壬戌正月記。



嚴九能以重價得宋槧儀禮要義於杭州汪氏。是年在西湖示先生，別有九能自鈔一部，借與先生。先生跋宋本曰：右宋槧本魏文靖公儀禮要義五十卷，歸安嚴君九能藏書也。嘉慶壬戌，九能攜至西湖，予所寓居相示，并別有手鈔者一部見借。予久聞此書，今得觀焉，乃歎賞以爲真天地間第一等至寶，不徒因宋槧而珍重者也。今之儀禮注疏依十七篇爲卷，而賈氏之元第世不復見。向在吾郡黃氏傳校其所藏景德六年單疏本，謬爲得未曾有，但其失去卅二至卅七六卷，是一大闕陷事。今用此書以相比校，則其

分卷之處、景德本所有、既合若符節、景德本所無、正
釐然具存、一一可取以補全之也。卽此而爲功於賈
書者、不甚大哉。至其文句與今本異者、必與景德本
合。如聘禮記對曰非禮也敢、唐石經敢下衍一辭字。
自宋以來經注各本皆仍其誤。賈疏云、介則在旁曰、
非禮也敢。張忠甫嘗據之以證辭之爲衍字者也。今
注疏本反依誤本經注增辭字於下、致爲鉅謬。唯景
德本及此則儼然未有也。此類尙夥、當以卒業後悉
標識於鈔本、茲特撮舉其崖略、書於後而還之。六月
七日、元和顧廣圻記。

詒琛案、景德未具宗年
號、祇有四年無六年也。

中丞阮公將爲十三經作者證一書、任儀禮者爲德清徐君新田、新田與九能有姍親、曾傳鈔是書。近日復從予所持舊校景德本去、臨出一部。將來此二書者皆必大顯白於天下、然溯導河所自、則此本與景德本實爲昆侖源也。廣圻又記。

夏六月、先生歸自杭州、黃蕘圃從先生以白金十二兩得元刻呂氏春秋、舊鈔嚴氏詩緝、明刻書三史會要。

中元前三日、蕘圃以三十金得先生最寶貴之影宋鈔本韓非子。先生跋之曰、此韓非子爲錢氏述古堂



影宋鈔本、曾藏泰興季氏、見於二家書目者也。今裝池尙仍錢氏之舊、首葉有季氏藏書鈐記、可證其確然矣。近日從新安汪啟淑秀峯家所謂開萬樓者賣出、遂於杭郡轉入余手。緣力不能蓄、復爲蕘圃黃君捐三十白金取去、豈物固各有主耶、抑物雖好而有
力者始能聚耶。於其歸之也、率題數語以志緣起、並質其理於黃君也。若夫此本之勝俗本、有不以道里計者。卽趙文毅本雖從此本而出、然頗出意見改竄、亦失其真。非得見此、無由判斷其是非。不僅因名鈔而足重、則黃君之知甚審、不待余贅言。余故不覲縷



云。嘉慶壬戌中元前三日、澗菴顧廣圻書於城南之

思適齋。

蕘圃曾從周香巖家借得張鼎文本韓非子屬先生臨校於趙本上。

七月、先生往杭州游西湖、作有感七律一首。九月作重有感七律一首。

借小讀書堆藏宋本毛詩三卷、在西湖寓館校讀一過。先生跋之曰、錢曾敏求記云、毛詩鄭氏箋廿卷、南宋刻本、首載毛詩舉要圖者、卽此刻本也。十年前家兄抱冲收得之、藏于小讀書堆。近始借在西湖寓館校讀一過、所見毛鄭詩本子莫有舊於此者、洵足寶已。嘉慶壬戌九月初一日、元和澗菴居士顧廣圻書。

廣雅十卷、明刻校影宋本、首葉先生題記曰、嘉慶壬戌、在西湖孤山、與蕭山徐君北溟同住、辱以嘉靖時吾郡沈辨之野竹齋校雕韓嬰詩外傳見贈、乃於行篋檢此報之。北溟熟於此學者也、影宋本之善、當共忻賞焉。影宋本今藏同里黃蕘圃氏、向曾爲之用畢、效欽刊本校一部、有人借以寄王懷祖先生、今載入疏證中也。元和顧廣圻記。沈辨之名與文、嘉靖間藏書家所刻書又名繁露堂。末葉又有硃筆題記云、凡此本脫落處、畢效欽本有之、其改正出畢本外者、又得百十字。影宋本之所以爲獨善於他刻也。若傳寫久訛、必博考羣籍而後得。

之者。則有王氏疏證在。然疏證實有取資於影宋本。則誠讀此書者之不可廢矣。澗菴校畢記。

九月二十日。先生重觀影宋鈔韓非子於讀未見書

齋。

是時先生蓋又從杭州回蘇。

嘉祐集十五卷。明弘治辛亥刻本。宋蘇洵撰。先生跋

曰。此前明鄭端簡

鄭曉字室甫。海鹽人。明嘉靖元年壬午解元。二年癸未成進士。官至

刑部尚書。忤嚴嵩落職卒。詔復職。隆慶初贈太子少保。諡端簡。家藏書。嘉慶壬戌得

於金閶萃古書坊中。黃堯圃有蔣篁亭臨校宋本。從

之轉錄。九月廿九日。顧廣圻記。

校經典釋文卷七毛詩音義。先生跋曰。嘉慶壬戌十



月初九日、黎川湛華堂讀訖。澗蘋記。

十一月、校經典釋文卷五毛詩音義、先生跋曰、十一月在黎川湛華堂讀、中間瘧疾大發、屢作屢撤、殊苦不貫穿也。澗蘋記。是月初九日校卷六跋曰、壬戌十一月九日、黎川湛華堂重讀此卷一過、以毛居正六經正誤證之、葉鈔從宋時潭本出。澗蘋居士記。

歲杪、堯圃徙居縣橋巷、先生有詞一首調寄大江東去、用東坡韻、賦堯圃移居圖。

是年、先生爲堯圃校明鈔鹽鐵論、至明年畢。

嚴九能名元照、字修能、歸安諸生、創芳茱堂、聚書

數萬卷。其著述陸氏刻入湖州叢書。

徐新田名養原、德清人。其著述刻入湖州叢書。

汪秀峯名啟淑、號訥菴、歙縣人。官工部都水司郎中。寓居杭之小粉場。其藏書室曰開萬樓。乾隆三十七年賞古今圖書集成一部。

嘉慶八年癸亥、三十八歲。

癸亥春正、校經典釋文卷五毛詩音義上。先生跋曰、癸亥春正、重校宋本、宋本園有桃篇棘、俗作棘同、當集韻證之。白華篇一音於驕反、正可訂六經誤之謬。皆一字抵千金矣。世間瞽人往往詆宋本不足重、呵佞宋者爲淺學、



儒藏

彼固未嘗究心於鉛槧耳。澗蘋又記。

先生爲堯圃校閱明鈔涂禎刻本鹽鐵論跋曰嘉慶癸亥堯翁屬閱一過就所見標於上方此書明代屢刻俱遜於櫻寧齋鈔本然誤處仍多惜不得宋元舊槧一掃風庭之葉也嘉泰壬戌本見宏治辛酉涂禎跋中不識尙在天壤間否顧千里記。

堯圃從先生借嚴氏芳茱堂所藏影寫吳匏菴手鈔本墨子十五卷先生猶豫未決旣檢陸其清佳趣堂書目有云墨子十五卷吳匏菴手錄張青父舊藏可信而有徵矣正月小晦跋。

此堯圃跋。



影宋精鈔本高注戰國策三十二卷四冊、東城顧氏藏書、由蔣春皋以歸於小讀書堆。先生跋曰、吳師道云、剡川姚宏續校注最後出、予見姚注凡二本、其一冠以目錄劉序、而置曾序於卷末、其一冠以曾序、而劉序次之云云。此卽所謂冠以曾序之本也。宋槧原出梁溪安氏、陸敕先亦據以鈔校、刻入盧氏雅雨堂、但失其真矣。其冠以目錄劉序本、出梁溪高氏、宋槧之極精好者、今在黃蕘圃家。近將重爲刊行、於此有異同、此本世鮮蓄之者。自是戰國策一重公案、後人勿因其一刻再刻而漫視之也。嘉慶癸亥五月、書此。

留示阿和、阿道回，數家兄下世已闋七年，爲之泫然。澗蘋居士廣圻記。

秋，先生自黎川歸，堯圃訪之城南思適齋。先生曰：「聞子欲賣詞，余反有一詞欲子買之。」堯圃曰：「此必宋刻矣。」先生曰：「非宋刻，欲勝於宋刻。」昔錢遵王已云宋刻殊不足觀，則元本信可寶。請觀之，則延祐庚申刻東坡樂府也，需值卅金。堯圃因檢書一二種，集之友人，得銀二十四金，先生猶不足，復益以日本刻簡齋集，交易始成。

江氏編堯圃年譜，交易在季冬六日。

說文繫傳，先生用汲古閣影宋鈔本校於汪刻本上。



書中閒稱殘宋本云云、殆又借堯翁所藏之本比合
 參校者。卷首有先生篆書題簽、右方題汲古閣藏鈔
 本校補一行、補下有十一至十二雙行小字。卷三十
 後題、此新刻繫傳、校舊鈔本十一至二十凡十卷、多
 脫誤。癸亥七月草草錄一過、二十三日澗菴記。先生
 後為楊氏海源閣所藏、近年散出、為日照王獻唐所
 見、因輯錄先生及桂未谷、王蒙友所校為說文繫傳
 三家校語、執錄第一卷、印入山東省
 立圖書館季刊第一集第一期內。

秋、堯圃於先生處得宋刻茅亭客話十卷、又得宋本
 唐求詩集一卷。

秋、為堯圃刻宋刻川姚氏本戰國策、取堯圃所藏元

至元乙巳吳氏本戰國策對勘作札記三卷附刻於後。十一月代堯圃序之并自爲後序。

華陽國志十二卷晉常璩撰鈔本先生跋曰此從常熟馮氏空居閣本影鈔者馮本余收得今歸袁綬階又黃堯圃有何義門手批錢罄室家本從吾師張白華先生得之行款正同聞吳方山有宋本在某人處想亦無異。後見之果然。皆出於宋嘉泰刻本故迥非俗刻可比。屢欲取史記以下各史及水經注太平寰宇記等書詳加校正重刻行世忽忽無暇展卷不勝日月逝矣之歎也。嘉慶癸亥十月廿一日澗蘋居士鐙下

記。

十一月校經典釋文卷二十九爾雅音義。

是年先生在吳中似未往杭州。

嘉慶九年甲子三十九歲。

程念鞠宦游江西家中書籍大半散佚黃薨圃謀諸書賈而得宋槧本鑑誠錄正月二十五日先生跋曰嘉慶甲子重見此書於讀未見書齋去予前買得時忽忽二十載矣。鮑渌飲丈欲刊入知不足齋叢書至今未果。予向謂此書頗載極有關係文字足當鑑誠之目不盡如朱竹垞氏所云安得好事者傳之。薨翁



儒藏

屬題數語聊識於後并不能無雲煙過眼之感也。潤

蘋居士顧廣圻書。

宋槧鑑誠錄念鞠豪奪斐函謀諸書賈均無謂也。至於今此貴重之

書又幾易主人矣。惟鮑氏刻入知不足齋叢書至今流傳所以私之己不若公之世。

三月先生與袁綬階遊焦山拓無專鼎以歸。

校經典釋文周禮音義先生跋曰嘉慶甲子潤蘋錄

鈕樹玉校宋余仲仁本周禮釋文五月校毛詩音義

七月又校毛詩音義。

八月請陳曼生畫無專鼎圖與拓本共裝一冊。

蔡中郎集六卷明嘉靖喬世寧

世寧字景叔號三石子耀州人嘉靖戊戌

進士仕至四川按察使著有上陽集近年余友富平張君扶萬用鉛字印行流傳於世。

與俞憲

校刊本。先生跋曰、青衣賦雖爲張子並所誚、然是集中應有之文、豈在歐本闕卷中耶。嘉靖增多、不知采此、其未嘗學問可概見矣。十五日鐙下漫記、澗菴。記不記月、或卽九月。

又跋曰、嘉慶甲子九月、蕘翁出示此書曰、述古堂舊物也。予曰、誠然、但非佳本。何以然之、憶盧抱經氏曾言蔡集以天聖年間歐靜所輯本爲最古、第一卷首篇是喬太尉碑、今本移易其篇第、又并篇中顛倒次序、大失其意云云。所論致確、此本喬碑在第五卷、碑文次序與盧所謂顛倒者脗合、然則實誤本之祖耳。



詳盧言、歐本自在天壤間，何不留心搜訪之。因相與檢鍾山札記，果得其論，復尋此刻首冠之三序，知天聖癸亥歐靜輯本者十卷六十四篇，今爲六卷九十二篇，全屬嘉靖時愈憲喬世寧所改。明代人往往少學而好妄作，宜其無足據也。堯翁以爲然，乃書於後，用作他日得歐本之發端云。澗菴居士。此書經先生跋後，僅隔半載，果得歐靜所輯本十卷。見堯圃題跋。十月，爲袁綬階作五硯樓賦。

北宋本駱賓王集，堯圃於昨歲借得小讀書堆藏本傳錄，其跋云：抱冲下世，其孤尚幼，一切書籍俱託季

弟東京代司筦鐫。以余素與抱冲好，故時得借觀。此冊昨歲假錄，至今始竣事而還之云云。末題嘉慶甲子十月十有四日，堯翁黃丕烈識。

史通二十卷，明嘉靖乙未雲間陸儼山

儼山名深，字子淵，弘治十

四年應天鄉試第一。十八年以二甲第一名進士，改庶吉士，授編修。官至太常卿兼侍讀學士，進詹事。致仕卒，賜祭葬，贈禮部右侍郎，諡文裕。取舊本重校付梓，是明時第一刻。

萬曆壬寅長洲張鼎思復校陸本，增刪補改，稍爲可

讀。是年先生復以宋本校廿八條，又以嘉靖後校本

補勘之，均用墨筆。

江陰繆藝風荃孫言：不知千里所見是何本，廿八條與盧抱經羣書

拾補同。千里跋云：訂通釋之誤，則門面語云云。



先生跋史通云、孫潛潛夫手校本、於明刻多所是正、并足以訂近時通釋之失。今年予攜之行篋、尋覓數過、每歎其佳。五硯主人見而愛之、因照臨一通、而以其真歸焉。澗蘋居士顧廣圻記、時在秦淮寓中、嘉慶甲子八月三日也。

彭甘亭與先生同客揚州郡齋、贈先生詩曰、異書讎盡宿羅胸、奇士端應讓顧雍。亦是諸侯門下客、太阿秋水要藏鋒。時張古餘爲揚州知府。

先生旋應安徽廬州府知府張鞠園之聘、往廬州授徒、見所收影寫元槧本、元朝祕史通體完善。



孫志祖文選攷異甲子十一月粗閱一過既鮮精深亦未閱富就其所及仍饒疵類懸諸國門詎爲不刊乎。澗蘋居士記時在巢湖舟次。前年大隆得讀畫齋選李注補正二種皆澗蘋先生手校朱墨紛然適學南先生纂先生年譜卽將卷中所載年月錄去但私憾文選攷異一種不知流在何方去冬仲兄蔭嘉忽從坊肆無意遇之延津之合喜不自勝而學南先生所編年譜已有定本將壽諸木爰錄攷異跋尾以備補入並記得書之佳話。辛未端午前四日補安記。冬先生撰百宋一廬賦成。

陳曼生名鴻壽字子恭錢塘人嘉慶六年辛酉拔貢善古隸篆刻工畫有桑連理館集官江南海防同知卒於任。生於乾隆三十三年戊子卒於道光

二年壬午年五十五歲。

張鞠園名祥雲，晉江人，進士。嘉慶四年任廬州知府。至十一年以養親乞歸，十二年過吳，堯圃曾見之。堯圃有題張鞠園揚子飽帆圖詩。後以事下獄，瘐死。鞠園以廬

州志乘久闕，於七年聘孫淵如纂修，書成付刊。是爲後張志。今先生應聘往，蓋淵如所紹介也。是年

淵如補授山東督糧道。江建霞編黃堯圃年譜誤以張鞠園卽張古餘。

嘉慶十年乙丑四十歲。

春，百宋一廬賦自廬州張鞠園寄與堯圃，堯圃注之。至秋成，先生歸里，仍相與商榷焉。



三月、先生往揚州張古餘處、古餘託先生轉借張鞠園所藏影寫元槧本元朝祕史而自校之、并作跋。古餘又向友人借宋乾道元年刊本韓非子、先生亦校之、而成識誤三卷。先生三月往揚州、則自皖歸必在三月前。先生在揚州識秦敦夫、入石研齋觀所藏祕笈、卽撰石研齋書目序。時彭甘亭亦在揚州。

碧雲集二卷、汲古閣刻本、臨何義門校。先生跋曰、此臨何義門校也、得自揚州坊間。旋晤敦夫先生、談次及之、因以爲贈。時嘉慶乙丑三月、澗蘋顧廣圻記。嚴九能以重價得儀禮要義宋本於杭州汪氏、手錄

一副本。六月八日跋云、元和顧廣圻借去三年矣、年來資用日絀、度此書不能長爲我有、故又寫此本校而藏之云云。又跋云、遇元和顧君廣圻爲予道卷第之妙、始稍知此書於經注刪十之九、於疏存其半、所錄之疏悉據景德本、無所回換、非若朱子通解多所刪潤也云云。黃蕘圃有宋景德刻儀禮疏五十卷、猶存賈書之真。又跋曰、盧抱經所校儀禮、往時顧君廣圻頗掎摭此書之失、予告以篤老之年、校難讀之經、欲求一無可議難矣。顧君乃不言。

閏六月、張古餘撰開方補記九卷、先生爲後序。

錢塘屠孟昭同客邗江、索贈詩一首。

郭頻仰在邗上遇先生、并示偕慈仲倡和之作、用和奉贈詩。

秋、先生應孫淵如山東之招、將行、先歸里省母、後乃以事不果往。

先生從揚州歸、攜得學齋佔畢二卷舊鈔足本、堯圃以叢書堂鈔本互勘之。

彭甘亭題先生焦山拓鼎圖、卽送其之山左、詩曰、焦山我遊已十稔、鼎亦手自摩挲之。雲雷形繞耳與足、九十三字形摹奇。鑿旂編韞錫世惠、用享列祖同尊。



彝。鬯。何減召公虎。祇少吉甫旬宣詞。繫予區耆昧
孳乳。以手畫肚空嗟咨。回頭卻顧海濤涌。難忘金景
歆雲時。文學今之呂與叔。精博遠過黃伯思。讎書餘
力校金石。枯木堂下煩旃椎。推詳跟肘求證佐。如劉
杳辨犧尊犧。饗奇嗜古世無匹。所笑不救南山飢。韓
江小住去匆匆。待泛汶濟遊臨淄。泗鼎雖淪嶧山火。
應賸玉檢明堂基。搜牢或復歌得寶。兼借東閣商奇
疑。謂孫淵如觀察。頗聞讀書憂患始。何況文字爭豪釐。願君
勿更學古訓。發祕神鬼防相欺。一丁不識乃真樂。光
顏阿耄夫何辭。焦巖已登倘登岱。但訪沒字秦時碑。

八月、書士禮居洪氏集驗方後、辨明宋版太醫習業
是三因極一病證方第二卷之一條、並非別有此書
也。

先生用明嘉靖刻本焦氏易林臨校陸敕先校宋本、
與堯圃卷上末葉有墨筆題記云、嘉慶乙丑十月、借
於黃堯圃、臨校盡竟、其本乃陸敕先手校者。十三日
燈下澗賓居士記。又題云、廿二日續起、剝卷下末葉。
又題記云、嘉慶乙丑、元和顧廣圻臨校。十月廿九日
畢。先生旋客江寧、堯圃以札來告、將謀付刻。
十一月、先生覆閱影宋鈔本韓非子。



張古餘名敦仁，字仲簪，陽城人。乾隆四十年乙未進士，官至南昌知府，擢雲南鹽法道，以病致仕。其藏書室曰與古樓，在江寧中正街古餘舊宅東北隅。生於乾隆十九年甲戌，卒於道光十四年甲午，年八十一歲。

秦敦夫名恩復，一字澹生，江都人。乾隆五十二年丁未進士，官編修。讀書好古，所居五笥仙館，蓄書萬卷，丹鉛不去手。

屠孟昭名倬，錢塘人。生於乾隆四十六年辛丑，卒於道光八年戊子，年四十八歲。

嘉慶十一年丙寅四十一歲。

程念鞠從江西解餉至江寧，旅中病卒。先生館於江寧，太守許因爲料理喪事，令其孤扶柩歸。時張古餘任江寧知府。

先生在揚州，彭甘亭刻初集成，命先生序之，辭而弗爲。

爲張古餘合刻儀禮注疏，取宋景德官刊單疏本及宋嚴州單注本合編之，疏文有闕者補以魏了翁儀禮要義。卽向嚴九能所借手鈔本。刊成，代古餘作序，先生自跋之。先生向嚴九能借所鈔儀禮要義，是年攜至江寧示



儒藏

張古餘、古餘跋云、時余方刻儀禮注疏、以補宋景德單疏喪服傳內闕卷、眞快事也。七月朔、依元本校畢、謹識。

先生又跋云、右三卷、賴以正今本注疏之誤者特多、以下三卷差少、於此益惜單疏本之不完也。四月十六日、江寧寓中、鐙下讀并記澗菴。

又跋云、自卅二卷以下、單疏闕六卷、使無要義、并崖略亦不知矣。此書之可寶在是也。澗菴漫記、廿二日。又跋云、丙寅六月、用單疏本互勘一過。澗菴。

五月、校經典釋文卷十儀禮音義。八月、校卷十二禮

記音義。十月校卷十三禮記音義。

張古餘屬先生刻撫州公使庫本禮記其釋文抱沖舊藏抱沖已沒遺孤尙幼一時檢之弗獲聊用通志堂所翻單本附於後著考異二卷代古餘撰序并自作後序及跋曰此撫州公使庫刻本禮記是南宋淳熙四年官書於今日爲最古矣末有名銜一紙裝匠誤分入釋文首不知者輒認以爲舊監本非也嘉慶丙寅顧廣圻題。

黃堯圃云陽城張古餘守江寧介抱沖從弟千里影寫付刻外間頗多流傳惜千里作考證未及將所歸



顧懷芳家殘宋，余家所藏殘宋本一取證耳。

先生又跋曰：近張古餘太尊開工重彫行世，嘉惠學子，兼成先從兄收藏此書之志，良可感也。若古香齋、穀原本獨絕，我小讀書堆中，其永永寶之哉。澗蘋并記。觀此跋，撫本禮記亦是抱沖所藏，非僅釋文已也。

先生重刻吳元恭本爾雅於江甯，作跋。

十二月，先生爲堯圃跋十卷本蔡中郎集曰：蔡中郎集予向未究心。堯翁得述古堂所藏六卷本見示，一望決其不佳。後遂別得此本，又再三覆勘，予亦影鈔蘭雪本一部，相從借閱，偶有所見，記之於上方，皆顯

然舊並不誤而徐子器刻時妄改者也。夫六卷無足論，卽十卷本其佳惡不同如此。書以彌古爲彌善，可不待智者而後知矣。乃世間有一等人，其人堯翁門下士也。必謂書無庸講本子，噫，將自欺耶？將欺人耶？敢書此以質堯翁。丙寅十二月，澗蘋居士。

嘉慶十二年丁卯，四十二歲。

正月七日，先生再跋十卷本蔡中郎集曰：抱經自言其所見蔡集爲宋刻，在鍾山札記別風淮雨一條中。今此本妄改雖變二字，鈔本、活字本皆誤作維而二字，皆非其所見決然矣。但未審果宋刻否耳。黃君前



因余言、訪得十卷各本、安知不更以予言訪得宋刻耶。遂更書此以貽之。嘉慶丁卯正月七日鐙下、時惟堯翁更字復翁之明年。澗蘋。

正月九日三跋曰、按當以鈔本爲最佳、活字板次之。此徐子器本、所改其淺近者或有是處、稍難讀則每不知而作矣。不揣樸昧、輒加評論。雖未得詳備、然準例求之無難也。宋槧若出、必足證我之非謬。丁卯正月九日鐙下、澗蘋又書。

正月望前、十卷本蔡中郎集還與堯圃、堯圃見集中有先生校語、遂錄於影寫明活字本而跋之。



明活字本蔡中郎集十卷先生跋曰東漢人文集存於世者僅此一種尙是宋以前人所編其餘無之矣又此集頗於今文家之學有關涉尤學者所不可廢此予所以亟亟費日力爲之再三訂正者也思適居士書。

又跋曰丁卯正月校讀一過凡訂正若干條中有絕精處索解人不得矣思適居士。

又跋曰五月再校於江寧用後漢書參訂又添若干條廿一日燈下記。

又跋曰此活字本似據一行書寫本作底子故數誤

爲如、閑誤爲困之類，往往而有。若得宋槧，必多是正也。九日鎧下又記。

此近字本，錢塘何夢華所藏。

鐵圍山叢談殘本二卷，舊鈔本。先生跋曰：此似是寫樣底本，未知卽知不足齋物否。但硃校多未妥處，偶一閱之，其第二卷六葉趙企企道，抹去重企字之非。案頭無鮑氏叢書，未嘗勘對，寄贈復翁審之。丁卯三月買於江寧，四卷至末卷盡闕。十三日鎧下記。澗蘋居士。

爲張古餘重刻明弘治十四年新淦涂禎仿宋嘉泰槧本鹽鐵論著考證一卷，代古餘撰序並自爲後序。

長沙葉與彬德輝書林清話云、涂禎仿宋刻九行本
鹽鐵論見日本經籍訪古志。孫氏書目有影寫本及
先生爲古餘刻本皆明
人重刻涂禎十行本也。

夏四月二十八日、堯圃偶檢十年前影宋精鈔林和
靖詩集、堯圃跋云、抱沖弟東京徙居、往賀抱沖之長
子阿和出見、嶄然頭角已成人。問其遺書、尙局閉櫥
中。今其子年漸長、庶幾能讀父書乎。後不久書竟散
出、歎能讀父書
之不易也。

四月、校經典釋文卷二十九爾雅音義。

秋、先生鄉試主司劉金門侍郎欲得先生而未果。

孫淵如重刻元至正辛卯余志安刻本唐律疏義及



元槧本洗冤集錄、先生爲之經營、並撰後序。

爲孫淵如校刻、壹是堂鈔本、廣黃帝本行記及軒轅黃帝傳記、並各序之。

先生自刻段茂堂撰釋拜一篇於江寧。

書尙書撰異君奭後。

冬、自江寧歸鄉里。十一月五日、堯圃候先生易林已刻成、屬先生序之。

惠松崖家藏蜀鑑殘本、爲堯圃所得、其闕無由補全。先生歸自江寧、謂堯圃曰、張白華師家有此刻本。遂丐歸影鈔足之。

季冬望後一日、堯圃從先生手得殘宋本中興羣公
吟稿戊集七卷。全書有四十八卷、堯圃跋云、辛楣少
詹事贈小蓮丁卯冬、日思適居士、估
值每冊
三金。

劉金門名鳳誥、萍鄉人。乾隆五十四年己酉廷試
一甲第三人。

辛未年
趙氏勅介

顧千里先生年譜卷上終



儒藏

顧千里先生年譜 卷上

校記

①題明日：此句疑有誤。

②陪：疑作「倍」。

③「蘇」下墨釘，疑作「軾」。

④「詩韻」下當有「賦」字。

⑤欲：當作「却」。

⑥愈憲：當作「俞憲」，見《年譜》嘉慶九年八月條。

顧千里先生年譜卷下

對樹書屋

崑山 趙詒琛 學南 編輯

嘉慶十三年戊辰四十三歲。

正月下旬代黃蕘圃序新刻焦氏易林及後序又自爲序。

作洛陽伽藍記跋。

七月校孫志祖文選李注補正。王大隆案先生手校本今藏余齋中原本

爲讀畫齋叢書初印本批校塗抹殆遍多駁斥怡谷誤處想亦隨時批注非一時所爲中有一條記戊辰

七月故列此。

先生之師張白華頤德弗營精神歸然程念鞠以薄



宦遽化於外。先生亦自歎行年四十有三、久見二毛矣。

十二月一日、先生與段茂堂第二書、辨禮記王制四郊事。

戊辰己巳兩年、爲胡果泉重刻宋淳熙辛丑尤延之

刊本李善注文選、

許翰屏爲之影宋寫樣、當時如士

氏、藝芸書舍汪氏、

禮居黃氏、享帚樓秦氏、平津館孫

宋本、皆爲翰屏手書、

而不及張古餘、吳山尊諸君所刻影

語、陸損之寫汪本、

釋與彭甘亭同校之。是年七月、

刊誤均於本書著名、

與彭甘亭同校之。是年七月、

假南下至金陵、

八月、至常州、並

至吳門、

十月、仍到山東糧道任。

胡果泉名克家、鄱陽人、嘉慶閒屢任江蘇布政使。

嘉慶十四年己巳四十四歲。

二月、胡果泉重刻宋淳熙本文選成、先生代撰序文、別與彭甘亭撰考異十卷、附刻於後。又代果泉撰考異序。

三月初七日、先生與段茂堂第三札、辨王制四郊事。

三月十八日、校汪師韓文選理學權輿。大隆案、先生手校本亦藏

余齋中與孫氏文選李注補正同爲讀畫齋初印本。中有一條記己巳三月十八日故列此。

校刻文選將畢、彭甘亭戲占二絕句示先生、時寓吳門玉清道院。詩曰、落葉風前掃百回、江都絕學此重開。白雲洗出廬山面、只問何人屐齒來。爛熟空誇



儒藏

選理精、淒風蕭寺剔寒檠。防他太學諸生笑、相對依然喫菜羹。

十月、孫淵如屬先生校刻宋九卷本古文苑、竣事、因作序。

嘉慶十五年庚午、四十五歲。

夏、謁吳山尊於紫陽書院、因校刻宋槧本洗冤集錄

昔曾附刻唐律疏義後。

及舊鈔本平冤錄、無冤錄、合題曰宋元

檢驗三錄。十一月作後序。

六月、作鮑氏知不足齋叢書序。

十月、喜子絜、子實至、卽送其回南昌、作詩一首。子絜、子實、



儒藏

顧千里先生年譜 卷下

張古餘之子。子實某科舉人。先生集中有答張子絮問讀毛詩注疏書。蓋是時古餘調任南昌府知府。故有送其回南昌一語。日本人所撰先生年譜以子絮子實爲先生之子。大誤。又考古餘所校通鑑刊本。識誤其門人三山陳雪峯宗彝募貲付梓。其跋云。忝隨子絮子實兩公子問經學禮堂云云。更爲確證。陽湖周伯恬儀暉夫椒山館詩集嘉慶九年甲子卽席賦贈張公子子潔薦菜。子實葆采詩第一首云。代郡多奇士。論交有大張。古風承樸學。清氣握春陽。放棹尋邗水。探幽上蜀岡。歸來酌醇酎。醉我億千觴。第二首云。仲子才逾妙。清名滿曲江。終童年十五。賈誼策無雙。玉貌雲成彩。高吟月到窗。談深惜良夜。爲我剔殘釭。則子絮名薦菜。惟絮字加水旁。或傳寫不同。子實名葆采。二公子之名考得矣。江寧鄧孝先邦述寒瘦山房鬻存善本書目。有鼓吹續音二十卷。十二冊。張中安編稿本。其兄慈作序。正閩居士云。仲安爲古餘先生之孫。古餘罷官僑寓金陵。仲安兄弟遂占籍焉。其兄慈字伯純。以江寧諸生爲南昌典史。鐘鼎篆隸各體書俱擅長。仲安以字行。原題曰陽城張功麟。則用其本質及原名也。古餘之孫又考得矣。但未知是

長子之子。抑次子之子也。

先生在里中、友人王子渭爲先生寫韓非子識誤。

嘉慶十六年辛未、四十六歲。

鮑渌飲校正明潘方凱刻本示兒編、墨於板、屬先生用姚舜咨家鈔本覆勘、因作二跋。

閏月、校經典釋文卷二十一、公羊音義卷三十爾雅音義。

又校說文繫傳。

孫淵如得宋小字本說文解字、欲重刻行世、延嚴鐵橋校字。鐵橋自用其校議說、多所校改。先生以爲不



必改淵如從先生言并屬先生手摹篆文辨白然否

校勘付梓頗多疑義久未勒成

孫淵如所撰說文序在嘉慶十四年於

是鐵橋頗與先生不平其校議序有或乃挾持成見

請與往復必得當乃已指先生也先生於校議中摘

尤不可從者三十四條欲加辨正至二十條而病卒

此即今所行說文辨疑是先生未成之書也先生身後其孫河之自錄到本流傳於外崇文書局據以校刻題曰說文辨疑此四字不完不醒應題曰說文校議辨疑

六月又校說文繫傳

七月孫淵如告病南歸寓金陵冶城東麓烈愍祠臘

月邀先生至寓校訂古籍

辛未冬泊甲戌秋在孫淵如治城山館幾及三年爲

淵如校刻續古文苑王申年刻華陽國志甲戌爲廖復堂刻並代作序

抱朴子內外篇癸酉年刻古文尙書考異壬申年刻紹熙雲間

志甲戌爲沈杞雲刻杞雲亦作綺雲名恕華亭人雅好收書會袁綬階五硯樓書散出先後得其數十

種等書兼爲鄱陽胡果泉重翻元槧胡三省注資治

通鑑時淵如從弟遂堂名星海方講求說文正俗字案

頭草藁盈二三尺。

嚴鐵橋名可均生於乾隆二十七年壬午卒於道

光二十三年癸卯年八十二歲。

廖復堂名寅字亮工鄰水人乾隆四十四年己亥

舉人、官至兩淮都轉鹽運使。生於乾隆十六年辛未，卒於道光四年甲申正月十一日，年七十四歲。嘉慶十七年壬申，四十七歲。

宋史藝文志載張衡大象賦一卷，苗爲注。賦見於明張溥所輯張衡集中，稱爲週天大象賦。歷代賦彙采其文，而注本失傳。錢塘孫晴川手錄苗注，孫淵如得之，與先生考新唐書藝文志，定爲李播撰。播淳風父也，苗爲無考，蓋五代以前人。五月廿八日書於江寧皇甫巷之思古人齋。先生校畢，繕寫一通，并撰後序。淵如校刻於續古文苑中。



上元伍詒堂至邗江、示先生明周吉父金陵瑣事、寓中鐙下繙閱、因題之。

有某甲乙得唐律、誤以爲宋律、

趙宋一代祇有刑統、無宋律。

往往

詫於人。是年先生始獲影鈔本、急讀一過、凡律十二

卷、音義一卷、於是啞然笑曰、是豈宋律哉、唐律也、且

增長孫無忌等疏之律。有前孫伯淵刻本、可取而對

勘也。乃爲之跋。

初統三十卷、近年吳興劉氏嘉業堂用天一閣舊鈔本校刻。

先生得萬年宮銘拓本、孫淵如據以補其所輯古文

苑中闕文、淵如喜而署其首。

案萬年宮卽九成宮改名。永徽五年、高宗幸而

銘之碑在麟遊。

孫淵如招同方葆巖、胡果泉、彭甘亭及先生集飲隨園甘亭，有詩二首。

古刻叢鈔、鮑渌飲刻入，知不足齋叢書。顧棗崖又刻入讀畫齋叢書。先生從兄東京取小讀書堆藏本付校。

方葆巖名維甸，桐城人，乾隆四十六年辛丑進士，仕至浙閩總督，謚勤襄。

顧棗崖名修，石門人。

嘉慶十八年癸酉，四十八歲。

三月，題汪紫珊碧梧山館圖。



儒藏

五月廿六日、堯圃跋舊鈔本稽康集、是書余用別本手校副本備閱、於丁卯歲爲舊時西賓顧某指先生借去、久假不歸、遂致案頭無副、殊爲可惜云云。

書元板胡三省注資治通鑑第八十卷後於江寧寓館。

跋余懷玉琴齋詞曰、填詞宗派、五代、南北宋各極其妙、近人惟擣搥玉田、附會竹西六家、自外皆未之寓目、烏足與知此事耶。觀梅村題中舉放翁、金荃、清真而歸之學富才雋、無所不詣其勝、可以知前輩誠不可輕及矣。嘉慶癸酉歲八月下旬、元和顧廣圻觀并

識。

又校說文繫傳。

先生客治城山館、偶游骨董鋪、獲天祿辟邪字拓本數通、分一贈居停孫淵如。他日又見其鋪中有明嘉靖七年知南陽府事楊應奎重鐫漢汝南太守宗資墓前石獸記一紙、復買歸讀之、因考覈而作跋。

癸亥、先生跋影鈔常熟馮氏空居閣本華陽國志。至

今已閱十年、爲孫觀察校刊於江寧。寒瘦山房書目、

爲淵如刻板之用。鄭水廖氏以蜀人摹刻是書、故淵

如讓之、直取澗黃已校成者付諸廖氏刊板。光緒間

猶存。又云、甚或刻將成而廖氏
出資加一跋語、亦未可定也。



儒藏

顧千里先生年譜 卷下

秣陵旅館同李子仙諸人祭洪稚存。

嘉慶十九年甲戌四十九歲。

先生題唐萬年宮銘宋人題名曰此碑陰宋人題名

剪帖顛倒蓋因其本左行書之故也。甲戌閏月閏二月

觀爲附正如後其開卷倪閻公跋乃錄石墨鐫華一

則耳。元和顧廣圻記。案碑空處有宋王竦題名左行書之云上蔡王竦作邑明年三

月之望日遊因題醴泉碑側。宋六聖改元熙寧戊申歲也。共五行。

明鈔本尙書譜不分卷明梅鷟撰。上冊書面先生用

墨筆題記云嘉慶甲戌六月元和顧廣圻校定時寓

江寧。下冊末葉硃筆題記云十一日鐙下讀畢顧廣



儒藏

顧千里先生年譜 卷下

圻記。此行下又有硃筆題記云、凡舊校失當者、今標舉正之。又墨筆記云、甲戌六月、再校一過、益歎此本之善、不可輕議刪改也。時將寫樣刊行、因細加勘定、後之覽者其詳焉。思適居士。又記云、新刊依別本補首卷各條、又補末葉。另記云、澹生堂書目載尙書譜四卷二冊、梅鶯撰。此或爲祁氏舊鈔耶。

秋七月、孫淵如至揚州、應鹽政阿公阿克當阿聘校刻全唐文、先生亦至揚州。時收得元林禪師碑、將離白下、匆匆寄家。

七月二十一日、先生之師張白華卒。

與李子仙諸人公祭張白華師子仙撰祭文。

九月孫淵如以影鈔元刻晏子春秋贈吳山尊。於是

山尊屬先生重刻於揚州。先生爲後序。乾隆五十三

如據萬曆乙酉沈啟南刻本用初學記文選注等校正文字又爲音義二卷己酉刻於京師今吳山尊又

刻影鈔元刻本於是晏子春秋有二善本行世。

十餘年前袁綬階有鈔書癖與盧抱經錢竹汀往還

鈔得紹熙雲間志以示先生其本後爲沈屺雲收得

偕淵如刊行先生記其緣起而跋之。

先生愆惠方葆巖補刻曹棟亭刊本集韻而自爲序

之。

嘉慶二十年乙亥五十歲。

六月朔先生跋宋槧金石錄曰予髮甫燥卽獲交鮑丈以文每與縱談古書淵源知宋槧金石錄十卷曾被收得惜未及一校卽爲歸安丁杰持去售之揚州也嗣後予在里門凡見善本二其一是葉文莊手鈔前後兩翻者其一是錢叔寶通部手鈔者皆細勘一過是正近刻處甚多邇來客游邗上一日晉齋先生得此見示恍然識馮硯祥名文昌祭酒夢禎之子幾社黨人家舊物擊節不置惜以翁弗克偕之校刊與此書再結一重墨緣耳思適居士元和顧廣圻題時同在全唐文局



儒藏

江鄭堂撰扁舟載酒詞一卷。先生與鄭堂同門，中秋後五日爲作序曰：蓋聞填詞之有宮律，譬則規矩也，其詞句之美，譬則巧也。所謂能事者，盡規矩之道，以施夫巧者也。詞家之盛，由兩宋以溯唐五季，而涉金元，罔有不知此旨者。更明三百年，陵夷衰微，迨至國朝，復起其廢，善言宮律者，椎輪萬氏，囊括詞塵，是已善用宮律而辭句兼美者，吾友江子屏方今之一也。子屏於詞，乃餘事中之餘事，而扁舟載酒一卷，清真典雅，流離諧婉，追花間之魂，吸絕妙之髓，專門名家未能或之先也。特是讀者知其辭句之美，易知其字



字入宮律難。予往者亦嘗留意於碧雞漫志、樂府指迷等諸家之說，用求卷中眾作，不啻重規疊矩，故敢首揭此旨，將以待聞弦賞音者之擊節云。

十月九日，黃蕘圃於玄妙觀前學山堂書坊見亡友抱沖手閱汪文盛漢書。

丁小雅名杰，字升衢，號小山，歸安人。乾隆四十六年辛丑進士，寧波府學教授，爲學長於校讎。生於乾隆三年戊午，卒於嘉慶十二年丁卯二月，年七十歲。

趙晉齋名魏，錢塘人，有御史臺精舍題名，郎官石

柱題名輯本等書。生於乾隆十一年丙寅，卒於道光五年乙酉，年八十歲。

江鄭堂名藩，字子屏，甘泉人。受業元和惠定宇，吳

縣余古農。

古農名蕭客，字仲林，年十五通九經。生於雍正十年，卒於乾隆四十三年。

戊戌年四月十七歲。

江艮庭之門，藏善本書甚多，與秦敦夫

相埒。歲歉，易米，書倉一空。

嘉慶二十一年丙子，五十一歲。

立春日。

正月初八日。

題吳餘山小梅花菴圖詩二首。

夏孫淵如主講鍾山書院。其從弟邃堂說文正俗字書成，淵如署名曰廣復古編，屬先生爲之序。八月旣

望、脫稿。

江鄭堂持畫蟬柳扇索題、於時秋也、卽景賦之、調寄小重山。

立秋後一日、

閏六月十六日。

作四春詞序。

八月、先生再客揚州、爲吳山尊刻宋乾道元年槧本韓非子、並埭識誤三卷、因撰識誤前序。

八月、先生代秦敦夫校刻北宋本駱賓王文集、并撰考異一卷、代敦夫作序。

先生又自跋駱賓王文集曰、嘉慶丁卯影寫一部、後十年丙子、秦敦夫太史開雕於揚州文局、覆勘印行。



儒藏

顧千里先生年譜 卷下

爲記帙首、使閱者知其是祖本也。思適居士。

又跋曰、陳氏書錄解題言其卷首有魯國郝雲卿序、又言蜀本序文云、廣陵起義不捷而遁、皆與此合。惟魯國下郝雲卿之名、毛鈔所據損失耳。然則爲蜀本駱集可知也。嘉慶丁卯九月、廣圻審定并記。

孫淵如自甲戌以來校刻全唐文、先生爲分校於揚州、事畢、將返吳門。

九月二十九日、母鄭太孺人卒、先生奔喪回里。

汪本隸釋刊誤、先生昔爲黃蕘圃撰、是年刻成、先生有跋。



冬杪、長塘鮑志祖以其父淶飲遺言、持雍正丙午蔣西圃鈔本梧溪集屬先生校勘付梓。先生因借小讀書堆藏景泰刻本細校一過、校畢還之。除夕、堯圃祭書於士禮居、先生賦詩。

嘉慶二十二年丁丑、五十二歲。

先生跋梧溪集曰、鮑丈淶飲向欲刊行梧溪集、知毛子晉所藏在先從兄抱沖小讀書堆、屬予勘定而未果也。今丈已下世、令嗣規續成先志、以作知不足齋叢書之廿九集。深嘉厥意、從望山姪借出、竭三旬力補改傳鈔闕誤、惟是六七兩卷板心有粉墨塗改痕

跡於次第頗舛錯、蓋景泰板模糊斷爛、致有此失。又
悉爲之推求訂正、庶幾稱善矣。然終少七卷第四葉、
故其三葉末節石銘題下、梧溪自注云有後序、而今
俄空焉。此集在毛氏時已難得、錢曾敏求記具言之、
予并見汲古別本鈔刻各半者、此兩卷尤舛錯脫落、
相較殊遜。不知世間尙存洪武印本、可足是一葉以
成完璧否也。校既畢、遂誌於尾而歸之。時嘉慶丁丑
歲、顧千里書。詒琛案、此書始校於丙子冬、今跋
云竭三旬力、蓋畢於丁丑正月也。

孫瑞清生。瑞清字河之。道光十八年戊戌、祁宗師歲
試入府學。咸豐二年壬子舉人、會試屢薦不售、名心

遂淡。性好聚書。先生零星手澤。珍重藏之。不輕示人。思適齋集之刻。君之力也。思適齋集十八卷。上海徐渭仁刻。入春暉堂叢書。同治二年癸亥夏。沒於上海。年四十七歲。著作甚富。惜多未成書。

十一月二日。母鄭太孺人靈柩合祔於先考庭有公之墓。

是年。胡果泉屬先生校刻元槧本資治通鑑成。胡刻板片於同治己巳歸蘇州官書局。修刻若干板。印行流傳。湖北崇文書局亦用胡刻本翻刻。

嘉慶二十三年戊寅。五十三歲。

撰先考碣陰記。



儒藏

顧千里先生年譜 卷下

正月十二日卯時、孫淵如病卒、年六十六歲、生於乾隆十八年癸酉。淵如卒時、父書屏年九十尙在也。吳山尊招先生至揚州料理、淵如遺書殘稿、屢移所住、最後卽近西園側之斗母道宮、累數晨夕。先生言淵如卒後、其家收藏頗有惡客竊去者。淵如之弟相繼俱沒、漢石經尙書殘字宋拓本爲孫北海故物、淵如詫爲銘心絕品、不知亦在此數否耳。

是年首春、秦敦夫購得宋治平監本揚子法言十三卷、音義一卷。先生行篋中有臨何義門所校、出以對勘、大致符合。先生卽勸敦夫重刻之。先生跋宋本揚



子法言曰、揚子法言、通行者世德堂五臣音注十卷、
本其源出纂圖互注、乃宋元之間建安書坊中人所
爲、併合改竄、皆非復各家真面目也。何義門學士獨
校李軌注十三卷、云絳雲舊藏、序篇在末卷後。轉入
泰興季氏、又歸傳是樓。予嘗借臨得之。竊疑其校與
司馬溫公所見李本頗有不同、如第十一卷溫公云、
李本非夷、尙容、依隱玩世、其滑稽之雄乎。今從漢書
明文顯然、而何以義門之校全反此言耶。今年再至
揚州、過石研齋主人、出示新得此書。按而稽之、在本
卷第三葉首七行、行字較前後獨多、而剗板添補痕

迹尤宛然。方悟溫公所言者其初板也。義門所校者後來修改者也。特前輩校書尙不曾推勘入此等處耳。爰請見借覆校一過。是正極多。文繁不具。又以溫公序文合諸最後名銜。知爲呂夏卿校定於治平二年。國子監鏤板印行。其音義別爲一卷。在全書之後。名銜之前。不題撰人名氏。今無可考。溫公云多引天復本。未知天復何謂。以予考之。唐昭宗紀元天復盡四年。厥後王建於蜀仍稱之。然則天復本者蓋謂彼時之蜀本。逮溫公日而已無有存焉者。故不質言之。纂圖互注無此音義。何校亦未寫出。真祕笈已。其傳



是樓散出之本，予弗獲見，而聞錢景開言，於乾隆四
 十五年間，爲桐鄉金雲莊德輿買去。今推以季徐諸
 氏圖記，非卽此所得也，但必同是治平監板已修本，
 則固有不得目驗而決然可斷者矣。校旣畢，因詳記
 於帙，奉澹翁太史審正。太史深悉古籍源流，當教蒙
 以所不逮焉。嘉慶戊寅二月十日，元和顧廣圻書。
 五月，宋乾道元年刊本韓非子及考異校刻工竣。
 夏暑甚，先生與鈕匪石、梅伯言夜坐。伯言有詩，
 朱光積厚地，晚涼不能歸。空庭坐談久，尙未思羅衣。
 孤燈發光怪，暗室生炎威。羽蟲不知名，觸熱向人飛。
 側想雨聲壯，狂弩發萬機。八垓伏塵土，四壁跳珠璣。
 蠅蚊悉逃竄，快如馬脫鞿。輕雷不成聲，眼穿雲復稀。

何時見高秋。萬瓦霜澄澄。客言死生速。有如朝露晞。
寒暑有幾何。珍重尙我違。況欲逃之去。甚於黃金揮。
斯言實爲達。卻暑良庶幾。回房甘我寢。習習風生幃。

常熟藏書家席玉照客曹彬侯手寫清河書畫舫近

歸秦敦夫石研齋命先生題於後。

先生跋云常熟錢遵王毛子晉席玉

照陸敕先馮定遠曹彬侯各家書散出乾隆年間滋蘭堂主人朱文游奐三丈白隄老書賈錢聽默視裝訂籤題根腳上字便曉屬某家某人之物。

梅伯言名曾亮上元人。道光二年壬午進士。官戶

部郎中。古文紹姚姬傳之緒。楊至堂河帥爲刻其

柏枧山房集。

席玉照名鑑藏書極富。所刻古今書籍板心均有

掃葉山房字。

曹彬侯名炎、常熟人、海虞詩苑有孫琪市肆蓄書歌一首、彬侯作也。

嘉慶二十四年己卯、五十四歲。

孟陬又作韓非子識誤跋。

初夏、黃蕘園以重價從小讀書堆得日本正平本舊鈔本論語集解。

先生在揚州識李練江、因練江而識淮城程湘舟、湘舟名家子、多藏書。

爲龔定菴賦葉小鸞眉子研、定菴時方談佛也、調寄



儒藏

浪淘沙。

葉小鸞字瓊章、又字瑤期、吳江葉天寥紹袁第三女、年十二卽工詩詞、崇禎五年壬申十

月十一日以疾卒、年十七歲。

汪閬源借瞿木夫藏衢本郡齋讀書志付梓、木夫過先生所、見示衢志考辨、因跋之。

秋、先生料理孫淵如遺書畢歸鄉里。先生往往與吳山尊意見相左、而山尊稱先生曰、顧于翁從不欺人。十月、汪閬源以宋劉氏學禮堂刊本示兒編、見示作跋云、惜以翁久游道山、弗及再加商榷也。

宋治平本揚子法言影摹開雕、并音義、至十二月己丑朔、代秦敦夫序之。



是年小讀書堆積書散出西溪叢語、吳枚菴臨何小山校本所據之嘉魚館藏本在焉、爲黃蕘圃所得。

龔定菴名自珍、仁和人、嘉慶二十三年戊寅恩科經魁、道光九年己丑進士、生於乾隆五十七年壬子、卒於道光二十一年辛丑、年五十歲。

汪閩源名士鍾、吳縣人、其藏書室曰藝芸書舍、閩源父厚齋、名文琛、開益美布號、饒於貲、其藏書印曰民部尚書、又有三十五峯園主人印。

嘉慶二十五年庚辰、五十五歲。

先生書撫州公使庫禮記釋文後、丙寅年、張古餘刻

撫本禮記、此釋文在抱沖家、檢之弗獲、用通志堂本附刻於後。是年始促姪望山尋出、於是跋之。先生云、時張太守久移江右、未審何日了此願云云。

程湘舟用全謝山年華錄一書博搜深考、爲之補正、更名人壽金鑑、先生序之。

先生病暑餘暇、借先從兄抱沖所藏季滄葦藏宋本輿地廣記讀一過、并爲之跋。又向汪闥源借得朱竹垞藏本輿地廣記互勘之。其跋力詆黃蕘圃所刻札記之謬、并言彼何以如是之用心、我則弗能知云云。末題、庚辰立秋後一日、六月二十九日。元和思適齋居士顧



儒藏

顧千里先生年譜 卷下

千里書於楓江僦舍。

元和江建霞標黃堯圃先生年譜注云聊城楊氏海源閣所藏

宋本與地廣記卽先生舊藏者也。有顧澗蘋跋力培先生新刊札記之譌每稱彼而不稱名字且云吾願汪君據此之真顯彼之僞云云。是早與先生絕交矣。案力詆堯圃之語是跋抱沖所藏季滄葦藏宋本後或歸於士禮居故建霞以爲堯圃舊藏。

七月校經典釋文卷十二卷十四禮記音義。

北宋本淮南鴻烈解二十一卷先生跋曰汪君閬源收藏宋槧淮南子予借讀一過而書其後曰此於今日洵爲最善之本矣。如原道訓欲宐之心亡於中宐未誤爲寅也。所謂志弱者弱下未衍而事強三字也。大道坦坦去身不遠求之近者往而復反注近謂身

也。在能存之。此句上未錯入前迫而能應句上也。天文訓積陰之寒氣爲水、未刪去者字也。十二月指子子未誤爲丑也。地形訓決眦、眦未誤爲毗也。寒冰之所積也、冰未誤爲水也。牡土之氣、牡未誤爲壯也。時則訓飾羣牧、牧未誤爲物也。以索姦人、索未誤爲塞也。精神訓則是合而生時于心也、于未誤爲千也。輕舉獨往、往未誤爲住也。非能使人弗欲也、欲而能止之、非能使人勿樂也、樂而能禁之、上也欲二字、下也樂二字未脫也。本經訓太清之治也、治未誤爲始也。推移而無故、推字未脫也。主術訓東至湯谷、湯未誤



儒藏

顧千里先生年譜 卷下

爲暘也。又說林訓日出湯谷亦未誤。惟天文訓日出於暘谷已誤。是故臣盡力死
 節以與君計、君計功垂爵以與臣市、君計未誤爲君
 訓、臣市未誤爲臣是也。按明本及今通行本、君下采計字、臣下市字均脫去。
 椽不斲、斲未誤爲斷也。夫據榦而窺井底、榦未誤爲
 除也。而不足者逮於用、逮未誤爲建也。知饒饒有餘
 不足之數、饒未誤爲饑也。繆稱訓故君子懼失義、義
 上未衍仁字也。齊俗訓故不爲三年之喪、注三年之
 喪始於武王、注中始字未誤入正文末也。而刀如新
 剖、斲字未分爲刑石二字、而誤入注中也。處勢然
 也、勢未誤爲世也。是由發其源、是由未誤爲由是也。

道應訓石乞入曰注石乞白公之黨也乞俱未誤爲乙也。在其內而忘其外在下其字未脫也。楚軍恐取吾頭軍未誤爲君也。無所不極極未誤爲及也。於是依非瞋目教然瞋未誤爲瞋也。其政惛惛惛惛未誤爲悶悶也。詮言訓性有以樂之也。性未誤爲生也。時去我走走未誤爲先也。兵略訓抗泰山抗未誤爲抗也。說山訓夜之不能脩於歲也。於未誤爲其也。故寒者顫者字未脫也。說林訓習者舉之習未誤爲罍也。不若尋常之繆索注故曰不如尋常之繆索繆皆未誤爲纏也。或善爲故善未誤爲惡也。賊心亡止亡止



二字未合而誤爲畐一字也。人間訓無爲貴智、智下
未衍伯字也。今君欲爲霸王者也、君未誤爲王也。聖
人見之蚤、蚤未誤爲密也。脩務訓欣若七日不食、若
未誤爲然也。今夫毛牆西施、牆未誤爲嬙也。餘篇皆已誤。
无不憚怵、憚心而悅其色矣。憚未誤爲憚也。泰族訓
四時千乘、乘未誤爲乖也。雨露所濡以生萬物、濡未
誤倒爲以濡也。與鬼神合靈、與字未脫也。而卵剖於
陵、剖未誤爲割也。挺眉而朝天下、眉未誤爲眛也。要
略作爲炮格之刑、格未誤爲烙也。餘篇皆已誤。禹身執蠱
函、函未誤爲垂也。以上諸條、實遠出道藏本之上、而

他本無論矣。至於注文足正各本之誤者，尤不勝枚舉。茲弗具述。高郵王懷祖先生嘗校定是書，所訂道藏以來各本之失而求其是，往往與宋槧有闇合者，將傳其副以寄之，必能爲此本第一賞音矣。嘉慶庚辰中秋前十日，元和顧千里書於思適齋。全書共閱五葉，又有顛倒之處，今俟查明，開列細數，夾在每卷之中，候校定可也。澗蘋又記。

此跋刻入思適齋集中，是刪節本。

是年，先生寓書顧南雅學士，索王石臞讀書雜誌。王伯申先詒先生以淮南雜誌一種，而求爲詳識宋本與道藏本不同之字，及平日校訂是書之誤，爲家刻

所無者。

先生與王伯申書曰、曼卿先生大人閣下、前蒙賜淮南雜志、曾肅寸楮佈謝、定邀鑒及。邇惟侍奉萬福、諸多如意、載深仰頌。宋槧淮南子已歸此地、汪氏承命借到校勘一過、實在道藏之上、摘其異同各條、彙錄呈備採擇。又承詢及拙說奔走之餘、荒落已甚、殊愧酬對、輒附數條、不敢虛垂問之雅而已、非有足觀也。若獲節取如陳氏觀樓、則意外之榮幸矣。專此敬請鈞安、不盡。晚生顧千里原名廣圻頓首啟。

是年、堯圃與先生齟齬、竟絕交。



儒藏

顧千里先生年譜 卷下

王懷祖名念孫，學者稱石臞先生，文肅公諱安國，字書城，號春圃子也，高郵人。欽賜舉人。乾隆四十年乙未進士，官至永定河道。道光五年乙酉重赴鹿鳴筵宴。十二年壬辰卒，年八十九歲。撰廣雅疏證、讀書雜誌等書。

道光元年辛巳，五十六歲。

二月，黃蕘圃見小讀書堆殘宋本說苑散在坊間，借歸續校於自校本上。

先生應洪鈐菴招往揚州，爲之校刻宋槧本名臣言行錄，代鈐菴撰序，又自爲後序。

先生於鈐菴家獲見所收宋槧本有曹棟亭圖記廣韻長夏無事粗讀一過卽書其後。

洪鈐菴名瑩字賓華歙縣人嘉慶九年甲子舉人十四年己巳恩科進士廷試一甲一名賜及第授修撰恬於仕進五經各有撰述。

道光二年壬午五十七歲。

二月王伯申以先生所校淮南各條附刊石臚淮南雜志後。

閏三月朔撰藝芸書舍宋元本書目序時將復至揚州之前一日。



儒藏

顧千里先生年譜 卷下

穀雨後五日、

閏三月初五日。

撰吳中七家詞序。

李申耆客授揚州、先生時在洪賓華家、與申耆所居相近、朝夕握手。

仲夏、黃蕘圃見李子仙手臨先生所錄惠松崖、段若膺校定廣韻、蕘圃跋云、段李皆作古人、澗蕘又交絕云云。

題宋于庭揚州詞意圖、調寄蝶戀花。

先生爲汪孟慈校刻其尊人容甫所撰廣陵通典、因著校例。

移例

十三年、討虜將軍孫權遣長史張昭攻登於匡琦城、接策將代登軍到丹徒、爲人刺死下。

原稿如此、又張翁無校。

今按、此條係合三國志陳矯傳郡爲孫權所圍、於匡奇云云、張昭傳注引吳書權征合肥命昭別討匡琦云云而爲之。其實誤也。考呂布傳注引先賢行狀云、策遣軍攻登於匡琦城最是。蓋矯傳權字當爲策字耳。此事雖無的年、必在建安三年禽呂布、五年策死之間。是後曹操辟矯爲司空掾屬司空操官也。若至十三年、則其六月操已爲丞相矣。



漢已罷三公官矣。八月劉表死、十一月操敗赤壁北還、十二月權始攻合肥、不得復有登遣糜、矯以是辟司空之事。溫公通鑑考異亦嘗疑焉、可取而參訂也。然則吳書張昭討匡琦別是一事、與此不涉、故改十三年至張昭十四字作策遣軍三字、而移之於前。

凡移者例視此。

又按、廣陵對孫策用兵云云、陳登出奇制勝云云、則匡琦之戰爲之也。可見尊公於此事並不定謂是權、而非策也、正足爲移改之明證。

刪例

策攻破揚州刺史劉繇別將於海陵。

在初陶謙同郡笮融上。

原稿有、又張翥無校。

今按、此條係從今本三國志裴注所引江表傳采入、其實誤也。考通鑑載此事作於梅陵、胡身之注曰、晉書地理志、宣州南陵縣有梅根鎮、今有梅根港。然則在溫公時國志注字自作梅、宋末尙爾、但後來乃譌作海耳。且觀通鑑上云策攻劉繇牛渚營、下云轉攻湖孰、江乘所載、全取江表傳準以地望、是時策自歷陽渡江而南、方轉戰丹陽郡界中、



儒藏

顧千里先生年譜 卷下

何從越至江北之海陵乎。可知梅之必是海之必非而不當采入此書甚明也。故刪。

凡刪者例視此。

改例

建安十八年、丞相操恐濱江郡縣云云、皆東渡江、江西遂虛、合肥以南唯有皖城。

原稿如此、又張翥無校。

今按、此條係合三國志吳主傳及蔣濟傳而爲之。考吳主傳云、初曹公恐江濱郡縣爲權所略、徵令內移、民轉相驚。自廬江、九江、蘄春、廣陵戶十餘萬。



儒藏

顧千里先生年譜 卷下

皆東渡江、江西遂虛、合肥以南唯有皖城。十九年五月權征皖城、閏月克之。承祚之意、自初字以下至唯有皖城、爲十九年權征皖城、先事起義、其法本出左傳、非謂此事在十八年也。故蔣濟傳云、建安十三年云云、明年使於譙、太祖問濟曰云云、明年十四年也。正於十八年爲初、故改八字爲四字、而去江西以下十二字、爲其係皖城而不係廣陵也。

凡改者例視此。

增例

質帝本初元年、至以稱朕意 七十九字。

原稿無、又張翁無校。

今按、此在范蔚宗書帝紀、當采入而誤遺之耳、故增。

凡增者例視此。

以上四例各舉一條、餘不更出。

壬午仲秋下旬、錄於邗上洪氏之小盤洲。

玉照新志五卷、宋王明清撰、舊鈔本、葉石君 石君名

初吳縣人、寓居虞山、其藏書皆手筆校正、博古好學。舊藏。先生跋曰、小讀書堆

收得宋刻揮塵錄、在乾隆末年、今又歸於長洲汪氏

矣。此玉照新志，予見諸揚州市上，讀石君跋，爲之憮然。石君跋宋刻揮塵錄，無力得之，近得此新志，愈思揮塵之不可少也云云。遂質錢買焉。道光壬午顧千里記。

是冬，王伯申以先生所校淮南各條刻成，寄先生。

李申耆名兆洛，陽湖人。嘉慶九年甲子解元，十年乙丑進士，官鳳臺縣知縣，主講江陰暨陽書院二十年。生於乾隆三十四年己丑，卒於道光二十一年辛丑，年七十三歲。

宋于庭名翔鳳，嗜讀古書，不得則竊衣物易書，祖父夏楚之不能禁。精治小學，著書甚多。嘉慶五年



庚申舉人、泰州學正。咸豐九年己未重宴鹿鳴。生於乾隆四十一年丙申，卒於咸豐十年庚申，年八十五歲。蘇州府志云：八十七歲誤。

汪容甫名中，江都人，附生。少孤，貧力學，博聞強記，通知古今。生於乾隆九年甲子，五十九年甲寅十一月，以疾卒於西湖葛嶺園客舍，年五十一歲。子孟慈，名喜孫，嘉慶十二年丁卯舉人，能讀父書，長於考據。

道光三年癸未，五十八歲。

先生與王伯申書曰：晚生顧千里敬啟曼卿先生大



人閣下。客冬得淮南續刊、伏稔起居康懋、福與時增、載深欣頌。且以謏聞、仰獲附青雲而稱後世、忭頌之私、非筆所罄。唯大序獎飾踰分、當之滋慙、尙期刻勵、覲副垂賞於萬一也。先秦各書、想讀書雜誌均有校本、現在刊成若干種、除已見賜外、仍望授讀、曷勝幸甚。前承在此間惠分清俸、愧感交并、兼悵舟次匆匆、拜謁未克、將積年所蓄疑義、一一叩請發蒙。昨檢行篋舊稿、謹錄文一篇、呈求誨正、務希直筆指南、是所翹盼。其餘尚有雜著小文、未經楷寫、改日統擬續上也。肅此、謹請台安、不盡。顧千里頓首再拜。二月一日

上啟。

梧溪集蔣西圃手校本、先生覆校跋云、據陳敏政後序、知此集初刊於洪武、繼補於景泰。迨明季而景泰板已模糊斷爛、且不可得矣。汲古閣藏本用景泰板填補完全、今在小讀書堆借來校正、十獲八九、惜無從購洪武印本訂正之耳。元和顧千里記。又跋於卷三後曰、此卷脫誤極多、依汲古藏本補正如右。千里校并記。卷四後又跋曰、右依汲古閣藏景泰板校正、庶幾善本矣。以翁殆所然於道山耳。顧千里記。以士雖無年月、必在嘉慶丙子冬。至是年、鮑渌飲子志祖重刊梧溪集。



成屬先生覆校。先生因序之曰。元王逢元吉梧溪詩集七卷。前六卷元吉未歿已梓行。末一卷其子掖所刊。皆在洪武時。迨正統間。板有缺壞。南康守陳敏政修補。見於景泰七年敏政後序。又下至明季。則傳者絕少。觀錢曾敏求記云。於劍峽齋藏書中購得前二卷。是洪武年間刊本。如獲拱璧。恨無從補錄其全。越十餘年。復於梁溪顧修遠家借得後五卷鈔本。亟命侍史傳寫成完書。可以知其罕邁矣。長塘鮑綠飲丈雅意收入。知不足齋叢書。俾廣流布。乾隆末欲見屬勘訂。適汲古閣所藏景泰刻本歸余。從兄之小讀書

堆爰敬諾之。彼此卒卒，近逾廿年，未及施功，而鮑丈作道山遊矣。嘉慶丙子，令子志祖以遺言復謀於余。冬杪，持鈔本來，余不敢不力，借刻本細校一過。鈔者蔣西圃氏，名繼軾，在雍正丙午，亦出景泰板。然遇有模糊斷爛，皆脫去，或譌謬爲之一一補正，不啻數萬餘字，乃始釐然可讀。惟第七卷板心舛錯，失去第四葉，參驗遵王家鈔本，亦未嘗有，蓋非獲洪武印本末由補全也。校畢還之。又閱七年，方告刊成，兼屬覆校。余旣歎鮑丈拳拳闡幽，靡問生死，又嘉志祖之克成先志，且感此書久晦於世，昔人搜訪維艱，今此辛勤。



儒藏

顧千里先生年譜 卷下

僅就詳書以爲之序。幸將來覽者毋因後此易得而轉致忽視善本云爾。其原吉^③與詩世固多知之。不待綴。道光三年歲在癸未三月既望。元和顧千里書於楓江僦舍。

王大隆案此序據鮑刻梧溪集錄入思適齋集中失收。詒琛案鄧氏寒瘦山房書目云梧溪集刻人知不足齋叢書此其祖本也。千里校勘真跡班班可見。添飲用綠筆開亦用硃校處甚多。其別一硃筆在鮑顯前則蔣西圖手校。自雍正迄道光凡經三校。又皆校舊名家豈因有刊本遂得魚而忘筌耶。

先生仍在洪賓華家校刻說文繫傳。北書詒琛未見不知刻成否。又爲汪孟慈校刻其尊人容甫所撰廣陵通典并序之。容甫述學亦是先生爲孟慈校刻其刻書書札因無年月故未著錄。

秦敦夫在都中得唐趙元一奉天錄一冊於龍焚堂云出自徐星伯家屬先生爲之校刻因撰序文。

先生跋孫潛夫手校張鼎思本史通於卷七後曰曲筆鑒識二篇並無錯簡馮氏閱本萬曆所刻皆誤而

何氏跋語尙失之顏黃門云校定書籍亦胡容易洵然道光癸未觀於揚州洪氏之績學并記六月一日

思適居士顧千里

寒瘦山房書目云澗黃先見沈寶

光癸未得見何氏原本計其時已老矣又云此書初閱於乾隆辛丑重閱於嘉慶甲子見何校則在道光癸未先後四十年又云真以校讐爲性命者先輩不可及也

柯溪居士

未詳何人

得夏竦集古文韻鈔本首有紹興乙



丑齊安郡守晉陵許端夫序。以其與乾隆間歛人汪啟淑刻本復乎不同，屬先生審定，因題之。

陽月，程稟初姻孟出示宋嚴州小字本通鑑紀事本末，屬先生審定，爰題而歸之。

歲杪，黃蕘圃以小山氏手鈔本絳雲樓書目一卷屬

先生補其空行，俾爲完本，蕘圃跋之。

是時黃顧已絕交，補空行當在

前至今年始跋之耳。小山名煌，何義門之弟，行二，故又稱仲老。

道光四年甲申，五十九歲。

先生與王伯申書曰：曼卿先生大人閣下。獻歲由南雅學士付下手書，伏稔侍奉多福。簡轉春官，深爲忭

慶並承賜問賤體、曷勝銘荷。前呈荀子各條、係就舊時管窺、命人病中錄出、大抵淺近、恐無所當。若得老大人採擇、附補遺以傳、榮且不朽、先此鳴悃爲禱。去冬寄到惠頒經義述聞叁拾貳冊、闡發淵源、懸之國門、洞究聲音文字之原、用祛自古相沿之蔽、使凡後學既奉寶書、曉然指南、不獨得所遵循、一身私幸。雖委頓之餘、自力不前、轉形悵惘。惟教誨殷勤、始終不棄、倍增感激也。累月以來、末疾殊劇、右手恐廢、有羈仰咎、彌懷惶悚、但祈愿宥。肅此敬賀、並以申謝、順請崇安、餘容少閑續布。統望垂鑒、不盡。晚生顧千里頓

首正月廿七日。

二月過夏玉甫胥門寓樓出示唐殘碑跋之。

春仲從藝芸書舍借宋刊本爾雅細勘一過知其佳處洵非以後諸刻所能及也。思適居士顧千里記。異日當并單疏再勘三月朔又記。

元本蒼崖先生金石例十卷附鈔本附錄一卷。先生跋曰甲申之春有堂寫贈粗讀一過以意改正數處并畫其條段然無他本爲證也。思適居士。

西園者吳山尊退歸終作寓公於邗江之所也。費崑來佐山尊筆墨山尊卒後二年作西園感舊圖。先生



藏

序之。

前歲張古餘留一鈔本宋名臣碑傳琬琰集於揚州。

三月先生攜回借他本勘對而跋之。先生或在正二月間到揚。

夏先生重至白下由夏徂秋三過冶城山館見孫淵

如兩少君大者僅十七歲。

案淵如庶出之子字子明爲石琢堂壻未知卽此子

否。先生問及漢石經尙書殘字宋拓本殊惚恍不自

了了。但云今已無此而已。先生感歎涕泗交橫。越月

陳雪峯屬跋其所刻漢熹平石經殘字。陳君亦與淵

如相識者也。

立夏後三日以明鈔本程氏演繁露校宋本跋曰此



書新有刻本、極其紕繆、舊鈔又苦多魯魚。長洲汪閬源告我云：家藏宋槧，並許借勘。惟惜祇存前十卷，尙少其半耳。又曰：馮鈍吟於此書多所掊擊，其言雖或過當，然程氏泛博而不精確，其可議亦自有以致之也。一雲散人記。

殷泉案：右跋見陸氏《爾雅樓藏書志》卷五十六。宋本十卷，向於玄妙觀中得淡墨印白紙本，有汪氏及汲古閣宋本甲諸印記。後六卷黃紙同版濃墨。初印本配全，無毛氏印，而有高氏妙賞樓諸印，當係藝芸主人所合者。復屬思適跋之，其跋惜未錄出。亡友許君斧廷借去，未還，暴病歿，爲其家人售去，微聞轉歸宗耿。吾先生而余所存之，後六卷亦早不知去向。天壤間又弱一宋本，爲可慨也。庚午十月十六日，雨窗記。

王君蔭嘉名大森，浙江秀水人，爲王君欣甫名大隆之兄。曾得殷王廷政天德二年鑄天德重寶當百泉，因自號殷泉云。

六月、張古餘與古樓藏書舊鈔本周益文忠公文集出以見示、因爲考覈而跋之。

六月、張古餘於敝簏得先生摘鈔朱子語類、名遯翁苦口一冊、付梓。古餘序云、不知誰氏所錄、蓋已忘先

生所鈔矣。

是書山西有重刻本。余友陽城田君正汝寄贈一冊。

九月、同邑蔡立青校正蔡氏月令、以手稿授弟子程賡堂。立青下世、賡堂屬江鐵君寫定、將用刊行、先生爲之序。

先生與王伯申書曰、敬啟者、前承復示、藉稔起居、遠符慰頌。並荷垂詢、宋本荀子、此書敝地收藏家曾見。



兩部、一呂夏卿本、盧校所據、曾爲人校過。一錢佃本、卽王厚齋所謂監本。未及借得、容俟歲內返里時代爲蹤跡、當校出一通奉上也。頃吳有堂兄屬以釋名呈正其說、單用本書比例爲準、未識尙爲有當否。若能不棄賜序、造就末學、非淺矣。統此布請、曼卿先生大人台安。晚生顧千里頓首。九月廿四日啟。

跋秦敦夫藏張燕公集。

孫襲伯同吳江郭祥伯取彭甘亭未刻稿定爲遺集、詩文各一卷、并前纂輯詩文集成全集、屬先生江寧付雕、且爲之序。

先生屢游揚州、是年冬又至揚州、與陳穆堂嘗數晨夕、獲見所注逸周書二十二卷。

題陳小雲委畹樓憶語。

跋徐侯齋與楊潛夫札子。

吳有堂名志忠、別號妙道人、長洲人。有堂曾祖名銓、字容齋、爲吉安太守、罷官歸、築遂初園於木瀆、插架萬卷、皆祕笈也。孫泰來、字企晉、號竹嶼、乾隆二十五年進士、官內閣中書。企晉從弟元潤、字澤均、號蘭汀、官衛輝知縣。均喜收藏古書、吳下藏書世澤之永、莫吳氏若也。其藏書處曰璜川書屋、樂

意軒、香雨齋。

陳雪峯名宗彝，字仲虎，別號小倉山農，江寧人，爲

張古餘門生。揭省城井闌九，加以茅山梁井，溧陽

唐井，作長卷，自署井天翁。先生有跋。震澤張鼎父有答陳雪峯

議家廟書。

蔡立青名雲，原名靖，元和人，嘉慶九年甲子優貢

生，工制義。

程廣堂名嶺梅，吳縣人，嘉慶二十四年己卯舉人。

江鐵君名沅，字子蘭，艮庭孫，精說文，其篆書自名

一家。卒年七十二歲。



儒藏

顧千里先生年譜 卷下

陳穆堂名逢衡。

陳小雲名孟楷，字裴之，錢塘人，雲伯文述之子。

道光五年乙酉，六十歲。

夏日，梅伯言贈先生詩曰：吳郡顧千里，儒林得大師。病猶思誤字，醒亦好微詞。潦倒依書卷，崢嶸仗酒卮。最憐文選學，不解說難悲。

君校刻書數十種，皆有攷異，極精核。文選、韓非子其

二種也。

八月，諸同人集華亭四兄未詳何人齋中，爲先生六十生

辰置酒。

是時先生或在江寧，或在揚州。

陳穆堂刻逸周書告竟，屬先生撰序。



十二月先生游上海因段右白而識陳寄蟠過其所
居曰古甓齋別後陳君書來請撰古磚錄序其跋曰
道光乙酉歲滬上百甓齋主人示我並屬點定一過
一雲散人顧千里記於邗江寓館。

道光六年丙戌六十一歲。

在揚州校刻姚鉉唐文粹因徧搜唐集之存於今者
得李太白集而跋之。

先生跋文氏書札曰近數十年賞鑒家尤重書札予
所見不少如此冊集自華氏復得家云美云美顧苓
之字也有塔影爲之跋洵屬上品非尋常零星湊集者比也道

光丙戌元和顧千里觀於揚州新城之翠筠館并記。先生跋王右丞文集曰此宋麻沙刻王右丞詩文全集十卷。道光丙戌歲從藝芸主人借出影寫一部復徧取他本勘其得失雖宋刻亦有誤而不似以後之妄改究爲第一也。遂題數語於帙端餘文繁不具錄。恩適居士顧千里。詒琛案黃薨國跋陶蘊輝從都中寄來而得之者也云云則爲士禮居物時在嘉慶癸酉以前今先生跋從藝芸主人借出蓋是時已爲汪氏所有矣。春分前五日。二月初八日。爲謝佩禾作春草堂詩題詞。孟夏上旬作戈順卿填詞圖序。

秦敦夫姬人端木氏名守柔字慈雙九月二十九日

疾終。先生撰墓誌銘。

冬、嚴小秋還自淮上、路由邗江、過先生寓齋、屬爲詞序。

嘉平初吉、題奉華亭四兄、卽以爲壽、調寄詠春光。
題張樂燕賓圖絕句一首、所畫爲孫淵如在畢秋帆
幕中事、時淵如卒已九年矣。

戈順卿名載、字孟博、小蓮子、欽旌孝子。以填詞著
名。

道光七年丁亥、六十二歲。

閏五月、作洞庭徐漱坡孝行錄序。



儒藏

六月之望、張古餘賦詩見寄、依體敬酬二首。

廣弘明集十卷、先生跋曰、明中葉以後刻書無不臆

改、此吳中珩本、後印者有題名初無以梵夾勘之、乖錯極多。道

光丁亥借平山堂藏家字號來、粗正如右。又平津館

收復印修版者已補音釋、而子目及分卷等皆無從

追換矣。附記、備博覽者詳。七月廿八日千翁書。

七月、作張月霄愛日精廬書目序。

先生借得吳有堂家藏足本呂衡州文集、秦敦夫屬

先生校刻、取常熟馮氏鈔本及舊、新兩書以下精擇、

審定是非。於是年閏五月告成、因代敦夫作序、至九

月又自撰後序。

九月九日、陳雪峯攜張古餘所著吳勉學刻本資治通鑑刊誤、所錄有明嘉定嚴永思之補正、募貲合刻、請先生爲之序。刊誤先嚴重刻入高齋叢刻板已燬。補正詒琛刻入峭帆樓叢書。

因有文粹辨證之役、徧搜唐賢遺集、得明王濟之所刻孫可之文集、復從長洲汪氏借宋槧本勘正。而跋宋本曰、王震澤於正德丁丑刻孫可之集而自序之、謂獲內閣祕本、手錄以歸。毛子晉合習之、持正爲三唐人文者也。此宋槧、前在小讀書堆、今藏藝芸主人。丁亥夏閏、假來細勘正德本、知傳之多失、卷中絕無



賞鑑諸家圖記、或皆未見歟。凡取文粹所有若干條入辨證云。尚有二短跋已刻集中。

十月、郭祥伯六十歲、名其菴曰老復丁、畫圖索題、先生作序。

嘉平月、屠孟昭之母楊太淑人七十、先生作壽序。

道光八年戊子、六十三歲。

立春日、立春在上年十二月二十日辛卯丑正一刻四分此有誤。毛叔美以紅豆

書樓圖屬篆冊首、復系絕句一首。

孟陬月八日、跋藝芸書舍藏宋本王摩詰集。大隆案

集卷十五王摩詰集跋題下注丁亥。今查楊氏楹書偶錄作道光戊子、年六十三。文字與集刻稍有異同。

未多。數
十字。

二月、代汪閬源撰重刻宋本雞峯普濟方序。五月、先生自撰一序。

三月二十四日、葉紱之約先生游虎邱。是日晨同步、取冶坊浜陸路、過普濟橋循塘、未至山遇雨、乃雇小舟入山浜、冒雨登山、尋訪石刻、興盡而返。解纜逮冶坊浜、雨益甚、達下津橋、紱之先歸、先生獨抵家、遂作游虎邱山記。

四月、先生同江秬香過葉紱之家、縱觀其所藏金石拓本。



儒藏

十月十日、先生跋方彥聞所撰金石萃編補正四卷
曰、昔錢竹汀少詹言宋以後碑好者頗少、惟引李南
澗一人爲同志、卽益都李文藻爲竹汀門生。今讀此二冊、自唐以
下、凡宋金元等各碑、一一手釋其文、纖悉無遺。我彥
聞先生可謂真知篤好矣、惜不起少詹見之。

十一月二十四日、程芑堂安葬其孤、來請墓誌銘。
冬、同里葉紉之得李北海書、任令則神道碑、與先生
共讀而跋之。

某月日、戈小蓮安葬、其子順卿來請先生撰誌文。
毛叔美名慶善、吳江人。



江秬香名鳳彝、號盥道老人、錢塘人。得晉任城太守孫夫人碑於新甫山下、一時名人爲之援證史書、辨論字體、極爲詳盡。有得碑圖一冊。

方彥聞名履錢、大興人、嘉慶二十三年戊寅舉人、福建永定縣知縣。

程芑堂名開豐、乾隆四十年乙未入元和學。

道光九年己丑、六十四歲。

孟陬月、作宋本荀子跋。

三月二十六日、飯於紉之家。同至虎邱、剔榛磔、披苔蘚、讀碑、至夕陽在山、取閒道度望山橋、步田野中、達

下塘之方家橋與紉之別。歸而作再游虎邱山記。先生以吳有堂所校釋名作書寄與王伯申、且索爲序。事在甲申年。至本年六月、先生自撰略例、附刻書後。

先生從輿車秋舫、陳雪峯出資刊刻輿地碑記目。九月、先生撰序錄。

十月、撰金湘谿事略。

十月、爲秦敦夫撰詞學叢書序。

黃省齋收得鈔本長短經見示、先生取讀畫齋叢書本校之、作跋、又爲刻本作跋。

黃省齋請先生撰華仙元化畫像記、刻石置於祠。九月、省齋子國珍思就像椎拓、殊非虔敬、爰易刊於木。龔定菴與先生書訂五年相見、先生報書云、敢不忍死以待。後定菴竟爽約。

王伯申名引之、高郵人、文肅公孫、懷祖子。嘉慶四年進士、廷試一甲第三人、累官禮部尚書、署工部尚書、薨於位、賜祭葬、予謚文簡。高郵王氏以經義教子孫、自文肅公至石臞、伯申、三世相承、而其緒益拓。論者謂本朝經術獨絕千古、而王氏一家之學、自長洲惠氏父子孫外、鮮見其匹云。



道光十年庚寅六十五歲。

汪闓源重刻宋景德官本賈公彥儀禮疏五十卷屬

先生撰後序。黃薨園卒後士禮居藏書歸汪闓源。於是闓源又摹刻儀禮單疏宋本孝經劉

氏詩說郡齋讀書志諸書。

葉紉之得趙晉齋竹嶠盒藏唐碑三種先生爲跋之。

四月二十七日同郡程養廬葬其元配陸宜人於虎

邱西南先生代撰墓誌銘。

再校孫志祖文選李注補正。

是年先生手錄呂夏卿錢佃荀子兩宋本異同寄王

石臞石臞采入荀子雜志補。



閏四月二十七日、先生嬰類^④中手足口舌、不由主張、自謂旦夕化去。六月二十二日、紉之走問、告以元林禪師碑、啟篋展觀、病眼昏花、僵卧枕上。翌晨、力爲跋之以塞紉之之意。先生自此卧牀第不起。

道光十一年辛卯、六十六歲。

道光十二年壬辰、六十七歲。

道光十三年癸巳、六十八歲。

道光十四年甲午、六十九歲。

道光十五年乙未、七十歲。

二月十九日戊申、先生卒。

龔定菴以爲先生甲午春死、誤。

八月十九日乙亥，先生配韓孺人卒，年七十歲。

先生有子四人，其一名鎬，餘殤。女四，鈕寶順、沈秉銳、程雲燦、張定海，其壻也。孫四，其一名瑞清，見前丁丑年。從

李申耆游。

龔定菴夢顧千里有作，萬卷書生颯爽來，夢中喜極故人回。湖山曠劫三吳地，何日重生此霸才。故人
有子尙饘粥，抱君等身大著作。劉向而後此大宗，豈
同陳晁競目錄。

道光十七年丁酉，學使祁雋藻

號淳父。

訪說文繫傳於

李申耆，申耆寓書河之，借得先生舊藏影宋鈔本及



儒藏

顧千里先生年譜 卷下

汪閬源所藏宋槧殘本、屬申耆董紀其事、依寫開彫傳於世。申耆謂歙縣汪氏本訛漏不足憑。汪刻於乾隆四十七年壬寅。

吳縣徐子晉康云、唐人詩文集最多、吳門繆氏僅刻李太白集一家、享帚樓秦氏刻呂衡州、李翱等集。先生更覓得足本沈亞之等集七家、皆用昌皮紙澆許翰屏精寫、不加裝訂、但用夾板平鋪、以便付梓。余曾訪澗翁文孫河之孝廉、曾一見之。今河之久歿、所居亦遭劫、書樣無可訪問矣。

先生於宋本禮記祭儀、天子設四學注、四學謂周四

郊之虞庠也。先生以四郊之四當作西。中有或據芳傳所引、並欲改王制虞庠在國之西郊亦作四郊、致爲鉅謬云云。蓋指孫怡谷志祖侍御讀書脞錄也。張氏考異備引其說。段茂堂因作禮記四郊疏證、申孫黜顧凡數千言。先生復作學制備忘記以辨之、亦數千言。段氏有論學制備忘記一卷、刻入沈氏昭代叢書。兩君遂成水火。海寧陳簡莊鱣嘗彙題一冊、曰段顧校讐編。茂堂有文九篇、載經韻樓集中。先生之文則爲徐紫珊刻集時所刪。紫珊刻集何以刪去先生之文、豈亦申孫黜顧耶。

墓誌銘言、先生與金門學使

金門名鳳誥、萍鄉人、嘉慶十二年丁卯江西南鄉



試正主考。以言牴牾、集中有與劉金門宮保書云、頃非學使也。奉面諭二十五卷改回拙校一條、仰見弗吝訓示、載深感歎。但拙校實係確有所見、不得不罄陳於左右云云。今觀此書、雖未明言所謂廿五卷者是何書、而書中論唐大詔令之錯簡、今更正而削其誤承者三百數十字云云、疑卽所校全唐文也。

張石洲

穆平定人。

閻潛邱年譜云、漢學師承記、聞顧君千

里云、曾見初印亭林所刊廣韻、前有校刊姓氏、列受業閻若璩名、則若璩嘗執摯昆山門下。然若璩書中不稱亭林爲師、豈亭林歿後、遂背其師耶。石洲辨之、

并云、因廣韻所列姓氏四行後空白一行、下又記云、悉依元本、不敢增添一字。千里因從此空白之一行生波。又言千里天性輕薄、於總卯至交之李尙之、其歿也、乃造作文字、重相詆毀。何願船秋濤云、顧千里與段茂堂議禮詬爭一事、所論雖千里較勝、然千里素尊事茂堂、一旦投書痛加非詆、頗爲時論所駭、茂堂至引顏黃門之言以責之。千里故造作語言、誣潛邱以藉口、示已之所爲猶未至若是之甚云爾。

江建霞黃堯圃年譜注云、所謂造作文字、重相詆毀者、聞尙之故後、千里輒以人有千算四字。又見百宋



一廬賦初印樣本有顧校字、今俱刻正矣。末有顧題云、蕘翁手寫有別趣、但此君不曉楷法、美哉猶有憾。醉中記。四十二字。二十二字誤以爲四十二字。是亦輕詆之證。王大隆曰、澗蘋先生負才傲睨、盛氣凌人、與劉金門、段茂堂、黃蕘圃、李尙之始甚相投、終乃絕交、人所共知。余藏先生手校書數種、於經典釋文則斥臧庸堂爲不識一字之庸妄人。於文選李注補正則斥孫怡谷一則曰陋而無識、再則曰癡人說夢。又有經韻樓刻戴東原集、亦先生批注、於茂堂校語及校勘記大點密义、幾無完膚。雖不記年月、知其必絕交後所爲。

也。他若吳山尊、嚴鐵橋亦均不合。時起齟齬。李申耆撰墓誌、言詞色嫗煦、恐非記實也。詒琛案、袁綬階手石經考異、先生於嘉慶辛酉傳錄一部、書眉有臧庸堂、瞿木夫校語、今已印入涵芬樓祕笈。詩車攻章東有甫草、甫字錢氏、臧氏均有考、先生批曰、竹汀先生所考是也、今石經具在、可覆而案、何得厚誣古人。唐石經月令舊聞一百九十四字、臧氏據朱子儀禮集傳、集注補完、先生又批曰、天下之闕而不可復補者、石刻而已矣。洪承柏隸釋續載石經殘字、孰能補之耶。如月令不補何損。竹汀先生豈未見朱子書耶。補之何益、徒失其真。亦妄作之一端已。道光二十六年丙午、海寧楊芸士就先生孫河之訪得先生文稿、亟爲編排卷帙、寫錄清本、仍以原稿歸諸河之。二十九年己酉初夏、上海徐紫珊以授梓人、

始事於閏四月、葢工於十一月、凡十八卷。尙有許氏說文考異有待參訂、未能並刻。

思適齋文集序

吳縣

馮桂芬

林一

國朝右文稽古、鴻儒碩學輩出相望、遂駕宋元明而上、而有開必先、實惟吾郡人爲多。顧氏亭林、通博淹貫、一代儒宗、則郡之崑山人。嗣是以後、惠氏四世傳經、爲講漢學者之首。江氏艮庭、專治六書、著尙書疏證、爲講小學者之首。近則李氏尙之、演天元一正負開方諸說、得數百年失傳之祕、爲講數學四元者之首。之數人者、雖學有精麤、說有詳略、後賢因端竟委、



備藏

出益加出、容能以後掩前、而創始之功必歸焉。元和
顧澗蘋先生潛心經學、博覽羣書、自先秦以來九流
百家之書、無所不讀。時朝廷開四庫館、徵海內遺書、
以是古籍之出尤多。先生名既重海內、藏書家得異
本必就先生相質。先生記識精力絕人、所見益廣、輒
爲之博綜羣本異同、折衷一是、尤不肯輕改、務存其
真、遂以善校讎名。書經先生付刊者、藝林輒寶之。先
後積三十餘種、校成未及刊者尙半。其多且勤如此、
則又百餘年間未有之學、而創之先生、又於惠先生
諸人後別開戶牖者也。先生讀書之日多、著書之日

少治經有家法而無所論箸、惟得力既深、且又微言大義、往往見於所爲文、而文集未刊、學者憾之。文孫河之茂才輯錄得二十卷、將授梓人、問序於余。余之譏劣、何足以窺先生之深。而自幼識先生、且讀先生所校書、辨香鄉詰、意何能已、且嘉茂才之能承家學也。不辭而爲之序。

書思適齋集後

新陽

張星鑑

緯餘

思適齋集、顧千里先生著、其孫瑞清所編、上海徐某刻板行世。字蹟錯誤不一而足、究其故、無善校者相助、故所刻如此。按瑞清所編原書定爲二十卷、今爲



儒藏

十八卷刪去六、七二卷。六卷中有學制備忘記、立學古義考、祭義四學解。七卷中有與段大令書三首。今刪去與段君書一卷、存書下一卷、改爲第六、下字未去、謬甚。又刪去再與吳山尊論唐文書、與陳仲魚論文選書、亦所不解。又天后宮碑一首、刪其文而存其目、原編於碑跋中、有篆隸字樣未寫者、今竟空白。是書非瑞清所編原本、其謬不可勝言。庚申

咸豐十年秋日、

星鑑自蜀入都、瑞清復以此書見贈、故記之。

思適齋集十八卷

附手補鈔遺文四首、道光己酉刻本。

會稽

李慈銘 蕓客



右思適齋集十八卷、元和顧千里澗蘋撰。千里本名廣圻、以字行、嘉慶間諸生。其學精於考訂校讐、上自經史、下訖碑版稗官小說、無不研究、以盡古義。於禮學字學尤所致意、詩詞皆膚率、備體而已、賦樸選學、亦僅面目、文以考訂傳、固一時絕學也。先生文孫孝廉瑞清輯錄爲二十卷、上海徐渭仁刊爲十八卷。蓋原編第六卷爲學制備忘記、立學古義考、祭義四代之學解三篇。第七卷爲答段懋堂書三首、標之曰書上、第八卷標曰書下。徐渭仁妄謂諸作已刻、段氏經韻樓集中、故盡刪去。其實段集僅刻學制備忘記及

與段第二第三書也。渭仁既刪去兩卷，而第六卷仍標以書下二字。又先生有與吳山尊兩書，今刪去其第二書。第十五卷古刻叢鈔跋，第十六卷祀三公碑跋，皆有空白，係篆文未及填寫。第十七卷天后宮碑有題無文，可謂草率不檢之甚者矣。孝廉以楊文蓀靳不付校對，深以爲憾。先生之學以矜慎爲主，不敢據此失彼，輕斷是非，故頗不滿於金壇段氏，其爭端起於小學在國之西郊及四郊一事，蓋段學固博奧，頗喜立新義，盡翻古人，不及先生持詳矜重爾。會稽越縵學人識。



右文四首、以先生原稿本有、故爲錄入、其祭義四代之學解及與段第一書、則無從考補矣。先生與段氏爭此事、爲議禮之一大端、而近儒無平其是非者、蓋兩家義據皆堅、解紛非易也。段氏經韻樓集後二卷專爲此事往復論辯、其詆先生甚力、且牽及於先生之禮記考異、文選考異兩書。先生此四首中學制備忘之記、亦極訾段失、而此書之辭尤峻。余謂論學者求其是而已、無取忿爭。段氏著書宏深博辯、其集中之文亦皆考證卓絕、獨後二卷中訾警先生、惡譏毒罵、殊爲全書之累。要其斷斷不少置者、自以先生強

敵不得不用全力以爭。先生綜覈羣書、實事求是、校勘之學尤號專門。並世高郵王氏父子通儒冠代、石渠先生尤精考校、而極推先生以爲獨絕。此非金壇一時之伎所能掩也。是集皆平生自得之言、不逞意氣、故今錄此四首。於學制備忘之記及第二書中語氣失平者、稍從芟薙、而於第三書所汰尤多。幾及三之一。蓋先生此書已與段絕、不忍其橫詈之苦、故亦稱情以報。茲於枝辭側出、複沓詰問、無當經義者、悉翦落之。其涉於考辨者、則一字不略。先生主於墨守注疏、以西學還之本經。段氏雖引據縱橫、駿辯四溢、



而王制西郊之不當作四、鄭之論周立四代之學、非在四郊、大戴禮之言五學亦本一處、以及王肅案古違鄭之非、皆依據謹嚴、足爲定論。故阮氏學海堂經解中取段氏集、刻其諸辨論各書、於詆訶之文槩亦刊去。時先生之集未出、特錄其周立學古義考一首、所以寓折衷也。先生此書後有附注與段數行、屬其刻集時附刻此書、勿添改刪潤、以失本來、亦出一時憤激之辭、而段氏亦竟全載其書、以示其無足爲損、皆非君子讓善之義。竊依阮例、去厥浮文、泯反唇之相稽、存儒者之氣象。所慨先生令孫河之孝廉、歟已。

十餘載、聞有一子、久未得耗。曩言在耳、宿草久荒、補輯遺文、末由商訂、聊志良友惓惓之意、以冀復於九原耳。是集近歲徐氏已入之春暉堂叢書、倘有能更刻者、當持以相質。其餘二首、後或訪得、俟補完焉。光緒四年歲在著雍攝提格五月十日、慈銘識於京師保安寺街。

平定張誦風爲經制議論之學者、於經學甚疏、尤不解考據之事。其撰閩百詩年譜、因先生言嘗見顧亭林所刻廣韻初印本、閩氏列於受業之次、而閩氏著書不稱亭林爲師。痛斥此言之無稽、橫詆先生天性



輕薄於平生師事之段茂堂。一旦論學不合，痛加詆毀，無復弟子之禮。余謂先生所言必有據，且未嘗以段氏爲師。段氏集中與先生書及與黃紹武書，雖亦有師資受教之言，而未嘗執贄稱弟子。蓋段氏年輩已老，爲經學大師，久居吳門，先生以輩行尊之，相從論學，固事之所有，要非奉手受教在門下者也。張氏不知而妄言，無足深論。河之嘗爲余言之邑邑，故附記於此。慈銘又記。

今人侯官林惠常昌彝著三禮通釋，其第十二卷釋辟雍校序，亦申段駁顧，謂孔疏誤據王制經注誤本。

而顧氏過信之、不當以誣鄭也。其說甚長、中有取顧說而駁之者曰、廣圻云、若四郊之西郊東郊皆有學、則東郊在大學東之東、而大學在中。鄭云或尙西、或尙東、無尙中之說也。竊謂周之大學、東膠在國中、王宮之東、以王宮之東爲上東耳。至於國外四圍有學、何乖於大學尙東哉。聖人因時立制、斷不如此拘泥、況上西、上東乃注家之言、非經有明文也。廣圻又云、虞庠在國之西郊、與大學在郊互見發凡。一爲周制小學、一爲殷制大學、同在西郊、經文一言西、一不言西、故曰互見。竊謂凡發凡者、欲人知其例也。舉周制



小學所在、爲殷制大學所在、發凡可令人知其例乎。且殷之大學卽右學、在西郊者、作王制者何不云右學、虞庠皆在國之西郊爲徑直乎、而乃爲此不可解之發凡乎。廣圻又云、賈氏孔氏云、虞殷尙質、貴西、夏周上文貴東。若四郊皆有學、則亦西亦東、非文非質、未之前聞。竊謂虞殷尙質而貴西、夏周上文而貴東、孔氏或有所本。然表記虞夏之質、殷周之文至矣、虞夏之文不勝其質、殷周之質不勝其文。然則安見虞殷必皆質、夏周必皆文哉。鄭之分別上西、上東者、以地勢西高東下、故云上庠在西、下庠在東。王者南面、

西爲右、東爲左、故云右學在西、左學在東。若東序西序、東膠、本有東西字、故其分別如此也。廣圻又云、此經之上文祀先賢於西學、注云西學周小學也。此非周立小學在西郊之明證耶。竊謂祀先賢於西學、正與保傅篇帝入西學、尙賢而貴德、則聖智在位而功不遺相符合。西學者四郊學之一、而祀先賢必於此、故謂之西學。而注云西學周小學也、明其爲小學在西郊者也、別辭也。若下文天子設四學、注則云四學謂周四郊之虞庠也、明其爲周之小學在四郊、故稱四學也、都辭也。慈銘案、林氏所駁多意必之辭。鄭注



王制有虞氏養國老於上庠一節、云皆學名也、異者
四代相變耳、或上西、或上東、或貴在國、或貴在郊。明
指經文分別四代學名而言、安得謂經無明文。虞庠
在國之西郊一句、緊接養庶老於虞庠下、安得橫加
右學二字乎。十一日慈銘又記。

庚申八月初二日、元和顧河之孝廉

瑞清

館吳縣潘

侍郎家、介武進呂定子編修

耀斗

來訪、一見卽投分

甚摯。初七日、通州師敗、都人恟恟。初八日、車駕東狩。
初九日、都城內外盡閉、朝官富民相率遠遁。河之復
來、抵掌談禦變略、痛憤叱咤、盡日始去。初十日、日晡

復至、告卽日將南返、省親於洞庭山。蓋君家蘇之閬門、有老母妻子、遭亂無耗。其戚有居洞庭山者、故間道往尋其母。因言家故貧、惟有書數萬卷、皆其祖澗蘋先生所藏善本、多有手校手寫者、祕籍及宋元槧亦不下百餘種。先生嘗爲鄱陽胡氏校刻通鑑及文選、文選尤最所致意、其考異一書皆出先生、故家有藏稿。又有初印紅字通鑑、眞希世之寶也。今地爲徐中丞所焚、又被寇掠、所藏殆不可問。言之哽咽、予亦不覺頓足歎惜。又言是集皆其掇拾而成、手寫爲二十卷。楊文孫芸士者、曾與先生交、老居吳中、負時名、



而以諸侯上客自矜、鄙瑣特甚。有書賈攜是集示之、遂錄副本、屬上海徐渭仁刻之。河之慮其轉寫譌脫、屢詣楊請付校對、不許。洎刻成、乃止十八卷。又有空白未填者。詳見後跋。至咸豐甲寅、劉麗川亂海上、徐以通賊繫獄死、此集板遂散失。孝廉家藏亦尠矣。此乃潘季玉舊購者也。因屬予識之。如此慈銘。治琛案、思適友吳縣江君杏溪用徐氏春暉堂叢書本、木活字排印、惜未校正其謬誤、增補其刪文、以成善本也。

徐紫珊吳中大狷、頗嗜名好文學、其刻此集則由楊芸士慫恿、校勘疏略、前跋已略言之。此記與卷首楊序皆未嘗及河之守遺編輯之功、楊又攘以自伐。河

之爲予言、抱守勿失、子孫責也。願以此事歸宅人、則子孫不肖、將無以視息天壤矣。予謂君所學所行如此、他日當更昌大其世業、如惠氏比者、鄭小同不足多也、何用此介介爲。河之笑而止。越縵又記。

河之少承祖訓、又從申耆先生游、故其學極有原本處、貧守約、掇拾遺書、生長吳閭、不識冶游事、爲人淳樸、謹言、衣冠古拙、類有道者。予居京城河之館、故太傅潘文恭公家、介毘陵呂定子編修來訪、時年四十有四矣。與予相識未及十日、來訪者五次、來輒論學、盡晷不去。臨行出藏書數種爲別、可感也已。庚申長至

日又書。

贈顧河之序

張星鑑

咸豐壬子、顧君河之應江南鄉試、見其文者咸謂絕倫。及榜發、君果中式。其友人張星鑑爲文以賀之曰、國家沿明制、以制藝取士、使聖經賢傳家喻戶曉、意在尊經也。而世之銳意進取者、日從事於兔園冊子、無論其術之不足爲世重、抑且昧於國家取士之意矣。是說也、余每與河之論之。夫文者載道之器、非肆力於傳箋注疏者不能。乾隆丙午、大興朱文正公典試江南、所取之士、則有阮文達、孫伯淵、李許齋諸人。



儒藏

顧千里先生年譜 卷下

既主己未會試、登進士者、則有王伯申、郝蘭皋之小學、張皋文、陳恭甫之經學、許周生之算學、吳山尊之詞章。論者謂是科得人最盛、雖鴻博科開、未能過也。而當世每謂科名不足以見人才、豈篤論哉。君千里先生、文孫世傳訓詁。曩者以經學受知於壽陽祁公。今經藝易用虞氏詩、主毛傳。至以制彼裳衣、謂卽袞衣繡裳。勿士行枚、言周公密勿從事、行微不怠。此說得之於陳先生碩甫、宜乎文之咸謂絕倫也。東吳顧氏自陳黃門侍郎著篇韻、其學傳而爲陸元朗、遂有經典釋文之作。東南經學之盛、自君家開之。千里先



生爲黃門三十五世孫、遊江氏之門、傳惠徵君遺學。然先生年三十三十一歲始入學、今沿墓誌銘之誤。始獲一衿、嘉慶丁卯鄉試主司劉金門侍郎欲得先生而未果、竟以諸生老。甚矣功名之不予其身而予其後也。

與顧河之孝廉書

李慈銘

河之尊兄有道足下。昔秋訂契、披隔見心、婁辱枉存、備窺旨趣。旅中得此、私幸實深。祇以爾時國事倉黃、復嬰末疾、蓄疑未罄、發論莫窮、酬答之間、每形淡漠。會促別遽、能不耿然、慊輿發日、沈痼在牀、不獲走送、伏几削牘、藉申契悰。書甫及門、清塵已遠。南望孿涕、

神奪魂馳。嗣聞開行抵滬、遭罹大憂、以兄純孝、定知骨立。叨附登堂、得信悲泣、遠隔海外、生芻缺然。念足下雖歎視含之文、猶申負土之志、貧者竭力、足以仰慰。日月易逝、寒暑忽周、思子爲勞、何時忘弭。比維伏日蒸霖、海上煩熱、動靜多預、亮無虧攝。弟客況愈瘁、家耗罕通、銅臭一官、尙未到部、選期復阻、竟同棄疣。然以痼廢之餘、轉得留神經史、稍事學問。自悔少時頽惰失業、惟知雕鏤月露、綴合蟲魚、溺志殫精、以爲能事。八九年來、麤知自返、而經義充塞、莫知所從。乃先事乙部、涉獵殆徧、鉤稽未能復恥。近世文章日衰、



罔識塗軌、沿襲譌體、幾類盲聾、蒿目疾心、冀振其弊。性既好吟、時成篇什、鄉里傳播、謬竊時名、以致功課紛雜、愛博不專。比來京師、所見學士大夫荒陋尤甚、益痛世運陵遲、斯文墜地、愈不自揆、欲以區區一簣、障塞橫流。前修邈然、無從取質、日下儒素、惟壽陽常熟兩相國、學有本原、足稱碩果。顧勢分隔絕、既恥自通。它若何刑部秋濤、沈兵部鎬、見其著述、頗具師承、以一時言、庶幾淹貫。素乏投分、亦未造質。貴邑有張秀才星鑑者、傭書都中、專意漢學、近與之往復、亦一時之雋也。兄樸實沈潛、遠有門緒、所願力貧尙志、繼

述祖庭、扶絕學於已衰、纂遺書之未竟、不以亂雜輟業、世務經心。將見思適齋後更成鉅集、與惠氏祖孫父子並盛、本朝彌所勛耳。抑更有進者、說經之家、昭代爲盛、乾嘉之際、碩儒輩興、間已前無古人、後無來者。然至劉申甫、臧在東、陳碩甫諸先生出、拾遺補闕、其學愈密、而尊奉西京、藉薄東漢、頗詆康成、以信其說。故孫伯淵氏謂近來學者好攻鄭氏、其患不細。蓋孫氏同時若程易田氏、焦里堂氏皆喜與鄭爲難、而段茂堂承其師傳之說、亦有違言。卒之姚姬傳、陳碩士輩、借端排毀、經學遂微。不及卅年、漸滅殆盡、好高



之過、其弊至此。弟嘗謂鄭氏徧註六經、數百萬言、旣繁且博、自難並絕小疵。又時習讖緯、朝廷所尊、狃於聞見、問一援引、以曉愚蒙、不得爲過。著述旣多、門徒益盛、復不免假託師說、雜糅其間。故或先後不同、從違不一。後儒挾私尋釁、譬於江河之大、求泥沙之微、固無有不得者也。莊珍藝有言、漢學之存於今者、苟有一字一句之異同、要當珍若拱璧。弟嘗心佩、以爲名言。至如孫氏之註書、酷信緯學。劉氏之說春秋、尊之公羊、力申黜周王魯三統之義、謂夫子借以行天子事。莊氏謂夏小正卽連山易、改其名爲夏時明堂

陰陽經。此皆意過其通、驚世駭俗、反爲宋學助之攻矣。管見所及、就正於兄、幸教益之。承近依薛中丞幕、脯飭所供、麤足自給。潘玉詮觀察亮時相見、望致殷勤、爲國珍重。今冬來春、或由津門航海南返、便道經滬、當謀暫集。北風儻順、載望瓊瑤、諸惟盛夏自悉、書不盡言。

辛未八月
趙氏勅介

顧千里先生年譜卷下終

校記

①「濡」下當有「以」字，見《思適齋集》卷一五《宋本淮南鴻烈解跋》。

②鮑綠飲：當作「鮑淥飲」。

③原吉：當作「元吉」，見本條上文。

④類：疑作「類」。

⑤承相：當作「丞相」。



儒藏

顧千里先生年譜 卷下

顧千里先生年譜跋

目錄之學爲讀書之津梁、而校讎之學又書籍之藥石。以我國書籍有數千年悠久之歷史、則校讎之學尙矣。此學蓋發源於炎漢劉氏父子、時當秦火之餘、書籍大壞、董理排比、亦勢使之然。及至清代、承宋元明刻書日盛之後、字句之荒亂、譌奪亦愈甚。故當乾嘉之際、樸學諸儒蓋無不通知此學者、而元和顧千里先生尤爲卓絕。先生學問淵博、辨證精審、雖與黃堯圃輩並稱於時、而實非其倫也。顧其著作除上海徐氏所刻思適齋集及今所流傳之校勘諸書外、散佚者尙不少。卽其行事、



後人更未有爲撰有統系之記載。非特於校讎之功隱而不彰、且無由知其爲學之次第。此則余每對靈鷲閣之堯圃年譜、而未嘗不爲先生致憾於後之學者也。近日人神田喜一郎撰有先生年譜、謬誤遺漏仍多。余友海寧陳君乃乾欲爲補苴、亦遲遲未果。崑山趙君學南爰重有編輯、舉以視余。披讀一過、頓彌宿憾。會余有彙印小種叢書之意、乃卽以此先之。趙君此作、凡所採詩文及題跋等已見本集者不錄、無年月可考者不錄。秀水王君欣夫大隆、吳縣潘君聖一利達均助搜採、考訂確實、字字均有來歷。此則余以信趙君等、而可信是書。

者也。陳君曾有先生舊書題識之輯，必有爲是書所遺者，異日編成，當請儷以行焉。庚午端午節，金山姚光識於滬上寓次。

武進李先生年譜

清·蔣 彤 編撰

李文澤 校點

刁忠民 一審

蔣宗許 二審

民國二年刊本

《武進李先生年譜》三卷、附一卷，清蔣彤編撰。民國二年刊《嘉業堂叢書》本。

李兆洛（一七六九—一八四一），字紳琦，更字申耆，號養一，清江蘇陽湖人。嘉慶九年，應江南鄉試中式。次年進士及第，授翰林院庶吉士、武英殿協修。散館，出為安徽鳳臺知縣，兼署理壽州事。十九年丁憂卸事，遂不復仕，應聘主講懷遠真儒書院、敬敷書院，又主持江陰暨陽書院二十年，以校勘遺文、開引後進為務。道光二十一年七月卒，年七十三。李兆洛擅長駢體、古文，精地理之學，撰有《歷朝輿地圖》、《輿地韻編》、《鳳臺縣志》，有《文集》五十卷、《詩集》四卷、《暨陽答問》四卷，並編選《皇朝文典》七十卷、《駢體文鈔》三十一卷等。

《武進李先生年譜》又名《李申耆年譜》，清蔣彤編撰。彤字丹稜，陽湖人，為李氏及門弟子。李兆洛殂歿之當年，蔣彤即仿《二十家年譜》之例編成年譜。此譜紀事不注出處，多載錄原文集序跋語。譜後另編有《小德錄》一卷，記載零星小事，「使譜主之言行略具，學者讀其書即可以知其人」（劉承幹跋語）。

此譜曾經多次刊刻，其初有清道光二十一年洗心玩易室刊本，清光緒十三年嘉興金吳瀾刊本，繼後又有《嘉業堂叢書》本、劉師培編《歷代名人年譜大成》本、臺北商務印書館《年譜集成》本等。另有傅增湘編《李申耆年譜》一卷，亦可參考。

李夫子年譜稿成祭告文

維道光二十有一年七月八日、吾夫子示疾於三河里第。弟子蔣彤懼其德業不克詳於來世也、謹綜其生平、遞年隸事、縱闕漏而不敢有誣、蓋三更其稿而後克成、謹以清酌庶羞、卽九月二十有四日夫子降生之辰、告於夫子之靈曰、孔門分四科、各就其性而宗不離、自孟荀氏沒、莫得七十子之墜緒、各矜其得而道以支、蓋仰觀俯察、太虛無爲、形色咸備、道之全體蓋如斯。乃思塞習錮、不致不兼、已歷百千載於茲。我夫子英質天挺、俗師友不能囿、博綜獨悟、恨不親炙於洙泗之宏規。夫子之名、四海共仰。夫子之文章政事、學士咸服。夫子之行



誼、友朋相稱頌。夫子之心，終莫可得而知。雖磊磊大節，十具七八，而心之精微，豈小子陋劣之所能追。登諸史，孰爲馬班之鴻筆。表諸墓，孰爲柳歐之瑰辭。嗚呼，宏業不朽，盛德不滅，其道自足，俟百世而不疑。夫子之靈，尙其鑒之。

譜例

年譜之作始自宋賢。唐人如韓杜之有年譜，皆後人據遺文追述之。謹卽所見其義例有可倣倣者，列之左方焉。

幼年無事，則并甲子闕而不書。先生若干歲下，卽連書是年之事。每事必別行以醒閱者之目。三者並用，莊起儔黃漳浦年譜例也。

年譜中夾敘同時人之出處始末，則本事之經緯愈明。用秦小峴淮海先生年譜例也。

書子生而不及女，并不及兒女嫁娶事，用孫岱震川先生年譜例也。



譜中涉他人事、間用雙注以究始末、用呂培洪北江先生年譜例也。

書甲子外、卽首標在某處爲某官爲綱領、用王宗稷東坡先生年譜例也。

前後有相證明者、則加案字、亦用王宗稷例也。

爵尊者稱公、其次稱其官、同輩人直書其字、亦用王宗稷例也。

間入時事、以著源委、用錢牧齋重訂少陵年譜例也。

有後年之事、凌入前年者、如此則文直而事完、用方孩未先生自敘年譜例也。

文字有要繫者、則全錄、用龜山先生年譜例也。

書登第時事、用甌北年譜例也。

書同時當道官階出處、用鄒忠公年譜例也。并有書其卒者、用張師載陸子年譜例也。

書子姓科第仕宦、用精華錄漁洋山人年譜例也。

書月數不書日數、日數用支干、用秀野堂昌黎年譜例也。

所著書必具詳其源委、用朱子年譜例也。

年月有不可臆斷者、加蓋字以傳疑、用黃芚山谷年譜例也。

時事之艱大者、備著曲折、用方望溪湯文正年譜例也。閒及交遊朋燕之事、用嚴榮王蘭泉年譜例也。



儒藏

武進李先生年譜 譜例

酬應詩篇、有故則錄其目、用施愚山先生年譜例也。

武進李先生年譜卷一

嘉業堂叢書

陽湖弟子蔣彤編

乾隆三十四年己丑九月二十四日。先生生。先生諱兆洛。字紳琦。更字申耆。號養一。學者稱養一先生。系出熙河王氏。本匡姓。避趙太祖諱。改爲王。世居江蘇常州府武進縣之夾山。前明萬歷時。六世祖諱本成者。幼孤。播遷。育於輞川李氏。遂冒李姓。生應楨。應楨生孟智。孟智始定居縣東北大寧鄉三河口。雍正二年。析武進置陽湖。遂爲陽湖人。生文騏。文騏生衍曾。實先生之祖考也。考諱徵蘭。字黻亭。縣學生。誥封奉直大夫。先生試入武進學。故係以武進焉。



儒藏

三十八年癸巳、先生年五歲。始從宜興路思元先生受四子書、與兄康齡同几硯。思元名揆居、奉直公嘗從受業。嘉慶庚申、辛酉科江浙舉首爲崔暄、崔錫華、皆思元門下士。先生又以甲子爲江南解元、時稱盛事云。康齡字五初、人稱五初先生。

四十年乙未、先生年七歲。病不能受業、聽兄五初讀戴記、卽能背誦。旣長、乃補讀喪服諸篇。

四十六年辛丑、先生年十有三。從學於外祖奚蕉峰先生。蕉峰諱賓、字曰朝、先生爲刊蕉峰制義者也。陽湖歲貢生、篤學爲時名師。愛先生英敏、常令寢其趾、晨昏與講論焉。賓弟寅、以進士官衡山縣、有治聲。



四十八年癸卯、先生年十有五。從學於黃耑孩先生。先生英敏絕特、每制一藝、稍不當父師意、則更爲之。或一題成五六篇、不終日而就。好讀司馬文正資治通鑑及馬端臨文獻通考、不期年貫澈首尾、其節目要處皆能成誦。後常舉以訓門弟子曰、讀書有至簡要至闊大一法、通鑑以知人、通考以博物、一經一緯、稍有才分、何患不一日千里。耑孩名向榮、以舉人爲銅陵縣學訓導。

四十九年甲辰、先生年十有六。從學於高蘿簪先生。赴邑試、適與李鹿耕慶來連几坐、各詢姓名、遂定交。時鹿耕長先生一歲、已有工書名、朋輩中相引重矣。旋

與鹿耕弟心陔復來紹仔述來交並誼同手足始終不渝。蘿簪名荃字芳余戊申舉人含山縣學訓導。

五十一年丙午先生年十有八從學於呂雲莊先生雲莊名嶽自廩貢生。是歲奚太宜人卒。

五十四年己酉先生年二十有一肄業龍城書院主講者爲餘姚盧學士文昭學者稱爲抱經先生者也。所鐫刻載籍爲當代最以梓人自隨。在龍城時臧在東鏞堂顧子明文炳頗任校讎役。講訓詁學先生意殊不屑學士深器異之。

是歲奚太宜人服闋娶宜興路宜人。兄五初娶江陰趙孺人。未彌月而五初從從舅企廉赴京師。蓋五初

以屢挫小試、計入國子監試順天也。

五十五年庚戌、先生年二十有二、補武進學生、縣試第三、府試及學院試皆第一。冬、兄五初旋里省侍。是年始與江陰祝子常百十定交、與書云、足下立身行己、抗心古人、所處有斷限、不自容其非、亦不肯容人非。所著作皆俊傑廉悍、作作出芒砀、未見深於情而不靡如足下者也。人生何必時俗喜、何必鬼神憐、但得一二快處、傾瀉肝膽、發摠瑰奇、亦足豪耳。又云、諸葛武侯誠甥、書曰、志當存高遠、棄凝滯、忍屈伸、去細碎、使庶幾之情揭然有所存、倘亦吾儕座右銘乎。子常孝於親而家貧、幾於無日不通問、與札必詢朝夕如



何有所籌借無不罄誠。又慮其憂傷挫志，書古人數事以廣之曰：左伯桃、羊角哀同入楚，道乏糧，度不俱生，并衣食於哀而桃餓死。戶文子、叔愆子，其思革子同入吳，道乏糧，度不俱生，并衣糧於革子，而二子凍死。范式謂河道張邵曰：後二年當拜尊親，至期邵白母設饌以候之，母曰：千里結言，何期之審耶？是日果至。卓恕從建康會稽，辭諸葛恪，言某日當復至，省覲至，日恪不飲食以須，皆曰：相去千里，豈得如期？俄恕至。養一子曰：若左伯桃、戶文子、叔愆子、范式、卓恕，可謂難矣。雖然，吾尤賢羊角哀、革子、張邵、諸葛恪也，其與人也摯，故死之趨之者若不及，其自審也則至於



人爲之死、而安然受之、而不以爲疑。向使哀不遇桃、革子不遇二子、則冥沒而死誰惜。式與恕不踐其言、其於一時之義何害、而使邵、恪之意不彰、且使不信、不果得有所藉口、其爲世道人心患、尤非淺鮮也。嗚呼、若桃式諸子者、曷可少哉、曷可少哉。

五十六年辛亥、先生年二十有三。科試優等第一、補廩膳生員。自是歲科試連拔第一、聞譽日起。先生文若夙構、不假點竄、楷法尤敏妙、每二藝一詩、竟尙早出、別紙繕錄完好。出場有求觀者、取授之、朋輩中咸歎其神速爲不可及云。

五十七年壬子、先生年二十有四。兄五初仍就試京師、

時先生比年授徒家塾奉直公固篤於風誼凡親故子弟之孤寒者皆留而誅於家負笈外來者亦不拒堂室恆滿賓至則宿從容談說登其堂者咸歎且羨而先生力學特爲勤苦披吟更深兩眼昏澀則以冷水沃面復讀時時害日用醫者說飲豬膽汁則愈其物至寒苦亦不避晨必起早弟子輩有晏起者亦不驚呼令冷水噴其面以醒之。

五十八年癸丑先生年二十有五校讀趙一清水經注釋校讀宋樂史太平寰宇記校讀顧祖禹讀史方輿紀要皆購善本硃書小楷校錄絕精美先生自幼年卽留意地輿之學凡史部有涉地理者無不備致尤



得力於顧氏書。是書未有刊本，手自繕錄，又命鈔胥別錄副本。

自壬子議輯郡志，先生多所采訪，送入志館。尋以屬邑議不合，功將半而輟。而盧學士亦去。今盧志稿猶存，強半藝文。先生以爲無裨實用。迨道光己亥，郡志議復起，其體例多所更定云。

五十九年甲寅，先生年二十有六。盧學士之金陵，道毘陵，歿於龍城書院。先生侍屬纊焉。弔客甚眾，時或譁語。先生終日坐喪次，神色慘穆，無一言。

六十年乙卯，先生年二十有七。大母周宜人卒。兄五初順天試事畢，遂出都。奉直公以居憂頓委藉，故促歸。

爲持家計、俾先生得專意問學。

仁宗睿皇帝嘉慶元年丙辰、先生年二十有八。撰歷代略句四言、始秦終明、以三千餘言括之、節目燦然、辭致雅逸、而斷制鑿鑿。雖曰便蒙、實奇製也。

二年丁巳、先生年二十有九。時白蓮教匪蔓延湖南北、太行山左右數省、先生以匪徒之盛、總由惑於富貴死生之邪說、作正人心論。

張皋文先生惠言以爲詞雖小道、失其傳且數百年。自宋之亡而正聲絕、元之末而規矩墮、空窻不闢、門戶卒迷。其弟翰風先生琦乃校錄唐宋詞曰詞選、刻之於歙。復錄同人詞數家、而先生蜩翼詞五首預焉。



先生聞之曰、實業無就虛、以詞名非夙志也。致書于常、爲削其板、或易以他人名。

奉直公固好交遊、先生又以宜興有姻戚、頻侍公往來銅峰沈水間。是年秋、爲善卷張公之遊、路宜人兄蒙山先生同申博學能文、遂介之遍識其邑名宿。潘宸雅觀常有學行、嘗同席寢、中夜抵先生足曰、有所思乎。曰、無。余晨覺時、此中澄然不著一物、如此飯許時。潘曰、是根氣深故也。吾子才而斂、必得大成。

三年戊午、先生年三十。與子常書曰、日來留意八股、屏棄一切、頗覺意有餘閒。憶往時希心涉獵、兀對几案、寒忘衣、饑輟餐、聞外事則腦欲裂。然其所省覽、迄今

數之芸芸然項項然不能自主也。勞逸之故形神之辨、動靜損益之消息、於此自領。蓋才餘於其事則見樂不足者苦之。洛之才僅可於八股見、餘此又鴟鵂斥鷃之喻也。

秋七月、與兄五初隨侍奉直公同赴江寧鄉試、皆報罷。先生久困而名日重、每二三場經策題有僻奧難解者、爭就詢之、多不暇答、則條舉疑義、榜諸壁間、俾得其觀以爲常。

五年庚申、先生年三十有二。五月、長子顓生、字哲望。六年辛酉、先生年三十有三。與庚申科連試、仍黜、作詩貽子常、有賈傳始弱冠、終軍亦妙年、吾今已過之、偃



蹇行自憐、非怨遇合遲、吾學實未全、道高身自尊、進退非徒然云云。

七年壬戌、先生年三十有四。次子願生、字慰望。作石船圖以寓意。安吳包慎伯世臣題曰、直當撐此渡海、吾子必待乘桴、吾子是以不果行也。先生嘗與子常書曰、紹仔已入浙籍、叔侯淵初已入北籍、洛殊不以爲喜耳。蓋先生出處之節已定於此。

八年癸亥、先生年三十有五。紹仔讀通鑑綱目、有疑滯輒條記之以示先生。先生爲之研尋訂正、凡地志天官、朝典家乘、遺章斷句、靡不綜究、彌月而成書二十卷、曰讀綱目條記、刊以行世。

九年甲子、先生年三十有六、捷江南鄉試第一。是科四書題謹權量一節、次振河海而不洩兩句、次天之高也、至于千歲之日至、並義蘊深博、作者多不能滿稱。內監試陽城張公敦仁得先生卷、擊節不置、又慮其辭格古浩、不投時賞、乃手錄全卷、從容示主試大庾戴公均元、若爲擬程者曰、此文將焉置。答曰、闡中果有此、豈得抑置第二人。張公袖中出硃卷曰、此非闡中來耶。卽命錄其五經文及策論、相與傳觀之、稱美不容口、遂袞然爲舉首焉。初、本房師金鄉周公垣因不識三藝中祢字、以問張公、曰、是古算字也、其人必曉算法。取觀、力懇懇得薦。是年郡城同登者曰周伯

恬儀暉曰瞿己方兩棠曰吳伯新孝銘路宜人兄墨山同甲亦舉是科。

十年乙丑先生年三十有七。春正月計偕赴禮部會試。總裁四人尙書大庾戴公衢亨內閣大興朱文正公珪侍郎蒙古恩公普滿洲英公和及揭曉得先生名乃在第一百六十七名。戴公瞿然曰此江南名解元也。而第於此外人其謂我何。諸公亦深嗟惜之。及殿試十本進

呈期必得第一人。竟易置第五。授翰林院庶吉士。武英殿協修。與子常諸故人書曰荷諸君子教益幸得廁選禮闈。雖折花上苑僅得卑枝而自省褊材實已



逾分。一日先鞭聊爲負弩敬留前席以待諸君。大名不可倖邀快意尤恐多辱諒吾兄亦爲洛幸之耳。邢生伯恬需此甚急而竟不得命也何如。其冬乞假歸省奉直公庭訓固嚴謂曰無以是爲遂。汝知吾祖父以來讀書勤苦乎將食祖父之福抑將隳祖父之緒俱視汝矣。

十一年丙寅先生年三十有八。仍授徒家塾顏其堂曰耕樂書塾曰辨志并爲之銘曰惟士尙志所志者道聖賢在座天地在抱萬化非多一經非少存存萌萌良貴是保志有不立辨之宜早玩細遺遠求安求飽岐能亡羊貪乃喪寶載銘爾室中以自考蓋先生進



身之初、夙夜自盟者若此。以臺閣中多用駢體、乃頗肆力於漢魏六朝之文。又選閱自漢以來至國朝名臣表奏、碩儒論議、其文辭醇茂而章程明切者、錄之篇首、載其事由、篇末究其說之行止。然人自爲集、非若名臣奏議、經濟錄等書之分立門類也。

十二年丁卯、先生年三十有九。春正月、赴京入館肄業。時同縣盛甫山敦大官侍御、延先生於所居之南墅、課其子。盛固好客、交益廣、車馬日隆隆然、問字談藝者無虛晷。

十三年戊辰、先生年四十。散館、朝考一等第七、七人者江蘇留館已得四、遂奉

旨以知縣用。時方開律歷館、總裁官爲滿洲某公，素重先生名。英公和勸一造之，得以通曉算術奏留入館，豈不踰百里宰乎。無已，亦須投一刺。先生不從曰：皇上命知縣則知縣耳。且三十年讀書，亦欲一臨民以自試也。書以詢奉直公，公答曰：惟國恩所授，願擇官乎。遂謁選得安徽鳳臺縣。以其冬十二月到官。是年從兄寶琮鄉試中式。

十四年己巳，先生年四十有一。盡棄其學，從事於刑名法術之家。鳳臺故凋敝，民貧俗悍，公事廢弛，風氣僻陋。甫下車，卽出教與紳士商興修事宜，其要曰：地利宜講求，曰讀書宜鼓舞，曰保甲宜舉行，曰志書宜纂



修曰名勝宜興復。條舉義法俾各抒誠盡心以相商確。雖莅任未久。然於縣境所至。已無不周歷。所過之地。卽詳觀地形。察視土脈。訪問農圃。審知鳳臺方百餘里。閒平如手掌。土膏沾潤。豐歲畝收數石。自漢迄唐宋。淮南北耕屯常爲天下最。玉海稱下蔡城有眉陂。大良陂等。皆溉田數百餘頃。蓋卽今閘疇萬福集等處。由是銳意懇治。榜所居之楹曰栽花攜得蓬萊種。買犢教成渤海耕。其風概可見矣。

春兄五初來鳳臺留一月。見縣事治甚喜之。五初爲人沈毅。思慮詳審。又恐先生恃才輕事。戒之曰。有事勿畏事。無事勿造事。視大事如小事。是汝所易。視小

事如大事、是汝所難。先生敬佩之。

是年、恭逢

睿皇帝五旬萬壽、

覃恩加三級。祖考惕齋公、考黻亭公

誥封奉直大夫。祖妣高氏、庶祖母周氏、妣奚氏俱贈宜人。與文職壽州知州以下、武職壽州鎮總兵官以下立

萬壽頌於報恩寺。碑豐丈餘、周儀暉撰文、吳江吳育篆書。卓哉皇皇、儼乎嶧山會稽之鉅製。

十五年庚午、先生年四十有二。在鳳臺、新修縣署成、記曰、嘉慶十三年、予始受事鳳臺、環視廨舍、悉傾圯壞



廢冗未暇理也。十五年二月，以狀請於藩司，願借款葺治，而歲捐令之養廉，分十年之積以償庫，報可。以六月經始，九月竣事。估工用白金千四百兩有奇，迄功之成也，實用鏹二千兩而贏焉。官舍如傳舍，自古慨之，而縣治爲甚，抑於鳳臺尤甚之甚。令非能長子養孫也，數歲率一遷耳，去之易，故不甚惜。簿書猥煩，旣無遺心餘力，以經營其居，計令之當出，積一歲廉俸不足以支一月，復節縮而營其居，是重累也。鳳臺之治，倍劇於他邑，斷死罪以十數，吏民疲而飭法，日斷斷於庭，一不當則訐告，官長吏催書火急，費用無等。得官者輒朝聞報而夕欲更之矣，故曰甚之甚。夫

示民之道、先之以整肅、敗氣日積、凌夷無等威、則恭敬之心不生矣。況重之以畏、憚卻退、頊然若不敢、望望然若不屑、則民之偷而玩、野鄙而妄、自棄果孰使其然也哉。麀記歲月、列其工費、欲後來者有所循也。往年夏行縣之西北、尚塘集有橋爲闌、嚙往來之道、頗敬危、息於其里孫暖家。孫固有善人名、命新之。是年春、以觀春稼復過、是橋則已新矣。孫暖言是役十人實倡之、因私名曰十議、乃爲刊碑記、列其名於碑陰、示獎勵焉。

縣西南境有豐湖、濱湖七坊、環百餘里之水、皆仰此蓄洩、而牐久廢。乃爲經營創建、令牐之底與湖底極



深處平、高十六尺、廣丈十尺、八十七門、寬十二尺、向乙兼加卯。計用面首石四百丈、裏用不等石八十萬觔、雁翅用不等石七十觔、木六百本、板二道、石灰五萬觔、灌用米汁千五百觔、瓦石匠千五百工、役四千六百夫。大都用錢二千五百緡。工勦於季春、迄於孟秋。定以十一月開放、盡二月堵合。其有非時內漲及甚旱需外水灌救者、則隨時量爲啟閉。別條定事宜爲成書、授之七坊之民。銘曰、人生惟勤生乃植、爾田爾宅、惟爾力日成斯功、寶斯穡。深溝汙汙岸嶷嶷、原平隰清雨暘節、自今歲取千百億。日完月修保無斁、民無竄偷吏無賊、子子孫孫食爾德。

縣西北有焦岡湖、上承潁、上縣界之雙橋集、長湖灣、諸許高阜之水、陂陲旁集。外濱大淮、地勢窪下、湖周四十餘里、有高岡環之。往年春巡視縣境至湖中、時經十二年淮漲入湖成汪洋、爲周視環湖地形、而湖邊二麥甚長發、因急命岡所不市處築修各壩、防淮驟漲。且秋冬淮水消落、放水入淮、俱可涸而種麥。於春夏淮水長發時、引水入湖、便可蒔稻。又訪知上流黃家壩以上向有催糧溝一道、以道高阜之水入湖、使不漫衍傷稼、急開濬以資暢順。計兩工需數千金而費無所出。其年夏頗旱、湖中多積水、適有事至湖、肩輿者逕湖而過、而深僅數寸。乃命民蒔稻、得大稔。



比將收割、厚利所在、且起爭鬭。往湖中親勘、彌望數十里不見其際、因諭令種湖田者分所收三之一爲造牐挑溝之用。迨造豐湖牐、時穀價傷賤、不及二千緡、又爲捐俸以足之。麥秋可五六收、不征其租、令出人夫培築各壩。遂釐出催糧溝舊道、滌而深之。又於其年別造二里牐等處。自是境內蓄洩有資、地利稍稍興矣。

十六年辛未、先生年四十有三。在鳳臺。始編纂縣志、暇則爲之。邑士蕭景雲有學行、凡山水古蹟皆令身探而口述焉。

先生之治鳳臺也、以威勝。山川道里、必審其源委通

塞。雖僻陋小聚，歲必一再至。市里之魁，具詳其姓名。姦盜竊發，預知其出沒踪跡。其聽訟也，通閱案牘上下，四旁節目，了然於心。出坐堂皇，對兩造，則不煩言而判。地近中州，而飲淮水，近中州，故其質樸厚，而服於義。飲淮水，故其性猛摯，而喜劫掠。有所謂刀手飛輦諸頭目，其黨翼往往數千人，所至搭蓬縱奪無常處。守令率觀望養癰，莫敢誰何。先生志在肅清，朱紀、張先等皆老宿劇盜，以次就擒。有周清者，亦巨魁，忽一日自投階下，願効犬馬贖宿罪。時適聽囚，久之畢呼問，汝犯

皇家法，何可贖。答曰：所犯在前，令自爺來，未嘗敢獲戾。



檢案牘信然。曰：聞汝有二千人之眾，奈何？曰：果辱收小人，可立解散。周清固雄捷多智，乃命爲民壯首，專掌捕捉之事。由是寇竊朝發夕擒，雖越境無免者。治與壽州同城，武官總兵以下又牽掣其閒。先生一斷以法，不爲屈撓，上下咸憚其威望。關曠司巡檢鄧廷彩有吏材，令寰關曠曠司民毋得越控，巡檢司不能斷，乃以其狀上而聽之。民始懼其猛，繼乃大悅。至生辰獻土物以賀，肩擔手提，綿延十餘里，隻雞斗粟充積中堂。

朱紀之擒也，將解入鳳陽府。府去縣百八十里，先生親督護，備非常。至陶皋，已出城八十里矣。其黨千人

來追、亟命驍壯數人將囚出別道、而身自當來者。左右盡散、先生一人獨坐不爲動、旣徧索不得、去刀跪問曰、吾主安在。曰、誰爲主。曰、朱紀。曰、朱紀犯

皇上法、已解入府矣。又曰、可求恕否。曰、他罪可恕、罪至殺人不可恕。徐散去、朱紀竟遣戍如律。

十七年壬申、先生年四十有四。在鳳臺。壽州城西湖卽水經注之尉升湖也。湖西北屬壽州、惟北涯屬鳳臺、地窪下、遇潦輒成巨浸。明末嘗開種加租。

國初蠲除、空其地爲兵民樵牧之所、相傳兵四民六、而界址無考。總兵游擊都司守備各營馬縱踐民田、屢爭不勝。春三月、州民來訴、先生以非本境、拒不理。



其人持狀不肯去。曰：神君慈母，置不問，兵食民無餘骨矣。先生惻然，度此事非可口舌勝，命盡驅其馬來。兵數千，勢洶洶然。總兵多隆武憤甚，遽以其狀白督憲百公齡。撫憲錢公楷乃委鳳廬道四色達、鳳陽府知府姚鳴庭、江蘇候補廣蘇州同知僖、江寧府副將祥會同壽州總兵多隆武游擊沙念聖守備程錫泰、壽州知州沈南春勘丈。舊志載湖周六十里，先生遵用部頒尺式，足五尺爲一弓，三百六十弓爲一里。兵四地實丈十四里六十弓，民六地實丈十七里六十弓。劃直溝一道，溝以東爲民，溝以西爲兵，兩不得侵越。餘一里六十弓於湖之南北岸，爲民人

由湖東入湖西樵牧之路。並爲圖說、爲呈百公錢公、並嘉其明白。公當卽飭刊碑記營縣中堂及湖岸、使永永遵守。由是民困得蘇。

縣與州同學、學四旁久爲民占居。與沈公南春清復舊界、撤民屋二百餘楹而給之值。重修學宮、并以其餘力新訓導署。時江陰莊椿爲訓導、招生徒朝夕講藝其中、頗聞吟誦之聲矣。

北門橋爲往來孔道、遇淮水盛漲、橋淹沒、舟人居奇、或強索苦行旅。乃勸設義渡、僱六船、船給錢七千、不許索行人一錢。其無水之年、亦如例給與、爲修葺之用。勒石渡側、以垂永久。是年秋九月、縣監生張志儀



率其族出貲修北門橋成、費緡錢三千一百有奇、亦爲刊碑記其事、用獎勵焉。

北肥河新修東嶽廟成、碑記曰、五嶽於天下最尊、泰山尤嶽之尊者、故書云岱宗。傳者曰、東方陰陽之交、萬物資始、爲眾所宗也。道家者流、遂謂東嶽主生、能爲人建壽命、廟祀遍天下。鳳臺北肥河之厓、有白棠村、其建東嶽廟也、云自漢伊始、不可得詳也。茲土自漢以來、歷爲兵爭區、人習干戈、承平無事、無所用其搏噬之氣、睚眦言語、往往挺刃矢相併、視性命如草芥、殆與神之行違反。將神醜其德、勿之恤耶、抑事神之心有未至耶。夫吾儕幸得天地之貴氣而爲人、又

幸生太平無事之時，得以安居暇食，服習禮義，則所以平其心，養其氣，以厚其生者，宜何如。而顧妄逞其暴戾，以自戕賊哉。吾民其無屑屑焉以求福，而惟求所以致福者，以當乎人之心，而無失乎事神之意，則神人永有賴焉。廟僧洪深修葺廟屋，籍其產上之官，將刻石以垂永久。故爲著籍勒禁於碑陰，而持神之德，以詔示之，使自知其生之可貴也。

秋九月，兼理壽州事。

冬十月，聞奉直公病，卽日請急假歸省侍顏色。二十五日，以官事煎迫，仍還鳳臺。

十八年癸酉，先生年四十有五。在鳳臺兼理壽州事。三



月修報恩寺、得趙宋天聖年所造塔甃、質極密緻、製研以授寺僧、用備此寺掌故。又得晉泰始甃、漢咸安甃、元康甃、淮南王舊壘甃數十百枚、僚客競琢爲研、先生各爲銘以係之。由是好事者轉相誇羨、視端歛蔑如、而自遠求者踵至矣。

秋七月、風旱傷稼、禱於黑石潭順濟龍王廟三日而大雨、四野沾洽。感神之靈應、重修其廟、因刻其事爲享神之歌曰、蠱窟兮山皋、石積鐵兮風饗。俯靈淵兮宵深沈、是守地戶兮羣神所曹。神之都兮香香、葺荷屋兮擁蘅芷。貝闕兮珠宮、曠彷彿兮淮之涘。神之遊兮登天門、從螭蚪兮朝玉晨。鏘佩纓兮接天語、爲

我民兮訴愁苦。民之愁兮天爲憐。逮天澤兮神所專。
雲車兮風馬。相從兮來下。頓飛轡兮故鄉。羌彷徨兮
四野。澤流兮滂沱。沾原隰兮被陵岡。雷轟轟兮不怒。
電爍爍兮空光。許給靈殖儼以祇候兮。妖魃跳而遁
藏。竭升降兮神勞止。我民歡兮天喜。仰造物兮太空。
歸荃宰兮神之功。擊牲兮列俎。傳芭兮坎鼓。神延留
兮容與。年屢豐兮肅告禋。歲將事兮罔不寅。歲復歲
兮年復年。神與我民兮。宜子宜孫。

前明巡撫方孩未震璠壽春人也。其文集或舊有刊
本而散佚者。亦有未經刊刻者。先生因纂縣志藝文
并力爲搜錄。至是始輯成一書。爲奏疏四卷。自敘年



譜一卷、報恩錄一卷、禍由錄一卷、詩一卷、筆記六卷、雜文一卷、附刊一卷、都一十六卷。爲之序曰、先生當權姦內訌、疆宇日蹙、舉朝恇擾之時、忠義勃發、以一書生出入戎馬閒、指陳機宜、曲得要領。奇偉非常之氣、一時未有逾之者也。而厥寺盜權、罹於羅織、乃幾爲楊左諸君子之續。嗚呼、明之亡也、其小大臣工精神皆渙散而不相攝、各圖其私、以苟旦暮、或更倖人之敗、以自售其言、於國家利病固弗恤也。若王化貞之驚閭、熊廷弼之傲狼、張鶴鳴之庸下、舉朝知之、而莫能倡一議、出一策、以消隱禍於未然。雖以先生之苦口熱腸、調護之、呼籲之、而彼昏不知、無救于敗。悲

夫。心者身之主也、四肢百骸者心之衛也。心恟恍而不靈、饑飽之不知、寒熱之不辨、榮衛否隔、陰陽舛僨、甚者賊風沴氣、直襲藏府、小亦手足掣曳、拘攣乖反、猶復毒視藥石、仇視和緩。及其一蹙委之大命、可勝悼哉、可勝悼哉。按粵筆記、於一文牒一決罰、具有裁量、知先生學問邃密、心和而氣平、固非慷慨任事、以果敢自爲者也。其處置吉藩事及籌理軍餉、皆一方安危所係、而明史於本傳及諸王傳皆不具載、亦賴此以存其缺焉。書旣成、以授公裔方肇、願刊版行世。輯壽春自明以來詩人、爲小山嗣音四卷、使伯恬序之。



州民任際殷兄弟結黨肆惡、爲遠邇患、擒際殷兄、訊之、一委罪際殷、乃縱之、而際殷屢捕不獲。除日將暮、吏拜辭且放衙矣、先生謂之曰、吾忝任鳳臺歷六年、兼理壽州歷二年、有亂我政者、剗除略盡、惟任際殷掘強蝸角而不能治。今一歲又除矣、何面目率吏民元旦盛冠服拜


萬歲之前乎。吏咸惶恐頓首、惟爺命。曰、今夕匪黨必不備、往必成擒。卽點數百人赴任家莊、際殷方會聚張飲、殊死拒、焚其樓、際殷逸入水、竟獲之、而其兄遂赴撫憲上控。

十九年甲戌、先生年四十有六。在鳳臺兼理壽州事。爲

監生孫景賢作瑪瑙泉別墅記曰、北山多名泉、瑪瑙泉在廉將軍墓左、孫景賢上舍營別墅焉。泉上出、精瑩可鑒、上有佳木、喬枝互翳。鑿方塘、引泉盈之、築小亭於其中、敞牖四達、芙蓉被波、纖鱗唼綠。水溢東出、潺然瀉石上、下導小谿、曲折數里、達於肥泉之南。結廬數楹、容促坐、蓋營之而未成也。負阜接磴、屏擁案、演面帶肥水、悄焉西邁、熨湖渟渟、鮮碧無際。外則交橫阡陌、方罫原隰、秋場可築、春蔬足供。依巖弄泉、則危樓複堞、馳驅宿榻、時明滅於青林之表。遠不絕跡、近不涉囂、亦閒居之勝賞矣。余讀水經注、壽春城郭左右自長賴、津而下、有山淵寺、解南精廬、西昌寺、曲



水堂皆擅山水之勝。當南北戰爭之時，此爲兵衝而名藍傑觀，曾不隳壞。酈氏崎嶇戎馬，無廢燕遊，而文筆之美，又足以發揮幽奧，漱滌巖壑。每過北山，未嘗不慨然思之。夫山水之華澤，天地之所含演也，所以條暢靈明，舒寫仁智。方今安寧日久，民氣和樂，弦誦之聲盈耳，而名勝之地，祇益蕪塞，風雅或少衰矣。余嘗以春秋佳日，攜賓從至泉上，仰矚雲嶠，覲八公之奇蹤。顧尋壘培想，謝傳之元致，解弢息陰，往往掩晷。景賢乞爲之記，因欣然書之，深望其墅之成也。先生嘗謂壽春於古亦一都會，八公山之草木，雀離寺之

載於史冊，著於歌詠，而今並闕然。來往於八公

四頂閒、其巖壑最爲秀美、欲於八公山創八公仙院、於四頂山下重興雀離寺、皆擇幽敞之地爲之、結趾壯闊、途徑繚曲、雜蒔花木、夾之以長松茂竹、招名僧法侶、結跏於其閒。春秋勝日、邑中人士尋芳攬勝者、可以攜筇蠟屐、終日嘯詠。此似不急之務、然爲益甚非淺鮮、而竟猝猝未能也。

二月始卸壽州事。

三月、纂鳳臺縣志成、其序目曰、凡居百里之地、其山川形勢、人民謠俗、苟有不斷、則不可以爲治。況南北之交、風會所趨哉。縣舊志陋而不該、蓋始事之難也。謹纂舊文、脈山川、采風謠、上該周秦、下至於茲、條而



次之。維縣平原繡壤、山林川谷、萬井之都、跨淮南北、承濠挾壽、是維形要。志地輿第一。民生敦龐、土田是急、五穀所宜、麥豆秫稷、載在職方。長淮千里、束於硤石、肆勁漂捷、風氣之所形。志食貨第二。經界定而保聚之、圖輿城郭、繕而壇壝之、封植干楨、樹而守望之、禦良、杠梁成而涉厲之歌息。孰經紀是而鞏固是、不可以不諗也。志營建第三。彼淮淝盪潏、田廬是虞、曷若道溝瀆、完隄防、以益我灌溉哉。稽其成效、亦後事之師矣。志溝洫第四。官職建而民生善、官職曠而民生偷、其閒不容髮。當三國擾攘、兵革不休而民生殖、鄭君之力也。志官師第五。山回而幽、水肆而清、是生

傑英。志選舉第六。淮南內篇、不朽千載、暨於金石、考文所急。志藝文第七。幼平頊頊、勇逾賁育。蛇蛇呂公、人倫之宗。亦有侍御、蹇蹇是主。本其行事、以興來者。作列傳第八。其姜披面、季女闔門、有煒彤管、陰教是敦。志列女第九。仁濡義浹、老死不見兵革、覽往昔戰爭之地、悠然以思、慄然而危、曠然而慶、其生之辰也。志古蹟第十。凡十篇。其古今之變、因革之宜、土俗之淳漓、民生之勤窳、庶幾足以備觀覽焉。其在鳳臺、力欲行而勢不能者、曰田賦、曰保甲。其議曰、編查戶口、以嚴保甲、爲政之急務也。鳳臺地廣人稀、其湖窪之地、往往彌望四五里無聚落、遂至藏姦藪慝、時時爲



擾則保甲尤宜急而行此實有數難焉。村落大者不過十餘家、小者或一二戶、彼此相距或四五里、奇零星散、無從合併。一家爲匪、則數家從風、一村爲匪、則數村染習、蓋從惡如崩、波流之勢。且爲匪必結黨、善良遂無以自立、卽能自立、亦不敢撓其鋒。此由積習漸靡、相糾相坐之法、不能一朝制也。民性不戀土、無業者輒流散四出、謂之趁荒。或彌年累月不歸、十室而三四。其外來者則又隨宜逐便、營土屋、附田塍爲居、或彌年累月不去。不忍逐、又不可編、則派甲派總之術又窮。今國家休生養息、百有餘年、仁溥義浹、四達交通、無遠弗屆、生齒百倍於昔。斯邑獨凋敝不

可爲而生齒不繁者、豈不以流移者眾耶。是以保聚教訓、戒遷徙、詰奸慝、尤不敢不兢兢。竊欲并村落之最小者、使歸附近之大村落、聯其什伍、毋得擅徙。外來之戶、不得於野僻處營結草菴棲止、其僦屋久居者、隨時編冊、登明原籍、嚴其任保。掖其良善、其頑梗者、得卽誅之、使愚民無與爲非。良民日益畏法、則保甲庶幾可行。然非上下一心、撫循周密、則恐大爲煩擾、利未見而先受其害。嗚呼、聖賢商治、必藉手於庶夫、民土著則生齒繁矣。安樂其處、則民土著矣。田疇闢、室屋完、則安樂其處矣。勤治生、則田疇闢、室室完矣。知嚮善、則勤治生矣。明是非之路、則知嚮善矣。除



其害布其利、以遂其生聚之樂、治本之道、意者無以易此歟。田賦議曰、賦之勞舛、至鳳臺而極矣。無魚鱗黃冊、無戶區細冊、坐落無準、四至無稽。有田地之分、而田或變地、地或變田、不能分也。田有三則之別、而孰爲中則、孰爲上則、無辨也。官徵其賦、不能問所徵者何田之糧、民完其糧、不自知所完者何糧之額。所以依檔冊、原科折實田地、每畝科一分八釐而贏、而民間口號止云每畝頂分。每畝頂分者、云一畝定額銀一分也。蓋下則之地二而折下、每畝幾及一分、上則、中則爲數頗少、民間止以下則取成數也。一切推收、大約以分爲率、地既寬廣、地值又賤、口號之地甚

者加實丈之半。又湖窪灘淺、向時荒壤、漸或開犁、往往地浮於額、黠者因緣爲姦。於是有賣地而不過糧、私向業主收銀、謂之代完。又私置大弓、大於官弓、或六寸、或一尺。方言謂弓爲梗、於是賣田論價、有官梗、大梗之別。而有糧無業、有業無糧、業多糧少、業少糧多、紛紛訐控矣。官無魚鱗冊、所指地界漫無定準、難於丈量、上則中則亦無依據、科斷加以衛田衛地、從中夾混、不可究詰。治此之法、惟有重釐地冊、更正賦額、庶可望積弊滌除。而質駑資薄、能意之而不能行之、是以滋媿也。

夏四月、奉直公凶問至、慟絕而蘇者再。先生之任鳳



臺也、先後閱七年、乞休者再矣。前年歸省、還所治、擬畢交替、刻日歸侍。眷屬且成行矣、不意仍見羈留、遂成終天之訣、終身恨之。蓋自是不復出矣。代者至、交盤倉庫、正項無虧、請咨回籍。嗣因捐攤雜款、後任搜求、尙有一千餘兩、遂爲當事所齟齬。任際殷獄亦未結、不得請。

以罷官作弛於負擔圖。

武進李先生年譜卷一

校記

①吳：當作「楚」。按，《藝文類聚》卷八九、《太平御覽》卷四〇九均載戶文子叔入楚，當據改。又戶文子叔，或作尹文子叔，石文子叔，見上引二書。

②長賴：當作「長瀨」，見《養一齋文集》卷一〇《瑪瑙泉別墅記》文。

[General Information]

书名=儒藏 史部 儒林年谱 43

丛书名=

作者=吴洪泽，尹波，舒大刚主编

出版社=

出版日期=2007.04

形态项= 894

页数=894

原书定价= 35000.00 全套

读秀号=000007507382

SS号=12365610

ISBN= 978-7-5614-3656-1 / B222.9

分类号=0204030207&sw=81.901475E-3075B2D8+AB7B2BF+82.636783E-30851D642.638914E-307A

主题词=

参考文献格式=吴洪泽，尹波，舒大刚主编.儒藏 史部 儒林年谱 43.成都市：四川大学出版社,2007.04.

简介=